

KOMPARATIVISTIKA COMPARATIVE STUDIES ILMIY-USLUBIY JURNALI





TAHRIRIYAT KENGASHI



To'xtasinov Ilhomjon Madaminovich

Oʻzbekiston davlat jahon tillari universiteti rektori, pedagogika fanlari doktori, professor

rector@uzswlu.uz



Sirojiddinov Shuhrat Samariddinovich

Alisher Navoiy nomidagi Toshkent davlat oʻzbek tili va adabiyoti universiteti rektori, filologiya fanlari doktori, akademik

tsuull@navoiy-uni.uz



Rixsiyeva Gulchehra Shavkatovna

Rixsiyeva Gulchehra Shavkatovna

Toshkent davlat sharqshunoslik universiteti rektori, filologiya fanlari nomzodi, professor

rector@tsuos.uz



Nazmi Ağıl

Koch universiteti, filologiya fanlari doktori, professor

nagil@ku.edu.tr



Fesun Koşmak

Eskishehir Osmangazi universiteti, filologiya fanlari doktori, professor

fesuna@yahoo.com



Ahmet Cuma

Selçuk universiteti, filologiya fanlari doktori, professor

ahmetcuma@selcuk.edu.tr

TAHRIRIYAT HAY'ATI



Xalliyeva Gulnoz Iskandarovna

Oʻzbekiston davlat jahon tillari universiteti, filologiya fanlari doktori, professor, "Komparativistika" (Comparative Studies) nomli ilmiy-metodik elektron jurnal bosh muharriri

gulnoz7410@mail.ru



Yusupov Otabek Yakubovich

Oʻzbekiston davlat jahon tillari universiteti ilmiy ishlar va innovatsiyalar boʻyicha prorektor, filologiya fanlari boʻyicha falsafa doktori (PhD), dotsent o.yusupov@uzswlu.uz



Muhibova Ulfatxon

Toshkent davlat sharqshunoslik universiteti, filologiya fanlari doktori, professor



Karimov Bahodir Nurmetovich

Alisher Navoiy nomidagi Toshkent davlat oʻzbek tili va adabiyoti universiteti, filologiya fanlari doktori, professor

karimovbahodir@navoiy-uni.uz



Hamdamov Ulugʻbek Abduvaxobovich

O'zbekiston Fanlar akademiyasi o'zbek tili, adabiyoti va folklori instituti, filologiya fanlari doktori, professor

ulugbek1968.68@gmail.ru



Jo'raqulov Uzoq Haydarovich

Alisher Navoiy nomidagi Toshkent davlat oʻzbek tili va adabiyoti universiteti, filologiya fanlari doktori, professor

juraqulovuzoq@navoiy-uni.uz



Qosimov Abdugʻopir Abdikarimovich Fargʻona davlat universiteti, filologiya fanlari doktori, professor



Xajiyeva Feruza Melsovna Buxoro davlat universiteti, filologiya fanlari doktori, dotsent f.m.xajiyeva@buxdu.uz



Toʻraeva Bahor BahriddinovnaOʻzbekiston davlat jahon tillari universiteti, filologiya fanlari doktori, dotsent bahorturaeva@gmail.com



Rahimova Bekposhsha Bahodirovna Urganch davlat universiteti filologiya fanlari nomzodi, dotsent filolograhimova@726gmailcom



Sabirova Zebo ZokirovnaOʻzbekiston davlat jahon tillari universiteti, filologiya fanlari boʻyicha falsafa doktori
zebonur2017@gmail.com

MUNDARIJA

ADABIYOT NAZARIYASI

Joʻraqulov Uzoq Haydarovich. Tarixiy obraz: genezis va tipologiya
QIYOSIY ADABIYOTSHUNOSLIK
Murodov G'ayrat Nekovich. Epos va roman
Xalliyeva Gulnoz Iskandarovna, Qahharova Dilafro'z Abdug'afforovna. Tarjima –
qiyosiy adabiyotshunoslik obyekti (boburshunos I.V. Stebleva tarjimalari asosida) 45
Toʻrayeva Bahor Bahriddinovna, Murodova Muqadas Ikromovna. Ivlin Vo va Ab-
dulla Qahhor ijodida avtobiografik hamda ijtimoiy motivlar tadqiqi56
Sabirova Zebo Zokirovna. Lirikada poetik obraz xususida (Abdulla Oripov va Rauf
Parfi ijodi misolida) 67
Mannonova Feruzabonu Sherali qizi, Ghadir Golkarian. Dunyo komparativist olimlarining Mahmud Shabistariyning "Gulshani roz" asari xususidagi tavsifiy-tahliliy qarashlari
Umarova Komila Samatovna. Jeyms Joys va Nazar Eshongul asarlari badiiyati 82
Yuldoshova Shaxnoza Azimbayevna. "Mars yilnomalari" va "Boqiy darbadar" asarlarining integral-yaxlit yondashuvli badiiy tahlili
JAHON ADABIYOTI
Axmedova Aziza Komilovna. "Ann Vickers" asarida sufrajizm va feminizm gʻoyalarining badiiy ifodasi
Begmatova Sohiba Mustafoyevna. Ingliz adabiyotida distopik asar yaratishda eksperimental izlanishlar

СОДЕРЖАНИЕ


ТЕОРИЯ ЛИТЕРАТУРЫ

Джуракулов Узок Хайдарович. Исторический образ: генезис и типология8
СРАВНИТЕЛЬНОЕ ЛИТЕРАТУРОВЕДЕНИЕ
Муродов Гайрат Некович. Эпос и роман
Халлиева Гулноз Искандаровна, Каххарова Дилафруз Абдугафоровна.
Перевод – объект сравнительной литературы (по переводам бабуролога
И.В. Стеблева)
Тураева Бахор Бахриддиновна, Муродова Мукадас Икромовна. Исследование
автобиографических и социальных мотивов в творчестве Ивлина Во и Абдуллы
Kaxxapa56
Сабирова Зебо Зокировна. О поэтическом образе в лирике (на примере
произведений Абдуллы Орипова и Рауфа Парфи)67
Маннонова Ферузабону Шерали кизи, Гадир Голкарян. Описательно-
Аналитический подход мировых ученых-компаративистов к изучению
произведения махмуда шабистари "Гульшани роз"
Умарова Комила Саматовна. Художественность произведений Джеймса
Джойса и Назара Эшонкула
Юлдошова Шахноза Азимбаевна. Художественный анализ произведений
"Марсианские хроники" и "Вечный скиталец" с использованием интегрально-
целостного подхода
МИРОВАЯ ЛИТЕРАТУРА
Ахмедова Азиза Камиловна. Художественное выражение идей суфражизма и феминизма в романе «Энн Викерс»
Бегматова Сохиба Мустафоевна. Экспериментальное исследование создания
дистопического произведения в англоязычной литературе108

CONTENT

THEORY OF LITERATURE

Jurakulov Uzok Khaydarovich. Historical Image: Genesis and Typology8
COMPARATIVE LITERATURE
Murodov Gayrat Nekovich. Epos and Novel
Khalliyeva Gulnoz Iskandarovna, Kahharova Dilafruz Abdugaforovna.
Translation is an Object of Comparative Literature (based on the translations of the
Baburologist I.V. Stebleva)
Turaeva Bahor Bahriddinovna, Murodova Mukadas Ikromovna. A Study of
Autobiographical and Social Motives in the Artistry of Evelyn Waugh and Abdulla
Kakhar56
Sabirova Zebo Zokirovna. On the Poetic Image in Lyrics (in the Example of the
Works of Abdulla Oripov and Rauf Parfi)
Mannonova Feruzabonu Sherali kizi, Ghadir Golkarian. Descriptive and
Analytical Views of World Comparativist Scholars on Mahmud Shabistari's Work
"Gulshani Roz"
Umarova Komila Samatovna. The Artisticity of the Works of James Joyce and Nazar
Eshonkul82
Yuldoshova Shakhnoza Azimbaevna. Artistic Analysis of the Works "The Martian
Chronicles" and "The Eternal Wanderer" Using an Integral-Holistic Approach90
WORLD LITERATURE
Akhmedova Aziza Komilovna. Artistic Expression of the Ideas of Suffragism and Feminism in the Novel of "Ann Vickers"





Theory of Literature





UDC (UO'K, УДК) 82.0.

TARIXIY OBRAZ: GENEZIS VA TIPOLOGIYA

Jo'ragulov Uzog Haydarovich

Filologiya fanlari doktori Alisher Navoiy nomidagi ToshDOʻTAU professori Toshkent, Oʻzbekiston

https://orcid.org/0009-0004-7506-4372

ANNOTATSIYA KALIT SOʻZLAR

Ushbu tadqiqotning maqsadi Alisher Navoiy "Xamsa"si badiiy tizimida muhim oʻrin tutadigan tarixiy obrazlarning uch tipi - ideal tarixiy obrazlar, real tarixiy obrazlar va metaforiklashtirilgan tarixiy obrazlar masalasini ilmiy tadqiq etishdan iborat. Shunga koʻra, tadqiqotda ayni obrazlarning "Xamsa"dagi besh doston doirasida badiiy talqin etilishiga xos estetik tamovillar jahon adabiyotshunosligi kontekstida tahlil qilingan. Ideal tarixiy obrazlar, ularning ichki tarmoqlanishi, besh doston tarkibida takrorlanishining poetik ahamiyati, muallif badiiy maqsadi va estetik idealini ifodalashdagi oʻrni haqida fikr yuritilgan. Asarda eng koʻp murojaat etilgan ideal tarixiy obraz – Muhammad alayhissalom obrazlarining tarixiy xronotop nuqtayi nazaridan egallagan poetik qamrov doirasi, etik hamda estetik maqomi dostonlardan olingan aniq iqtiboslar tahlili asosida isbotlangan. Shuningdek, Qur'oni karimda nomlari zikr etilgan boshqa Paygʻambarlar (a.s.), toʻrt buyuk sahoba obrazining (r.a.) Muhammad alayhissalom obrazlari balan mazmun va badiiyat jihatidan uygʻunligi masalasiga alohida toʻxtalingan. Navoiyning uch buyuk salafi – Nizomiy Ganjaviy, Xusrav Dehlaviy, Abdurahmon Jomiy; hukmdor shaxslar - Amir Temur, Mirzo Ulugʻbek, Husayn Boyqaro, Badiuzzamon, Shogʻarib Bahodir obrazlari real tarixiy obraz, "muallif obrazi", Xizr alayhissalom, Iskandar Zulgarnayn kabi obrazlar metaforiklashtirilgan tarixiy obraz tiplari sifatida talqin etilgan.

Xamsa", janr, syujet, kompozitsiya, badiiy xronotop, obraz xronotopi, tarixiy obraz, ideal tarixiy obrazlar, real tarixiy obrazlar, "me'roj vaqti", "uch olam", "abrorodam"

ИСТОРИЧЕСКИЙ ОБРАЗ: ГЕНЕЗИС И ТИПОЛОГИЯ

Джуракулов Узок Хайдарович

Доктор филологических наук профессор Ташкентского государственного университета узбекского языка и литературы им. А. Навои Ташкент, Узбекистан

https://orcid.org/0009-0004-7506-4372

АННОТАЦИЯ КЛЮЧЕВЫЕ СЛОВА

Целью настоящей работы является глубокое научное изучения вопроса о трех типах исторических образов, занимающих важное место в художественной системе «Хамсы» Алишера Навои, — идеальных исторических образах, реалистических исторических образах и метафорических исторических образах. Для ее достижения в процессе исследования были проанализированы эстетические принципы, характерные для художественной интерпретации общих для всех пяти поэм «Хамсы» образов, в контексте мирового литературоведения. Наблюдения за функционированием идеальных исторических образов, их внутренней многоуровневостью, художественной

«Хамса», жанр, сюжет, композиция, художественный хронотоп, хронотоп образа, исторический образ, идеальные исторические образы, реальные исторические образы,

8 E-ISSN: 2181 – 1237

значимостью их повторения в структуре пяти поэм позволили прийти к заключению о роли данных образов в реализации авторского художественного замысла, в выражении эстетического идеала Навои. На основе анализа отдельных цитат из поэм показана широта поэтического охвата этического и эстетического пространства произведения идеальным историческим образом (образом Пророка Мухаммада), к которому чаще всего обращается автор, с точки зрения исторического хронотопа. В том числе отдельное внимание было уделено вопросу о гармоничном единстве содержания и художественной формы применительно к образам других Пророков, имена которых упоминаются в Коране наряду с образом Пророка Мухаммада, и образам четырех великих сподвижников. Реальные исторические образы трех великих предшественников Навои – Низами Гянджеви, Хосрова Дехлеви, Абдурахмана Джами; правителей – Амира Темура, Мирзо Улугбека, Хусейна Байкары, Бадиуззамона, Шогариба Бахадура, «образ автора», пророка Хызра, Александра Македонского истолкованы как метафорический тип исторических образов.

«время «время вознесения (мераджа)», «три мира», «праведный человек».

HISTORICAL IMAGE: GENESIS AND TYPOLOGY

Jurakulov Uzok Khavdarovich

Doctor of Philological Sciences Professor of TSUUL named after Alisher Navoi Tashkent, Uzbekistan joraquovuzoq@gmail.com https://orcid.org/0009-0004-7506-4372

ABSTRACT KEY WORDS

The purpose of this research is to scientifically research the issue of three types of historical images - ideal historical images, real historical images and metaphorical historical images that play an important role in the artistic system of Alisher Navoi's "Khamsa". Accordingly, in the research, the aesthetic principles specific to the artistic interpretation of the same images within the five epics of "Khamsa" were analyzed in the context of world literature. Ideal historical images, their internal branching, the poetic significance of their repetition in five epics, their role in expressing the author's artistic goal and aesthetic ideal are discussed. The scope of poetic coverage, ethical and aesthetic status of the ideal historical image -Muhammad alayhissalam from the point of view of the historical chronotope, which is the most frequently referred to in the work, is proved based on the analysis of specific quotes from the epics. In addition, the issue of compatibility between the images of Muhammad alayhissalam (r.a.) and other Prophets (a.s.), four great Companions (r.a.) whose names are mentioned in the Holy Qur'an, in terms of content and artistry, was specially discussed. Navoi's three great predecessors - Nizami Ganjavi, Khusrav Dehlavi, Abdurahman Jami; The images of rulers - Amir Temur, Mirza Ulugbek, Husayn Boygaro, Badiuzzamon, Shogarib Bahadir are interpreted as a real historical image, "author image", Khizr alayhissalam, Iskandar Zulqarnayn, etc., are interpreted as metaphorical types of historical images.

"Khamsa", genre, plot, composition, artistic chronotope, image chronotope, historical image, ideal historical images, real historical images, "time of miraj", "three worlds", "reputation-person".

KIRISH

Xronotop poetikasi nuqtayi nazardan qaralganda, "Xamsa" obrazlar tizimining oshiq – ma'shuqa – raqib uchligidan keyin keladigan koʻlamdor va murakkab tizimi tarixiy obrazlardir. Tarixiy obrazlar "Xamsa" xronotopining belgilovchi, umumlashtiruvchi, mustaqil harakat trayektoriyasiga ega tizimi hisoblanadi. "Xamsa"dagi tarixiy obrazlarning boshqa obraz shakllari bilan munosabati muallif badiiy konsepsiyasi aniqligi va realligini ta'minlaydi.

"Xamsa" obrazlar tizimida bajaradigan badiiy funksiyasi, muallif nuqtayi nazarini ifo-

dalashi jihatidan bundagi tarixiy obrazlarning yetakchi namunasi ideal tarixiy obrazlar hisoblanadi

Ideal tarixiy obrazlar sirasiga Paygʻambarlar, chahoryor, sahobalar va avliyo zotlar obrazlari kiradi. Ideal tarixiy obrazlar boshqa tip obrazlardan quyidagi jihatlariga koʻra farq qiladi:

- a) ular zamon nuqtayi nazaridan ideal oʻtmishni aks ettiradi;
- b) muallif uchun etik tayanch, estetik ideal, ibrat manbai maqomida turadi;
- v) "Xamsa" badiiy kontekstida tarixiy-badiiy kategoriyalarni sintezlovchi muhim vosita boʻlib keladi va asar xronotop maydonida ayni funksiyani bajarishga yoʻnaltiriladi.

Yana bir muhim jihati shundaki, ideal tarixiy obrazlarning dastlabki uchtasi (Paygʻambarlar, chahoryor, sahobalar) quyidagi mezonlarga koʻra muallif, unga zamondosh oʻquvchi va keyingi avlodlar uchun ideal hisoblanadi: birinchidan, ushbu obrazlar islomgacha nozil boʻlgan uch ilohiy kitob (Tavrot, Zabur, Injil), xususan, Qur'oni karimda zikr qilinganligi; ikkinchidan, ular oʻz hayot yoʻllari davomida insoniyatga ibrat boʻlarlik darajada ideal turmush tarzini namoyon etganlari; uchinchidan, yuksak darajadagi altruizm, ya'ni oʻz faoliyatlarini oʻzgalar ma'rifati, baxt-saodatiga yoʻnaltirganlari; toʻrtinchidan, real hayotning oʻzida ideal shaxs, afsona-odamga aylanganlari; beshinchidan, vafotlaridan keyin ular haqida rivoyatlarning paydo boʻlishi, ogʻizdan-ogʻizga oʻtib, asrlar davomida unutilmasligi; oltinchidan, ular haqida tarixiy va badiiy asarlar yozilishi va h. k.

Mazkur obrazlarning folklorga oid, tarixiy va boshqa tip yozma asarlarda qay shaklda namoyon boʻlishi jahon adabiyotshunosligida hamon toʻla oʻrganilmagan salmoqli muammolardan hisoblanadi. Gʻarb adabiyotshunoslarining Injil va jahon folklori boʻyicha olib borgan ayrim tadqiqotlarini qayd etgan holda shuni ham ta'kidlash joizki, ularning birortasida masala aynan biz qoʻymoqchi boʻlayotgan shaklda qoʻyilmagan. Koʻp hollarda ilohiy kitob (xususan, Injil) motivlari mif va folklor motivlari bilan qorishtirib yuborilgan. Ba'zida esa, bu tip tadqiqotlarda materialistik metodologiyaning yetakchiligi, milliy, hududiy nuqtayi nazardan sub'ktivlikka yoʻl qoʻyilganligi kuzatiladi¹. Qolaversa, hali biror tadqiqotda biz qayd etgan obrazlarga tarixiy obraz sifatida qaralmagan. Ularning mif yoki afsona kontekstida emas, balki tarixiyligi, shu bilan bir qatorda idealligi, badiiy obrazga koʻchish sabablari va usullari xususida maxsus tadqiqotlar olib borilmagan.

M. Baxtin epos va roman obrazlari va ularning boshqa obraz shakllari bilan munosabati xususida soʻz yuritganda "ideal oʻtmish", "daxlsiz oʻtmish" tushunchlarani qoʻllaydi. Bu tushuncha mohiyatini koʻproq insonning psixologik holatlari bilan bogʻlab tushuntiradi. Bunday daxlsizlik ostida uzoq oʻtmishda yashagan kishilar turmush tarzining ijodkor omma tomonidan ideallashtirish yotishi va buning real tarixiy asosga ega ekanini ta'kidlaydi (Baxtin M., 2015, 124-126.). "Xamsa"dagi ideal tarixiy obrazlar ildizi ham ma'lum darajada M.Baxtin soʻz yuritgan folklor obrazlari ildizlariga yaqin. Ideal oʻtmish, ideallashtirilgan tarixiy obraz masalasida folklor koʻpincha badiiy-psixologik omillarga tayanadi. Aytuvchi, ijro etuvchi va tinglovchi, tomosha qiluvchi oʻrtasidagi psixologik munosabat bu oʻrinda muhim ahamiyat kasb etadi.

Ammo folklor va mumtoz Sharq adabiyoti manbalaridagi ideal tarixiy obrazlar talqini-

¹ Bu oʻrinda S. Kreamerning "Tarix Shumerdan boshlanadi", J. Frezerning "Katta ahdda folklor", A. Afanasevning "Oltin butoq" tipidagi asarlar, K. Yungning "arxetip" haqidagi qrashlari nazarda tutilmoqda (– U.J.).

da konkret farq mavjud. Folklor asari ijodkori tarixiy shaxslarga munosabatda bir qadar joʻn, ommaga xos mezonlarga tayanadi. Ideal tarixiy obrazga nisbatan, asosan, olomonga xos intuitiv pozisiyada turadi. Uning uchun e'tiqodiy pozisiya, real tarix, tarixiy haqiqat, qiyoslash, mushohada etish u qadar katta qiymatga ega emas. Aytaylik, Paygʻambar obrazi folklor asari uchun gʻayritabiiy xususiyatlarga ega, oddiy odamlarga oʻxshamagan, ideallashtirilgan bir siymo, xolos. Mumtoz adabiyot manbalari esa buni tamomila boshqacha talqin etadi. Ularda tarixiy ideallik avvalo, mustahkam e'tiqodiy pozisiyadan, ikkinchidan, oliy realizm tamoyillaridan kelib chiqadi. Omma mantiqiy izohini topa olmagan, natijada, romantik talqin etgan voqea-hodisalar mumtoz adabiyotda oliy mantiq asosida sof real voqelik sifatida talqin etiladi (masalan, Olloh bilan muloqot, oʻlikni tiriltirish, oyni ikkiga boʻlish, me'roj kabi real voqealar). Navoiy "Xamsa"sidagi ideal tarixiy obrazlar tasvirida biz mana shunday oliy realizm namunalariga duch kelamiz.

ASOSIY OISM

Biz qayd etgan ideal tarixiy obrazlar ichida muallif eng koʻp murojaat etgan obraz Muhammad alayhissalom obrazlaridir. "Paygʻambarlar tarixi", "Muhammad alayhissalom siyratlari", "Me'rojnoma" singari tarixiy, xalqona va qisman folklorlashtirilgan asarlarda bu obraz yo mutlaq tarixiy yoki mutlaq ideallashtirilgan shaklda namoyon boʻladi. Deylik, tarixiy asarlarda Qur'oni karim va hadislarda kelgan sahih rivoyatlarga, real tarixiy dalillarga izchil tarzda rioya qilinsa, folklorlashtirilgan, xalqona asosda badiiylashtirilgan asarlarda nisbatan ideallashtirish, afsonaga moyillik seziladi. "Xamsa"gacha yozilgan mumtoz dostonlarda, ayniqsa, Navoiy "Xamsa"sida mana shu reallik va ideallik mezonining yagona nuqtada — oliy realizm mezoni ostida uygʻunlashganiga guvoh boʻlamiz. Boshqacha aytganda, bu obraz oʻz mohiyatiga koʻra oliy darajada ideal (ammo ideallashtirilmagan), ayni paytda bu ideallik uning realligiga soya sola olmaydi, balki Muhammad alayhissalomga doir barcha voqea-hodisalarning mutlaq realligiga dalolat qiladiki, bizningcha, tom ma'noda oliy realizm bundan oʻzgacha boʻlishi mumkin emas.

"Xamsa"dagi har bir doston debochasida, albatta, bu obrazga duch kelamiz. Barcha debochalarda Muhammad alayhissalomning tarixiy hayot yoʻllariga oid muayyan epizodlar bevosita shu doston mavzusi, undagi syujet yoʻnalishi, qahramonlar tabiati bilan bogʻliq holda tasvir etiladi. "Xamsa"ning birinchi dostoni debochasida Muhammad alayhissalom hayotlariga oid beshta na't berilgan. Bu besh na't avvalo, Paygʻambar (a.s.) hayotini tarixiy jihatdan aks ettirsa, ikkinchidan, qoliplovchi doston badiiy gʻoyasini umumlashtirib ifodalashga xizmat qilgan.

"Xamsa"dagi Muhammad alayhissalom obrazlariga doir epizodlar tizimi oʻta ulkan xronotop koʻlamiga ega. Birgina me'roj voqeasining oʻzi nainki badiiy xronotop, mumtoz poetikaning barcha muammolari yuzasidan maxsus tadqiqotlar olib borishni talab etadi. Shu nuqtayi nazardan ayni obraz talqiniga oid quyidagi kuzatishlarning muxtasar nazariy tezis qiymatiga ega boʻlishini qayd etish oʻrinli boʻladi, deb oʻylaymiz.

Navoiy "Xamsa" sida talqin etilgan Muhammad alayhissalom obrazlari bir qancha kat-

¹ Ikkinchi tip (qisman folklorlashtirilgan) asarlar deyilganda, asosan, "Me'rojnomalar", xalq qissalarini nazarda tutyapmiz. Bunday asarlar keyinchalik yozma adabiyotga ham o'z ta'sirini o'tkazgani, bundan ikki-uch asr oldingi yozma adabiyotda yarim folklorlashgan qissalar, hikoyatlar, dostonlar paydo bo'lgani ma'lum (– U.J.).

ta-kichik xronotop shakllarini oʻz ichiga oladi. Ularning barchasiga batafsil toʻxtalishning imkoni yoʻqligini nazarda tutib, bu oʻrinda mazkur obrazga xos toʻrtta eng muhim xronotop shakli xususida toʻxtalamiz. Bularni "Xamsa" konsepsiyasiga koʻra "nuri Muhammad (a.s.)"; Paygʻambarlik missiyasi va biografiyasi: Paygʻambarlik muhri, ajdodlari, vatani, "xotam ul-anbiyo"ligi; me'roj voqeasi; oyning boʻlinishi xronotoplari tarzida tasniflash mumkin. Birinchi dostonni istisno qilganda ham, tasnif uchun maxsus ajratib olingan toʻrt xronotop shakli "Hapyrat ul-abror"dan keyingi toʻrt doston obrazlari tizimida muhim oʻrin tutadi.

1. "Nuri Muhammad" xronotopi. Bu xronotop shakli Navoiy "Xamsa" sidagi barcha dostonlarda uchraydi. Shuningdek, u nafaqat "Xamsa", balki Navoiy asarlarida tasvir etilgan yuzlab xronotop shakllari ichida eng qadimiysi, boshqacha aytganda, barcha xronotop shakllarining ibtidosi hisoblanadi. Bunga koʻra hali zamon-makon, ya'ni barcha olamlar va zamonlar, farishtalar, jon (ruh), odamzot, jonli va jonsiz mavjudot yaratilmasidan burun Muhammad alayhissalomning nurlari mavjud edi. Maxluqot borki, uning asosida shu nur turadi. Ya'ni

Muhammad "kof" u "nun" g'a qurrat ul-ayn,

Tufayli "kavn" oʻlub, yoʻq, yoʻqki kavnayn... ("F.Sh.", 17)1

Mazmuni: Muhammad alayhissalom "kun" — "yaral" amriga nur (ravshanlik) bergan zot. Faqat bu olam ("kavn") emas, balki ikki olam ("kavnayn") shu nur tufayli mavjuddir.

Yoki:

Ey nurung o'lub jahong'a sobiq, Balkim to'quz osmong'a sobiq... ("L.M.", 17)

Mazmuni: Nuring butun jahondan, balki toʻqqiz osmondan² avval ham bor edi. Bugungi adabiy tilimizda, jonli soʻzlashuvda "sobiq" soʻzi boʻlib oʻtgan, vazifasini oʻtab boʻlgan ma'nolarini anglatadi. Mumtoz she'riyat kontekstida esa bu soʻz ibtido, boshlangʻich, hamma narsadan avvalgi ma'nosida keladi. Ushbu baytda esa Muhammad alayhissalom nurlari ikki jahon u yoqda tursin, balki barcha olamlardan ham ilgari mavjud edi degan mazmun ilgari surilyapti.

Balki Odam oʻgʻullugʻungdin shod, Valadinggʻa jahon eli avlod. Anga zohir taqaddumi oti, Sanga lekin taqaddumi zoti. Sen muqaddam demayki Odamdin, Oaysi Odamki, borcha olamdin... ("S.S.", 21)

Yoki:

Bu sabqatki zotingga berdi Ahad, Senga Bul-bashar tong yoʻq oʻlmoq valad. Atoliqqa suratda payvand erur, Vale asli fitratda farzand erur... ("S.I.", 20-21)

Ma'lumki, bashariyat tarixi Odam alayhissalomdan boshlanadi. Barcha diniy, tarixiy, falsafiy, tabiiy ilmlar ilk odam deyilganda Odam alayhissalomni nazarda tutadi. Shu sabab

¹ Hajm taqozosiga koʻra "Xamsa" dostonlari sarlavhasini ulardagi bosh harflar bilan berishni ma'qul topdik (– U.J.).

² Navoiy osmon qavatlarini aslida "yetti osmon" tarzida beradi. Bunda Qur'oni karimdagi "sab'a samavat" tushunchasiga asoslanadi. "Xamsa"ning ba'zi o'rinlaridagina metaforik usulda "to'qquz osmon" tushunchasini qo'llaydiki, bunda Arsh va Kursiyni qamrovchi ikki osmon sifatida talqin etadi (– U.J.).

insoniyat bir so'z bilan "bani Odam" (Odam bolalari), Odam alayhissalom esa "Abulbashar" (bashariyat otasi) deb ataladi. Bu dalil mutlaq haqiqat ekani va uni hech bir mantiq, aqliy mushohada, muqoyasa inkor eta olmaganidek, yuqoridagi bayt mazmuni bilan ham qarama-qarshi qoʻyib boʻlmaydi. Bizningcha, bu ikki buyuk yoqea mohiyatini toʻgʻri anglash uchun ularning joriy boʻlish zamoni va makonidan kelib chiqish lozim. Xronotop koʻlamiga koʻra "nuri Muhammad" voqeasi tom ma'noda mutlaq zamonga tegishli. Bu zamon shunday zamonki, uning oʻlchovi, ibtido va intihosi yoʻq. U bizga ma'lumu noma'lum barcha zamonlarga asos boʻlgani holda, oʻzi biror bir asosga ehtiyoj sezmaydi. Boqiyligi Yaratgan boqosi bilan, asos-mohiyati Ollohning Zamon sifati bilan birikib ketgan bo'lib, istilohiy jihatdan "avvalgi zamon"ga toʻgʻri keladi. "Xamsa" badiiy konsepsiyasiga koʻra bu zamon avval ham mavjud edi, hozir ham mavjud, keyin ham mavjud bo'laveradi. Muhammad alayhissalomning nurlari mana shu azaliy va abadiy zamonda mavjud boʻlib, barcha olamlarning asosidir. Bu axborot faqat islom manbalarida emas, dastlab sof ilohiy naql o'laroq insoniyatga nozil etilgan, keyinchalik turli yolgʻon axbortlar, bid'at-xurofotlar bilan aralashtirib yuborilgan miflarda ham saqlanib qolgan. Ularning barchasida borliq olamlarga asos boʻlgan nur "hayot manbai" haqida gap ketadi. Hayot manbai yashiringan xronotop esa hali zamon-makon mavjud boʻlmagan, abadiy zulmatdan iborat xaos oʻlaroq talqin etiladi (Mate M.E., 1956; Temkin E.N., Erman V.G., 1982; Fedorenko N.T., 1978; Riftin B.L., 1979; Losev A.F., 1957; Kun N.A., 1985).

Nuri Muhammad "Xamsa" badiiy xronotopi nuqtayi nazaridan undagi barcha xronotop shakllarini qamrovchi universal xronotop hisoblanadi. Asardagi Muhammad alayhissalom obrazlarining tarixan ideal obraz sifatida talqin etilishining birlamchi asosi boʻlib xizmat qiladi. Muallif badiiy konsepsiyasiga koʻra, nainki "Xamsa"dagi boshqa obrazlar uchun, balki uch zamon sathida yashayotgan umumbashariyat uchun tarixan real, mohiyatan ideal vazifasini bajaradi.

2. Biografik xronotop. Alisher Navoiy "Xamsa" semantikasi va strukturasini aniq tizim asosida qurgani kabi Muhammad alayhissalom hayot yoʻllari, tarjimai hollarini ham muayyan mantiqiy ketma-ketlikda tasvirlaydi. Dastlab u zotning ilohiy olam va undagi universal missiyasi haqida tasavvur hosil qiladi. Soʻngra zamindagi hayoti (biografiyasi) bilan bogʻliq eng muhim ma'lumotlarni yuksak badiiy pafosda ifoda etadi.

Muhammad alayhissalomning zamindagi hayoti va missiyasi idealligini ta'minlovchi asos istilohiy tushunchalar "sayyid ul-mursalin", "shafe' ul-muzannibin", "rohmatan lil-'alamin" istilohlarida oʻz ifodasini topadi. Bularning barchasi Qur'oni karim va Hadis asosida maydonga kelgan, islom Sharqi din ilmi an'analarida mavjud tushunchalar hisoblanadi. "Sayyid ul-mursalin" bashariyatni toʻgʻri yoʻlga solish uchun yuborilgan barcha Paygʻambarlarning ulugʻi degan ma'noni bildiradi. Ushbu unvon Muhammad alayhissalomning Olloh huzuridagi darajasi, insoniyat hayoti uchun ulkan ahamiyatga ega zot ekanini ta'kidlaydi. Qur'oni karimda nomi zikr etilgan va zikr etilmagan barcha Paygʻambarlar oʻz qavmi, oʻz zamonasining har jihatdan peshqadami, yetakchisi va ulugʻi hisoblanadi. "Sayyid ul-mursalin" unvoni esa ulugʻlarning ulugʻi, yetakchilarning yetakchisi degan mazmunni ifodalaydi. Ya'ni

Zihi anbiyo xaylining sarvari, Boshing uzra sarxaylliq gavhari.

Demay anbiyo qavmu xayling sening,

Bori of arinish tufayling sening... ("S.I.", 20)

Ikkinchi istiloh "shafi' ul-muzannibin" gunohkorlarni shafoat qiluvchi ma'nosida keladi. Bunga koʻra Muhammad alayhissalom mutlaq tang holatda qolgan Qiyomat kuni ummat gunohini Ollohdan soʻrab olish huquqiga ega zot hisoblanadi. Zaminda qilgan gunohlari uchun abadiy azobga solinishi mumkin boʻlgan insoniyatga homiylik qiladi. Ularning misl-siz azobdan xalos boʻlishlariga sababchi boʻladi. Chunki u zot "rahmatan lil-'alamin", ya'ni olamlarga rahmat qilib yuborilgandir.

Bularning hammasiga sabab Muhammad alayhissalom kuraklari ustiga Olloh sun' qo'li bilan bosilgan Paygʻambarlik muhridir. Bu Muhammad alayhissalomning bashariyat Paygʻambari ekanliklariga buyuk bir hujjatdir. Ayni paytda u zot (a.s.) Odam alayhissalomdan boshlab kelgan Paygʻambarlarning eng ulugʻi, ularning ishlarini kamolatga yetkazgan "xotam ul-anbiyo"dirlar:

Sun' iligi chekib bu nomagʻa tam. Orqosigʻa bosti naqshi xotam... ("L.M.", 19)

Yoki:

Bu ishtin falak topqach ogohliq, Sanga shahlar uzra berib shohliq. Falakka bu baxshish qilurgʻa ne had, Seni Haq shah etmish azal to abad. Guvoh oʻldi toji futuvvat munga, Dalil oʻldi muhri nubuvvat munga... ("S.I.", 22)

Bashariyatga nozil etilgan barcha kitoblarda va bu kitoblarni olib kelgan Paygʻambarlarda (a.s.) Muhammad alayhissalomdan nishona, moʻjizot zohirdir. Paygʻambarlik, kitob va dini islomning avvali ham, oxiri ham u zot (a.s.) hisoblanadilar. Ya'ni

Chu Musogʻa Tavrot etib Haq bayon, Sanga ul bayon ichra mu'jiz ayon. Boʻlub chunki Dovud qismi Zabur, Sening mu'jizing anda aylab zuhur. Chu Isogʻa Injil nozil boʻlub, Haq anda sifotinggʻa qoyil boʻlub. Kalomeki sendin topib intizom, Aning lafz bar lafzi mu'jiz nizom... ("S.I.", 21)

Ushbu baytlar mazmunidan ayon boʻladiki, "Xamsa"dagi Muhammad alayhissalom obrazlari nainki mutlaq zamon ("avvalgi zamon")da, balki "ofarinish" (yaratilish, buyuk portlash)dan keyin bugungacha davom etayotgan materialistik zamon sathida ham qamrovchi obraz xronotopini namoyon etadi. Zamin kengliklarida, gorizontal xronotop sathida biror ulkan voqe-hodisa yoʻqki, unda Muhammad alayhissalomning ishtiroklari boʻlmasin.

Muhammad alayhissalomning aslida kim va qanday missiya bilan yuborilgani haqida tasavvur bergachgina, u zot ham zaminda tugʻilib oʻsgan bir banda ekani aytiladi.

Qurayshiy asl, Abtahiy mahmil,

Hoshimiy kish, Yasribiy manzil... ("S.S.", 18)

Bu baytda Muhammad alayhissalomning Quraysh qabilasidan ekanliklari, Makkadagi Abtah mahallasida tugʻilganlari, nasab jihatidan Hoshimiylarga mansubliklari, Makka va

Madina shaharlarida yashab oʻtganlari haqida toʻgʻridan-toʻgʻri biografik ma'lumotlar berilyapti. Yoki:

Aning partavidin nechukkim quyosh,

Madoyin bo'lub Makka ahlig'a fosh... ("S.I.", 21)

ya'ni u quyoshdek charog'on nur sochganda Makka aholisi bu nur yorug'ida ko'p shaharlarni ko'rdilar.¹ Bu badiiy axborot ham umumiy planda Muhammad alayhissalom biografiyalarining ilk davri – tug'ilishlari xususida ma'lumot beradi.

Ey ilm sanga laduni anjom,

Maktab sori ranja aylamay gom.

Olingga vale kelib muaddab,

Ilm ahli nechukki, tifli maktab... ("L.M.", 17)

"Layli va Majnun" debochasida kelgan ushbu bayt semantik jihatdan biryoʻla bir nechta tarmoqlarga boʻlinadi: a) Muhammad alayhissalomga berilgan ilmning laduniy (gʻaybga xos, ilohiy) ekaniga urgʻu beradi; b) bu oʻz-oʻzidan ikkinchi semantik tarmoqni yuzaga keltiradi: laduniy ilm sohibining aql va mantiqqa tayanuvchi dunyoviy ilmolishga hojati yoʻqligini ifodalaydi; v) bunday ilm bashariyat orasidan kamdan-kam odamlargagina beriladi. Berilgan kimsa esa barcha dunyoviy ilm egalari uchun ustoz maqomida turadi. Har qanday adab beruvchi ("muaddab") ustozlar uning oldida, xuddi maktab bolalari singari, shogird oʻrnini egallaydilar; g) oxirgi semantik tarmoq bevosita "Layli va Majnun" dostoni obrazlar tizimi bilan birikib ketadi. Asar bosh qahramoni Qaysning majnunligi, undagi majzubona ishqqa ishora qiladi.

Muhammad alayhissalom bashariyat uchun olib kelgan moʻjizalarning eng ulugʻi Qur'oni karim hisoblanadi. Navoiy Paygʻambar (a.s.)ning ushbu moʻjizalarini bevosita u zotga berilgan laduniy ilm bilan bogʻlab tasvirlaydi:

Ey sunmay ilikni xoma sori,

Ul nav'ki xoma noma sori.

Nomang vale andakim bo'lub fosh,

Xattidin ulus ko'tarmayin bosh... ("L.M.", 18)

ya'ni Qo'liga qalam ushlamasdan va qog'oz ustida qalam yurgizmasdan yozgan nomasi (Qur'oni karim) olam ahliga ayon bo'lgach, undan ulus bir lahza ham bosh ko'tarolmay qoldi.

Ahkomi bila jahon nizomi,

Nazmi iki olam intizomi... ("L.M.", 18)

Bu bayt ham Qur'oni karimga ishora qiladi. Zotan, islom kishisi uchun jahonda yashash qoidalari (nizomi) Qur'oni karimdagi hukmlardan boshqa narsa emas. Qur'oni karim shakl-mazmuniga koʻra qat'iy nazm intizomi asosida nozil etilgan. Bu shunday mutlaq intizomki, unga ikki olam amali mujassam. Islom ahli rioya qilishi zarur boʻlgan ikkinchi nizom – bu, Paygʻambar (a.s.)dan rivoyat qilingan hadislardir.

Buyrug'laring elga qarz yanglig',

¹ Madoyinning yana bir ma'nosi Arab Iroqida, Frot daryosi boʻyida joylashgan qadimiy shaharni bildiradi. Bu holda baytning mazmuni yanada chuqurlashadi. Ya'ni Muhammad alayhissalom tugʻilib, uning nuri quyoshdek porlaganda Makka ahli koʻz oʻngida qadim Madoyin shahrigacha namoyon boʻldi. Madoyinning uchinchi bir ma'nosi madaniyatlar deganidir. Agar baytdagi madoyin soʻziga ayni ma'no beriladigan boʻlsa, paygʻambar partavidan Makka ahli oldida barcha madaniyatlar namoyon boʻldi, degan ma'no kelib chiqadi (– U.J.).

Sunnatlaring elga farz yanglig'...("L.M.", 18)

Shu tariqa Navoiy Muhammad alayhissalomning zamin yuziga oyoq qoʻyishlari, nasablari, cheksiz ilmlari manbai, umumbashariy vazifalari, bashariyat uchun keltirgan moʻjizalarini izchil tasvirlash usuli bilan bayon etadi.

3. Me'roj voqeasi. Me'roj nafaqat Muhammad alayhissalom hayotlarida, balki butun bashariyat tarixidagi buyuk voqea hisoblanadi. Bu voqea koʻlami xronotop nuqtayi nazaridan nuri Muhammad bilan bir maqomda turadi. Shu bois Navoiy "Xamsa"sida bu voqea talqiniga alohida e'tibor qaratilgan. Avvalo, boshqa voqealar bir bob doirasida yoʻl-yoʻlakay hikoya qilingani holda, bu voqea tasviri uchun har bir dostonda maxsus bob ajratilgan; ikkinchidan, me'roj tunining bashariyat hayoti uchun ahamiyatiga alohida urgʻu berilgan va ayni ma'noda, me'roj tuni tasviri vositasida "Xamsa" umumkonsepsiyasi ifodalangan; uchinchidan, bu voqea Paygʻambarimiz (s.a.v.) shaxsiyatlari va faoliyatlarining choʻqqisi deya koʻrsatilgan; toʻrtinchidan, musulmon ummati, xususan, muallifning kelajak (oxirat)ka doir orzu-umidlari, ehtiyojlarining tajassumi sifatida talqin etilgan; beshinchidan, har bir dostonda tasvir etilgan me'rojga oid boblar shu doston semantikasi bilan uygʻunlashtirilgani holda, oʻzaro poetik izchillikni namoyon etgan.

Umuman, "Xamsa" doirasida olinganda, me'oj voqeasi quyidagi epizodlarga ajratib tasvir etilgani ma'lum bo'ladi:

a) isro kechasi tasviri. Istilohiy jihatdan "isro"ning ma'nosi "sayr" demakdir. Muhammad alayhissalomning isro tunida Makkadan Ouddusgacha qilgan tungi sayrlari "isro kechasi" deb yuritiladi. Shu kecha ammalari Umma Honiy hujrasida tunagan Payg'ambarimizga (s.a.v.) Jabroil (a.s.) Ollohning hukmini olib keladilar. Shundan soʻng Paygʻambarimiz (a.s.) Buroq nomli ulovga oʻtirib, Quddusga boradilar. Masjid ul-aqsoda oʻzlarigacha kelgan barcha Paygʻambarlarga imom boʻlib ikki rak'at namoz oʻqiydilar. Faqat shundan keyingina Olloh huzuriga ko'tariladilar. Me'roj isro tunining kulminatsion nuqtasi bo'lib, lug'aviy jihatdan "yuksalish", "yuqoriga ko'tarilish" degan ma'noni bildiradi. Bu voqea mohiyatiga ko'ra oʻta ulugʻ, nainki insoniyat, balki butun koinot, maxluqot tarixida bir marta sodir boʻlgan voqea hisoblanadi. Ayni nuqtayi nazardan uning koʻlami va ahamiyatini tasavvurga sigʻdirish o'ta qiyin. Adabiyotshunoslikda bu voqeaga nisbatan afsona tusini berish, ijodkorning romantik tasavvuri deya talqin qilib kelinishining sababi ham shunda. Ammo Alisher Navoiy dunyoqarashi, badiiy konsepsiyasi nuqtayi nazaridan qaraganimizda, umuman, me'roj, uning boshlang'ich nuqtasi bo'lgan isro tunining tom ma'noda real voqea ekaniga amin bo'lamiz. Toʻrtala dostondagi me'roj voqeasi tasvirida ham isro tunining alohida tasviri keladi. Mohiyat nuqtayi nazaridan bu tun bashariyatning eng saodatli tuni sifatida tavsiflanadi. Bu tun faqat insoniyat uchun emas, uch olam – ins, jin va farishtalar – olami, hatto tabiat, nabotot, jomodot olamlari uchun ham buyuk bir saodat tuni sifatida qabul qilingan:

> Quyosh soʻgi ishi kirgach arogʻa, Falak lu'batlari kirdi qarogʻa. Ne soʻgu ne qaro, iqbol shomi, Jahonning asru farruxfol shomi... ("F.Sh.", 21)

Yoki:

Kim rangi edi chu mushki nobi, Har yulduzi rashki oftobi Shabnamlarikim sochib zaroyir, Olamni tutub nujumi soyir... Tun dahr yuzidin oritib meng, Kunduzni oʻziga tutmayin teng...("L.M.", 21)

Yoki:

Ochibon har charogʻi kofuriy, Dud ila bir niqobi zanburiy. Dud yoʻq, udu mushk bila buxur, Tun dimogʻi isi bila masrur. Charx mijmar yoyib bu dud uzra, Atri mushk buxur ud uzra... ("S.S.", 23)

Yoki:

Ne shom ul shabstoni farxundafol, Boʻlub ofarinish uzorigʻa xol. Demay xolkim, gesuyi mushkrez, Qilib ofarinish uza mushkbez. Chu oning boʻlub oshkora isi, Jahonni tutub mushksoro isi... ("S.I.", 24)

E'tibor qilinsa, to'rt dostondan keltirilgan baytlar mazmunan quyidagi jihatlariga ko'ra uyg'unlik kasb etgani ma'lum bo'ladi: 1) butun koinot, xususan, ona zamin bir saodatli lahzani kutayotgani; 2) saodat oniga tayyorgarlik; 3) bu tayyorgarlikning buyuk bir farah, sakinat, go'zallikka yo'g'rilganligi; 4) farah va sakinat aro ulkan bir sirning pinhonligi.

Ayni paytda, har bir parcha oʻzining xususiy tomonlariga ham ega. Deylik, "Farhod va Shirin"da isro tuni tasviri koʻproq "chin", "lu'bati chin", "turki chin" epitetlari vositasida yoritilar ekan, doston voqealari kechadigan yetakchi xronotop shakliga ishora qilinadi. "Layli va Majnun"da "gʻam shomi", "xayoli shabgard", "gʻam", "qaro baloyi" singari epitetlar Majnun muhabbati va undagi tragizmdan dalolat beradi. "Sab'ai sayyor"da bu jihat zamin hayoti ("oʻrta olam", yetti iqlim)ga oid "charx abvobi", "jahon", "suv", "dom", "sayd" singari epitetlar vositasida tasvirlanadiki, bu asardagi yetakchi pafos bilan hamohanglik kasb etadi. "Saddi Iskandariy"da esa koinot miqyosidagi nizom motivi yetakchilik qiladi. Bu jihat "ofarinish" (butun koinotning yaratilishi, xaos ya'ni tartibsizlikning tartibga aylanishi), "falak gulshani", "sipehr ahtari", "shayotin gʻuborin barbod etilishi" kabi tashbeh va epitetlarda namoyon boʻladi;

b) sayr boshlangan makon va Jabroil (a.s.) bilan muloqot. Me'rojga bagʻishlangan barcha boblarda ushbu makon Umma Honiy hujrasi deb koʻrsatiladi. Bu ma'lumot Imom Buxoriyning "Al-jami' as-sahih" ("Ishonchli hadislar") toʻplami va boshqa muhaddislar tasnif etgan hadislardagi ma'lumotlar bilan aynan mos keladi:

Solib bir goʻshaga partav nihoni — Kim, aylab mizbonligʻ Ummi Honiy... ("F.Sh.", 21)

Yoki:

Bir xobgahi nihoni ichra, Manzilgahi Umma Honi ichra... ("L.M.", 23)

Yoki:

Bo'yla tun ul mahi muniri jahon, Ummi Honiy uyida erdi nihon... ("S.S.", 23)

Yoki:

Quyoshdek ulusdin nihoniy boʻlub, Yeri hujrai Umma Honiy boʻlub... ("S.I.", 25)

Bu oʻrinda e'tibor qaratiladigan ikki nuqta bor. Buning birinchisi, isro safari boshlanadigan makon nega aynan Umma Honiy hujrasi, degan masala. Javob, bizningcha, shunday: me'rojdek yagona va buyuk voqea fardlikni talab etgan. Umma Honiy esa Paygʻambarimiz (s.a.v.) amakilarining qizi boʻlib, eng yaqin kishi oʻlaroq bu buyuk sirga mahram boʻlishga haqli va sirni saqlovchi edi. Ikkinchisi, isro tunidagi nihonlik (jamiyatdan yashirinlik) masalasi. Chunki Muhammad alayhissalom vasl saodatiga erishgan bu kechada butun insoniyat gʻaflat uyqusida edi. Hatto u zotning eng yaqin odamlari (oila a'zolari, sahobalar) ham bu voqea haqida voqea roʻy berib oʻtgandan keyin, ertasi kuni tongda voqif boʻlganlarki, bunday ulugʻ sir faqat bashariyatning yagona vakili uchun maxsus edi. Bundan faqat Muhammad alayhissalomning oʻzlari xabardor edilar: Dahr shoʻru sharridin osuda / Koʻngli uygʻogʻu koʻzi uyquda... Ayni jihatdan bu holat oshiq-ma'shuqaning pinhoniy uchrashuviga ham oʻxshab ketadi. Shu tariqa Jabroil alayhissalom Paygʻambarimizga (s.a.v.) Ollohdan mujda yetkazadi:

"Ki yetsun olam ahlidin nihoni,

Muhib sarvaqtigʻa mahbubi joniy''... ("F.Sh.", 21)

Yoki:

Loyiq sanga keldi bu janibat, Otlanki, mahal erur gʻanimat... ("L.M.", 23) Soyir mujdani shunday qabul qiladi: Haq salomin chu topti mahbubi, Boʻldi oshiq visoli matlubi... ("S.S.", 23)

Yoki:

Bu soʻzni eshitgach ul yagona, Goʻyoki tilar edi bahona...("L.M.", 23)

Bu ikki bayt mazmunidan nima sababdan uchrashuvning pinhona amalga oshirilgani ham, bu sirdan faqat Muhammad alayhissalomning xabardorliklari ham ayon boʻladi;

v) isro va me'roj yoʻli tasviri. Bu yoʻlning dastlabki xaritasi zamin boʻylab oʻtadi. Geografik hududiga koʻra Makkadan Quddusgacha boʻlgan masofani qamrab oladi. Soʻngra Buroq osmonga koʻtariladi. Qur'oni karimda isro kechasi haqida shunday xabar beriladi: "(Olloh) bir kecha, Oʻz bandasi (Muhammad)ni — unga oyat-moʻjizalarimizdan koʻrsatish uchun (Makkadagi) Masjid al-Haromdan (Quddusdagi) Biz atrofini barakotli qilib qoʻygan Masjid al-Aqsoga sayr qildirgan (barcha aybu nuqsonlardan) pok zotdir. Darhaqiqat, U eshirguvchi va koʻrguvchi zotdir" (Qur'oni karim, 1992, 17: 1.).

Arshga tomon yoʻl tasviri jarayonida goʻyoki vaqt toʻxtaydi. Bemisl tezlik, shiddat bilan koʻtarilayotgan soyir koʻz oʻngidan yetti osmon, kursiy, uning qamrovidagi oʻn ikki burj va arsh tasviri birma-bir, oʻzining barcha ikir-chikirlari bilan tizilib oʻtadi.

g) lomakondagi uchrashuv tasviri. Sayrning ma'lum nuqtasiga kelib (kursiy va oʻn ikki burj tasviridan keyin), ulov oʻzgaradi. Buroq oʻrnini Rafraf egallaydi. Ya'ni

Yuqorroq koʻrguzub chun raxshi novard,

Chiqorib lomakon maydonidin gard...

Quvonib pobo'si birla Rafraf,

Maloyik yer o'pub olida saf-saf... ("F.Sh.", 23)

Yoki:

Rafraf yoʻligʻa qadamni solib,

Bir-bir oti birla payki qolib... ("L.M.", 26)

Yoki:

O'tti Rafraf maqomidin chun tez,

Tez hamrohi bo'ldi uzrangez... ("S.S.", 26)

Yoki:

Guzargohi uldamki Rafraf boʻlub,

Yuzidin damodam musharraf boʻlub... ("S.I.", 29)

Shundan soʻng tasvirda zamon-makon degan tushuncha yoʻqoladi. Lomakon sarhadi boshlanadi. Bu yogʻiga soyir yolgʻiz yoʻlga tushadi. U hali hech bir maxluqot (na farishta, na insu jin qavmi) qadam bosmagan hududga kirib keladi:

Demakim to'rtu oltidin mubarro,

Ki, beshu ikkidin dogʻi muarro...

Makoni boʻlmayin juz bemakonliq,

Nishoni qolmayin juz benishonliq... ("F.Sh.", 24)

Yoki:

Tan birla borib, vale borur chogʻ,

Ne o'tu ne suv, ne yel, ne tufrog' –

Kim, tan anga jondin ortugʻ erdi,

Jon ikki jahondin ortugʻ erdi... ("L.M.", 26-27)

Yoki:

Oʻzidin oʻzlugi dogʻi itti,

Oʻzdin oʻzlik xayolin oritti.

Topmayin oʻzda xojai safariy,

O'tu tufrog'u yelu suv asari... ("S.S.", 26)

Yoki:

Ne to'rt asldin ko'ngliga yorliq,

Na olti tarafdin xabardorliq.

Ham olti-yu ham to'rt mavquf edi,

Aning xotiri birga mash'uf edi... ("S.I.", 30)

Mantiqan qaraganda lomakon tasviri uchun badiiy soʻz qudrati ojiz. Uni, naqadar daho san'atkor boʻlmasin, tasavvur qilishi ham mumkin emas. Chunki inson hissiyoti va tafakkuri hamma narsa-hodisalarni zamon-makon (xronotop) oʻlchovida koʻrish, idroklash, tasavvur qilish imkoniga ega. Zamon-makondan xoli voqelik insonning cheksiz-chegarasiz potensiyasidan ham yuqori hodisa. Navoiy bu oʻrinda zamon-makonsiz voqelikni tasvirlashning tom ma'noda muvofiq yoʻlini topadi. Ya'ni "Hayrat ul-abror"da "adam shomi"da koʻz ochgan "xoja" holatini qay yoʻl bilan oʻquvchi tasavvurida jonlantirgan boʻlsa, bunda undagidanda mukammalroq usulni namoyon etadi. Idrok va mantiqqa boʻy bermaydigan voqelikni oʻziga ma'lum, koʻrgan, his qila olgan odam – soyir turgan nuqtadan turib tasvirlaydi. Buning nati-

jasi oʻlaroq "olti", "besh" va "toʻrt"dan mubarrolik tarzidagi, badiiy soʻzning oliy miqyosiga koʻtarila oladi. Shu tariqa oʻquvchi tasavvuriga lomakon manzarasini olib kiradiki, jahondagi oʻta ulkan soʻz san'atkorlari ham bu miqyosga chiqa olgan emas.

Isbotga oʻtamiz: "Mubarro" soʻzi "Navoiy lugʻati"da "xoli", "ozod", "pok" deya izohlangan. Demak, lomakondagi inson (Muhammad alayhissalom) olti, besh va toʻrtdan pok. Bularning birortasi unda mavjud emas. Uning uchun faqat bir mavjud: "Aning xotiri *bir*ga mash'uf edi"...

Xo'sh, unda bu sonlar nimani anglatadi?

Bizningcha, oltidan murod – olti taraf: old-orqa, oʻng-soʻl, tepa-past. Inson uchun makon tushunchasini mana shu taraflar hosil qiladi. Besh raqami esa besh sezgini bildiradi: koʻrish, eshitish, hid bilish, ta'm bilish, sezish. Odam nafaqat borliqni his etishi, anglashi uchun, balki oʻz mavjudligini sezishi uchun ham besh sezgiga tayanadi. Besh sezgidan mosuvo bo'lgan inson aslida yo'q degani. To'rt raqami inson moddiy tanasining asosi bo'lgan to'rt unsurni bildiradi: suv, havo, yel, tuproq. Toʻrt unsurdan airagan odam moddiy emas. Ammo bularning bari moddiy olam, tajribaviy aql, do'yoviy mantiq bilan qaragandagina "inson yoʻq" degan xulosaga olib kelishi mumkin. Aslida esa ayni uchlik raqam (6-5-4) yoʻq boʻlgan taqdirda ham odam mavjudligicha qolayeradi. U hech qachon mutlaq yoʻq boʻlib ketmaydi va yoʻq boʻlishi mukin ham emas. Faqat u ayni holatda bir sifatdan (oʻtkinchi - moddiy) boshqa sifatga (boqiy, nomoddiy) oʻtadi. Boshqacha aytganda "adam shomi"da koʻz ochgan ilk holatiga qaytadi. Shundagina inson boqiy olamga qoʻshiladi. Uning uchun moddiy dunyo toʻsiqlari qolmaydi, yoʻqlikka aylanadi. Paygʻambarimiz (s.a.v.) me'roj tunida mana shu holatni his qilganlar. Moddiy hayotdan ma'lum muddat ozod bo'lganlar. Jarayon bo'lib o'tgandan so'ng o'z holatlarini majoz yo'li bilan bayon etganlar. Bu esa sahih rivoyatlar orgali jamiyat orasiga tarqalgan. Ammo bu holat mohiyatini, asosan, xos kishilargina tushunishgan. Devlik "O'lmasdan burun oʻlinglar" degan mashhur hadis aynan shu haqda aytilgan. Xos kishilir (ya'ni soʻfiylar) buni jon va tanni "gʻayr naqshi"dan ozod etish, Olloh rizoligidek buyuk oqibatga yetishish deb tushunganlar va bunga imkon qadar amal qilganlar. Koʻrinadiki, yuqoridagi bir raqami majozan Yaratganni bildiradi. Muhammad alayhissalom me'roj tunida olti, besh va toʻrtdan xalos boʻlib, birga singgib ketganlar. Olloh visoliga erishganlar. Bunda erishilgan vahdat bilan bogʻliq ba'zi sirlarni, hadislarda rivoyat qilinishicha, hazrati Abu Bakr siddiq va Salmoni Forsiyga aytganlar. Islom tasavvufining ilk manbalari shu voqea bilan bevosita bogʻliq;

d) qaytish tasviri. Me'rojning kulminatsion nuqtasi "qoba qovsayn" maqomi deb yuritiladi. Buning ma'nosi Muhammad alayhissalom Ollohga ikki yoy orasi qadar yaqin bordilar deganidir. Ikki yoy esa ikki qosh orasidagi masofani bildiradi. Bundagi ikki kamon degan so'zda ham o'ziga xos hikmat borligi ko'pgina manbalarda izohlangan. Bu maqom basha-

¹ "Qissasi Rabgʻuziy"da bu xususda shunday yozilgan: "Savol: Yogʻa tashbih qilmoqda hikmat ne turur? Javob: Arabning odati bor. Ikagu doʻst boʻlub ahd qilsalar ikki yo keltirurlar. Tekma birining boshini boshi birla, quloqini quloqi birla, boʻgʻzini boʻgʻzi birla, qabzasini qabzasi birla, kirishini kirishi birla tuzung teng tutarlar. Aymishlar, mundogʻkim bu ikki yoning boshlari, bagʻirlari, tutqalari, kirishlari tuz muvofiq tururlar. Biz ikaguma biri birimiz birla muvafaqat qilduq. Biri birimizgʻa xilof qilmagʻaybiz, ahdni buzmagʻaybiz. Ey Muhammad, man ham sening birla ahd qildim. San maning buyurgʻan amrlarimni biturgil, man ham saning tilagingni berayin. Sen duo qilgin, men ijobat qilayin. Sen qoʻlgʻil, man ham berayin. Sen shafoat qilgʻil, man bagʻishlayin. Bu kun man sandan xushnudman..." Рабғузий Носируддин. Қиссаси Рабғузий. Иккинчи китоб. – Т.: Ёзувчи, 1991. 151-6.

riyat erishgan oliy maqom boʻlib, uni hech qanday xronotop oʻlchamlariga solish mumkin emas. Ayni sababdan biz ulugʻ visol tomon eltuvchi "yoʻlni" lomakon yoʻli, bu voqea kechgan saodatli maqomni oʻz nomi bilan "qoba qovsayn" tarzida nomlash bilan cheklanishga majburmiz.

Lomakondagi yetmish ming "hijob" (parda)dan oʻtib, "qoba qovsayn" maqomiga yetib kelgan Paygʻambirimiz faqat ummat saodatini soʻraydilar:

Kim andoqkim tilab ummat gunohin, Sen etting afv alar fe'li tabohin... ("F.Sh.", 28)

Yoki:

Ummat yozugʻin tilab tamomiy, Topib tilagonni ulcha komi... ("L.M.", 28)

Keyingi ikki dostonda ham xuddi shu mazmundagi baytlar keladi. Bu esa Paygʻambarimizdagi (s.a.v.) altruizmning oliy darajasini ta'kidlashga xizmat qiladi. Zotan, shunday ulugʻ maqom va ulkan imkoniyatga erishgan Muhammad alayhissalom oʻzlarini emas, qiyomatgacha kelib ketadigan ummatlari gunohini soʻradilarki, "Xamsa"dagi tarixan reallik, oliy reallizmdan kelib chiqadigan ideallikning tub ildizlari shunda.

Ushbu oliy idealning ilk natijalari qaytish xronotopi tasviridayoq yaqqol koʻrinadi. Koʻtarilish paytida soyir bir visoltalab edi. Ammo bu talab Ollohning oʻzi tomonidan istalgani uchun uning darajasi ham nihoyatda baland edi. Shu bois uni butun maxluqot hurmat-ehtirom bilan kuzatib qoʻygandi. Soyirning qaytishi esa bundan ham ulugʻroq ehtirom, buyuk bir tantana bilan qarshi olindi. Chunki soyir hali biror yaratilmish erisha olmagan maqomga ega boʻlgan ediki, unga eng ulugʻ farishtalar ham havas bilan qarashdi.

Me'rojdan qaytish tasviri faqat bir doston — "Sab'ai sayyor"da aniq-tiniq berilgan. Ushbu motiv quyidagi boʻlaklardan tashkil topgan: 1) soyirning safardan qaytib, markabi va hamrohiga yetishi: Markabi bila hamrahigʻa yetib / Yuzidin ikkisin musharraf etib... ("S.S.", 28); 2) malaklarning soyirga munosabati: Iki horgʻin malak yoʻlida qoʻpub / Biri ilgin, biri ayogʻin oʻpub... Yuz tuman ming malak nechukkim hur /Qoʻllarida tabaq, vale toʻla nur / Borcha xurramlik oshkor aylab / Dam-badam boshigʻa nisor aylab... ("S.S.", 28); 3) yer tomon tushish jarayoni: Har falak tushmagiga bir poya / Yuzidin ul falakka piroya... ("S.S.", 28); 4) yerga qaytish: Qilibon boʻyla sayri shohona / Tushti yer qiblagohigʻa yona / Qaydakim boʻldi sayri afloki / Hamrah erdi anga tani poki... ("S.S.", 29)

Keltirilgan parchadagi soʻnggi misra masalasida islom ulamolari aro ma'lum bahslar mavjud. Ba'zi islom ulamosi meroj safari faqat jon (ruh) vositasida amalga oshirilgan deyishsa, boshqa bir toifa olimlar buning tana va jon uygʻunligida sodir boʻlganini aytadilar. Alisher Navoiy esa bu oʻrinda sof Hanafiy mazhab koʻrsatmalariga tayangan. Safarning tana va jon uygʻunligida sodir boʻlganini barcha meroj boblarida ta'kidlagan: Kim anga jism agarchi xok erdi / Lekin ul xok nuri pok erdi... ("S.S.", 29) Navoiyning bunday xulosaga kelishiga sabab, bizningcha, bitta — Olloh xohlagan narsa, albatta, boʻladi. U oʻz habibini jism va joni bilan koʻtarishni istadi va shunday boʻldi.

"Xamsa"da me'roj tuni va uning intihosi bilan bogʻliq yana bir ibora keladi. Istiloh tarzida keladigan bu ibora barcha dostonlarda qayta-qayta takrorlanadi. Bu "va ma tagʻo" yoki "ma tagʻo" iborasidir:

Supurgach "mo tag'o" tufrog'in ul bog',

Chekildi nargisiga kuhli "mazog'"... ("F.Sh.", 24)

Yoki:

Ochqoch basarin bu to'tiyodin,

Ravshan qilibon "va mo tagʻo"din... ("L.M.", 27)

Yoki:

Ey qarog'ingg'a surmai "mozog'",

"Mo tag'o" markabingga qo'ymay dog'... ("S.S.", 29) va h.k.

Navoiy XX tomligi (8-9-tom)da "va mo tagʻo" iborasiga "Muhammad alayhissalom madh qilingan oyatdan" tarzida mavhum izoh berilgan. Aslida bu ibora "An-najm" surasining 17-18-oyatlari tarkibida keladi: "(Paygʻambarning) koʻzi (oʻngu soʻlga) ogʻgani ham yoʻq, oʻz haddidan oshgani ham yoʻq. Darhaqiqat, u (oʻsha soatda) Parvardigorining buyuk oyatlarini (ya'ni U zotning qudrati ilohiysiga dalolat qiladigan juda koʻp alomatlarni) koʻrdi". Biz izohini qidirayotgan "va ma tagʻo" iborasi oyatdagi "oʻz haddidan oshgani ham yoʻq" degan ma'noni bildiradi. Bu me'roj safaridagi Paygʻambarimizga (s.a.v.) Olloh taoloning maqtov soʻzlari edi.

Xo'sh, buni "Xamsa" semantikasi tarkibida qanday tunish kerak?

Odatda oddiy odamlar hech kim bormagan, hech kim koʻrmagan narsa haqida biladigan boʻlsa, tugʻyonga tushadi. Oʻzini bilimli sanab, oʻzgalarni pisand qilmay qoʻyadi. Agar bir hukm sohibi, mulkdor, hatto biror zolim huzuriga chaqirilsa, homiyligiga erishsa, uning kibr-u manmanligi haddan oshadi. Muhammad alayhissalom borgan, koʻrgan manzil esa hali bashariyatning biror vakili koʻrmagan, koʻrishi ham mumkin boʻlmagan oliy manzil edi. U uchrashgan, doʻsti sifatida kutib olgan zot esa butun olamlar, avvalu oxir, borligʻu yoʻqlikning hojasi "Maliki yavmiddin" edi. Ammo shunday ulugʻ martaba sohibi, butun mavjudot gultoji boʻlishlariga qaramasdan, Paygʻambar alayhissalom bundan kibrlanmadilar. Hadlaridan oshmadilar. Aksincha, Ollohga itoat va sidqlari ziyoda boʻldi. "Va ma tagʻo"ning ma'nosi shu va bu daraja u zot (s.a.v)ning ulugʻliklari, oliy ideal ekanlarini yana bir bor ta'kidlaydi;

j) me'roj vaqti masalasi. Garchi bu masala navoiyshunoslikda maxsus o'rganilmagan bo'lsa-da, Navoiyni tadqiq etgan barcha olimlar uning o'ta murakkab masala ekanini ta'kidlaydilar. Me'roj voqeasi haqida Qur'oni karimda alohida oyatlar, Imom al-Buxoriyning "Al-jomi' as-sahih" hadislar to'plamida esa maxsus bob keladi (Abu Abdulloh Muhammad ibn Ismoil al-Buxoriy, 1996, 566-571). Jahondagi me'roj voqeasiga doir barcha ilmiy, falsafiy, badiiy axborotlarning ildizlari shu ikki manbaga borib bogʻlanadi. Ammo keyingi axborotlarning barchasini ham sahih deb boʻlmaydi. Shu bois Navoiy "Xamsa"sida me'roj vaqti masalasida eng ishonchli manbalarga tayanilgan. Garchi, me'roj vaqti xususidagi "Xamsa" ma'lumotlarini tajriba va dunyoviy mantiq inkor etsa ham, uning tom ma'noda tarixiy hodisa va real haqiqat ekanligi badiiy asoslangan.

"Rivoyat qilishlaricha, Paygʻambar alayhissalom me'rojga chiqib ketayotib hujralarining eshigini yopganlarida qimirlab qolgan eshik halqasi qaytib tushganlarida ham silkinib turgan ekan" (Qur'oni karim, 1992, 246). Xuddi shu rivoyat qator hadislar, bu hodisaga doir ilmiy va badiiy asarlarda qayd etilgan. Yana bir rivoyatda me'roj safariga chiqayotib tark etgan toʻshaklari qaytib kelganlarida iliq holida turgani aytiladi. Me'rojga oid barcha rivoyatlarda uning zamindagi astronomik mezonlarga koʻra oʻta qisqa vaqt birligida sodir boʻlgani qayd etiladi. Me'roj vaqti islom tasavvufi vakillarini ham haddan ortiq ilhomlantirgan.

So'fiylar yaqt kategoriyasini ham nazariy, ham amaliy jihatdan o'ta chuqur ishlaganlar. Uning nafas, lahza bilan uygʻun nuqtasiga urgʻu berganlar. "Vaqt keskir bir qilichdir,-deb yoziladi Najmiddin Kubro risolasida.-Agar keskir boʻlmaganida edi, holdan holga oʻtguningga qadar seni kutgan boʻlardi. Holbuki, zamon oʻtkir qilichdek harakatlanadi va oʻz hukmini ijro etadi. So'fiy ibnul vaqt, ya'ni vaqtning o'g'li. U bilan barobar yurar. U o'tmishga ham, istiqbolga ham nazar tashlamas. Chunki uning moziyga yoki mustaqbalga boqmogʻi oʻtmish yoki kelajakni oʻylab ayni ondagi vaqtni behuda ketkazmogʻi demakdir, buning takrori esa koʻp vaqtni zoye' etar. Sog'lom muroqabaning sharti ham muhofazai vaqtdir" (Shayx Najmiddin Kubro, 2004, 157-158). M.Baxtin Yevropa risar romani haqida soʻz yuritar ekan, uning yunon romaniga xos avntyur zamondan keskin farq qiladigan xossasi deb "zamon bilan subyektiv oʻyin"ni koʻrsatadi: "Risar romanida zamonning oʻzi ham ma'lum darajada moʻjizaviylik kasb etadi. Zamonning ertaknamo mubolagʻalashuvi roʻy beradi. Soatlar kun qadar uzaysa, kunlar lahza qadar qisqaradi" (Baxtin M., 2015, 131). Ammo M.Baxtin qayd etgan ushbu zamon shakli, konkret mualliflariga, oʻzining yozma namunalariga ega boʻlishiga qaramasdan, koʻproq sehrli-fantastik ertaklardagi zamon shakllarini eslatadi. Shu jihati balan nainki me'roj vaqtiga, hatto tasavvufdagi vaqt kategoriyasiga ham yaqin kelmaydi. Ayni paytda, tasavvufdagi qisman metaforiklashtirilgan lahza kategoriyasini ham me'roj vaqtiga qiyoslab boʻlmaydi. Chunki ular mohiyatiga koʻra yagona obyekt (Olloh visoli)ga yoʻnalgan boʻlsa ham, me'roj vaqtidagi universal qamrov, reallik, yakka-vu yagonalik oldida bir taqlid, subyektiv hodisa boʻlishdan nariga oʻta olmaydi.

Me'roj vaqti bemisldir. U na zamin, na koinot oʻlchovlariga sigʻadi. U oʻzining yuksak ahamiyati, gʻayrioddiyligi, yagonaligi bilan "uch olam" zamonidan ham tashqarida boʻgan xos zamondir. Alisher Navoiy esa uni Qur'oni karim uslubiga ergashib, i'joz maqomida badiiy zamonga koʻchira olgan.

Borib kelmoqligi darki qilinmay,

Burunmu bordi yo keldi bilinmay... ("F.Sh.", 25)

Yoki:

Borib keluri boʻlub ikki gom,

Qay biri burun ekanida ibhom... ("L.M.", 29)

Yoki:

Bormog'u kelmagi bo'lub ikki dam,

Qaysi dam buruna ekani mubham... ("S.S.", 29)

Yoki:

Ne yerga yetishgay xirad bilmagi,

Bor ersa borurdin burun kelmagi... ("S.I.", 33)

Toʻrtala dostondan keltirilgan baytda ham yagona mazmun aks etgan. Bu vaqt aql doirasiga sigʻmaydi. Aql zamonni muayyan ketma-ketlikda qabul qiladi. Zamin mezonidagi vaqt oʻtgan-hozirgi-kelasi degan uchlik kategoriyasi va uning muayyan izchillikdagi harakati oʻlaroq qabul qilinadi. "Bir lahza avval boʻladi, hozir boʻlgan, bir lahzadan soʻng boʻldi" kabi ifoda shakllarini aql ham, hissiyot ham qabul qila olmaydi. Zotan, zamin vaqti aniq tizim bilan harakatlanadi. Bu zamonda oʻtmish kelajakda, bugun oʻtmishda, kelajak esa bugunda boʻla olmaydi. Navoiy me'roj vaqtini badiiy talqin etar ekan, oʻta daqiqlik bilan ish tutadi. Zamindagi aql, mantiq, besh sezgiga xos mana shu izchillikni buzadi. Borishi oldin boʻldimi

yoki kelishi degan ritorik soʻroq orqali bularning barini boshi berk koʻchaga olib kirib qoʻyadi. Illo, kelish borishda ilgari boʻlishi mumkin emas. Mantiqan avval boriladi. Kelish esa faqat borgandan keyin boʻlishi mukin. Bormagan kelmaydi. Kelmadimi, demak, u bormagan. Me'roj vaqti manashu mantiqqa sigʻmagani uchun ham gʻayrishuuriy, gʻayritabiiydir. Uning mutlaq takrorlanmasligi ham, universal koʻlami ham, hech bir mezonga sigʻmasligi ham shunda. Shuning uchun ham biz uni faqat oʻz nomi bilan — me'roj vaqti deya atashimiz joiz.

4. Oyning boʻlinishi. Bu voqeaning sodir boʻlish sabablari ostida islomgacha arab dunyosida mayjud johiliyat izlari turadi. Islomning dastlabki zamonlarida Makka ahli ikki guruhga ajraladi. Birinchi guruh - Paygʻambar (a.s.) olib kelgan e'tiqodni sidq va ishonch bilan qabul qilganlar; ikkinchi guruh – dinni ham, rasul (s.a.v.)ni ham inkor etganlar. Ikkinchi guruh mushriklar nomlanib, Muhammad alayhissalomdan Paygʻambarlikning isbotini talab etishgan. Makka mushriklari va Rasululloh (s.a.v.) oʻrtalarida bunday holatlar koʻp takrorlangan. Mushriklar moʻjiza talab qilishgan, Paygʻambar (s.a.v.) ularga moʻjiza koʻrsatganlar. Ammo har safar talab qilganlar, talabimiz ijobat boʻlsa, islomga kiramiz deganlar moʻjizani koʻrgach, va'dalaridan qaytganlar. Oyning boʻlinishi ("shaqqol qomar") mushriklar talabi bilan koʻrsatilgan mana shunday moʻjizalarning eng ulkanlaridandir. Our'oni karimda keladi: "Oiyomat soati yaqin qoldi va oy ham bo'lindi. Agar ular (Ouraysh kofirlari Muhammad alayhissalomning haq Paygʻambar ekanliklariga dalolat qiladigan) biror oyat-moʻjiza koʻrsalar (ham u Paygʻambarga iymon keltirish oʻrniga) yuz oʻgirurlar va "(Bu) har doimgi sehr-ku!" derlar" (Our'oni karim, 1992. 54: 1-2.). "Al-jomi' as-sahih" da esa bu haqda shunday yoziladi: "Abdulloh (ibn Mas'ud) raziyallohu anhu rivoyat qiladilar: "Biz Rasululloh sallallohu alayhi vasallam bilan birga Minoda turgan edik, oy ikkiga bo'lindi. Shunda ul zot: "(Mening mo'jizamning) guvohi bo'lingizlar!"-dedilar. Oyning bir bo'lagi tog' tomonga ketdi" (Abu Abdulloh Muhammad ibn Ismoil al-Buxoriy, 1996, 562).

Oyning boʻlinishi haqida Navoiy "Xamsa"sidagi badiiy axborotlarning asosi yuqoridagi ikki manba hisoblanadi. Bu ma'lumot shunchaki Paygʻambar (s.a.v.)ni madh etish uchun keltirilmaydi. Yoki Makka mushriklari sarkashligi va ularning Paygʻambar (s.a.v.)ga yetkazgan ozorlari haqida tarixiy ma'lumot berish bilangina chegaralanmaydi. Balki Muhammad alayhissalom obrazlarini bir butun tizim oʻlaroq badiiy shakllantirishga, ayni ideal tarixiy obraz mohiyatini kompleks talqin etishga xizmat qiladi:

Emas tirnogʻi uzra xoma gar shaq, Boʻlub barmogʻi noʻgidan qamar shaq. Ilik tigʻinki tortib fil-ishora, Qamar qalqonin aylab ikki pora. Boʻlub qursi mahi tobonni ikki, Kishi andoqki boʻlgʻay nonni ikki. Qilib chun roʻza koʻnglin nongʻa moyil, Iki boʻlgʻach topib kom ikki soyil... ("F.Sh.", 19)

Keltirilgan baytlar yuqoridagi talqinlar bilan semantik uygʻunlik kasb etadi. Jahonning yaratilishiga "tufayl" boʻlish, ilmi ladun, zaminga xos ilmlardan begona boʻla turib, barcha ilm sohiblariga ustozlik maqomini egallash, bashariyatning biror vakili chiqa olmagan maqomga chiqish ("qoba qovsayn") va oyni ikkiga boʻlish, bularning barchasi bir nuqtada tutashadi. Ya'ni shuncha aql bovar qilmas ishlar insoniyat saodati uchun voqe boʻldi. Bu esa

Muhammad alayhissalomning insoniyat tarixidagi eng ulugʻvor, eng ulkan va ideal tarixiy shaxs ekanliklariga dalolat qiladi.

Tarixan ideallilik darajasiga koʻra Muhammad alayhissalom obrazlaridan keyingi o'rinni Odam (a.s.), Nuh (a.s.), Ibrohim (a.s.), Ismoil (a.s.), Dovud (a.s.), Sulaymon (a.s.), Muso (a.s.), Iso (a.s.) singari Paygʻambarlar egallaydi. Ushbu obrazlar, asosan, epizodik planda keladi va quyidagi sabablar yuzasidan tilga olinadi: a) Muhammad alayhissalomga xos biror fazilatni ta'kidlash uchun (ilk ibtido, ilk ajdod munosabati bilan – Odam alayhissalom, ilohiy jazo munosabati bilan – Nuh alayhissalom, ideal ajdodlar, nasl-nasab munosabati bilan - Ibrohim, Imoil alayhissalom, moʻjizalar munosabati bilan - Muso, Iso alayhissalomlarga qiyos qilinadi); b) kitob tushirilishi munosabati bilan (Dovud (a.s.) Zabur, Muso (a.s.) Tavrot, Iso (a.s.) Injil); v) islom tarixida ro'y bergan biror muhim hodisa dalili sifatida (to'fon, Ka'batullohning qurilishi, Tur tog'idagi voqea, dengizning bo'linishi va h.k.); g) bashariyat hayotidagi ahamiyati nuqtayi nazaridan (tilga olingan barcha Payg'ambarlar); d) "Xamsa"dagi biror obraz mohiyatini ochish uchun (Farhod, Majnun, Iskandar va h.k.). Ammo Muhammad alayhissalomdan boshqa Paygʻambarlar haqidagi badiiylashtirilgan tarixiy ma'lumotlar "Xamsa" semantikasi uchun vosita funksiyasini bajaradi. Ular, asosan, "Xamsa" dagi muayyan konsepsiyani tasdiqlaydi, inkor etadi, toʻldiradi, dalillaydi. Shu tariqa muallif badiiy idealining bir bo'lagi o'laroq asar semantikasiga singib ketadi.

"Xamsa"dagi ideal tarixiy obrazlarning keyingi guruhi Muhammad alayhissalomning yaqin doʻstlari, maslakdoshlari toʻrt sahoba (chahoryor) — hazrati Abu Bakr, hazrati Umar, hazrati Usmon, hazrati Ali (r.a.)lar hisoblanadi. Navoiy bu toʻrt sahoba xususida"Hayrat ul-abror"dagi toʻrtinchi na'tda maxsus toʻxtalishi bilan birga, keyingi dostonlarda ham turli munosabatlar bilan ularni tilga oladi. Sahobalar haqidagi epizodlarda ilgari surilgan eng muhim konsepsiya ularning naqadar Ollohga va Muhammad alayhissalomga yaqinliklari, islom yoʻlida koʻrsatgan xizmatlarini ta'kidlashga qaratiladi. Boshqacha aytganda, ularning tarixin ideal shaxs ekanliklari shu tarzda badiiy asoslanadi.

Navoiy ushbu toʻrt sahoba obrazi talqinida tarixan islom dunyosida ma'lum dalillarni yoki ularning biografiyasiga oid ma'lumotlarni batafsil keltirib o'tirmaydi. Balki ularning Olloh, Paygʻambar (a.s.), islom dini uchun oʻtkazgan hayotlaridagi eng muhim nuqtalarni badiiy tasvir etish bilan cheklanadi. Deylik, hazrati Abu Bakr siddiq (r.a.) haqida soʻz yuritar ekan "yori g'or" (g'ordagi hamroh) voqeasiga urg'u beradi. Bu voqea Payg'ambarimizning (s.a.v.) Makkadan Madinaga hijratlari bilan bogʻliq boʻlib, u haqda Qur'oni karimning "Tavba" surasida maxsus oyat kelgan: "Agar sizlar unga (ya'ni Payg'ambarga) yordam qilmasangiz (Ollohning o'zi unga yordam qilur). Uni kofirlar ikki kishining biri bo'lgan holida (ya'ni bir hamrohi bilan Makkadan) haydab chiqarganlarida, unga Olloh yordam berdi-ku! O'shanda ikkovlon gʻorda boʻlgan paytlarida hamrohiga: "Gʻamgin boʻlma, shubhasiz, Olloh biz bilan birgadir", der ekan, Olloh uninig ustiga xotirjamlik tushirdi va uni sizlar koʻrmagan lashkarlar (ya'ni farishtalar) bilan qo'llab quvvatladi hamda kofir bo'lgan kimsalarning so'zlarini tuban qilib qoʻydi. Ollohning soʻzigina yuksak soʻzdir. Olloh qudratli va hikmatlidir" (Qur'oni karim, 1992, 9: 40.). Oyatda kelgan "hamroh" so'zi aynan Abu Bakr siddiqqa (r.a.) tegishli. Muhammad alayhissalomning "G'amgin bo'lma..." deb boshlanuvchi gaplari ham Abu Bakrga (r.a.) qaratilgan. Bu esa Payg'ambarning (s.a.v.) g'ordagi yo'ldoshlari mushriklar xafv solgan tahlikali vaqtda oʻzi uchun emas, ustozi va doʻsti Muhammad alayhissalom uchun gʻamgin boʻlganini koʻrsatadi. Shu va shunga oʻxshash oʻnlab fazilatlari bois Abu Bakrga (r.a.) Paygʻambar alayhissalomning oʻzlari tomonidan siddiq sifati berilgan. Bu voqeaning atroflicha tafsiloti "Al jomi' as-sahih"da ham keltirilgan (Abu Abdulloh Muhammad ibn Ismoil al-Buxoriy, 1996, 562; 583-587). Bundan tashqari islom tarixi, Paygʻambarimiz (s.a.v) hayotlari yoritilgan risolalarda, turli manoqiblarda bu voqeaga qayta-qayta murojaat etilgani kuzatiladi.

Alisher Navoiy Qur'on, Hadis va boshqa e'tiborli manbalardagi Abu Bakr (r.a.)ga doir axborotlarni sintezlaydi. G'or bilan bogʻliq kichik bir detalga hijrat voqeasi xususidagi ulkan hodisalarni yuklaydi. Badiiy soʻz vositasida bularning hammasini besh baytga joylay biladi:

Xasmidin oʻlgʻonda anga parda gʻor,
Ogʻzida oʻrgamchi boʻlub pardador.
Aylamasun deb yel ila parda sayr,
Bayzasidin tugma toqib anda tayr.
Pardasi jon rishtasidin tor oʻlub,
Tugmalari gavhari shahvor oʻlub.
Qoʻydi chu ul dom ila ul dona gʻor,
Koʻrki ne davlat qushin etti shikor.
Gʻorda yori bila ul tez xush,
Togʻ ichida oʻylaki oltun-kumush... ("H.A.", 43)

Qur'oni karim tarjimasidagi 40-oyat izohida mushriklarning Muhammad alayhissalom va yoʻldoshlarini oʻldirish niyatida izlab kelishgani ammo "gʻorning ogʻzi oʻrgimchak toʻrlari bilan toʻsilganini, u toʻrga bir kaptar tuxum ham qoʻyganini koʻradilar va hafsalalari pir boʻlib (qaytib) ketadilar" degan soʻzlarni oʻqiymiz (Qur'oni karim, 1992, 9: 40; 59). Bu aniq tarixiy dalil. Navoiy baytlarini oʻqigan oʻquvchi esa ayni voqeani toʻla tasavvur etgani holda, badiiyatning kuchi bois bu voqea mohiyatidagi ilohiy qudratni, istisnosiz bir qoʻllovni his qiladi. Iymon va kufr oʻrtasidagi jangda nabotot, jamodot, hayvonotdan iborat butun borliq iymon tomonida turadi, ikki doʻstni himoya qilishga kirishadi: jonsiz gʻor ularni dushmandan toʻsadi, oʻrgimchak gʻor ogʻziga parda toʻqiydi, nogahoniy yel ushbu nafis pardani koʻtarib, sirni oshkor qilmasin uchun kabutar unga tugma qadaydi. Ammo bu parda, bu tuxum oddiy narsalar emas. Bu shunday pardaki, matosi jon rishtasidan toʻqilgan. U shunchaki tuxum emas, gavharlarning shohi. Zotan, ularning har biri Xoliq amri bilan jahon tarixidagi eng xayrli ishga – iymon va kufr orasini ajratishga, haqning qaror topishiga xizmat qilgan. Gʻor ichidagi oltin va kumush (Muhammad alayhissalom va zotning yoʻldoshlari)ni muhofaza etgan.

Shu tariqa qolgan uch sahoba tarixiy biografiyasiga xos eng muhim nuqtalar yodga olinadi:

Kufr chu e'loyi livo aylabon, Nusrat uchun ding'a duo aylabon -Kim, "Iki tandin birin et tojvor. Biri Abujahlu birisi Umar"... ("H.A.", 43)

Yoki:

Buki kalamulloh angadur nasib – Kim, yoʻq anga moʻjiza andin gʻarib... ("H.A.", 43)

Yoki:

Na'lini gar toji sharaf qildi arsh, Qildi Ali na'lig'a egnini farsh... ("H.A.", 43)

Birinchi to'rt misra asosida Payg'ambar alayhissalomning "Ollohim, dinimizni yo Abujahl bilan yo Umar bilan quvvatlantir", degan duolari yotadi. Manbalarda qayd etilishicha, bu ikki shaxs Quraysh qabilasidagi eng kuchli, eng jangovar, eng obroʻli kishilar boʻlishgan. Duo ijobat boʻlgan. Faqat Abujahl ibn Hishom foydasiga emas, Umar ibn Xattob foydasiga. Shu duo sharofati bilan hazrati Umar (r.a.) islom olamidagi uchinchi shaxsga aylanganlar. Islom dini taraqqiyoti uchun mislsiz xizmat koʻrsatganlar. Hazrati Usmon (r.a.) haqida gap ketganda, birinchi navbatda, u kishining "Jomi' ul-Qur'on" (ya'ni Qur'oni karimni bir jild ostida jam qilguvchi) ekanlari yodga olinadi. Navoiy ham "kalamulloh angadur nasib" deganda aynan shu xizmatiga urgʻu beradi. Hazrati Ali (r.a.)ni esa islom olamida ilm koni, Paygʻambarimiz (s.a.v.) me'rojda ta'lim olgan maxfiy (laduniy) ilmlar sohibi sifatida taniydilar (Abu Abdulloh Muhammad ibn Ismoil al-Buxoriy, 1996, 499-522; 562). Keltirilgan ikki misra shu mazmunni toʻlaligicha ifodalaydi. Ya'ni Muhammad alayhissalom me'roj tunida arshga qadam qoʻydilar. Arsh u zot kovushlarini (choriglarini) toj gilish bilan sharaf topdi. Mana shu sharaf egasi hazrati Ali (r.a.)ga oʻz hirqalarini kiydirdilar. U shunday uzun hirqa (iymon ramzi, laduniy ilm) ediki, hazrati Ali (r.a.) ustlariga kiydirilgach, etagi kovushlarigacha yopdi. Navoiy to'rt ulugʻ sahoba haqidagi fikrlarini shunday xulosalaydi:

> Ruh edi ul bahri nubuvvat duri, Toʻrt rafiqi tanining unsuri... ("H.A.", 43)

Navoiy talqinidagi ideal tarixiy obrazlarning yana bir guruhi "Nasoyim ul-muhabbat"da nomlari kelgan soʻfiylar, avliyoullohdir. "Hayrat ul-abror"da ularning eng ulugʻlari (Ibrohim Adham, Robi'a Adaviya, Boyazid Bistomiy, Bahouddin Naqshband va h.k.) haqidagi rivoyat, hikoyat va kichik epizodlarga duch kelamiz. Bunda ham ushbu badiiy obraz darajasida ideallashtirilgan tarixiy shaxslarning, asosan, yuqoridagi mezonga koʻra poetik talqin etilganlarini kuzatamiz. Bu mezon uchun ularning Olloh yoʻlidagi xizmatlari, Paygʻambar alayhissalomga sadoqatlari, sahobalar va ularga ergashganlarga koʻrsatgan hurmatlari va ulusga qilgan xizmatlari asos oʻlaroq xizmat qiladi.

Shuni qayd etish joizki, ideal tarixiy obrazlar mansub xronotop tom ma'noda real, ayni paytda, oliy realistik voqelikdan kelib chiqadi. Paygʻambarimiz (s.a.v.)dan boshlab, soʻz yuritilgan obrazlarning barchasi tarixan aniq makon-zamonda yashab oʻtganlar. Kechirgan umrlari, yashagan makonlari, turmush tarzlari jihatidan oddiy odamlarga nisbatan unchalik farq qilmaydilar. Ammo ularning ijtimoiy-biografik yoʻllarida shunday ishlar borki, buni zamin mantiqi, ijtimoiy aql, bashariyatga xos turmush mezonlari izohlashga ojizlik qiladi. Shu nuqtayi nazardan ideal tarixiy obrazlar xronotopi odatdagi astranomik zamon bilan birga, bir tomoni "avvalgi olam"ga tutashuvchi universal zamon bilan qoʻshilib ketadi.

"Xamsa"dagi tarixiy obrazlarning ikkinchi tipini shartli ravishda real tarixiy obrazlar deb nomlaymiz. Real tarixiy obrazlar deganda biz tajribalaridan Navoiy bahramand boʻlgan, bevosita tajriba almashgan, ijodiy va ijtimoiy hayotida real muloqotga kirishgan tarixiy shaxslarni nazarda tutamiz.

Real tarixiy obrazlarning birinchi guruhiga, shubhasiz, Navoiyning uch buyuk salafi – Nizomiy Ganjaviy, Xusrav Dehlaviy, Abdurahmon Jomiylar kiradi. Navoiy "Xamsa"ning

har besh dostoni debochalari va xotimalarida bu shaxslar xususida maxsus toʻxtaladi. Ular bilan ruhiy-ma'naviy (asosan, Abdurahmon Jomiy), adabiy-estetik (Nizomiy va Dehlaviy) muloqotga kirishadi. Ularning "Xamsa" takomilidagi xizmatlarini qayta-qayta e'tirof etadi. Ayni paytda, shoirning ularga boʻlgan munosabati, baholash mezonlarida ideal tarixiy obrazlar talqinidagi kabi mutlaq idealizisiyani koʻrmaymiz. Kerak oʻrinlarda muallif ular bilan oʻzini qiyoslaydi. Ba'zi oʻrinlarda ularni tanqid ostiga oladi: ijod laboratoriyalariga xos kamchiliklarni, badiiy talqinlaridagi noqisliklarni, poetik usullariga oid nuqsonlarni ochiq-oydin aytadi. Ayniqsa, Farhod, shoh Bahrom, Iskandar Zul-qarnaynlar tarixi, ularning badiiy talqinlari masalasida murosasiz bahsga kirishadi.

Ayni tip obrazlarning ikkinchi guruhi sifatida "Xamsa" badiiy tizimiga kiritilgan hukmdorlar obrazini koʻrsatish mumkin:sohibqiron Amir Temur, Mirzo Ulugʻbek, Husayn Boyqaro, Badiuzzamon, Shogʻarib Bahodir va h.k. Bu oʻrinda shoir tayanadigan bosh mezon – bu, adolat hisoblanadi. Ayni mezonni Amir Temur haqidagi hikoyatda ham ("H.A.", 185-187), Sulton Husaynga bagʻishlangan qator boblarda ham ("H.A.", 129-132-bet va b.), shahzodalar Badiuzzamon ("F.Sh.", 55-59) va Abulfavoris Shog'irib Bahodirga ("F.Sh.", 460-467) qaratilgan nasihatlarda hamkuzatishimiz mumkin. Bunda Navoiy, asosan, adolat mavzusida soʻz yuritsa ham, matn ostida, qisman metaforiklashtirilgan planda zulm va adolatsizlikka ham ishora qiladi. Oʻrni-oʻrni bilan yaqin doʻsti va rasman hukmdori hisoblangan sulton Husaynga ishora qilishdan choʻchimaydi. Shahzodalarga asl adolat haqidagi gʻoyalarini bayon etar ekan, real hayot adolatsizliklaridan ogohlantiradi. Faqat mirzo Ulugʻbek tavsifida bu mezon oʻzgaradi. To'g'rirog'i, adolat mezoniga yana bir mezon – ilm qo'shiladi. Navoiyga ko'ra shohning adolat sifati ilm bilan mukammallashsa, nur ustiga nur boʻladi. Ilm boʻlganda ham shunchaki ilm emas. Balki: Shah uldurkim shiori ilmi dindur / Nedinkim ilmi din ilm ul-yaqindur... ("F.Sh.", 464). "Ilm ul-yaqin" bu Ollohga yaqinlik, chin ma'rifat sohibi boʻlish demakdir. Bu "Takosur" surasida bayon etilgan, keyinchalik oʻnlab hadislarda sharhlangan, fiqh olimlari, tasavvuf ulamosi tomonidan oʻrganilgan iymon va islom ma'rifatidir. Navoiy mirzo Ulugʻbekda xuddi shu fazilatni koʻradi. Shu sifat bois uni buyuk sulton sifatida taniydi: Qiyomatgʻa degincha ahli ayyom / Yozorlar oning ahkomidin ahkom... ("F.Sh.", 464) tarzidagi xulosasini bayon etadi. Birgina fiqhiy istiloh – "ilm ul-yaqin" tufayli Mirzo Ulugʻbek obrazi va ideal zamon oʻrtasida bogʻlanish yuzaga keladi. U yaqin ilmi sohibi oʻlaroq Navoiyning mumtoz salaflari bilan tenglashadi. Shunchaki sulton, hukmdor rutbasidan yuqoriroq rutbaga koʻtariladi.

"Xamsa"dagi real tarixiy obrazlarning uchinchi bir guruhi ham borki, uni oʻz semantik-struktural mohiyatiga koʻra umumlashtirilgan (yoki tipiklashtirilgan) obrazlar guruhi deb atash maqsadga muvofiq boʻladi. Navoiy bu oʻrinda Sharq-islom etikasidan kelib chiqib, oʻz jamiyatidagi salbiy shaxslarni nomma-nom tilga olib tanqid qilish, ularga tanbeh berishdan tiyiladi. Ammo oʻzi shaxsan guvoh boʻlgan shaxslar hayotidagi maqtab boʻlmaydigan holatlarni umumlashtirib, bir nechta guruhlarga tasniflaydi. Tipik xususiyatlari asosida ichki badiiy butunlikka ega obrazlarni ishlab chiqadi. Bu guruhni, bizningcha, quyidagilar tashkil etadi: a) zolim hukmdorlar obrazi: "Hayrat ul-abror"ning salotin, adolat, ilm, sidq boblarida kontrast yoʻli bilan zolim, takabbur, qanoatsiz, himmatsiz hukmdorlarning umumlashtirilgan obrazlarini chizadi. "Sab'ai sayyor"da esa shoh Bahrom misolida zulmning oqibatini koʻrsatadi; b) riyoyi hirqapoʻshlar obrazi: "Hayrat ul-abror"da bu obraz tilqini uchun maxsus bob ilova qilingan. Albatta, ushbu bobda tasvirlangan riyokor shayxlar oʻzining tarixan konkret

prototiplariga ega. Hatto Navoiy zamondoshlari ularni nomma-nom bilgan boʻlishlari ham mumkin. Ammo tarixan tipiklashtirilishi natijasida ushbu obraz oʻz konkretligini yoʻqotgan. Barcha zamonlar uchun tipik boʻlib qolgan; v) jahl mayining durdkashlari: bu oʻrinda Navoiy tom ma'nodagi mayxoʻrlarni nazarda tutadi. Ularga xos barcha tuban holatlarni detallashtirib tasvirlaydi (deylik, sallasi chuvalashgan holda koʻcha yuzida qusiqqa botib yotishi, yuzini daydi it yalashi, ertalabki ruhiy holati, sabuhiy (paxmel) uchun jonini jabborga berishi va h.k.); g) xudnamo muxannasvashlar: dunyo ziynatiga mukkasidan ketganlarning tipik obrazi. Bu obrazning yetakchi belgisi kibr — oʻzgalarni nazar-pisand qilmaslik (It eti qoplon kibi quti aning / Kibr yeli bodi buruti aning... "H.A.", 267) Oqibatda fe'liy xususiyatga aylanadigan shar'xilofi, ya'ni namozni tark etish, soqolni taroshlash, ipak libos kiyish, boy va mansabdorga xushomadgoʻylik, yeb-icharda haromdan hazar qilmaslik va h.k. Shoirning xudnamolar haqidagi xulosasi shunday: Kimgaki jonondin erur jon aziz / Hayfki qilgʻay ani jonon aziz... (H.A.", 275)

"Xamsa" dagi tarixiy obrazlarning uchinchi tipi konkret tarixiy asosga ega boʻlsa ham, asar obrazlar tizimida metaforiklashtirilgan shaklda namoyon boʻladi. Boshqacha aytganda, ulardagi tarixiylik xususiyatlarini ifodalashda, mavzu va badiiy konsepsiya talabiga koʻra, metafora yetakchilik qiladi. Natijada ular konkret tarixiy xronotop chegaralaridan oshib oʻtib, umumiy (kvazi) xronotop maydonini ishgʻol etadilar. "Xamsa" universal xronotop tizimida ham gorizontal, ham vertikal xronotop sarhadlari boʻylab harakatlanadilar. Shunga koʻra biz bularni metaforiklashtirilgan tarixiy obrazar deb nomlaymiz.

"Xamsa" tarkibida metaforiklashtirilgan tarixiy obrazlar guruhiga kiritilishi mumkin boʻlgan obrazlar son-sanoqsiz. Ammo hajm nuqtayi nazaridan bu oʻrinda mazkur tip obrazlarning toʻrtta eng muhm shakli xususida muxtasar toʻxtalish imkoniga egamiz.¹Bular: muallif obrazi, homiy obrazi, odil va zolim shoh obrazlaridir.

1. Muallif obrazi. Bu obraz muayyan biografik qirralarga ham ega. Ayniqsa, "Xamsa" dostonlari kompozitsiyasi, debocha va xotima qismlarida, boblar ichidagi lirik chekinishlar, soqiynomalarda biz, aynan boʻlmasa ham, tarixiy Navoiy hayotiga oid voqea-hodisalarni, biografik unsurlarni, individual tabiat qirralarini kuzatamiz. Ammo shunda ham tarixda yashab o'tgan davlat arbobi, mutafakkir, ijodkor Navoiy bilan muallif obrazi o'rtasiga tenglik alomatini qoʻya olmaymiz. M.Baxtin roman janridagi muallif obrazi xronotopi ustida soʻz yuritar ekan, asosiy e'tiborini asar kompozitsiyasi, asardagi muallif pozisiyasiga qaratadi. Muallifga xos yozish, asar bo'laklarini jamlash, bayon etish, munosabat bildirish, betaraf turish xususiyatlarini alohida qayd etadi (Baxtin M., 2015, 253-256). "Xamsa"dagi muallif obrazi esa M.Baxtin roman janri misolida aniqlagan muallif obraziga nisbatan ancha boyroq. Biz "Xamsa"dagi muallif obrazida M.Baxtin sanagan jihatlardan tashqari quyidagi yangi shakllarini kuzatimiz: a) har bir doston asosiy boblarida, qahramonlari hayoti tasvirida bayonchi, kuzatuvchi, yoʻnaltiruvchi, baholovchi sintezlashgan muallif obrazi ("Fahod va Shirin", "Layli va Majnun", "Sab'ai sayyor", "Saddi Iskandariy"ning asosiy boblari boshida mavzuga mos ravishda keladigan "qalamkash", "raqamkash", "noʻgi qalam chekuvchi", "soʻz dostonsaroyi", "so'z tarhini bunyod etuvchi", "vaz'idin fasona suruvchi", "so'z sipohini tuzuvchi",

¹ Kuzatuvlarimiz shundan dalolat beryaptiki, "Xamsa"da obraz poetikasi maxsus oʻrganilishi lozim. Bu muammo haddan tashqari sertarmoq boʻlib, kichik bir bob doirasida ularni batafsil tahlil etish va nazariy xulosalarga ega boʻlish mumkin emas (– U.J.).

"daryo sarguzashtin deguvchi", "suxanvar", "tarix donishvari", "soʻz mavjini oshkor qiluvchi", "ma'ni naqshbandi", "nuktasanj", "nuktaposhanda", "soʻz darsini ta'lim beruvchi", "ilm oyatining varaqvardi", "sadoyi zanjir chekuvchi" va h.k.¹); b) voqea roʻy berishidan oldingi tabiat, inter'yer va ruhiy holatni (kinokamera obyektivi kabi) tasvirlovchi muallif obrazi (dostonladagi kun, tun, shom, subh, urush, gʻalaba, magʻlubiyat, iztirob, quvonch va h.k.); v) bevosita "Xamsa"ning maydonga kelishi bilan bogʻliq tarixiy voqea-hodisalar tarkibidagi muallif obrazi (Jomiy bilan uchrashuv, oxirgi dostondagi tush (ekstaz holatida koʻrilgan voqea). Bularning barchasi tarixiy yoki biografik sathdagi muallifning muallif-metaforaga aylanishi, sintezlashgan tarixiy metaforik obraz sathiga koʻchish jarayonini koʻrsatadi.

2. Homiy yoki yoʻlboshchi obrazi. "Xamsa"da bu obraz funksiyasini Xizr alayhissalom (a.s.) bajaradi. Aro yoʻlda qolgan, kalavaning uchini tapa olmagan qahramonga yoʻl koʻrsatadi, kerak boʻlsa, homiylik qiladi. Qahramonning aqli yetmaydigan tilsimlarni ochishga yordam beradi. Dushmani bilan kurashishga koʻmaklashadi.

Xizr alayhissalom shaxsining real tarixiy asosga egaligi birinchi navbatda ilohiy kitoblarda kelgan ma'lumotlar orqali sobitdir. Bu jarayon biz nomini biladigan toʻrt kitobdan oldin ham turli shakl, hajm va darajadagi naqllar (sahifalar, koʻrsatmalar, hukmlar, axborotlar)da oʻz ifodasini topgan. Keyinchalik ilohiy naql mohiyati ijtimoiy-siyosiy, ruhiy ma'naviy evrilishlar yuz bergan bosqichlarda buzilib, ular dastlab mif va afsonalarga, bora-bora epos, ertak, xalq qissalariga singib ketgan. Xizr alayhissalom obrazining folklor va jahon xalqlari yozma adabiyotga kirib kelishi koʻproq mif va folklor bilan bogʻliq. Bu obraz goh nomini, goh badiiy funksiyasini, goh pozisiyasini oʻzgartirgan holda asrlardan asrlarga oʻtib, yashab kelyapti. Ammo uning zamonlar osha saqlab kelayotgan uch xususiyati borki, ular hech qachon oʻzgarmaydi. Hatto shu uch xususiyat obrazning adabiy jarayondagi yashovchanligini ta'minlaydi. Bular Xizr alayhissalom obrazidagi gʻayrioddiy bilim, abadiy hayot va jahongashtalikdir. Jahon adabiyotida mana shu xususiyatlardan biri, ikkitasi yoki har uchalasiga ega boʻlgan obrazlar tizimi ham kuzatiladi. Bu esa Xizr alayhissalom shaxsiyati va Xizr alayhissalom obrazining adabiyot tarixining turli bosqich va davrlarida ijodkorlarga ilhom berganini koʻrsatadi.

Xizr alayhissalom obrazining tarixiy asosi deganda biz, qat'iy suratda, ikki manbaga – Qur'oni karim va Muhammad alayhissalom hadislaridagi ma'lumotlarga suyanamiz. Ushbu manbalardagi ma'lumotlarga koʻra Xizr alayhissalom degan shaxs real tarixda mavjud. Ammo uning qachon va qayerda tavallud topgani, kimning farzandi ekani bizga noma'lum. Chunki bu haqda ishonchli manbalarda biror ma'lumot berilmagan.

Ikkinchidan, Xizr alayhissalom ulkan bilim sohibi. Qur'oni karimdagi "Bas, bandalarimizdan bir bandani topdilarki, Biz unga Oʻz dargohimizdan rahmat (ya'ni Paygʻambarlik) ato etgan va Oʻz huzurimizdan ilm bergan edik", oyati bunga dalildir (Qur'oni karim, 1992, 9: 40; 18: 65.). "Al jomi' as-sahih"da esa shunday keladi: "Ubay ibn Ka'b rasulullohdan (s.a.v.) shunday rivoyat qilgan ekanlar: "Bir mahal Muso alayhissalom Banu Isroilga mansub bir toʻda odamlar orasida (xutba) qilib turgan edilar, bir kishi kelib: "Siz oʻzingizdan koʻra bilimdonroq boror odamni bilurmisiz?", dedi. Muso alayhissalom: "Yoʻq (bilmayman)", dedilar. Shunda Olloh taolo Muso alayhissalomga: "Albatta, bizning bandamiz Xizr alay-

¹ Bu oʻrinda M.Baxtin "qissachi", "hikoyachi" shaklida muallif obraziga xoslagan obraz shakllarining "Xamsa" tarkibidagi oʻndan bir qisminigina sanadik. Agar bu masalaga maxsus statistik tahlil va ilmiy tasnif yoʻli bilan yondashilsa, oʻta muhim nazariy umumlashmalar maydonga kelishiga shubha qilmaymiz (– U.J.).

hissalom (sizdan bilimdonroqdur)", deb vahiy yubordi..." (Abu Abdulloh Muhammad ibn Ismoil al-Buxoriy, 1996, 426; 562) "Farhod va Shirin"da Xizr alayhissalomga xos bu sifat qahramonga ustozlik qilib, tilsim sirlarini oʻrgtuvchi homiy oʻlaroq metaforiklashgan shaklda koʻchgan. Dostoning XXIV bobida Farhod Xizr alayhissalom bilan uchrashadi. Bu uchrashuv tasvirida Navoiy Xizr alayhissalom obrazi mohiyatini mukammal poetik kompleks tarzida jonlantiradi. Ushbu kompleks dekoratsiyasi shunday qismlarni uygʻunlashtirgan: yam-yashil oʻtloq, unda bir zilol buloq, buloq boʻyida boʻyi osmonga tutash yam-yashil daraxt, daraxt ostida suhbatlashayotgan Xizr alayhissalom bilan Farhod ("F.Sh.", 163)

Uchinchidan, Xizr alayhissalom saodat va murod yoʻlini koʻrsatuvchi pir, jahongashta yoʻlboshchi. Xizr alayhissalom obraziga xos bu funksiya Farhod bilan boʻlgan muloqotda ham aks etadi: Meni Xizr alayhissalom anglakim, tuttum yoʻlungni / Ki, to bu yoʻlda tutqoyman qoʻlungni... ("F.Sh.", 163) deydi unga qarata Xizr alayhissalom. U Farhodga keyingi sinov bosqichlari xaritasini oʻta mukammal tarzda (necha qadamligi-yu, qayerda burilish, qayerda darvoza, qayerda eshik, qayerda tuynuk borligigacha) bayon etadi. Hali bosib oʻtilmagan yoʻl xronotopi Farhodga Xizr alayhissalom vositasida ayon boʻladi. Farhod shu yoʻl orqali ma'shuqa visoliga erishadi. Garchi, bu yo'lni zohiran Xizr alayhissalom yo'ldoshligida bosib o'tmagan bo'lsa ham, botinan u bilan birga harakatlanadi (u bergan ta'limga ko'ra yo'l bosadi, "ismi a'zam"ni tilidan qo'ymaydi). Xizr alayhissalom Farhodga og'zaki chizib bergan yoʻl tasviri shunday: ikki tomoni toshloq yoʻl, uzunligi 12000 qadam. 11000 qadamdan keyin tosh devor keladi, u yerda bir nar sher bogʻlangan. Sher hamla qilganda Sulaymon uzugini na'ra tortayotgan ogʻziga otilsa, u oʻladi. Bundan oʻtib 900 qadam yursa, oldidan toshtaxta chiqadi. Toshtaxtani tepsa, qal'a darvozasi ochiladi. Qal'ada unga ichida o't yonib turadigan, qoʻlida yoy ushlagan temir odam qarshi chiqadi. Temir odamga 100 qadam masofasida yaqin kelib, koʻkragidagi oynani nishonga olsa, Iskandar tilsimi ochiladi.

Ushbu Farhod Xizr alayhissalom uchrashuvi motivi ichida, Xizr alayhissalom tilidan retrospektiv usulda hikoya qilingan bir epizod keladi. Bu Iskandar haqidagi epizod boʻlib, unda Xizr alayhissalomning Iskandar bilan zulmat vodiysiga safar qilgani, u yerdan hayot suvini topgani, yoʻdoshiga fotihlik va tuganmas xazinalar, Xizr alayhissalomga esa abadiy hayot nasib etgani haqida gap ketadi: Suv istab ul koʻp urdi har taraf gom / Va lekin yetti ul suvdin manga kom... ("F.Sh.", 163) Mana shu joyda Xizr alayhissalom obrazining uchinchi sifati – boqiy hayot sohibi ekani maydonga chiqadi. Bu epizod bir jihatdan ikkinchi va beshinchi dostonlarni semantik jihatdan sintezlaydi; ikkinchidan, xamsachilik silsilasida mavjud hayot suvi epizodini davom ettiradi; uchinchidan, Xizr alayhissalom obrazi metofarasini tashkil etuvchi eng muhim sifatni ta'kidlashga xizmat qiladi.

3. Odil shoh obrazi. Bu obraz ostida ham Qur'oni karimda bayon etilgan Zul-qarnaynga oid uch konsepsiya asos vazifasini oʻtaydi. Bularning biri fotihlik, sohibqironlik; ikkinchisi, odillik; uchinchisi, har ikki konsepsiyaning negizida turuvchi Ollohga yaqinlik, ilohiy ma'rifat. Navoiydagi odil shoh obrazi talqinida bu uch komponant-konsepsiya navbatma navbat aylanib turadi va bu doirada ilohiy ma'rifat (Ollohga yaqinlik) konsepsiyasi dominantlik qiladi: ("Aniqki Biz uning barcha ishlaridan xabardormiz – (uni) ixota qilib olgandirmiz") (Qur'oni karim, 1992, 9: 40; 8: 91). Ayni shaklda odil shoh obraz-sitemani tashkil etadi. Tarixiy-metaforik xronotop maydonida odil shoh tarixiy metaforik obrazini harakatga keltiradi. Asar syujetidagi Xitoy, Hindiston, Turkiston, Eron singari tarixiy makonlar tizimi Iskandar-

dagi Our'onda qayd etilgan sifatlar bilan uyg'unlashib, ideal tarixiy mohiyat kasb etadi. Bu syujet chizig'ining "Kahf" surasida bayon etilgan Zulgarnayn qissasi bilan mos kelishi (uning dastlab Magʻribga, soʻng Mashriqqa yurishi, Ya'juj-Ma'juj qutqusiga qarshi devor qurishi) (Our'oni karim, 1992, 9: 40; 18: 83-98.) obrazning idealligi va tarixivligini ta'kidlashi bilan bir qatorda, metaforik qatlamda universallashgan odil shoh gʻoyasini aks ettiradi. Asardagi dengiz, ummon, suv osti xronotoplari esa metaforik qatlam salmogʻini oshirib, uni tarixiy qatlam bilan tenglashuviga olib keladi. Ayni xronotoplar bilan bogʻliq syujet liniyalarida Iskandarga valiylik, nabiylik maqomlarining berilishi, undagi jahongirlik, fotihlik xususiyatlarini samoviy ma'rifat kontekstida umumlashtiradi. Navoiy ayni masala talqinida tarixiy dalillarni solishtirish usulidan foydalanadi. Iskandarning nabiyligi, valiyligi hamda suv ostiga safari masalasida shariat, mantiq,tarixiy manbaning ishonchliligi singari uch mustahkam ustunga asoslanadi. Bu borada oʻzigacha aytilgan (Iskandarning shisha idishda suv ostiga tushgani xususidagi) mantiqqa zid fikrlarni "Vuqu'ig'i topmas xirad ehtimol..." misrasi bilan inkor etadi. Uningcha, Iskandarning suv ostidagi sirlarini koʻrishi, ba'zilar aytganidek, texnik hodisa emas, balkiy botiniy-ruhiy hodisadir. Iskandarning oddiy odamlar koʻrmagan ummon sirlarini koʻrishiga sabab undagi Ollohga yaqinlik, ilohiy ma'rifat, ya'ni nubuvvat chirogʻidir: Valoyat maqomida topti oʻzin / Nubuvvat charogʻi yorutti koʻzin... /Qayon boqti, koʻrdi nekim bor edi / Anga borcha maxfiy padidor edi... ("S.I.", 510)

Navoiy "Tarixi anbiyo va hukamo"da yozadi: "Mavlono Mirxond "Ravzat us-safo"da Solih a.s. zikridin soʻngra Zulqarnayn Akbar qissasin bitib, mundoq bayon qilibdurkim, aksar ahli tarix Nuh a.s.din soʻngra va Ibrohim salavoturrahmon alayhdin burun Xud bila Solih a.s.din soʻngra oʻzga Paygʻambar boʻlmaydur debdurlar. Ammo saltanatdin ba'zining kalomi munga mash'ardurkim, bu mobaynida Zulqarnayn Akbar nubuvvat martabasigʻa musharraf boʻlubdur... Bu faqir qalamigʻa ul qobiliyat yoʻqdurkim, ahli tarix bitkondin tahrir qilgʻay" (Alisher Navoiy, 2000, 109-110.) Bularning hammasi "Xamsa"dagi Iskandarga xos tarixiy va metaforik xususiyatlar odil shoh obraziga sintezlashganini koʻrsatadi.

4. Zolim shoh obrazi. Ye.E.Bertels Navoiy "Xamsa" siga oid tadqiqotida shoh Bahromning fojiaviy oʻlimi haqida shunday xulosani ilgari suradi: "Qayd etish joizki, ushbu hodisa (ya'ni Bahromni yer yutishi)ning sababi muayyan ma'noda Bahrom qilmishlari oqibatidir. U qilmishi bois o'z o'limiga sababchi bo'ladi" (Bertels Ye.E., 1965, 165). Filologiya fanlari doktori Saidbek Hasanov ham ayni masala toʻgʻrisida Bertelsga yaqin xulosaga keladi. Navoiy Bahromini Firdavsiy, Nizomiy, Dehlaviy Bahromlari bilan qiyoslar ekan, shunday yozidi: "Sab'ai sayyor" muallifi shoh qahramonliklari va adolatini madh etib o'tirmaganidek, unga xos salbiy jihatlar haqida ham bir narsa demaydi. Navoiy uning ishratparasligi va buning halokatli oqibatlariga koʻproq urgʻu beradi" (Xasanov S., 1988, 83). Yuqoridagi boʻlimlarda qayd etganimizdek, Bahrom "Xamsa"dagi ishq liniyasida oshiqqa xos muayyan maqomni egallaydi. Ammo u, birinchi navbatda, shoh. Saltanat va ulusga javobgar bir shaxs. Shoh sifatida baholanganda uning kimligi ishqining darajasiga qarab emas, saltanatni qanday boshqargani, raiyat ishiga munosabatiga qarab belgilanadi. Oʻrtaga ijtimoiy masala tushgandan keyin Bahrom shaxsiyati (ya'ni obrazi) zolim yoki odil degan ikki mezonga ko'ra o'lchanadi. Agar mezon shayini adolat tomonga bosib tursa, u odil shoh, aksincha bo'lsa, zolim shoh sifatida baholanadi. Navoiy "Sab'ai sayyor" idagi badiiy voqelik tahlili bizni Bahromga nisbatan zolim shoh obrazi muammosini qoʻyishga olib keldi.

S. Hasanov badiiy-taixiy asarlarning barchasida shoh Bahrom shaxsiyatidagi uch sifat takror-takror tilga olinganini ta'kidlaydi: ov ishqi, ayol ishqi va aysh-ishratga berilish.¹ Navoiy shoh Bahrom obrazida mana shu uch xususiyatni badiiy mantiq asosida dalillaydi va oʻnlab boshqa obrazlar, katta-kichik (makro va mikro) syujetlar tizimida poetik tasvirini beradi. S.Hasanov toʻgʻri ta'kidlaganidek, "Sab'ai sayyor"ning biror oʻrnida muallif Bahromga nisbatan ochiq antipatiyasini namoyon etmaydi. Ammo badiiy voqelikning tizimli tasviri orqali reseptiv jarayonni Bahrom zolim shoh degan yagona umumlashmaga olib keladi. "Tarixi muluki ajam"da esa shoh Bahrom ismiga qoʻshib aytiladigan "goʻr" soʻzi uning ovga (yovvoyi eshak ovi) haddan tashqari ruju qoʻygani bilan bogʻliqligini alohida ta'kidlaydi. "Sab'ai sayyor"dagi Bahrom-Dilorom qoliplovchi syujet liniyasini shu asosga quradi.

Asardagi shoh Bahrom yoʻli ov bilan boshlanib, ov bilan yakun topadi. Oʻrtadagi barcha voqealar shu ikki ov oʻrtasida boʻlib oʻtadi. Bahrom hayot mazmunini ovda topib, ov shukuhi bilan yashab yurgan begʻam bir shoh edi. Ov kunlarining birida dashtda Moniyni uchratib qoldi, Diloromning suratini koʻrdi va oshiqqa aylandi. Shohlik imkoniyatidan (ya'ni saltanat va ulus hisobidan) Diloromning mahrini toʻladi, maqsadiga erishdi. Ov sabab Diloromdan koʻngli qoldi. Ov sabab undan voz kechdi. Undagi bir necha yillik hijron iztiroblariga ham ov sabab boʻldi. Hijron iztiroblari yakun topib, saodatli visol zamoni boshlandi. Ammo bu uzoq davom etmadi. Bahrom ehtiyojlarini na yor visoli, na saltanat surish shukuhi qondira oldi. U yana ovga ruju qoʻydi. Ov sabab u yordan manguga judo boʻldi. Ov sabab oʻlim topdi. Ov sabab uni yer yutdi. U yer osti fuqarosiga aylandi.

Balki tarixda yashab oʻtgan Bahrom goʻr hayoti, ba'zi bir elementlar mos tushsa ham, bu tarzda oʻtmagandir. Ammo Navoiy oʻz badiiy konsepsiyasini dalillash uchun tarixiy Bahrom tabiatidagi mana shu jihat xamirturish vazifasini oʻtagan. Metaforik qatlamga oʻtar ekan, zolim shoh obraziga xos barcha komponentlarni bir rakursda jamlovchi, ayni paytda boshqa komponentlar harakatini ta'minlovchi universal dvigatel boʻlib xizmat qilgan.

NATIJALAR VA MUHOKAMA

Bundan oldingi abzasda biz ovning shoh Bahrom obrazi bilan bogʻliq xususiy tomonlarini sanab oʻtdik. Endi bu obraz fojiasini ta'minlagan umumiy jihatlarga diqqat qaratamiz.

- 1. Ov shoh Bahromning ijtimoiy mavqeiga putur yetkazdi, jismini yemirdi, ruhiyatini tushirdi, yordan ajratdi, eldan ajratdi, saltanatdan ajratdi, Ollohning zikridan, chin abror-odam yoʻlidan chalgʻitdi.
- 2. Bahrom, birinchi navbatda, yolgʻiz odam. Uning vazirlari, koʻplab mulozimlari, lashkarboshi va lashkarlari, munajjimlari, hakimlari, tabiblari bor. Ularning hammasi Bahrom buyrugʻiga mahtal. Bahrom nima istasa muhayyo. Ammo uning doʻsti yoʻq. U qalbini hech kimga ocha olmaydi. U podshohligi bois xalq (yoki avom)ni oʻziga doʻst tuta olmaydi. Mulozimlar esa uni faqat hukmdor sifatida biladilar. Uning uchun bir darddosh, doʻst boʻlishga oʻzlarini noloyiq hisoblaydilar. Yor ham uning uchun koʻngil xushlovchi, lazzat

¹ Ammo dastlab akademik I. Orbeli, Ye. Bertelslar tomonidan ilgari surilib, keyin bu mavzuga aloqador barcha tarqiqotlarda takrorlangan (qarang: N.Mallayev. Alisher Navoiy va xalq ijodiyoti. – T., 1974, 163-bet; S. Hasanov, koʻrsatilgan asar va h.k.) Bahromning genetik jihatdan qadim sharq mifologiyasidagi chaqmoq va jang ma'budi Varaxranga bogʻlanishi haqidagi fikrning Navoiy Bahromiga sira ham aloqasi yoʻq. Voqean, Navoiy Bahromida ayni mifologik xususiyatlar sezilmaydiki, buning sababi muallifning barcha masalalarga sof islom e'tiqodi bilan yondashganida boʻlsa kerak (– U.J.).

vositasi, xolos, Ammo bu ham o'tkinchi lazzat. Bahrom esa tugamaydigan, medaga tegmaydigan lazzat qidiradi va bu lazzatni hukmdorlik, fotihlik, jahongashtalik, bunyodkorlik, hatto muhabbatdan ham emas, aynan, ovdan topadi. Psixologik hodisa sifatida ov nima oʻzi? Ta'qib etish, bandi qilish, oʻldirish. Bu esa zulm degani. Bahromning til-zabonsiz, paykon oldida ojiz goʻrga nisbatan zulmi zulmning qaysi darajasiga kiradi? Albatta, zulmning oʻta tuban darajasiga kiradi. Bunday zulm faqat tuban odam tomonidan sodir etilishi mumkin. Bahrom oʻzidagi qonga boʻlgan ehtiyojini ojiz jonivorlar vositasida qondiradi. Demak, uning oʻzi ham ojiz. Mayda va qoʻrqoq odam. Agar u zolim holida, sheryurak, jasur ham boʻlganda edi, Bahrom fojiasi individual doirada qolib ketmas edi (Ehtimol, Firdavsiy, Nizomiy, Dehlaviy va ulardan oldingi manbalarda izchil tarzda saqlanib kelgan Bahromning sher bilan olishuv sahnasi Navoiyda tushib qolganining sababi shudir.). U zolim hukmdor sifatida jamiyatga, butun boshli xalqlarga, hatto bashariyatga qutqu solishi mumkin edi. Hayot haqiqati shundaki, xudnamolik (egoizm) ostidagi oʻlim (garchi, Bahrom bilan birga butun boshli lashkarni yer yutgan bo'lsa-da) chin fojia emas. Chunki u bizda ulug'yor tuyg'ular, achinish, katarsis holatlarini tugʻdirmaydi. Bu hodisa ostida komik pafos sas beradi. Shuuringizda: "Arzimagan ov (goʻsht) shuncha odam hayotiga arziydimi?" degan zaharxanda bosh koʻtaradi. Bundan kelib chiqadiki, Bahrom fojiasi kundalik hayot yoqeligida qorishiq holatda uchraydigan fojia va komediya uygʻunligi – turmush tragikomizmidir. Shuning uchun ham shoh Bahrom obrazi xronotopi "o'rta olam" chegarasidan yuqari ko'tarila olmaydi. Hatto "quyi olam" ("yer osti") tubanliklari tomon enib ketadi.

3. Navoiydagi shoh Bahrom obrazi bizni mana shunday umuminsoniy xulosalarga olib keladi. Ayni umuminsoniy holatlar bois bu obraz milliy, ijtimoiy, siyosiy gatlamlarda golib ketmaydi. Balki "Xamsa" obrazlar xronopi tizimida aniq poetik vazifa bajarishga xizmat qiladi. Ayni oʻrinda ta'kidlash kerakki, navoiyshunos S.Hasanovning "Temuriylar aziyat chekkan bemorlik, mayxoʻrlik Navoiyda ushbu illatlarni Bahrom obrazi misolida qoralash fikrini uygʻotdi", degan xulosasi muallif badiiy konsepsiyasini nisbatan toraytirish, toʻla his etmaslikka olib keladi (Xasanov S., 1988, 88.). Toʻgʻri, bu singari xulosalar sovet davri adabiyotshunosligi uchun tipik edi. Amir Temur va temuriylar tanqidi orqali muayyan ijodkorning sovet siyosatiga zid ushbu saltanatga xayrixoh emasligini koʻrsatish bu davr adabiyotshunosligi kashf etgan zaruriy "metodologik" tadbirga aylangan edi. Ammo ba'zi o'rinlarda ushbu an'anaviy usulning amir Temur va uning buyuk dinastiyasi haqida o'ta subyektiv talinlarga olib kelgani ham kuzatiladi (Afsaxzod A., 1989, 5-10). Illo, hukmdor etiketi, shaxsiyati, ruhiy-jismoniy holati, saltanat va uni boshqaruv etikasi, ijtimoiy adolat, iste'dodlarni qo'lla-quvvatlash, san'at va madaniyatga yuksak e'tibor, ilm-fanni rivojlantirish nuqtayi nazaridan amir Temur hamda temuriylarga teng keladigan ikkinchi bir hodisani jahon tarixida ham topish mushkul. Chunki bu saltanat islom madaniyati va etikasining mahsuli bo'lib, islom ma'rifati uning ruhiyatiga singib ketgan edi. Qolaversa, Navoiyning odil shoh, saroy etiketi, adolatli boshqaruv xususidagi qarashlari shu saltanat tizimida ortirgan amaliy tajribalari bilan bevosita bogʻliq.

Shoh Bahrom individual-psixologik mexanizmi nuqtayi nazaridan boshqa doston qahramonlarining ziddini aks ettiradi. Agar Farhod oʻzining ruhiy-ma'naviy ehtiyojlariga soʻngsiz riyozat, mashaqqatli mehnat bilan davo topishga intilsa, Majnun dunyodan voz kechish orqali oshiqlar sultoni maqomiga yetdi. Iskandar esa Ollohga sidq va soʻzsiz itoat orqali odil

shoh timsoliga aylandi. Bahrom bularning hammasini nafsi ammoraga boy berdi, Yaratganni unutdi. Oqibatda oʻz qilmishiga munosib jazo oldi.

Ayni poetik mezon Alisher Navoiyning boshqa qahramonlarga munosabatida ham kuzatiladi. Buning bitta misoli "Farhod va Shirin"dagi Xusravi Parvez obrazidir. O'quvchi doston syujetidan Xusravning makkor, zolim, tajovuzkor ekani va bu kabi koʻplab qusurlarning qurboni sifatida biladi. Ammo Navoiy, xuddi Bahrom obrazi talqinidagi singari, Xusrav fojiasining tub ildizlarini ham samoviy mezonga koʻra talqin etadi. "Tarixi muluki ajam"da oʻqiymiz: "Va faqr barcha muarrixlir naqizi tarafidin iki soʻz topibmenkim, anga dast berdiki, hech kishiga dast bermaydur, o'tkon borchadin kulliyrakdur. Biri ulkim, agarchi Shirindek olamda nodirasi bor erdi, vale Farhoddek ham olam ajubasi raqibi bor edikim, ishq va niyoz atrofidin bovujudi koʻngli Farhodqa mayl qilib, iltifot va tarahhum zohir qildi. Va ani bilib Xusrav rashkdin makr bila Farhod qatligʻa bois boʻldikim, andin mashhurroqdurkim, bitmak hojat boʻlgʻay. Yana biri hazrat Risolat sallallohu alayhi vasallam bi'satikim aning zamonida voqe' bo'ldikim, bu o'tkon barcha tajammul va maknatni bu davlatning ming ulushdin bir ulushi tutsa boʻlmaskim, ul hazrat anga din va islom da'vatigʻa noma bitib kishi yibordi. Va ul bu muzaxrafot gʻururidin ul hazratning muborak nomasin yirtti va itoat qilmadi. Va oʻz mulk va davlatig'i qasd qildi. Va hazrat mo'jizasidin mulkiga zavol dorib, Sheruyaki aning o'g'li erdi ma'mur bo'ldi. Mungakim Farhodning begunah qatlig'a atosini qasos qildi. Va bular barcha ijmol bila o'tti" (Alisher Navoiy, 2000, 248-249).

Koʻrinadiki, Navoiy "Xamsa" sidagi tarixiy obrazlar ham diniy-ma'rifiy, ham ijtimoiy-tarixiy, ham individual-psixologik jihatdan oʻzining chuqur ildizlariga ega.

XULOSA

- 1. "Xamsa" dagi obrazlar markazini tashkil etuvchi abror-odam fenomeni uchta muhim asosga qurilgan. Bularning birinchisi, oshiq ma'shuqa raqib uchligi; ikkinchisi, tarixiy obrazlar; uchinchisi, metaforik obrazlardir. Badiiy obrazga xos kanonik xususiyatlar yoki ulardan biri yetakchi maqomda turadigan obrazlar mutlaq individual mohiyat kasb etmaydi. Har qanday obraz, garchi undagi yetakchi tamoyilga koʻra nomlanishi, talqin etilishidan qat'i nazar, sintetik xususiyatga ega boʻladi. Deylik, tarixiy obraz metaforik yoki muallif obraziga xos sifatlardan xoli boʻlmaganidek, metaforik obrazlar ham tarixiy, biografik yoki boshqa xususiyatlardan xoli emas.
- 2. Xronotop poetikasi nuqtayi nazardan qaralganda, "Xamsa" obrazlar tizimining oshiq ma'shuqa raqib uchligidan keyin keladigan koʻlamdor va murakkab tizimi tarixiy obrazlardir. Tarixiy obrazlar "Xamsa" xronotopining belgilovchi, umumlashtiruvchi, mustaqil harakat trayektoriyasiga ega tizimi hisoblanadi. Bu tizm "Xamsa"dagi tarixiy obrazlarning boshqa obraz shakllari bilan munosabati va muallif badiiy konsepsiyasi realligini ta'minlashga xizmat qiladi.
- 3. "Xamsa" dagi tarixiy obrazlarni, semantik-struktural ahamiyatiga koʻra, uch guruhga boʻlib tasniflash maqsadga muvofiq. Bularning birinchi tipini ideal tarixiy obrazlar (Paygʻambarlar, chahoryor, sahobalar va avliyo zotlar obrazlari) tashkil etadi. Bu tip obrazlar zamon nuqtayi nazaridan "ideal oʻtmish"ni aks ettirishi; muallif uchun etik tayanch, estetik ideal, ibrat manbai maqomida turishi; "Xamsa" badiiy kontekstidagi tarixiy-badiiy kategoriyalarni sintezlovchi yetakchi komponent vazifasini bajarishi bilan boshqa tip obrazlardan farq qiladi.

- 4. "Xamsa" tarixiy obrazlarining ikkinchi tipi real tarixiy obrazlardir. Real tarixiy obrazlar deganda biz muallif biografik shajarasi tarixiy xronotop tizimiga koʻra bevosita bogʻlanadigan, shuningdek, tajribalaridan bahramand boʻlgan, ijodiy va ijtimoiy hayotida real muloqotga kirishgan tarixiy shaxslarni nazarda tutamiz. Mazkur tip obrazlar taqriban uch guruhga boʻlinadi: real tarixiy obrazlarning birinchi guruhiga Navoiyning uch buyuk salafi Nizomiy Ganjaviy, Xusrav Dehlaviy, Abdurahmon Jomiylar kiradi; ikkinchi guruh vakillari sifatida "Xamsa" badiiy tizimiga kiritilgan real hukmdorlar obrazini koʻrsatish mumkin: sohibqiron Amir Temur, Mirzo Ulugʻbek, Husayn Boyqaro, Badiuzzamon, Shogʻarib Bahodir va h.k.; "Xamsa"dagi real tarixiy obrazlarning uchinchi guruhini, semantik-struktural mohiyatiga koʻra, umumlashtirilgan (yoki tipiklashtirilgan) obrazlar guruhi deb atash maqsadga muvofiq. Navoiy bu oʻrinda oʻzi shaxsan guvoh boʻlgan shaxslar hayotidagi maqtab boʻlmaydigan holatlarni umumlashtirib, bir nechta guruhlarga tasniflagan, tipik xususiyatlari asosida ichki badiiy butunlikka ega obrazlarni ishlab chiqqan.
- 5. Tarixiy obrazlarning uchinchi tipi konkret tarixiy asosga ega boʻlsa ham, asar obrazlar tizimida metaforiklashtirilgan shaklda aks etgan. Ulardagi tarixiylik xususiyatlarini ifodalashda, mavzu va badiiy konsepsiya talabiga koʻra, metafora yetakchilik qilgan. Natijada ular konkret tarixiy xronotop chegaralaridan oshib oʻtib, kvazi xronotop maydonini egallaydi. "Xamsa" universal xronotop tizimida ham gorizontal, ham vertikal xronotop sarhadlari boʻylab harakatlanadi. Bular metaforiklashtirilgan tarixiy obrazar boʻlib, ayni tipni metaforizatsiyalashtirilgan, sintezlashtirilgan, tipiklashtirilgan muallif, homiy, odil va zolim shoh obrazlari tashkil etadi.

FOYDALANILGAN ADABIYOTLAR RO'YXATI

- 1. Қуръони карим. Ўзбекча изоҳли таржима. Таржима ва изоҳлар муаллифи Алоуддин Мансур. Тошкент: Чулпон. 1992.
- 2. Абу Абдуллох Мухаммад ибн Исмоил ал-Бухорий. Ал-жомиъ ас-сахих. 2 жилд. Тошкент: Қомуслар бош тахририяти, 1996.
- 3. Алишер Навоий. Хайрат ул-аброр. МАТ. 20 жилдлик. Тошкент: Фан, 1991. Т.7.
- 4. Алишер Навоий. Фарход ва Ширин. МАТ. 20 жилдлик. Тошкент: Фан, 1991. Т.8.
- 5. Алишер Навоий. Лайли ва Мажнун. МАТ. 20 жилдлик. Тошкент: Фан, 1992. Т.9.
- 6. Алишер Навоий. Сабъаи сайёр. МАТ. 20 жилдлик. Тошкент: Фан, 1992. Т.10.
- 7. Алишер Навоий. Садди Искандарий. МАТ. 20 жилдлик. Тошкент: Фан, 1993. Т.11.
- 8. Алишер Навоий. Лисонут-тайр. МАТ. 20 жилдлик. Тошкент: Фан, 1996. Т.12.
- 9. Алишер Навоий. МАТ. Тошкент: Фан, 2000. Т. 16.
- 10. Афсахзод А. Светлый дар / В кн.: Абдуррахман Джами. Лирика. Поэмы. Весенний сад. Душанбе: Адиб, 1989.
- 11. Афанасьева В.К. Гильгамеш и Энкиду. Эпические образы в искусстве. Москва: Главная редакция восточной литературы, 1979.
- 12. Бахтин М. Романда замон ва хронотоп шакллари. Тарихий поэтикадан очерклар. Рус тилидан У. Жўракулов таржимаси. Тошкент: Akademnashr, 2015.
- 13. Бертельс Е.Э. Избранные труды. Навои и Джами. Москва: Издательство «Наука» Главная редакция восточной литературы, 1965.
- 14. Кун Н.А. Легенды и мифы древней Греции. Алма-ата: Жалын, 1985.
- 15. Лосев А.Ф. Античная мифология в ее историческом развитии. Москва: Государственное учебно-педагогическое издательство министерства просвещения РСФСР, 1957.
- 16. Маллаев Н. Алишер Навоий ва халқ ижодиёти. Тошкент, 1974.

- 17. Матье М.Э. Древнеегиптские мифы. М. Л.: Издательство Академии Наук СССР, 1956.
- 18. Нажмиддин Кубро. Тасаввуфий ҳаёт. Таржимон ва нашрга тайёрловчилар И.Ҳаққул, А.Бектош. Тошкент: Мовороуннаҳр, 2004.
- 19. Носируддин Рабғузий. Қиссаси Рабғузий. Иккинчи китоб. Тошкент: Ёзувчи, 1991.
- 20. Рифтин Б.Л. От мифа к роману. Эволюция изображения персонажа в Китайской литературы. Москва: Главная редакция восточной литературы, 1979.
- 21. Темкин Э.Н., Эрман В.Г. Мифы древней Индии. Москва: Главная редакция восточной литературы, 1982.
- 22. Федоренко Н.Т. Древние памятники Китайской литературы. Москва: Издательство "Наука" главная редакция восточной литературы, 1978.
- 23. Хасанов С. Роман о Бахраме. Поэма «Семь скитальцев» Алишера Навои в сравнительно-филологическом освещение. Тошкент: Издательство литературы и искусства имени Гафура Гуляма, 1988.

REFERENCES:

- 1. Holy Quran. (1992) Uzbek annotated translation. The author of the translation and annotations is Alauddin Mansur. Tashkent: Cholpon.
- 2. Abu Abdullah Muhammad ibn Ismail al-Bukhari. (1996) Al-Jami' as-Sahih. 2 volumes. Tashkent: Editor-in-chief of dictionaries.
- 3. Alisher Navoi. (1991) Hayrat ul-Abrar. MAT. 20 volumes. Tashkent: Science, T.7.
- 4. Alisher Navoi. (1991) Farhad and Shirin. MAT. 20 volumes. Tashkent: Science, T.8.
- 5. Alisher Navoi. (1992) Layla and Majnun. MAT. 20 volumes. Tashkent: Science, T.9.
- 6. Alisher Navoi. (1992) Sab'ai is a traveler. MAT. 20 volumes. Tashkent: Science, T.10.
- 7. Alisher Navoi. (1993) Saddi Iskandari. MAT. 20 volumes. Tashkent: Science, T.11.
- 8. Alisher Navoi. (1996) Lison-ut-tyre. MAT. 20 volumes. Tashkent: Science, T.12.
- 9. Alisher Navoi. MAT. Tashkent: Science, 2000. T. 16.
- 10. Afsakhzod A. (1989) Bright Gift / In the book: Abdurrahman Jami. Lyrics. Poems. Spring garden. Dushanbe: Adib.
- 11. Afanaseva V.K. (1979) Gilgamesh and Enkidu. Epic pictures and art. Moscow: Main Editorial of Oriental literature.
- 12. Bakhtin M. (2015) Forms of time and chronotope in the novel. Essays on historical poetics. Translated from Russian by U. Zhorakulov. Tashkent: Akademnashr.
- 13. Bertels E.E. (1965) Izbrannye trudy. Navoi i Djami. Moscow: Publishing House "Science" Main Editorial of Oriental literature.
- 14. Kun N.A. (1985) Legends and myths of ancient Greece. AlmaAta: Jalyn.
- 15. Losev A.F. (1957) Ancient mythology in its historical development. Moscow: State educational and pedagogical publishing house of the Ministry of Education of the RSFSR.
- 16. Mallaev N. (1974) Alisher Navoi and folk art. Tashkent.
- 17. Mate M.E. (1956) Ancient Egyptian myth. M. L.: Academy of Science Press USSR.
- Najmuddin Kubro (2004). Mystical life. Translator and editors: I. Haqqul, A. Bektosh. Tashkent: Movorounnahr.
- 19. Nasiruddin Rabguzi. (1991) Narrated by Rabguzi. The second book. Tashkent: "Yozuvchi".
- 20. Riftin B.L. (1979) Ot mifa k novelu. Evolution of character in Chinese literature. Moscow: Glavnaya redaktsiya vostochnoy literatury.
- 21. Temkin E.N., Erman V.G. (1982) Myths of Ancient India. Moscow: Main editoral office of Oriental literature.
- 22. Fedorenko N.T. (1978) Drevnie pamyatniki Kitayskoy literatury. Moscow: "Science" Press. Main Editorial Oriental literature.
- 23. Hasanov S. (1988) Novel about Bahrame. Poem "Seven Wanderers" by Alisher Navoi in comparative philological light. Tashkent: Publishing House of Literature and Art named after Gafur Gulyam.



Comparative literature





UDC (UO'K, УДК) 82.091

EPOS VA ROMAN

Murodov G'ayrat Nekovich

Filologiya fanlari doktori, professor Buxoro davlat universiteti Toshkent, Oʻzbekiston

https://orcid.org/0009-0008-2222-2452

ANNOTATSIYA

Maqolada taniqli oʻzbek yozuvchisi Pirimqul Qodirovning "Avlodlar dovoni" romani hind eposi namunalari — "Mahobhorat", "Ramayana" bilan tarixiy-qiyosiy asosda tekshirilgan. Mazkur asarlarning bosh qahramonlari orasida muayyan darajada yaqinlik-oʻxshashliklar mavjudligi koʻrsatilgan. Shu asosda epos va roman orasidagi aloqa-bogʻlanishlar xususida ma'lum bir umumlashma fikrlarga kelingan. Zamonaviy taraqqiyot, ijtimoiy, madaniy, ilmiy tafakkur tadriji yutuqlari asosida badiiy adabiyot tarixini teran va atroflicha tadqiq etish, soʻz san'ati olamida yorqin iz qoldirgan yetuk badiiy yaratmalarning adabiy-poetik xususiyatlarini ilgʻor usullar asosida tadqiq etish zaruriyati jahon adabiyotshunosligi kun tartibidagi birlamchi masalalardandir. Yangi davrda insoniyat madaniyati, ilm-fani, badiiy tafakkurining yanada yuqori bosqichga koʻtarilishi, inson ruhiyatining teranlashishi, murakkablashishi, yer yuzidagi xalqlarning bir-birlari bilan boʻlgan aloqa-bogʻlanishlarining kuchayishi dunyo soʻz san'ati badiiy olamida jiddiy oʻzgarish-evrilishlarni yuzaga keltirmoqdaki, bunday xususiyatlarni tadqiq etish adabiyot ilmining dolzarb vazifasi boʻlib qolayotir.

KALIT SOʻZLAR

epos, roman, tarixiy roman, realistik ijodiy metod, tarixiy-genetik omil, tarixiy-qiyosiy metod, epik adabiyot.

ЭПОС И РОМАН

Муродов Гайрат Некович

Доктор филологических наук, профессор Бухарский государственный университет Ташкент, Узбекистан

https://orcid.org/0009-0008-2222-2452

АННОТАЦИЯ КЛЮЧЕВЫЕ СЛОВА

В статье на сравнительно-исторической основе рассматриваются роман известного узбекского писателя Пиримкула Кадырова "Авлодлар довони" и индийские эпосы «Махабхарата», «Рамаяна». Показано, что между главными героями этих произведений существует определенная степень сходства. На этом основании был сделан ряд выводов о связях эпоса и романа. На повестке дня мирового литературоведения стоит задача глубокого и всестороннего изучения истории художественной литературы с использованием передовых методов и достижений современного прогресса, применения результатов развития общественной, культурной, научной мысли для выведения на новый уровень исследований литературно-поэтических особенностей зрелых художественных творений, оставивших яркий след в мире искусства слова.

эпопея, роман, исторический роман, реалистический творческий метол.

творческий метод, историко-генетический фактор, сравнительноисторический метод, эпическая литература.

EPOS AND NOVEL

Murodov Gayrat Nekovich

Doctor of philological sciences, professor Bukhara State University Tashkent, Uzbekistan https://orcid.org/0009-0008-2222-2452

ABSTRACT KEY WORDS

The article, on a historical and comparative basis, examines the novel "Avlodlar Dovoni" by the famous Uzbek writer Pirimkul Kadyrov with Indian epics – "Mahabharata", "Ramayana". It is shown that there is a certain degree of similarity between the main characters of these works. On this basis, certain generalizations have been made about the connections between the epic and the novel. On this basis, certain generalizations have been made about the connections between the epic and the novel. On the agenda of world literary studies is the issue of a deep and comprehensive study of the history of fiction based on advanced methods and achievements of modern development, the evolution of social, cultural, scientific thought, the need to study literary and poetic features mature artistic creations that left a bright mark in the world of verbal art.

epic, novel, historical novel, realistic creative method, historical-genetic factor, historical-comparative method, epic literature.

KIRISH

Maqolada biz qadimgi sanskrit tilida boburiyzodalar tugʻilib oʻsgan yurt — Hindiston badiiy merosiga oid eposlar — "Mahobhorat", "Ramayana" asarlaridagi bosh qahramonlar boʻlgan — Rama va Pandular sulolasining donishmand namoyandasi podshoh Yudhishthira bilan"Yulduzli tunlar" romanidagi Akbar obrazlariaro ayrim mushtarak jihatlar xususida gapirmoqchimiz.

Tarixiy-genetik tomondan mushtarak jihatlarning mavjudligini quyidagi ikki omil orqali koʻrsatish mumkin.

Birinchidan, romanning bosh qahramoni "Ramayana", "Mahobhorat" shoh asarlarning vatani boʻlmish Hindistonda oʻsib-ulgʻaygan. U, bir tomondan, ota-bobolarining badiiy mulki hisoblangan "Alpomish"u "Goʻroʻgʻli"lar, ikkinchi tomondan esa ona yurti boʻlib qolgan hind diyorining buyuk dostonlarini tinglab voyaga yetgan.

Ikkinchidan, roman muallifi Pirimqul Qodirov – ixtisosi boʻyicha sharqshunos. U Sharq xalqlari tarixi, madaniyati, adabiyotini chuqur oʻzlashtirgan. Bundan tashqari, mazkur asarini yozish oldidan ikki marta Hindistonga safar qilib, u joyning tabiati, odamlari, urfodatlari, xalq psixologiyasi, tarixiy obidalarini oʻrgangan, madaniyatiga oid noyob kitob va arxiv materiallarini mutolaa qilgan.

Adibning tarixiy roman yozishdan oldin bu zaylda tayyorgarlik koʻrishi Abdulla Qodiriyning ijodiy tajribasini eslatadi. Milliy romanchiligimiz asoschisi "Oʻtkan kunlar", "Mehrobdan chayon"ni yozishga hozirlik koʻrar ekan, bir necha marta Fargʻona vodiysiyu boshqa joylarda boʻlgan va oʻzining buyuk kitoblarini yozish vaqtida koʻrgan-kuzatgan narsalaridan juda oʻrinli, samarali foydalangan.

P. Qodirovning boy ijodiy-badiiy tajribasi – yillar davomida yozgan hikoya, qissa, romanlari boʻyicha orttirgan malakasi, ijodkorlik salohiyati, ayniqsa, Hindiston moziysi, folklori, epik adabiyotidan yaxshigina bahramand boʻlganligi "Avlodlar dovoni" yaxlit badiiy

tizim, shakllangan matn sifatida yuzaga kelishiga imkon bergan.

"Ramayana", "Mahobhorat" bilan "Yulduzli tunlar" orasidagi bogʻlanish-mushtarakliklar haqidagi dastlabki fikr oʻzbek adabiyotshunosligida taniqli munaqqid U. Normatov tomonidan aytilgan edi (Normatov U., 1997, 9). Chindan ham roman syujeti, xususan, uning Akbar bilan bogʻliq matniy boʻlak(epizod)larida qadimiy va qudratli hind eposining ulugʻvor ruhi, oqimlari, ta'sirlari sezilib turibdi.

Taniqli oʻzbek adabiyotshunosi E.A. Karimov epopeya (epos)da davlat, mamlakat, insoniyat darajasidagi muammolar badiiy ifoda topganligini haqida yozgan edi (Karimov E.A., 1979, 184-235).

ASOSIY QISM

"Ramayana"dagi Rama, "Mahobhorat"dagi Yudhishthira timsolida adolatli hukmdor va mutafakkir inson xususiyatlari birlashtirilib, uygʻunlashtirilib berilgan. Rama ham, Yudhishthira ham podsholik ilmi, mahorati, davlatni boshqarish borasidagi tajribalarni oʻrganish, sarkardalik, jangchilik saboqlarini har tomonlama oʻrganish bilan kifoyalanmay, insoniyat asrlar davomida toʻplagan dunyoviy va diniy-ilohiy bilimlarni ham toʻla-toʻkis oʻzlashtirganlar. Ayniqsa, Rama shaxsi va faoliyatida buyuk mutafakkirning eng oliy va yuksak fazilatlari tajassum topgan. Uning qiyofasi, butun vujudida ilohiy nur balqib turadi. "Ramayana"dagi ijobiy personajlar uni ma'budlar bilan bir qatorda koʻrib, maslahat va amrlarini sadoqat bilan bajaradilar.

Rama timsolida buyuk hind xalqining, shu bilan birga, bashariyatning komil inson haqidagi orzu-umidlari mujassam boʻlgan.

Bunday mukammal, ideal inson – jangchi-sarkarda va fozil shaxs obrazi Alisher Navoiy badiiy merosida ham mavjud. Uning "Xamsa"sidagi Farhod ("Farhod va Shirin"), Iskandar ("Saddi Iskandariy") timsollari jahon falsafiy va badiiy tafakkuri, Sharq-u Gʻarb adabiy-badiiy tajribalari, jumladan, qadimiy epos ("Mahobhorat", "Ramayana", "Iliada", "Alpomish") namunalaridan ta'sirlanish, shuningdek, buyuk dostonnavis (Abulqosim Firdavsiy) va xamsanavislar (Nizomiy Ganjaviy, Xusrav Dehlaviy) badiiy tajribalarini davom ettirish, adabiy-badiiy jarayon tarixining yangi bosqichida ularni qayta ishlab rivojlantirish natijasi boʻlib yuzaga kelgan.

"Yulduzli tunlar"dagi Akbar obrazida jahon eposining oliy namunalari boʻlmish "Ramayana", "Mahobhorat", shuningdek, "Alpomish" asarlaridagi yetakchi ijobiy qahramonlar bilan bir qatorda buyuk mutafakkir va insonparvar ijodkor Alisher Navoiy "Xamsa"sidagi bosh qahramonlararo muayyan aloqadorlik, bogʻlanish, robitalar borligi adabiyotlar, badiiy matn strukturalari orasidagi mushtaraklik qonuniyatlaridan kelib chiqqan hodisadir.

Turli tillarda, davrlarda har xil mualliflar yoki xalqlar tomonidan yaratilgan badiiy adabiyot namunalarini insonga, insoniyatga xos tabiiy va ijtimoiy, psixologik xususiyatlar, badiiy tafakkur mushtarakligi, badiiy ijodning umumiy qonuniyatlari, shu bilan birga, adabiybadiiy vorisiylik-adabiy ta'sir kabi omillar oʻzaro bogʻlab yaqinlashtirgan.

Hindiston – jahon tarixi, madaniyati, ilm-u fanining qadimgi maskanlaridan biri. Bu zaminda tugʻilgan, ammo shajaraviy-genetik jihatdan Movarounnahr (Turkiston) farzandi boʻlgan temuriyzoda-boburiyzoda Akbar oʻz shaxsi, psixologiyasi, ijtimoiy-siyosiy faoliyatida

ana shu ikki zamin, ikki madaniyat, ikki xil milliy tafakkurni ajabtovur birlashtirgan, uygʻunlashtirgan inson va davlat arbobi edi.

Tajribali adib va sharqshunos P. Qodirov "Yulduzli tunlar" qahramoni Akbar shaxsidagi ana shunday baynalmilal uygʻunlikni koʻra olgan va bu xususiyatni Akbar timsolida san'atkorona tajassum ettirgan.

Hind durdonalari sanalmish "Mahobhorat"dagi Yudhishthira, "Ramayana"dagi Rama bilan oʻzbek yozuvchisining tarixiy romanidagi Akbarni birlashtirib turgan asosiy belgialomatlar quyidagilardan iborat:

1. "Mahobhorat", "Ramayana"da, umuman, klassik (mumtoz) epos namunalari ("Iliada", "Alpomish" va boshqalar)da bosh ijobiy qahramon (Yudhishthira, Rama...) ham jismonan, ham aqlan, ham qalban yetuk, barkamol, har tomonlama mukammal inson sifatida tasvirlangan. Epos qahramonidagi mana shunday xususiyat va fazilatlar muayyan darajada "Yulduzli tunlar"dagi Akbar obrazida ham koʻzga tashlanib turadi. Bu oʻrinda qadimiy epos va P. Qodirov romaniaro bevosita va bilvosita aloqadorlik mavjudligini e'tiborga olish lozim.

Toʻgʻri, tarixiylik prinsiplari asosida yuzaga kelgan va realistik adabiyot namunasi boʻlgan "Avlodlar dovoni" qahramoni qadimiy epos namunalaridagi markaziy obrazlar kabi ideal,"oʻtda yonmas, suvda choʻkmas" insonlar qatoriga kirmaydi. Epopeya (epos) va roman qahramonlariaro muayyan yaqinlik, mushtaraklik boʻlsa-da, ular bir-birlaridan farqlanib, ajralib turadi.

2. "Ramayana", "Mahobhorat" va "Yulduzli tunlar" qahramonlarida podshoh(hukmdor) va mutafakkir inson xususiyatlari uygʻunlashtirib berilgan.

Hind eposining markaziy obrazlari davlat, uning mohiyati, vazifalari, davlat arboblarining burch va majburiyatlari, inson va uning tabiat va jamiyatdagi oʻrni, koinot, ilohiyot, shaxsning suvrati va siyrati kabi murakkab falsafiy-ilohiy muammolar haqida fikr yuritadilar. Ular oʻz hukmronlik faoliyatlarini insoniyatning azaliy va adolatli qonuniyatlari asosida olib boradilar va haqiqatni oliy maslak va maqsad deb biladilar. Zamin va uning kelajagi, mangulikka daxldorlik bu qahramonlarning doimiy diqqat markazida turadi.

"Mahobhorat"ning qahramoni Yudhishthira Kauravlarga qarshi jahon urushida ukasi Arjun samodagi ma'budlardan olib tushgan ilohiy, dahshatli qurol Pandularga gʻalaba keltirishi muqarrarligini bilsa-da, uni ishlatishga shoshilmaydi. Chunki u yer yuzini butunlay vayron qilib, koinot tizimini ishdan chiqarishi mumkin. Bu fakt podshoh Yudhishthiraning zamin, samo, bashariyat oldidagi mas'uliyatni chuqur tushunadigan donishmand, keng miqyosda fikrlaydigan inson ekanligidan dalolat beradi.

"Ramayana"ning bosh qahramoni esa Yudhishthiradan ham mukammalroq, donoroq zot. U koinot, tabiat, inson uygʻunligi, mushtarakligini har tomonlama anglagan, oʻz faoliyatini haqiqat va adolat qoidalariga boʻysundirgan.

Rama ham, Yudhishthira ham har qanday diniy, mazhabiy nizolardan yuksak turgan, umuminsoniy axloq va munosabatlar, qonuniyatlar asosida ish koʻruvchi komil va ilohiy zotlardir.

"Yulduzli tunlar" romanidagi Akbarga mumtoz hind eposining markaziy qahramonlariga xos mamlakat, jahon, koinot miqyosida fikrlash, oʻz hukmdorlik faoliyatini teran tafakkur asosida olib borish, murakkab falsafiy, axloqiy, ijtimoiy-siyosiy muammolarga yechim izlash va topilgan yechimlar asosida oʻz ishini yoʻlga qoʻyish kabi xususiyatlar xos.

Akbar davlat arbobi, podshoh sifatida adolatli qonunlar asosida ish yuritish, har xil nizo va adovatlarni yoʻqotish hokimiyat poydevorini mustahkamlashini, aks holda tanazzul roʻy berishini tushunadi. Ayniqsa, din, mazhab mojarolari xalqni, mamlakatni, davlatni halokatga olib borishini anglab, bunday ziddiyatlarni bartaraf etish yoʻllarini izlaydi.

Akbarning hindlardan olinadigan juzya soligʻini bekor qilishi, mamlakatdagi fuqarolarning vijdon erkinligiga ruxsat berishi, bir necha dinlarni oʻzaro birlashtiruvchi mushtarak e'tiqod yaratishga urinishi keng — mamlakat, insoniyat, koinot miqyosida fikrlaydigan inson va davlat arbobi ekanligidan dalolat beradi.

Toʻgʻri, inson va zamin farzandi hamda realistik roman qahramoni boʻlmish Akbar "asl epos" — epopeyadagi yetakchi obrazlardan farqli ravishda oʻz hayoti, faoliyati davomida ba'zi bir xatolarga ham yoʻl qoʻyadi. Saroy xushomadgoʻylarining ta'sirida oʻzini ilohiy bir zot — mahdiy deb oʻylaydi. Ba'zi bir yaqin kishilari (Mohim enaga, Adhamxon)ga ortiq darajada ishonadi. Bu esa davlat, hokimiyat ishiga, xalq hayotiga salbiy ta'sir qila boshlaydi.

Yozuvchi roman qahramoni Akbar xarakteridagi muayyan nuqson, adashish va ruhiy-ma'naviy iztiroblarni tasvir etish orqali, bir tomondan, tarixiy shaxs hayotidagi aniq fakt va ma'lumotlarga suyanib ish koʻrgan boʻlsa, ikkinchi tomondan, badiiy obraz, qahramon badiiy qurilmasida psixologik, madaniy-intellektual maydonni kengaytirish, chuqurlashtirish, bu orqali syujet dinamizmi(shiddatkorligi), qiziqarliligini ta'min etishga muvaffaq boʻlgan.

Kuchli, irodali va nihoyatda jasoratli Akbar hayotidagi qiyinchiliklarni ham, oʻz fe'l-sajiyasidagi nuqsonlarni ham yengishga qodir shaxs boʻlgan. "Avlodlar dovoni"da qahramonning ijtimoiy faoliyat va shaxsiy hayot, shuningdek, ruhiy-ma'naviy olamidagi ziddiyat, toʻsiq va xato-nuqsonlarni yengib oʻtishi va axloqiy-intellektual poklik bosqichi tomon koʻtarilishi ishonarli va tarixiy haqiqat mezonlariga muvofiq koʻrsatib, tasvirlab berilgan.

Koʻhna va buyuk hind eposlari qahramonlariga xos donolik, keng va olamshumul miqyosda fikrlash, davlat, insoniyat, insonparvarlik manfaatlari yoʻlida harakat va faoliyat Akbar qiyofasi, ichki dunyosi, suhbat-muloqotlarida aks etib turadi. Shu bilan bir qatorda, Akbar obrazining badiiy maydonida XVI asr — aniq tarixiy shart-sharoitda shakllangan adolatparvar, insoniy davlat arbobi hamda ulkan miqyosda fikrlaydigan yetuk insonning, jangchi va sarkardaning ustuvor xususiyatlari, belgi-alomatlari mujassamlashtirilgan.

Ta'kidlash joizki, roman qahramonlaridan biri bo'lgan Akbar timsoli strukturasida, shuningdek, tarixiy romanning syujeti birliklarida, badiiy ifodasida, obrazlararo munosabatlarda, xarakterlar tizimida, umuman olganda, badiiy matnning falsafiy-poetik tizimida u yoki bu darajada "asl epos", ayniqsa, "Ramayana", "Mahobhorat"ga uyg'unlik, yaqinlik alomatlari sezilib turadi.

"Avlodlar dovoni" syujeti, qahramon strukturasi, obrazlarning voqea tizimidagi harakati, eng muhimi, badiiy konsepsiyasida "asl epos" (epopeya)ning ham, roman-epopeya janrining ham muayyan bir belgi-xususiyatlarini koʻrsa boʻladi.

Asar badiiy konsepsiyasi markaziga xuddi "Alpomish", "Iliada", "Ramayana", "Mahobhorat" eposlaridek, eng avvalo, insoniyat uchun muhim va dolzarb boʻlgan urush va tinchlik muammosi qoʻyilgan. Epopeyada boʻlganidek, romanda mamlakat, bashariyat, xalq tinchligini oʻylaydigan va shu yoʻlda faol harakat qiladigan odamlar bir guruhga, aksincha urush, nizo, adovat tuygʻusi, maqsadi bilan yashaydigan kimsalar boshqa guruhga boʻlingan. Mana

shu guruhlararo ijtimoiy-siyosiy, diplomatik, shaxsiy-emotsional munosabatlar "Avlodlar dovoni"ning asosiy syujet oqimini ham, yetakchi badiiy konfliktini ham belgilab bergan. Bundan tashqari, romandagi ancha keng, batafsil jang manzaralari, urush jarayonida ishtirok etayotgan sarkarda va askarlarning xatti-harakatlari, ruhiy holatlari, shuningdek, qahramon va personajlarning dunyoqarashi, ular e'tiqod qoʻygan yoxud rad etadigan ta'limotlar, nuqtayi nazarlar, falsafiy-intellektual, diniy-axloqiy mushohadalarda ham muazzam epopeyaga xos ayrim belgi-xususiyatlar mavjud.

Masalan, Muhammad Humoyun mirzoning Hindistondagi ota meros saltanatidan mahrum boʻlib, Afgʻoniston, Eron kabi mamlakatlarda quvgʻinda, darbadar yurishi "Ramayana"dagi Ramaning, "Mahobhorat"dagi Pandularning hokimiyat va davlat ishlaridan mahrum etilib, gʻurbatda umr kechirishlariga monanddir.

Hind eposi namunalari va oʻzbek tarixiy romani syujeti orasidagi yaqinlik faqat shu bilangina cheklanib qolmaydi. Pandularning uzoq muddatli mashaqqatli kurash va jangjadallardan soʻng qonuniy va merosiy toj-taxtni qoʻlga kiritishlari, Ramaga qarshi oʻgay onasi — malika Kayki fitnasining fosh boʻlishi, bu afsonaviy-ilohiy qahramonning jamiki yovuzlik, qabohatlarning timsoli — devlar podshohi Ravan saltanati ustidan porloq gʻalabasi "Avlodlar dovoni" romanida mirzo Humoyunning darbadarlik, xor-zorliklardan soʻng avvalgi mavqeyini tiklab, Hindistonga qaytib kelib oʻz hokimiyatini tiklashi, uning oʻgʻli Akbarning otaligʻi — xoni xonon Bayramxonning hukmronlikni egallab olish uchun qilgan xurujlarini bartaraf etishi voqealariga mushtarak.

"Asl epos"ning aksariyat namunalari — "Ramayana", "Mahobhorat", "Iliada", "Alpomish"da ma'bud va ma'budalar, avliyolar, chiltanlarning ruhlari zamindagi voqealarga, yetakchi qahramonlarning hayoti, faoliyati, kurashlariga yordam beradilar, ularning taqdiriga ta'sir koʻrsata oladilar.

"Avlodlar dovoni", umuman olganda, milliy romanchilik maktabi namunalarida afsonaviy, ilohiy siymolar, zotlarning qahramonlar hayotiga bevosita aralashishi, ularga koʻmaklashishi va ta'sir qilishi yoʻq. Bu, birinchi navbatda, epopeya (epos) va roman janrlarining, romantizm va realizm ijodiy metodlarining tafovuti bilan izohlanadi.

Yangi davr va yangicha tafakkurning mevasi boʻlgan roman oʻz badiiy hududiga zaminiy munosabatlarni, insonga, real hayotga xos voqealarni, oddiy (hayotiy) insonlar obrazlarini qabul qildi. Toʻgʻri, roman, shu jumladan, tarixiy roman badiiy maydonida gʻayrioddiy voqealar, afsona, rivoyatlar, ilohiy, mistik siymolar ishtirok etishi mumkin. Ammo bunday hodisa va obrazlarning ishtiroki, epos (epopeya) janri namunalarida boʻlganidek, hal qiluvchi, yetakchi oʻrin hamda ahamiyatga ega boʻlmay, ular inson tafakkuri, dunyoqarashi bilan bogʻliq holda tasvirlanadi. Pragmatik, dialektik dunyoqarash tahlil hududiga tortiladi va yangi davr, yangi inson ong darajasi, intellektul saviyasi nuqtayi nazaridan badiiy-falsafiy xulosalar, yechimlar ishlab chiqiladi.

XULOSA

Qaysi bir ma'noda "Avlodlar dovoni" yigirmanchi asrning birinchi choragida yuzaga kelgan va ulugʻ san'atkor Abdulla Qodiriy tamal toshini qoʻygan hamda keyinroq butun Markaziy Osiyo badiiy maydonini qamrab olgan "yangi romanchilik maktabi" taraqqiyotining muayyan bir davr (oʻtgan asr) boʻyicha adabiy-badiiy izlanishlarni, yoʻl tanlashlar, mazmun

va shakl boʻyicha tajribalar yoʻlining intihosi, yakuni ham desa boʻladi. U, avvalambor, muallif Pirimqul Qodirovning oʻziga xos ijodkorlik iste'dodi, izchil mehnati, milliy, insoniy jasorati mahsuli boʻlib yuzaga kelgan.

Shuningdek, bu tarixiy roman badiiy olamida 60-80 hamda 90-yillardagi adabiy-badiiy jarayonning, romanchilik taraqqiyotining badiiy-poetik, falsafiy-dialektik saviyasi, an'ana va yangiliklari mujassam boʻlgan.

Bundan tashqari, bu romanning badiiy struktural kengliklarida "asl epos"(epopeya), jahon adabiy-badiiy jarayoni, ayniqsa, romanchiligining badiiy-poetik, falsafiy tajribalari, yutuqlari, badiiy prinsiplari ham ifoda topgan.

Shu tariqa Sharq va Gʻarb adabiyotlaridagi ilgʻor, qadimiy va zamonaviy adabiybadiiy an'analar, tajribalar milliy estetik, falsafiy tafakkur zaxiralari, imkoniyatlari birlashib moziyning muayyan bir davrdagi keng, murakkab, ziddiyatlarga toʻlib-toshgan hayoti manzaralarini koʻlamdor, badiiy-emotsional tarzda realistik ijodiy metodning tarixiylik mezonlariga muvofiq gavdalantirishga imkon yaratib bergan.

FOYDALANILGAN ADABIYOTLAR RO'YXATI

- 1. Каримов Э.А. Эпос. Манба: Адабиёт назарияси. Икки жилдлик. 2-жилд. Тошкент: Фан, 1979. Б.184-235.
- 2. Маҳобҳорат. Жанглар қиссаси. Маҳобҳората ёки Бҳарата авлодлари жангномаси. Т.: Ёзувчи, 1995. 176 б.
- 3. Норматов У. Тарих ҳақиқатига садоқат. Манба: Қодиров П. Хумоюн ва Акбар. Тошкент: Шарқ, 1997. Б. 9.
- 4. Рамаяна / Пер. с санскр. В. Потаповой; Вступ. ст. П. Гринцера; Комм. Б. Захарьина; Пояснит. текст Б. Захарьина, В. Потаповой. М.: Худ. лит., 1986. 270 с.
- 5. Қодиров П. Хумоюн ва Акбар. Тошкент: Шарқ, 1997. 608 б.

REFERENCES

- 1. Karimov E.A. (1979) Epos. Source: Literary theory. Two volumes. Volume 2. Tashkent: Science, P.184-235.
- 2. Mahabharata. (1995) The story of battles. Mahabharata or war chronicle of the descendants of Bharata. Tashkent: Writer, 176 p.
- 3. Normatov U. (1997) Loyalty to the truth of history. Source: Kadyrov P. Humayun and Akbar. Tashkent: East, P. 9.
- 4. Ramayana (1986) / Trans. from Sanskrit V. Potapova; Entry Art. P. Grinzer; Comm. B. Zakharyin; Let me explain. text by B. Zakharyin, V. Potapova. Moscow: Art. lit., 270 p.
- 5. Kadyrov P. (1997) Humayun and Akbar. Tashkent: East, 608 p.



Comparative literature





UDC (UO'K, УДК) 82.091

TARJIMA – QIYOSIY ADABIYOTSHUNOSLIK OBYEKTI (boburshunos I.V. Stebleva tarjimalari asosida)

Xalliyeva Gulnoz Iskandarovna

Filologiya fanlari doktori, professor Oʻzbekiston davlat jahon tillari universiteti Toshkent, Oʻzbekiston

https://orcid.org/0000-0001-5013-0792

Qahharova Dilafro'z Abdug'afforovna

Oʻqituvchi, mustaqil izlanuvchi Oʻzbekiston davlat jahon tillari universiteti Toshkent, Oʻzbekiston

https://orcid.org/0009-0002-7615-1051

ANNOTATSIYA

Tarjima nafaqat tilshunoslik, balki adabiyotshunoslik, jumladan, qiyosiy adabiyotshunoslik obyektidir. Chunki asarning asliyati va tarjimasi qiyoslash uchun asos vazifasini bajaradi. Tarjimani qiyosiy adabiyotshunoslik nuqtai nazaridan oʻrganayotgan tadqiqotchi, albatta, bu boradagi nazariy adabiyotlar bilan tanishishi, original asar va tarjimada aynan nimani qiyoslash kerakligini anglab yetishi kerak. Ushbu maqolada tarjimaning qiyosiy adabiyotshunoslikning obyekti ekanligi boburshunos olima I.V. Steblevaning shoirning ayrim gʻazallarini rus tiliga tarjimalari asosida talqin va tahlil qilingan. Bobur ijodi tadqiqi olima ilmiy merosida alohida oʻrin tutadi. Maqolada ba'zi oʻrinlarda gʻazallarning baytlari notoʻgʻri tarjima qilingani va xato talqinni keltirib chiqargani ilmiy-nazariy jihatdan dalillangan. I.V. Stebleva kitobidagi gʻazallar matni rus olimi, boburshunos olim A.N. Samoylovichning Rossiya Fanlar akademiyasiga qarashli arxivda saqlanayotgan tarjimalari bilan qiyoslangan va muayyan xulosalarga kelingan. Shuningdek, oʻziga xos tadqiq usuliga ega boʻlgan I.V. Stebleva Boburning adabiy merosini adabiyotshunos olim Yu. Lotmanning badiiy asar strukturasi, semantikasi bilan bogʻliq nazariy qarashlariga tayangan holda maxsus oʻrgangani va turkologiya fanini yangi tadqiqotlar bilan boyitgani e'tirof etilgan.

KALIT SOʻZLAR

tarjima, talqin, tahlil qiyosiy adabiyotshunoslik,
M. Topper, I.V. Stebleva,
A.N. Samoylovich,
Yu. Lotman, gʻazal, semantika, muallif shaxsi, lirik
qahramon, an'anaviylik,
men–olam oppozitsiyasi,
poeziya.

ПЕРЕВОД – ОБЪЕКТ СРАВНИТЕЛЬНОЙ ЛИТЕРАТУРЫ (по переводам бабуролога И.В. Стеблева)

Халлиева Гулноз Искандаровна

Доктор филологических наук, профессор Узбекский государственный университет мировых языков Ташкент, Узбекистан

https://orcid.org/0000-0001-5013-0792

Каххарова Дилафруз Абдугафоровна

Преподаватель, независимый исследователь Узбекский государственный университет мировых языков Ташкент. Узбекистан

https://orcid.org/0009-0002-7615-1051

КИПУТОННЯ

Перевод является объектом не только языкознания, но и литературоведения, в том числе сравнительного. Так как оригинал и перевод произведения является объектом для сравнения. Исследователь, изучающий перевод с точки зрения сравнительного литературоведения, должен быть знаком с теоретической литературой по этой тематике, понимать, что именно необходимо сравнивать между оригинальным произведением и переводом. В данной статье перевод интерпретируется и анализируется на основе переводов некоторых газелей поэта на русский язык, выполненных бабуроведом И.В. Стеблевой. Исследование творчества Бабура занимает особое место в научном наследии учёного. В статье научно-теоретически доказано, что некоторые газели были неправильно переведены и истолкованы. На основе сравнения переводов газелей поэта российскими учёными И.В. Стеблевой и А.Н. Самойловичом, хранящимися в архиве востоковедов Российской академии наук были сделаны определённые выводы. И.В. Стеблева, обладая уникальным методом исследования, специально изучила литературное наследие Бабура, опираясь на теоретические взгляды литературоведа Ю. Лотмана по структуре и семантике художественного произведения, и обогатила науку новыми тюркологическими исследованиями.

КЛЮЧЕВЫЕ СЛОВА

перевод, интерпретация, анализ, сравнительное литературоведение, М. Топпер, И.В. Стеблева, А.Н. Самойлович, Ю. Лотман, газель, семантика, личность автора, лирический герой, традиционализм, оппозиция, поэзия.

TRANSLATION IS AN OBJECT OF COMPARATIVE LITERATURE (based on the translations of the Baburologist I.V. Stebleva)

Khalliyeva Gulnoz Iskandarovna

Doctor of philological sciences, professor Uzbekistan State University of World Languages Tashkent, Uzbekistan

https://orcid.org/0000-0001-5013-0792

Kahharova Dilafruz Abdugaforovna

Teacher, independent researcher Uzbekistan State University of World Languages Tashkent, Uzbekistan

https://orcid.org/0009-0002-7615-1051

ABSTRACT KEY WORDS

Translation is an object of national linguistics, as well as literary studies, literary studies - comparative literary studies. Because it uses a framework to compare the work and the translation. A researcher who studies translation from the point of view of comparative literature should be familiar with these theoretical literatures, clearly understand what to compare and develop in the original work and the translation. In the third article, the object of comparative literary studies is the translation of some of the poet's ghazals into Russian by Baburologist I.V. was interpreted and analyzed based on the translations made by Stebleva. The study of Babur's work occupies a special place in the scientist's scientific heritage. In the article, it is proved that the verses of the ghazal have been wrongly translated in some places, which has caused them to be misinterpreted. Instead, the text of the ghazals in I.V. Stebleva's book was compared and identified with the translations of the Russian scientist, Baburologist A.N. Samoylovich, kept in the archives of the Russian Academy of Sciences. , I.V. Stebleva, who has a unique research method, specially studied the literary heritage of Bobur, literary scholar Yu. Lotman spoke about the structure and semantics of the work of art, and its enrichment by the science of Turkology was recognized anew.

translation, interpretation, analysis, comparative literary studies, M. Topper, I. V. Stebleva, A. N. Samoylovich, Yu. Lotman, ghazal, semantics, author's personality, lyrical hero, traditionalism, self-world opposition, poetry.

KIRISH

Ma'lumki, har qanday tarjima mohiyatan kommunikatsiya (oʻzaro muloqot) va retsepsiya(tarjimaning qabul qilinishi) kabi jarayonlardan iborat. Xuddi shu jarayonlar qiyosiy adabiyotshunoslik uchun ham xos boʻlib, ikkita har xil millatga mansub adabiy asarni taqqoslash jarayonida, albatta, tahlil qilinadi. Masalan, Nosir Zohid va amerikalik yozuvchi Viktoriya Shvabning bir xil nomdagi «Qasos» romanlarini oʻzbek va xorij kitobxoni turlicha qabul qiladi. Bu – retsepsiya jarayoni. Har ikkala romanni taqqoslashga kirishish – ikki millat, ikki madaniyat, ikki yozuvchi oʻrtasidagi kommunikatsiya. Demak, birgina kommunikatsiya va retsepsiya tushunchalarining mavjudli tarjimani qiyosiy adabiyotshunoslik obyekti sifatida oʻrganishga toʻla asos beradi. Tarjimaning qiyosiy adabiyotshunoslikning obyekti ekanini ilmiy-nazariy jihatdan isbotlab bergan adabiyotshunos olim M.Topperning fikricha, qiyosiy adabiyotshunoslik metodologiyasi jahon adabiyotidagi turli milliy adabiyot namunalarini qiyoslash imkonini beradi, bu esa tarjimashunoslikka boʻlgan e'tiborni oshiradi (Toper M., 2000, 19).

Badiiy asar tarjimasi bilan shugʻullanmoqchi boʻlgan tadqiqotchi asosan quyidagi jihatlarni qiyosan oʻrganishi mumkin:

- 1. Original asar va tarjimaning muvofiqligi.
- 2. Yozuvchi va tarjimonning ijodiy individualligi.
- 3. Adabiy aloqa va tarjima.
- 4. Asar va uning retsepsiyasi (qanday edi, qanday qabul qilindi?).
- 5. Tarjima va adabiy ta'sir masalasi.
- 6. Janrlararo tarjima: lirik, epik, dramatik tur janrlari tarjimalarida oʻxshashlik va farqlar.
 - 7. Tarjima va madaniyatlararo kommunikatsiya.
 - 8. Badiiy tarjimada lisoniy olamning qayta yaralishi muammosi.
 - 9. Yozuvchi va tarjimon mahorati va h.k. masalalar.

Yuqorida tilga olingan jihatlarning barchasida qiyosiy metoddan va metodologiyaning analiz, sintez, induksiya, deduksiya, modellashtirish va boshqa nazariy metodlaridan foydalaniladi.

Tarjima qiyosiy adabiyotshunoslik obyekti sifatida oʻrganilganda, ushbu tadqiqot xuddi boshqa komparativistik tadqiqotlarda boʻlgani kabi tarixiy, gnoseologik, mantiqiy, metodologik, ma'naviy-gʻoyaviy mezonlar orqali baholanadi.

Umuman, «asliyat ruhini imkon qadar toʻgʻri va toʻla aks ettiradigan tarjima matnini yaratish uchun tarjimon ham talantli badiiy soʻz ustasi, ham iste'dodli tarjimashunos olim boʻlishi kerak» (Musayev Q., 2005, 334). Rus sharqshunos olimasi I.V. Stebleva (1931-2016) ana shunday iqtidorli olima va tarjimonlardan sanaladi.

ASOSIY QISM

I.V. Steblevaning dastlabki tadqiqotlari qadimgi turkiy adabiyotning spetsifik xususiyatlarini oʻrganishga qaratilgan. Olimaning bu boradagi izlanishlari turkiy poeziyaning tarixi, oʻziga xos tomonlari, janrlari, vazni, obrazlar tizimi, poetikasi, kompozitsiyasi va mumtoz adabiyotga ta'siri masalalariga bagʻishlangan. Mazkur tadqiqotlarning ayrimlarida qadimgi turkiy adabiyot bilan birga keyingi davrlar adabiyotiga xos xususiyatlar ham bayon qilinadi. Jumladan, olimaning qiyosiy-tarixiy xarakterdagi ilmiy risolasida mumtoz adabiyot musulmon madaniyati ta'sirida yuzaga kelgan murakkab estetik badiiy hodisa sifatida talqin qilinadi. Shuningdek, qadimgi turkiy adabiyot an'analarining dastlabki mumtoz adabiyot namunalarida, xususan, «Qutadgʻu bilig» asarida aks etish darajasi oʻrganib chiqiladi.

XX asrning 70-yillardan boshlab olima mumtoz adabiyot masalalari bilan ham jiddiy qiziqa boshlaydi. Uning birin-ketin turkiy aruz, poetika, tuyuq janri, mumtoz adabiyotda obrazlar tizimi, ritm va ma'no tadqiqiga bagʻishlangan ilmiy maqolalari yuzaga keladi.

Bobur ijodi tadqiqi olima ilmiy merosida alohida oʻrin tutadi. Oʻziga xos tadqiq usuliga ega boʻlgan I.V. Stebleva shoirning adabiy badiiy merosini maxsus oʻrganadi va turkologiya fanini yangi tadqiqotlar bilan boyitadi. Bular orasida **Bobur gʻazallari semantikasiga** bagʻishlangan tadqiqot hajmi, mazmuni va tugalligi bilan ajralib turadi.

Mazkur ilmiy asar toʻrt bob va shoir gʻazallarining ilmiy-tanqidiy matni keltirilgan ilovadan iborat. Arab grafikasida keltirilgan bu matnga Bobur devonining Parij, Istanbul va Hindiston (Rampur) nusxasi asos qilib olingan. Gʻazallar jami 119 ta boʻlib, tadqiqotning ilmiy xolisligini ta'minlash maqsadida ularning ham ruscha tarjimasi, ham asliyati taqdim etilgan.

I.V. Stebleva tahlilidagi har bob maxsus bir masalaga bagʻishlangan. Bobur gʻazallarining struktural-ma'noviy paradigmasi birinchi bobda, kompozitsiyasi va semantik birligi ikkinchi bobda, obrazlar sistemasi uchinchi bobda, gʻazaldagi an'anaviy mavzu va muallif shaxsiyati toʻrtinchi bobda tahlil qilingan.

"An'anaviy mavzu va Bobur gʻazallarida muallif shaxsi" deb nomlangan qismda I.V. Stebleva, avvalo, masalaning oʻrganilishiga toʻxtaladi. Olima oʻzigacha boʻlgan adabiyotshunoslardan B.Ya. Shidfar, A.B. Kudelin, S.N. Ivanovlarning gʻazalda muallif shaxsiy kechinmalari aks etmaydi, sharhni shoir biografiyasi bilan bogʻlash shart emas, bu gʻazalga xos an'ana, shartli poetik usul degan qarashlarini Bobur lirikasiga tayanib, qisman rad qiladi. Qisman deganimizning boisi Boburning hamma gʻazallari ham avtobiografik xususiyatga ega emasligi va bu qarashni hamma shoirlarga ham qoʻllab boʻlavermasligi bilan belgilanadi. I.V. Stebleva muallif shaxsi gʻazal mazmunida aks etmaydi, degan fikrni «absolyut» deb qaramaslikni, bu masalaga chuqurroq yondashishni taklif qiladi va Bobur lirikasi mazkur muammoni yechishda juda muhim obyekt ekanini ta'kidlaydi.

Olima, dastavval, Bobur gʻazallari alifbo tartibida emas, xronologik tartibda joylashgani, bu haqda A.N. Samoylovich Bobur devoni nashrining soʻzboshisida aytib oʻtgani, «Devon» va «Boburnoma» orqali ham bunga ishonch hosil qilish mumkinligini yozadi. Keyin Boburning shoir boʻlib yetilishidagi ijtimoiy muhit va «Topmadim» radifli birinchi gʻazali borasida toʻxtaladi. Boburning shoir sifatida kamol topishida temuriylar davri umumiy madaniyat darajasining, shu jumladan, adabiy muhitning ta'siri katta boʻlganini qayd qiladi.

I.V. Stebleva «Boburnoma»ga tayanib, birinchi gʻazaligacha Boburning ruboiy, baytlar ham yozib turgani haqida ma'lumot beradi. Keyin bu gʻazalda an'anaviy yor tasviridan koʻra koʻproq lirik qahramon iztiroblari oʻrin olgani, bu ruhiy holatlar Bobur hayoti bilan bogʻliq ekanini aniq misollar asosida izohlab beradi.

Endigina 19 yoshni qarshilagan Bobur boshiga shuncha tashvish tushadi, u «*koʻnglidan oʻzga mahram, jonidan oʻzga yoru vafodor*» topmaydi. I.V. Stebleva gʻazalni «Boburnoma»da aks etgan voqealar asosida tahlil qila turib, bu ilk gʻazal real kechinmalarning poetik tasviri degan xulosaga keladi.

I.V. Stebleva tahlilidagi yana bir gʻazal «Yangi oy yor yuzi birla koʻrub el shod bayramlar» deb boshlanadi. Olima gʻazalning yozilish tarixi «Boburnoma»da berilgani, unda ham shoirning shaxsiy kechinmalari ifodalangani haqida yozadi. Davr, vaqt gʻanimat, hayot toʻla tashvish, yor bilan uchrashuv bayram, balki yuz Navroʻzdan ham yaxshiroq. «Bu gʻazalda, — deb yozadi olima, har ikkala semantik markaz «Topmadim» radifli gʻazaldagiga nisbatan proporsional xususiyatga ega: yuqorida tahlil qilingan gʻazalda koʻproq lirik qahramon iztirobi aks etgan boʻlsa, bunda har ikkala tomon teng darajada ifodalangan.

Gʻazalda yor tashbehiga xizmat qiluvchi an'anaviy qosh—hilol, oraz—quyosh, zulf—sunbul obrazlari tavsifiga keng oʻrin berilgan.

Shundan keyin «*Mening koʻnglumki gulning gʻunchasidek tah–batah qondur*» deb boshlanuvchi gʻazalning matlasi, yaralish epizodi ham «Boburnoma»da mavjudligi, real asosga ega ekani qayd qilingan. Darhaqiqat, asarda Boburning guvohlik berishicha, gʻazalning yozilishiga uning Kobuldagi «Gulbahor» domanasidagi gulzorga sayri sababchi boʻlgan. I.V. Stebleva avval gʻazal tarjimasini beradi, soʻngra tahlil qiladi:

Lirik qahramonning koʻngil gʻunchasi yuz ming bahor boʻlsa ham ochilmogʻi dushvor,

yorsiz bogʻ gashti tatimaydi, bunday holda sarv koʻzga oʻq, gʻuncha koʻngilga paykon boʻladi. I.V. Stebleva bu barcha kechinmalar **bahor va bogʻ sayli** tematikasi atrofida uyushganligini ta'kidlaydi.

Sayrda Bobur lolalarning chiroyiga hayratlangan, ammo yor yuzini (3–bayt) vazn talabi bilan an'anaviy atirgulga qiyos qilgan. Xullas, Boburga bu gʻazalni yaratishiga ilhom bergan **real motiv** 1507-yildagi lolazorga sayr boʻlgan.

I.V. Stebleva tahlilidagi toʻrtinchi gʻazal Bobur umrining Hindiston davri bilan bogʻliq. «Qilibdur» radifli bu gʻazal Bobur devonining Hindiston nusxasida mavjud boʻlib, qoʻlyozmani birinchi boʻlib, ingliz olimi D.Ross oʻrgangan. U Rampur (Hindiston) nusxasi asosida Bobur devonini qoʻlyozma faksimili bilan birga Kalkuttada nashr qildiradi. Oʻzbek adabiyotshunosligida bu manba S. Azimjonova tomonidan oʻrganilgan.

Olima odatdagidek, avval gʻazalni tarjima qiladi, keyin baytma-bayt izohlaydi. Tarjimada 3-bayt **notoʻgʻri** talqin qilingan.

Taqdirdur ul yonu bir yon solgʻuchi, yoʻqsa

Kimga havasi Sanbalu Tatyir qilibdur

I.V. Stebleva tarjimasi:

Это судьба направляет то в ту сторону то в эту сторону

Она на кого нибудь насылает страсть к гиацинту

(т.е.локонам)

A.N. Samoylovich arxivini kuzatganimizda uning tarjimasida ham Sanbal soʻzi sunbul tarzida oʻqilgani ma'lum boʻldi:

Предопределение бросает в разные стороны Иначе

Кому сделал страсть к гиаииниту и полетам

Bobur baytidagi mazkur misra oʻzbek adabiyotshunosligida ham har xil tabdil va talqin qilingan. Nashrlar taqqoslanganda quyidagi manzaraga duch kelish mumkin:

Kimga havasi Sunbulu Tatyir qilibtur

Kimga havasi sunbulu taqdir qilibtur

Kimga havasi Sanbalu Tatyir qilibtur

Sanbal soʻzining sunbul tarzida xato oʻqilishi va tarjima qilinishi, notoʻgʻri talqinni keltirib chiqargan, natijada gʻazal bayti boshqacha ma'no kasb etgan. I.V. Stebleva bu bayt mazmunini «taqdir insonni yo uyon yo buyonga itqitadi, qaysidir bir yor zulfiga ishtiyoqmand qiladi» deb izohlaydi. Aslida esa insonni har tomonga uloqtiruvchi taqdirdir, yoʻqsa kim oʻz yerini qoʻyib, Sanbalu Tatyirni (joy nomi) havas qilishi mumkin? Nazarimizda, mazkur gʻazalning avtobiografik xususiyatini ham xuddi mana shu bayt belgilab bergan. Boshqa baytlarda I.V. Stebleva tahlil qilganidek, an'anaviy hijron, ayriliq motivi yetakchilik qilgan.

Quyidagi gʻazal baytini oʻzbek adabiyotshunosligidagi tarjimalar bilan taqqoslanganda ham farqliklar uchradi.

I.V. Stebleva nashrida:

Ne yerda boʻlsang, ey gul, andadur chun joni Boburning Gʻaribingga tarahhum aylagilkim anda jonidur

Arxivdagi A.N. Samoylovich tarjimasida:

Ведь где бы там не была Роза, там и душа Бабура

Так окажи скитальцу милость, в которой его жизнь.

Bobur devonining fanga ma'lum 5 ta nusxasi asosida tayyorlangan barchanashrlarda bu misra ANDA JONIM deb berilgan. Ammo 2008-yildagi nashrda asossiz ravishda ANDIJONIYga aylangan:

Ne yerda boʻlsang, ey gul, andadur chun joni Boburning

Gʻaribingga tarahhum aylagilkim Andijoniydur

Xullas, I.V. Stebleva Bobur gʻazallarida muallif shaxsi aks etganini «Boburnoma» asari vositasida biografik metod orqali oʻrganib chiqadi va Bobur lirikasi xususidagi barcha xulosalarni hamma shoirlarga ham tatbiq qilish mumkin emasligini, bu borada har bir shoir ijodiga alohida-alohida yondashish kerakligini ta'kidlaydi.

Yuqoridagilardan tashqari I.V. Stebleva Bobur gʻazallaridagi novatorlik, an'anaviy normadan chekinish holatlarini ham tahlil qiladi. Shuni qayd qilish kerakki, bu muammo bilan olima kitob yozilishidan (1983) ancha oldin (1978) qiziqa boshlagan. Bunda I.V. Stebleva an'anaviy gʻazallardagi **men—ma'shuqa** oppozitsiyasidan koʻra Bobur gʻazallarida **men—olam** oppozitsiyasining koʻproq uchrashini ta'kidlab, buning sababi, hayotiy asoslarini tushuntirishga harakat qilgan.

Bobur lirikasida an'anaviy gʻazal uchun xos boʻlgan yor tasviri va lirik qahramon kechinmalari bilan bogʻliq ikkita semantik markazning oʻziga xos xususiyatlari «**shafqatsiz taqdirdan nolish motivi**» bilan birgalikda tahlil qilingan. Jumladan, shoirning «**Qoldimu**» radifli gʻazalini tahlil qilar ekan, olima dastavval «Boburnoma»dan bu gʻazalning yozilishiga sabab boʻlgan hayotiy asosni keltiradi. 1506-yil oxirida Boburning Hirotdan Kobulga yoʻl olgani, yoʻldagi qiyinchiliklar – haddan ortiq sovuq, tizza boʻyi qor, izgʻirin, «oʻlum vahmi», Bobur tili bilan aytganda, «*ul necha kun bisyor tashvish va mashaqqatlar tortilgani, andoqkim, muddatul umr muncha mashaqqat kamroq boʻlgani*» gʻazalning ilk baytiga asos boʻladi.

Charxning men koʻrmagan jabru jafosi qoldimu?

Xasta koʻnglum chekmagan dardu balosi qoldimu?

I.V. Stebleva gʻazalning davomi Bobur devonining Parij nusxasida mavjudligi, uni oʻqib va uqib Bobur hayotining nechogʻli murakkabliklarga toʻla boʻlganini tushunish mumkinligi haqida yozadi. Matlada aks etgan nolish motivi keyingi barcha baytlarning ikkinchi misralarida davom etadi.

Aslida, **taqdirdan, davrdan, falakdan nolish motivi** an'anaviy g'azallarda ham uchraydi, ammo ular oshiq-ma'shuq munosabatlari **prizmasi** orqali namoyon bo'ladi. Boburning bu g'azalida esa **men—olam** tazodi musta-qillik kasb etib, asosiy o'ringa chiqadi va bu holat I.V. Stebleva tomonidan g'azal umumiy tematikasidan chekinish, shoirning o'ziga xosligi, novatorligi deb baholanadi. Bu haqda A. Abdug'afurov ham shoir devoni so'zboshisida «*Bobur lirikasida taqdir zarbalaridan shikoyat, falak jabru jafosi, davron g'amu g'ussasidan nola, zamona va ahli zamonadan fig'on ustunlik qiladi», — deb yozgan edi.*

Olima «**men–olam**» konstruksiyasi bilan bogʻliq yana bir necha gʻazallarni tahlil qiladi. Masalan, «**Yaxshiligʻ**» radifli gʻazalda bu dunyoning bevafoligini Bobur oʻziga xos murojaatlar – uch marta koʻngulga (*kim koʻrubdur, ey koʻngul..., ey koʻngul chun yaxshidin koʻrdung yamonliq asru koʻp* va h.k), bir marta doʻstiga (*ey rafiq*) va bir marta umumga (*bori elgʻa yaxshiligʻ qilgʻilki mundin yaxshi yoʻq*) qarata bayon etadi; bu bilan dialogik aspektni

kuchaytirib emotsional ta'sirni oshiradi. «**Koʻring**» radifli gʻazalda esa lirik qahramonning kechinmalari *koʻring, qarang, e'tibor qiling, koʻzlang* kabi murojaatlarda, atrofdagi boshqa odamlar bilan birgalikda baham koʻrilishi, bu esa ta'sirchanlikni yana ham oshirishga xizmat qiladigan **emfatik intonatsiya** usuli ekanligi xususida fikrlaydi. Shu bilan birga shoirning oʻziga xos usuli **turkiy poeziyaning umumestetik mezoniga zarar yetkazmagani**, aksincha, boyitgani haqida yozadi.

I.V. Stebleva Bobur gʻazallarining avtobiografik xususiyatini ochishga xizmat qiluvchi **geografik nomlar** borasida ham toʻxtalib oʻtadi. Olimaning qayd qilishicha, Bobur ijodida geografik nomlarning keltirilishi shartli — poetik usul boʻlmay, real voqealarga asoslangan. Buni olima shoirning «**Qoshi-yu qaddi-yu ogʻzin ul moh**» deb boshlanuvchi gʻazali tahlili misolida ochib beradi. Joy nomi gʻazalning 6-baytida keltirilgan:

Kobul sori gar azimat etsang

Qurbon qilay oʻzni sanga, ey shoh!

«Boburnoma»da keltirilishicha, 1506-yilda Bobur Kobuldan Hirotga kelganida amakisining qizi Ma'suma Sulton begimga mehri tushadi va oʻz nikohiga olishga qaror qiladi. Bir yil oʻtgach, 1507-yilda, Qandahorni egallab zafar bilan qaytgach, Bobur uni nikohlab oladi. Bu haqda shoir: «Sulton Ahmad Mirzoning qizi Ma'suma Sultonbegimkim, Xurosondin tilab keltirub edim, ushbu kelganimda aqd qildim», — deb yozadi. I.V. Stebleva «Boburnoma»dan Ma'suma Sulton begim bilan bogʻliq yana bir qancha epizodlarni keltiradi va yuqoridagi gʻazal aynan unga bagʻishlangani, Bobur uning Kobulga kelishini besabrlik bilan kutgani haqida fikr bildiradi.

I.V. Stebleva Boburning *«Oyogʻin oʻpsam yetishgay arsh toqigʻa boshim»* deb boshlanuvchi yana bir gʻazalini tahlil qila turib, bu gʻazalni ham Ma'suma Sulton begim nomi bilan bogʻliqligini taxmin qiladi. Ammo olima ayrim misralar **tarjimasida yana xatolikka** yoʻl qoʻyadi. Bu haqiqat gʻazalni asli tarjimasi bilan qiyoslanganida ravshanlashadi:

O'tti el bo'lmoqdin ul yosh, men qarig'um ishqida,

Oʻlganim yaxshi bu nav'ar oʻtsa ellikdan yoshim.

Yor iti, qichqirma gar Bobur desa holin sanga,

Naylayin bu gʻurbat ichra sendin oʻzga yoʻq kishim

I.V. Stebleva tarjimasi:

Прошел год как эта юная была , я буду стареть в любви к ней

Лучше умереть,чем таким образом прожить до возраста более пятидесяти лет

Хотя Бабур сказал тебе о своем состоянии возлюбленная произнесла: Не зови меня

Что мне делать на этой чужбине у меня нет человека, кроме тебя

A.N. Samoylovich tarjimasi esa bunday:

Тот юнец вышел из послушания. Я состарюсь в любви к нему.

Если так мой возраст перейдет за пятьдесят, лучше бы мне умереть!

Не вой собака друга, если я поведаю тебе положения Бабура

Что поделаю! В этом одиночестве нет у меня никого кроме тебя

Ahamiyat beradigan bo'lsak, I.V. Stebleva el so'zini yil, iti so'zini aytdi shaklida

oʻqigan. Bobur devonining Parij nusxasi asosida tayyorlangan «Mahrami asror topmadim» toʻplamida ham **yor iti** – *yor aytdi* tarzida notoʻgʻri berilgan.

Demak, A.N. Samoylovich asliyatni toʻgʻri oʻqigan, uning tarjimasi ham asliyatga muvofiq. Shuni alohida ta'kidlash kerakki, tarjimalarning bu kabi qiyosiy tahlili bir tomondan adabiy aloqalarning uzviy qismi boʻlsa, ikkinchi tomondan komparativistikaning predmeti sanaladi.

Bundan tashqari har qanday tarjima bu interpretatsiyadir. Demak, toʻgʻri tarjima, toʻgʻri talqin garovidir.

I.V. Stebleva «Boburnoma»dagi fakt asosida (Bobur Ma'suma Sulton begimni koʻrgach, unga bir yildan keyin uylangan) ushbu baytlarda lirik qahramonning bir yildan beri yorini kutayotgani, yor esa kelmayotgani haqidagi **gʻalat mulohazani** bildiradi va gʻazal real faktga asoslanib yozilganini e'tirof qiladi. Aslida esa mazkur baytlarda yorning «el» boʻlmoqdin, ya'ni, quloq solmoqdin oʻtgani, bundan oshiqning xavotirga tushayotgani, yor itiga oʻz dardini bayon qilayotgani haqida fikr yuritilgan.

Gʻazalnavislik an'anasiga koʻra yor iti obrazi oshiqning eng yaqin hamdardi, gʻamgusori, ba'zida vositachisi vazifasini bajargan.

- I.V. Stebleva tahlil qilgan oxirgi gʻazal «Xush ulkim yordin qat'aylabon tarki diyor etsa» deb boshlanadi. Gʻazal tarjimasidan soʻng olima unga xos xususiyatlar haqida yozib, she'rni boshdan oxir qiyinchiliklarga toʻla Bobur hayotining moʻjaz ifodasi deb ataydi. Boshqa gʻazallarda ma'lum baytlardagina aks etgan *darbadarlik, ovoralik, ixtiyorsizlik motivi* bu gʻazalda bosh mavzu darajasiga koʻtarilgan, «diyoru yordin javr» mustaqil ma'no kasb etgan degan xulosaga keladi.
- I.V. Stebleva Bobur lirikasidagi hayotiylik muammosini ochib berishda «Boburnoma»ning alohida ahamiyat kasb etishiga e'tibor bergan. Zotan, «Boburnoma»dagi real voqelik shoir lirikasi bilan uzviy emotsional rishtani hosil qilib, Bobur lirikasining oʻziga xosligi va betakrorligini ta'minlaydi.

XULOSA

- I.V. Stebleva Boburning 10 ta gʻazalini toʻliq, 6 ta gʻazalini qisman tarjima va tahlil qilib, oʻz fikrlarini «Boburnoma»dagi faktlar asosida mustahkamlaydi; oʻzigacha yozilgan ishlardagi muallif shaxsi gʻazalda aks etmaydi, gʻazal an'anaviy janr degan xulosasini Bobur lirikasi tahlili misolida qisman rad qiladi. Olima Bobur gʻazallaridagi shartli poetik usuldan, an'anaviylik normasidan chekinish holatlarini shoirning novatorligi deb hisoblaydi va uning ba'zi gʻazallarida MEN–MA'SHUQA oppozitsiyasi, MEN–OLAM oppozitsiyasi bilan oʻrin almashinganini aniq misollarda izohlab beradi. Shu bilan birga shoirning novatorligi mumtoz turkiy poeziyaning estetik normasiga putur yetkazmaganligini, aksincha, murakkab estetik adabiy kompleksni tashkil qilganini alohida qayd etadi..
- I.V. Stebleva Bobur gʻazallarining tahlilida sistem-funksional, semantik-sintaktik, qiyosiy-chogʻishtirma, biografik va germenevtik metodlardan unumli foydalangan. Tadqiqotni yozish davomida Yu. Lotmanning badiiy asar strukturasi, semantikasi bilan bogʻliq nazariy qarashlariga tayangan. Olimaning monografiyasi ayrim kamchiliklardan xoli boʻlmasa-da, rus adabiyotshunosligida Bobur lirikasi struktur-semantik jihatdan jiddiy tahlil qilingan eng yaxshi ilmiy asar hisoblanadi.

FOYDALANILGAN ADABIYOTLAR RO'YXATI

- 1. Азимджанова С. Индийский диван Бабура. Т.: Фан, 1966. 85 б.
- 2. Бобур. Танланган асарлар. (Нашрга тайёрловчилар В. Рахмонов, М.Хотамов). Т.: Ўқитувчи, 1983. 54 с.
- 3. Denison Ross. A Collection of Poems by the Emperor Babur \\ Journal and proceedings of the Asiatic Society of Bengal. Vol.VI Extra. ¬№ Calcutta, 1910.
- 4. Захириддин Мухаммад Бабур. Трактат об арузе. Факсимиле рукописи. Издание текста, вступительная статья и указатели И.В. Стеблевой. М.: Наука, 1972. 210 с.
- 5. Захириддин Мухаммад Бобур. Бобурнома. Т.: Юлдузча, 1989. 174 б.
- 6. Захириддин Мухаммад Бобур. Fарибинг Андижонийдур. Сайланма шеърлар. (Нашрга тайёрловчи В. Рахмонов). Т.: Шарк, 2008. 286 б.
- 7. Захириддин Мухаммад Бобур. Махрами асрор топмадим. (Нашрга тайёрловчи ва сўзбоши муаллифи С. Ҳасан). Т.: Ёзувчи, 1993. 80 б.
- 8. Захириддин Мухаммад Бобур. Девон. (Нашрга тайёрловчи А. Абдуғафуров). Т.: Фан, 1994. 143 б.
- 9. Конрад Н.И. Запад и Восток. –М.: Восточная литература, 1966. 517 с.
- 10. Лотман Ю.М. Анализ поэтического текста. Л.: Просвещение, 1972. 271 с.
- 11. Лотман Ю.М. Структура художественного текста. -М.: Исскуство, 1970. 384 с.
- 12. Стеблева И.В. Ритм и смысл в классической тюркоязычной поэзии. М.: Наука, 1993. 178 с.
- 13. Стеблева И.В. Семантика газелей Бабура. M.: Hayka, 1982. 327 с.
- 14. Стеблева И.В. К проблеме современной интерпретации теории тюркского аруза // Тюркологический сборник.— М., 1981. С. 256-265.
- 15. Стеблева И.В. О стабильности некоторых ритмических структур в тюркоязычной поэзии // Тюркологический сборник. М., 1973. С. 215–231.
- 16. Стеблева И.В. Поэзия тюрков VI–VIII века. М.: Наука, 1965. 146 с.
- 17. Стеблева И.В. Поэтика древнетюркской литературы и ее трансформация в раннеклассический период. М.: Наука, 1976. 214 с.
- 18. Стеблева И.В. Преодоление традиционной тематической нормы в газели Бабура // Тюркологический сборник. М., 1978. С. 226–234.
- 19. Топер П.М. Перевод в системе сравнительного литературоведения. М.: Наследие, $2000.-254~\rm c.$
- 20. Шох ва шоир. (Нашрга тайёрловчи Хасанхўжа Мухаммадхўжа ўғли). –Т.: Шарк, 1996. 201 б.
- 21. Hartmann M. Der Divan Xuweydas // MSOS,1902.Bd.VII.2.

REFERENCES

- 1. Azimdzhanova, S. Indian divan of Babur. T.: Science, 1966. 85 p.
- 2. Babur. Selected works. (Preparers for publication V. Rahmonov, M. Khotamov). T.: Teacher, 1983. 54 p.
- 3. Denison, Ross. A Collection of Poems by the Emperor Babur \\ Journal and proceedings of the Asiatic Society of Bengal. Vol. VI Extra No. Calcutta, 1910.
- 4. Zakhiriddin Muhammad Babur. Treatise on Aruz. Facsimile of the manuscript. Edition of the text, introductory article and indexes by I.V. Stem. M.: Science, 1972. 210 p.
- 5. Zahiriddin Muhammad Babur. Boburnoma. T.: Star, 1989. 174 p.
- 6. Zahiriddin Muhammad Babur. Your stranger is Andijoni. Selected poems. (V. Rakhmanov preparing for publication). T.: East, 2008. 286 p.
- 7. Zahiriddin Muhammad Babur. I did not find Mahrami's secret. (Preparer and foreword author Saidbek Hasan). T.: Writer, 1993. 80 p.
- 8. Zahiriddin Muhammad Babur. Devon. (Preparer for publication A. Abdugafurov). T.: Science, 1994. 143 p.

- 9. Konrad, N.I. West and East. M.: Eastern literature, 1966. 517 p.
- 10. Lotman, Yu.M. Analysis of poetic text. L.: Education, 1972. 271 p.
- 11. Lotman, Yu.M. The structure of a literary text. M.: Art, 1970. 384 p.
- 12. Stebleva, I.V. Rhythm and meaning in classical Turkic poetry. M.: Science, 1993. 178 p.
- 13. Stebleva, I.V. Semantics of Babur's gazelles. M.: Science, 1982. 327 p.
- 14. Stebleva, I.V. On the problem of modern interpretation of the theory of the Turkic aruz // Turkological collection. M., 1981. pp.256-265.
- 15. Stebleva, I.V. On the stability of some rhythmic structures in Turkic poetry // Turkic collection. M., 1973. pp.215-231.
- 16. Stebleva, I.V. Poetry of the Turks of the 6th-8th centuries. M.: Science, 1965. 146 p.
- 17. Stebleva, I.V. Poetics of ancient Turkic literature and its transformation in the early classical period. M.: Science, 1976. 214 p.
- 18. Stebleva, I.V. Overcoming the traditional thematic norm in Babur's gazelle // Turkological collection. M. 1978. P. 226-234.
- 19. Toper, P.M. Translation in the system of comparative literature. M.: Heritage, 2000. 254 p.
- 20. The king and the poet. (The son of Hasankhoja Muhammadkhoja, who prepares for the publication). T.: East, 1996. 201 p.
- 21. Hartmann M. Der Divan Xuweydas // MSOS, 1902.Bd.VII.2.



Comparative literature





UDC (UO'K, УДК): 82.09

IVLIN VO VA ABDULLA QAHHOR IJODIDA AVTOBIOGRAFIK HAMDA IJTIMOIY MOTIVLAR TADQIQI

To'rayeva Bahor Bahriddinovna

Filologiya fanlari doktori, dotsent Oʻzbekiston davlat jahon tillari universiteti Toshkent, Oʻzbekiston

https://orcid.org/0000-0003-4019-7891

Murodova Muqadas Ikromovna

Mustaqil izlanuvchi, Oʻzbekiston davlat jahon tillari universiteti Toshkent, Oʻzbekiston

https://orcid.org/0009-0001-3652-2252

ANNOTATSIYA

Maqolada Ivlin Vo hamda Abdulla Qahhor hikoyalarida uchraydigan avtobiografik va satirani yuzaga keltiruvchi ijtimoiy motivlar tahlilga tortilgan. Motivning nazariy va konseptual tomonlari haqidagi birinchi manba A.N. Veselovskiy tomonidan yaratilgan. Uning fikricha, "motiv insoniyat ibtidoiy jamiyat sifatida mavjud bo'lgan asrlarda tabiatning sirli savollariga obrazli javob shaklida vujudga kelgan formuladir".

Ivlin Vo va Abdulla Qahhor oʻz hikoyalarida avtobiografik motivlardan unumli foydalanishgan. Avtobiografik motiv orqali odatda muallif oʻz hayotini izchil tasvirlaydi, unda adib yashagan ijtimoiy hayotni yaxlit tushunish istagi muhim xarakter kasb etadi. Avtobiografiya koʻp jihatdan oʻxshash janrlar bilan chegaradosh: biografiya, xotiralar, kundaliklar. Avtobiografik motivlar asar qahramonini tanlashda, uning ichki dunyosini psixologik tahlil qilishda, ya'ni bularga muallifning tarjimai holi asos boʻlganda namoyon boʻladi. Avtobiografiyani ijodkorlikning asosi deb hisoblash subyektiv hodisadir. Ammo mavzuni tanlash va voqelikni tasvirlash uchun avtobiografik motivlarni ifodalash obyektiv sharoitlar tasviriga asoslanadi: erta yetimlik, urushda qatnashish, qarindoshlar bilan muvaffaqiyatsiz munosabatlar – bularning barchasi haqiqatning fojiali manzarasini yaratadi. Shunday qilib, voqelikni ishonchli tasvirlash talabi va uning bolaligi, oʻsmirligi, umuman hayot yoʻli haqidagi tasvirlar asar voqealariga realizm va haqqoniylik bagʻishlaydi. Natijada adiblar voqealar tasvirida dramatizmning kuchayishiga, qahramonlarning jonli tasviriga erishganlar.

Tadqiqot jarayonida qiyosiy-tipologik, biografik, kontekstual tahlil usullaridan foydalanilgan. Maqolaning maqsadi Ivlin Vo va Abdulla Qahhor satirik hikoyalaridagi badiiy detallarni tahlil qilish, satirik mohiyatini aniqlashdan iborat.

KALIT SOʻZLAR

avtobiografik motiv, avtobiografiya, kundalik, mubolagʻa, kinoya, uslub, gʻoya, fantaziya, badiiy mezon.

ИССЛЕДОВАНИЕ АВТОБИОГРАФИЧЕСКИХ И СОЦИАЛЬНЫХ МОТИВОВ В ТВОРЧЕСТВЕ ИВЛИНА ВО И АБДУЛЛЫ КАХХАРА

Тураева Бахор Бахриддиновна

Доцент, доктор филологических наук Узбекский государственный университет мировых языков Ташкент, Узбекистан

https://orcid.org/0000-0003-4019-7891

Муродова Мукадас Икромовна

Независимый исследователь Узбекский государственный университет мировых языков Ташкент, Узбекистан

https://orcid.org/0009-0001-3652-2252

АННОТАЦИЯ

В статье анализируются автобиографические и сатирические социальные мотивы, встречающиеся в рассказах Ивлина Во и Абдуллы Каххара. Автором первых работ, посвященных теоретическим и концептуальным аспектам мотива, является А.Н. Веселовский. По его мнению, мотив представляет собой «простейшую повествовательную единицу, образно ответившую на разные запросы первобытного ума или бытового наблюдения».

Ивлин Во и Абдулла Каххар эффективно использовали в своих рассказах автобиографические мотивы. При помощи автобиографических мотивов автор обычно подробно описывает свою жизнь, при этом важную роль играет также стремление создать полное представление об общественной жизни той эпохи, в которую жил писатель. Автобиография по многим своим признакам схожа с такими жанрами, как биография, мемуары, дневники. Автобиографические мотивы проявляются в выборе героя произведения, в психологическом анализе его внутреннего мира, поскольку в его основе лежит биография автора. Использование автобиографии как основы творчества придает произведениям субъективный характер. Однако при выборе темы и построении сюжета введение автобиографических мотивов продиктовано художественной задачей изображения объективных условий. Раннее сиротство героя, участие в войне, неудачные отношения с родственниками - все это создает трагическую картину действительности. Таким образом, требование достоверного изображения действительности и создания убедительных образов его детства, юности и жизни в целом придают реалистичность и правдивость событиям произведения. В результате писатели добились усиления драматизма в изображении событий и живости в передаче переживаний героев.

В процессе исследования использовались сравнительно-типологический, биографический, контекстуальный методы анализа. Цель статьи – проанализировать художественные детали в сатирических рассказах Ивлина Во и Абдуллы Каххара, определить их сатирическую сущность.

КЛЮЧЕВЫЕ СЛОВА

автобиографический мотив, автобиография, дневник, преувеличение, ирония, стиль, идея, фантазия, художественный критерий.

A STUDY OF AUTOBIOGRAPHICAL AND SOCIAL MOTIVES IN THE ARTISTRY OF EVELYN WAUGH AND ABDULLA KAKHAR

Turaeva Bahor Bahriddinovna

Doctor of Sciences in Philology, Associate Professor Uzbekistan State World Languages University Tashkent, Uzbekistan bahorturaeva@gmail.com

https://orcid.org/0000-0003-4019-7891

Murodova Mukadas Ikromovna

Independent researcher, Uzbekistan State World Languages University Tashkent, Uzbekistan

https://orcid.org/0009-0001-3652-2252

ABSTRACT KEY WORDS

The article analyzes the autobiographical and satirical social motives found in the stories of Evelyn Waugh and Abdulla Kakhar. The first source about the theoretical and conceptual aspects of the motif is created by A.N. Veselovskiy. In his opinion, "the motif is a formula that was created in the form of a figurative answer to the mysterious questions of nature in the centuries when humanity existed as a primitive society.

Evelyn Waugh and Abdulla Kakhar effectively used autobiographical motifs in their stories. Through the autobiographical motif, the author usually describes his life in a coherent way, in which the desire to fully understand the social life in which the writer lived becomes an important character. Autobiography borders on similar genres in many respects: biography, memoirs, diaries. Autobiographical motives are manifested in the choice of the hero of the work, in the psychological analysis of his inner world, that is, when the author's biography is the basis for these. Considering autobiography as the basis of creativity is a subjective phenomenon. But the choice of the subject and the expression of autobiographical motives for depicting reality are based on the description of objective conditions: early orphanhood, participation in the war, unsuccessful relations with relatives - all this creates a tragic picture of reality.

Thus, the demand for a reliable depiction of reality and the images of his childhood, adolescence, and life in general give realism and truthfulness to the events of the work. As a result, the writers achieved an increase in drama in the depiction of events, a lively depiction of heroes.

Comparative-typological, biographical, contextual analysis methods were used in the research process. The purpose of the article is to analyze the artistic details in the satirical stories of Evelyn Waugh and Abdulla Kakhar, to determine the satirical essence.

autobiographical motif, autobiography, diary, exaggeration, irony, style, idea, fantasy, artistic criterion.

KIRISH

Motiv – bir muallifning asari doirasida, shuningdek, butun jahon adabiyoti kontekstida takrorlanishi mumkin boʻlgan barqaror semiotik birlik sifatida asarning semantik sathida muhim adabiy-estetik vazifa bajaradi. Asar syujetini rivojlantirishga yordam beradi, ya'ni turli voqeahodisalar va personajlar oʻrtasida uzviylik hosil qiladi. Motiv badiiy semantikaning birligi sifatida asarning semantik tuzilishini bevosita anglash imkonini beradi. Badiiy xususiyatiga koʻra an'anaviy motiv, motiv-situatsiya, nutq-motiv, motiv-xarakteristika, turgʻun motiv, oʻzgaruvchan motiv, motiv-harakat, tasvir-motiv, xabar-motiv, yordamchi motiv, aktiv motiv, passiv motiv kabi turlarga tasniflangan. A.N. Veselovskiy, A.L. Bem, O.M.Freydenberg,

I.V. Silantiyev motivlarning semantik diffuziyasi, qobigʻi, aloqadorligi hamda talqini boʻyicha samarali tadqiqotlar olib borishgan.

Adabiyotshunoslikda mazmun-mohiyatiga koʻra tabiiy motivlar (oʻrmon, daryo, togʻlar, gullar), ijtimoiy motivlar (sinfiy tafovutlar, siyosiy qarama-qarshiliklar, ijtimoiy tengsizliklar), psixologik motivlar (xarakterlarning ichki olami, ularning his-tuygʻulari, ichki ziddiyatlari), diniy motivlar (diniy e'tiqodlar, ramzlar va marosimlar), tarixiy motivlar (tarixiy voqealar, davrlar va personajlar) hamda sevgi motivlari (ehtiros, romantika, xiyonat) kabi turlari mavjud.

Maqolada ijtimoiy va avtobiografik motivlar Ivlin Vo hamda Abdulla Qahhorning satirik hikoyalari misolida tahlilga tortildi. Ijtimoiy motivlar ijtimoiy hodisa va muammolar tasviri bilan bogʻliq. Ulardan jamiyatni tahlil va tanqid qilish, shuningdek, xarakterlarning ichki ziddiyatlarini ochish uchun foydalaniladi. Avtobiografik motivlar esa mualliflar hikoyasini xuddi voqea shu yerning oʻzida kitobxonning koʻz oʻngida sodir boʻlayotganday tasavvur qilish imkonini beradi. Bu tipdagi motivlar asosini hayotiy haqiqat, umumlashtirilgan hayot manzaralari tashkil qilishi ayonlashadi. Avtobiografik ma'lumotlar negizida yaratilgan hikoyalarda hayot voqealari tipiklashtirilgan boʻlib, boshqacha aytganda, umumlashma, yozuvchi tasavvuri, fantaziyasi, xayoloti hosilasi sifatida dunyoga keladi.

ASOSIY QISM

Abdulla Qahhor "Hayot hodisasidan badiiy to'qimaga" maqolasida adib aynan avtobiografik motivlar asarlari uchun asos boʻlganini quyidagicha e'tirof etgan: "Koʻplar qatori men ham o'z tajribalarim, shaxsiy taassurotlar adabiy asar uchun eng qimmatli material ekanini tushunib olgunimcha "yozuvchilik"da koʻp sarson boʻlganman. Buni bilib olganimdan keyin bolalik chogʻimda koʻrganim odamlar, yoshligimda sodir boʻlgaa voqeahodisalar koʻzimga boshqa tusda koʻrindi. Vino chuqur yertoʻlalarda tingani singari oʻtmish – kishining xotirasida tinadi; kishining yoshlikda koʻrgan-kechirganlari koʻp yillik vino singari tiniq va kuchli boʻladi. Mana shunday oʻtmishda koʻrgan-kechirganlarim koʻp hikoyalarim va yirik asarlarimdagi epizodlarga asos boʻldi. ... "Bemor" mening uchun harholda bolaligimdagi oʻsha taassurotlar bilan chambarchas bogʻlangandir. Men bu gapni taassurotlarni "oʻz ichiga olganligi" uchungina emas, balki oʻsha taassurotlarga asoslanganligi uchun ham aytayotibman. Men faktni qayta bichib tikkanimda hayot haqiqatiga qarshi ish qilayotibman deb sira o'ylagan emasman. Aksincha, hikoyada hayotni o'shanday ko'rsatib to'g'ri qilgan ekanman; besh yasharligimda ayamdan ajralib yetim qolishim oʻsha davr sharoitida hech gap emas ekan. Bu judolik natijasida yuz berishi mumkin bo'lgan butun dahshatlarni va buning barcha oqibatlarini endi tushunib yetdim. Dahshatli manzaralarning chalasini tasavvur chizib berdi (Qahhor A., 1973, 64).

Ivlin Vo ham kundaligida yaratgan qahramonlarida oʻzi koʻrgan va bilgan odamlar siymosini gavdalantirganini, hatto har bir yaqin insonini, doʻstlarining portreti, xarakter-xususiyatini batafsil tasvirlashga, shuningdek, umrining turli pallalarida oʻtgan har bir muhim voqelikni ziyraklik bilan eslab qolishga uringanini shunday e'tirof etadi: "Yangi avlodning psixologik taxminlariga koʻra, insonning erta bolaligi haqida sodda qiziqish uygʻonadi. Bir-ikki yil oldin men televizorga intervyu bergan edim. Suhbatdoshim keyingi sarguzashtlarimdan koʻra, goʻdaklik hayotimga koʻproq qiziqqan. Uning vazifasi yozuvchi

xarakterini shakllantirgan, ijodida aks etgan ta'sir va kechinmalarni ommaga koʻrsatishdan iborat boʻlsa kerak. Masalan, sayohat va armiyada xizmat qilish mening tasavvurimning rivojlanishiga hissa qoʻshdi. Lekin u bunday narsalarga parvo qilmasdi. Aksincha, u mening yashirin bolalikdagi azob-uqubatlarim va iztiroblarimning tubiga yetishni orzu qilardi" (Vo I., 2005, 384). Otasining umr boʻyi oʻpka kasalligi bilan azoblangani, onasining doimiy uy yumushlari bilan bandligi, ikki haftada bitta kitobni mutolaa qilib, yakunlashi, badavlat oilada oʻsgan buvisining keyinchalik xotirasi bilan bogʻliq muammoga duch kelishi, akasining "Yoshlik sharobi" nomli romanida ilgari surilgan gʻoyalar tufayli Sherborng maktabidan haydalgani, enagasi Lyusi esa unga nihoyatda mehribon boʻlib, hamisha Injilni oʻqib berishi, yoshligida hatto hovuzga tushib ketdi, deb uni aldab, xavotirga qoʻyishgani, ammo Lyusi Ivlinni insonlarni aldash kabi gunohni shunchaki koʻngilxushlik sifatida amalga oshirganidan juda xafa boʻlgani, bu holatdan vijdoni qiynalgan yosh adib hech qachon aldamaslikka oʻz-oʻziga soʻz berishi, doʻstlari bilan sodir boʻlgan qiziqarli voqealar, ayolining xiyonati tufayli koʻp vaqtlar iztirob iskanjasida qolishi bilan bogʻliq voqealar yozuvchining ijod laboratoriyasida qayta ishlanib, hikoya va romanlariga koʻchirilgan.

M. Bredberi "San'atkor portreti" maqolasida adib mahorati haqida juda iliq munosabat bildirgan: "Uning tarjimai holi haqidagi yozuvlari adib faoliyati haqida qiziqish uygʻotadi, avtobiografiyasi ilmiy ahamiyatga ega, uning sarguzashtlariga bagʻishlangan kitoblari oʻz davriga tegishli boʻlib, hatto "tarix ma'qullamagan madaniy imtiyozlar muhri"ga (satiralari nazarda tutilgan) ega boʻlsa ham, qiziqarli va ravon uslubda yozilgan. Ammo uning hikoya va romanlari koʻproq badiiy qimmatga ega: janjalkash yer egasining hayotiy tajribasini (koʻproq otasining fe'l-atvorini tasvirlagan), ezgulik va yovuzlik gʻoyalarini yaxlitlikda birlashtirgan adabiy tasavvur hosil qiladi. Bundan tashqari, uning ijodiy tasavvurlari, ixtirochilik hazillari va atrofida sodir boʻlayotgan voqealarga sezgir munosabati satiralarida ham oʻz aksini topgan. Shunday qilib, uning asarlari jamiyatning cheklangan doirasini qamrab olishiga, ularning zamirida katolik gʻoyalarini targʻib etishiga qaramay, koʻpincha oʻta obyektivlikni koʻrsatadigan shafqatsiz satira sifatida notoʻgʻri tushuniladi, bularning barchasiga qaramay, adib ajoyib hazil tuygʻusiga va oʻtkir zakiylikka ega, bu tuygʻu unga hayotning yanada chuqurroq va boy qatlamlarini ochib berishga imkon beradi, bu kitobxon shuurida, idrokida butunlay yangicha namoyon boʻladi (Bredberi M., 2005, 11).

Ivlin Vo va Abdulla Qahhor hikoyalarida muayyan motivlar mushtarak ifodalangan. "1-jadvalga qarang".

1-jadval. Ivlin Vo va Abdulla Qahhor hikoyalarida ifodalangan avtobiografik motivning mushtarak jihatlari

	T/r	Ivlin Vo	Abdulla Qahhor
	1	Otasi qattiqqoʻl, talabchan. Astma kasalligi tu-	
Į		fayli bola tarbiyasi bilan shugʻullana olmaydi.	talabenan.
	2	Onasining ta'bi nozik bo'lib, go'zallikka shay- dolik adibga onadan meros bo'lgan	Onasi gullarni sevgan, bogʻdorchilik bilan shugʻullangan, tabiatga shaydolik onadan oʻtgan. Adibning doʻstlari Abdulla Qahhorning chiroyli bogʻi borligini xotirlab, ta'kidlashgan.

_	Yaqinlari atrofida boʻla turib adib yolgʻizlikka mahkum. Otasi ogʻir kasal boʻlganligi uchun onasining bor e'tibori otasiga qaratilgan.	Indamas, kamsuqum. Turmushdagi ogʻir muhit taqozosi bilan yolgʻizlikka mahkum.
4	Oʻsha davrdagi murakkab ijtimoiy sharoitning dida ijodkor asarlarida satira ruhi hukmronligi	aniq manzarasini oshkora ifodalash maqsa- yaqqol seziladi.

Ivlin Voning "Tubanlikdan tashqarida" ("Out of Depth") va Abdulla Qahhorning "Bashorat" hikoyalarida ijtimoiy motivlar ikkala yozuvchining yuksak badiiy mahoratini namoyon qilgan.

Ivlin Voning "Tanazzulga yuz tutgan sevgi", "Bella Flis ziyofat berdi", "Dikkensni yoqtirgan odam", "Tubanlikdan tashqarida" kabi satirik hikoyalari bilan oʻzbek adabiyotida hikoyachilik maktabiga ega Abdulla Qahhorning "Koʻr koʻzning ochilishi", "San'atkor", "Bemor", "Adabiyot muallimi", "Bashorat" hikoyalarida mavzu, gʻoya, syujet va kompozitsiyasiga koʻra mushtaraklik mavjud.

Adiblar qalamiga mansub satirik hikoyalar tahlili jarayonidan ma'lum boʻldiki, mazkur asarlar gʻoyaviy-badiiy jihatdan bir-biriga juda yaqin. Ijodkorlarning satirik asarlarida mubolagʻa, kinoya, masxara kuchi yaqqol koʻzga tashlanadi. Bunda har bir yozuvchining oʻziga xos uslubi, gʻoyasi, badiiy obraz yaratish mahorati borligini inkor etmaymiz. Maqsad ular yaratgan asarlarning umumiy va farqli tomonlarini tahlil qilishdan iborat boʻlib, Ivlin Voning "Tubanlikdan tashqarida" va Abdulla Qahhorning "Bashorat" hikoyalarida qoʻllanilgan badiiyat mezonlari asosida qiyosiy tahlilni amalga oshiramiz.

Aytish joizki, har ikki adib ham hayot toʻsiqlarini turli usullar orqali ifodalab, oʻtkir achchiq tilda, illat va kamchiliklarni oʻzida mujassamlashtirgan, batafsil satirik obraz va personajlar yaratishgan. "Tubanlikdan tashqarida" va "Bashorat" hikoyalarida yozuvchilar ichkilikbozlik va giyohvandlikni shafqatsizlik bilan qoralab, bu illatlarga salbiy munosabat bildirgan. Hikoyalar tilining ta'sirchanligini ta'minlash maqsadida turli maqol, ibora, oʻxshatish, qiyoslash, tashbeh, jonlantirish, sinonim va antonim soʻzlardan foydalanishgan. Bu vositalarning barchasi gʻoyaning chuqurroq ifodalanishini, obrazlarning yorqin ifodasini, voqealarning toʻliq tasvirini yaratish imkonini yaratadi. Abdulla Qahhor tanlagan epigraflarning deyarli barchasi xalq maqollaridan iborat. Epigraflarda maqollar yordamida muallif asar gʻoyasini yoritadi, oʻz niyatini ifodalaydi.

Hikoya qahramoni Mulla Said Jalolxon Nikolay davrida mayizning qadri va koʻknorining arzonligi haqida orzu qiladi; "...devorga suyanib, koʻzlarini yumdi, roʻmolcha bilan burniga qoʻnayotgan pashshani qoʻlidagi roʻmolcha bilan qoʻrish malol keldi shekilli, ostki labini choʻzib "puf!" dedi. Pashsha koʻtarildi, ammo shu ondayoq uning labiga qoʻndi. Said Jalolxon sekin labini qimtib pashshani oyogʻidan qisib oldi. Tuzoqqa tushgan bu dilozorni ushlab, ikki barmoq orasida aylantirib tashlash qasdida koʻtarilgan qoʻl to labiga kelguncha, la'nati pashsha oyogʻini sugʻurib qochdi. Said Jalolxonning achchigʻi keldi: yoʻq yerdan koʻknor topib, kayf qilib oʻtirganda bu nimasi!" (Qahhor A., 1987, 296).

Yozuvchining mahorati shundaki, qahramonning portretini chizar ekan, grotesk elementidan foydalanadi. Mulla Said Jalolxon koʻknori yeydi. Mullaning jamiyatdagi holatini uning amaliga qarshi qoʻyadi. Aslida mullalar din peshvosi sifatida xalqni nopoklikdan qaytarishi kerakmasmi?

Said Jalolxon yegan koʻknorisi ta'siridan rohatlanib, oʻzini bezovta qilgan pashshadan oʻch olishga qaror qildi. Uning kayfi natijasida boshida turli xayollar gʻujgʻon oʻynadi. Bir zumda u zaif pashshani topadi va pashsha yordamida u koʻrinmas holga keladi. Armiya yigʻiladi. Xoʻsh, Said Jalolxon oʻz tasavvurida nima qildi, nima qilmadi? Ammo bu xayoliy sarguzashtlar ham xuddi shunday ijtimoiy motivlar bilan boyitilgan yuqoridagi tasavvurning bir qismiga aylandi.

Said Jalolxon koʻknorini tasavvur qilib, qishloqning barcha koʻknorilarini yigʻib oldi. Ularning hammasini qabul qilgandan soʻng, u giyohvand moddalarni sanab oʻtdi. Koʻknori olti oyga ham yetmasdi. Keyin u oʻzini qoniqarsiz his qildi. Kolxoz raisining oldiga kelib, paxta maydonlari atrofiga koʻknor ekishni buyurdi. Bu holat "Ola qargʻa qagʻ qildi, oʻz vaqtini chogʻ qildi" epigraf-maqolida oʻz aksini topgan boʻlib, qargʻa Said Jalolxonni ifodalaydi. U farmoyish va giyohvand moddalar haqida oʻylay turib xursand boʻldi. Koʻknori oʻsadigan yer yetarli, odamlar parvarish qilsa boʻladi. Men buni hatto oʻzim ham qilardim". Bu fikr uning miyasidan koʻp marta oʻtdi.

Jalolxonning koʻknori ta'sirida alahsirashi zamirida satirik mohiyat qabariq holda koʻrsatiladi: u faqat paxta maydonlari atrofiga koʻknor ekishdan koʻngli toʻlmay, hamma yerga ekishni buyurdi, qishloq ahli bunga rozi boʻlmagach, qoʻshin tortib, urush e'lon qildi.

Shunday qilib, muallif real eskizlar bilan uygʻunlashgan xayoliy sarguzashtning ajoyib chizigʻini yaratadi. Xayol sarguzashti usulining imkoniyatlaridan har ikki yozuvchi unumli foydalangan. Bu yozuvchilarga voqelikning satirik ifodasini yaratishlarida ancha erkinlik beradi. Qahramonlarning tush koʻrishi, koʻknori yoki ichkilik ta'sirida kayf qilishi, bu illatlar oqibatida isitmasi oshib, xayolan koʻp nomaqbul ishlarni amalga oshirishi, ya'ni ruhiy muyozanatning buzilishi va jismonan zaiflashganlik oqibatida xayollariga erk berib, orzular dunyosiga gʻarq boʻlishi – obraz psixologizmidagi bunday holatlar tasviri satirik ifodani yaratishda yozuvchilarga juda yaxshi imkoniyat beradi. Yozuvchilar qahramonlarini xayoliy dunyoni sarbasar kezdirishidan maqsad ularning hayotdagi real o'y-fikrlarini yuzaga chiqarishdan iborat. Personaj bu illatlar ta'sirida bir muddat jununlikni boshidan o'tkazadi, buning oqibatida yuzaga qalqib chiqqan oʻy-fikrlar uni ijtimoiy tip sifatida xarakterlaydi. Abdulla Qahhor bangi qahramoni xayollari orqali bu usulning muayyan qirrasini ishga solib, bunday nopok kimsalar oʻzlarini aqlli sanab, hokimiyatga intilishlari halokatga sabab boʻlishini oʻtkir satira orqali ifodalaydi: Bu ajabtovur oʻylardan "boshini yana ham kattaroq bo'lgan his qildi". Ahmoqona fikrlaridan kuch olib, u yanada ko'proq narsalarni xohlab qoladi: "Raisga qilgan do'qimni hukumatga qilsam, o'zimni xon ko'tara olmaymanmi?". Hokimiyat, boshqaruv haqida oʻylaganda, boshi kattaroq boʻlgandek his qiladi. Vaholanki, qahramonning hushi oʻziga kelgach, ma'lum boʻladiki, boshi shamol ta'sirida xonani qoplagan koʻmir tutunidan ogʻirlashgan, oʻzi esa doʻsti Shamsiddinning aytishicha, ertalabdan beri "Afg'oniston yo'liga kishi chiqaring!", "Qani shamshirim?", "G'azot" iboralarini tinmay takrorlab, alahsirab yotgandi. Yozuvchining satirik mahorati shundaki, qahramoni – bekorchi, bangi, shu tufayli uning xayollarida yovuzlik hukmron, u ertalabdan koʻknori chekib, umrini shamolga sovuryapti. Xayol ummonida gʻarqlik satirik ma'noni yanada quyuqlashtirgan.

Ivlin Vo shu usulning boshqa bir qirrasini ishga soladi, ya'ni bosh qahramon haddan ortiq ko'p ichgani bois, o'z taqdirini o'ylab ham o'tirmay tavakkaliga hal qiladi. Doktor zamonlarosha sayohat borasidagi tadqiqoti uchun Rippni tanlagani, dunyoda ikki ahmoq

boʻlsa, biri u ekanligini kulgi orqali bayon etadi. U hatto Ripning oʻz zamoniga qayta olmasligi hech kim uchun ahamiyatsizligini ta'kidlaydi. Rip toifasidagi insonlar har qaysi zamonda ham jamiyat uchun foydasiz ekani achchiq satira ostiga olingan: "And so," Dr. Kakophilos was saying, "you must breathe the fire and call upon Omraz the spirit of release and journey back through the centuries and recover the garnered wisdom which the ages of reason have wasted. I chose you because you are the two most ignorant men I ever met. I have too much knowledge to risk my safety. If you never come back nothing will be lost (- Shunday gilib, - dedi doktor Kakofilos, – siz olovdan nafas olishingiz va Omrazni ozodlik ruhini chaqirishingiz va asrlar boʻylab sayohat qilishingiz va aql-zakovat asrlari davomida yoʻqotgan donolikni tiklashingiz kerak. Men sizlarni tanladim, chunki siz men uchratgan eng johil odamlarsiz. Xavfsizligimni xatar ostiga qoʻysam-da, koʻp bilimga egaman. Agar siz hech qachon qaytib kelmasangiz, hech narsa yoʻqotilmaydi (Waugh E., 1999, 147). Ushbu oʻrinda yozuvchi Ripning jamiyat uchun ahamiyatsiz odamligini, u boshqa davrda qolib ketsa ham, hech narsa oʻzgarmasligini achchiq kinoya asosida ifodalayapti. Jamiyat rivoji uchun ahamiyatsiz, ichkilikka berilgan obrazni gavdalantirib, bunday kimsalarga jamiyatda oʻrin yoʻq deya, ta'kidlamoqchi. Doktor Kakofilos davr tanla deganida, Rip men Amerikalik bo'lsam, 500 yil oldinni tanlar edim, deydi va dengiz boʻyidagi bir qishloqqa tushib qoladi. U yon atrofiga qarab hayratlanadi. Koʻz oldida notanish joylar, notanish odamlar. Bu Londonmi deb soʻraydi? Qishloq odamlari Lunnon deb javob qaytaradi. U oʻzining koʻp ichganligini eslaydi va aql-idroki tezroq tiklanishini ya bu ichkilik natijasida sarxushlik oqibatidagi alahsirash boʻlishini chin dildan istaydi, ammo u koʻzlarini ochganda daryo boʻyidagi kulbalar va vahshiy qiyofalarni koʻradi: Rip closed his eyes and made a desperate effort to wake himself from this preposterous nightmare. "I am in London, in nineteen-thirty-three, staying at the Ritz Hotel. I drank too much last night at Margot's. Have to go carefully in future. Nothing really wrong. I am in the Ritz in nineteen-thirty-three." He said it over and over again, shutting his senses to all outward impression, forcing his will towards sanity. At last, fully convinced, he raised his head and opened his eyes ... earlymorning on the river, a cluster of wattle huts, a circle of impassive barbarous faces..." (Rip koʻzlarini yumdi va oʻzini bu bema'ni dahshatdan uygʻotish uchun astoydil harakat qildi. "Men Londondaman, oʻn toʻqqiz oʻttiz uchda, Ritz mehmonxonasida turaman. Kecha Margotda juda koʻp ichdim. Kelajakda ehtiyotkor boʻlish kerak. Hech narsa haqiqatda xato emas. Men oʻn toʻqqiz oʻttiz uchda, Ritsdaman". U buni qayta-qayta aytdi, his-tuygʻularini barcha tashqi taassurotlarga berkitib, irodasini aql-idrokka boʻysundirishga majbur qildi. Nihoyat, toʻliq ishonch hosil qilib, u boshini koʻtardi va koʻzlarini ochdi... erta tongda daryo boʻyida, bir toʻda choʻl kulbalari, tinimsiz vahshiy yuzlar doirasi (Waugh E., 1999, 153).

Natijada bir xil adabiy usullar vositasida yaratilgan asarlar oʻsha usulning har xil qirralari asosida yaratilsa-da, original xarakterga ega. Bu usuldan foydalanib, "Bashorat"da Abdulla Qahhor bangi qahramonining havoyi orzu-havaslarini, "Tubanlikdan tashqarida" hikoyasida Ivlin Vo sarxush qahramonining kelajakka qilgan sayohatini oʻtkir satira asosida tasvirlaydi.

Aytish joizki, har qanday jamiyat insonparvarlik tarafdori boʻlib, oʻsha sifatni yoʻqotganlarga hamisha qarshi turadi. Ivlin Vo va Abdulla Qahhor ijtimoiy motivlar aks etgan hikoyalari orqali insoniyatni xarob qiladigan ichkilik, giyohvandlik kabi illatlarga,

bekorchilikka qarshi kurash e'lon qilishgan.

Har ikkala hikoyada ham orzu va sehr motivlari ham mavjud. Ivlin Voning satirik obrazi Rip spirtli ichimlik tufayli kelajakka sayohatni orzu qilsa, Abdulla Qahhorning satirik obrazi Said Jalolxon esa giyohvandlik oqibatida "kuloh kiygan va tugʻ koʻtargan bangilardan iborat musulmonobod qilish"ni orzu qiladi. Ikkala hikoyada ham yozuvchilar har doim ham oʻz dolzarbligini yoʻqotmaydigan mavzuni satira qiladilar. I.Sulton ta'kidlaganidek, "Yozuvchining mahorati fikrni, mavzuni, ruhiy holatni toʻgʻri va yorqin ifoda eta oladigan soʻz va iboralarni topishdadir" (Sulton I., 2005, 38).

Hikoyalarni tahlil qilar ekanmiz, har ikki adib ham mavzu tanlash, syujetni shakllantirish, qahramonlar ruhiy holatini ifodalash, badiiy detal va motivlardan foydalanish mahoratini namoyon etgani ayonlashadi. Abdulla Qahhor ta'kidlaganidek, "badiiy haqiqat hayot haqiqatini ong prizmasidan oʻtkazish, his qilish, oʻzing oʻylayotgan narsangni unga singdirish, oʻz istak va idealingni ifodalash orqali yaratiladi" (Qahhor A., 1973, 64.).

Ivlin Vo va Abdulla Qahhor ikkalasi ham realist yozuvchilardir. Hikoyalari taʻsirchanligi va tarbiyaviy ahamiyati bilan ajralib turadi. Yozuvchilar hayot haqiqatini aynan satira orqali badiiy haqiqatga aylantira oldilar. Asarlarda sodir boʻlgan voqealar haqiqiy hayotda kimningdir boshiga tushgan yoki umuman roʻy bermagan boʻlishi mumkin. Har ikki adib ham oʻz hikoyalari orqali xalq boshidan kechirgan voqealarni hikoya qilib, yosh avlodni tarbiyalashni maqsad qilgan. Har doimgidek, adiblar xulosa chiqarishni kitobxonga havola etgan.

Har ikki adib ham hikoyalarida ijtimoiy motivlar orqali isloh qilinishi lozim ijtimoiy hodisalarni voqelantirib, odamlarda ijtimoiy illatlarga qarshi nafrat tuygʻularini uygʻotgan. "Tubanlikdan tashqarida" va "Bashorat" hikoyalarida yozuvchilar bunday razil kimsalardan nafratlanadi, ichkilikbozlik va giyohvandlik kabi illatlarni qoralaydi.

Ivlin Vo va Abdulla Qahhor hayotdagi toʻsiqlarni, jamiyatga manfaati tegmaydigan kimsalarni hartomonlama, oʻtkir, achchiqtil bilan tasvirlab, satirik obrazlarni gavdalantirishgan.

Ivlin Voning Rip, Tom, Bella Flis, Brenda, Toni kabi satirik obrazlari; Abdulla Qahhorning Mulla Norqoʻzi, Boqijon, Said Jalolxon, artist, Nizomiddinov, Kamolxonov, Nurmatjon obrazlari bir-birini takrorlamagan holda gavdalantirilgan.

Ivlin Voning ijodiy uslubiga ingliz satirik romanining an'analari ta'sir koʻrsatdi, u uzoq vaqtdan beri oʻquvchilar orasida mashhur boʻlib kelgan. Yozuvchining tarjimai holidagi "Mening otam" bobida chuqur farzandlik mehr-shafqati kinoyali mushohadalarning shafqatsiz aniqligi bilan uygʻunlashib, Viktoriya davrining oʻqimishli, iqtidorli janobining ta'sirchan portretini yaratdi ... va shunday xulosaga keldi: "Shaharlar – nosogʻlom va gʻayritabiiy yoʻl bilan tirikchilik qilish maqsadida baxtsizlar toʻplanishga majburlanadigan surgun joylar" (E.Waugh, 1964, 117)

Adabiyotshunos G. Anjaparidze nuqtayi nazariga koʻra, "Ivlin Vo oʻzining ilk asarlaridayoq burjua Buyuk Britaniyaning kuzatuvchi va xolis tanqidchisi sifatida harakat qilgan. Yana bir ahamiyatli tomoni shundaki, bu tanqid oʻzining koʻp jihatlarida ayovsizlik bilan mavjud ijtimoiy tuzumning buzuqligini keskin his qilish orqali yuzaga keldi. I. Vo kelajakka emas, balki oʻtmishga ishonchli nigoh bilan — kapitalizmdan feodalizmgacha — dunyoni adolatli qayta tashkil etish imkoniyatiga koʻproq shubha bilan qaradi. Shu bilan birga, yozuvchining badiiy hukmlari koʻpincha oʻzining ijtimoiy-siyosiy ideallariga zid

keladi" (Waugh E., 1964, 117).

Hikoyalarni tahlil qilar ekanmiz, yozuvchilarning gʻoyalari bir xil, hikoyalar kompozitsiyasi ham bir-biriga yaqin ekaniga guvoh boʻldik. Ikkala muallif ham hayotning haqiqiy faktlarini koʻrsatishni, odamlarni tarbiyalashni maqsad qilgan va ichkilikbozlik va giyohvandlikning salbiy oqibatlarini tasvirlashgan. Ma'lumki, har bir yozuvchining voqeahodisalarni tasvirlashning oʻziga xos usuli boʻlib, Ivlin Vo va Abdulla Qahhor uslubida universal jihatlar anchagina ekani aniqlandi.

XULOSA

Xullas, Ivlin Voning "Tanazzulga yuz tutgan sevgi" (Tom) va "Muvozanat" (Adam) obrazlari Abdulla Qahhorning "Bemor", "Anor", "Oʻgʻri" hikoyalari qahramonlari Sotiboldi, Turobjon, Qobil bobo obrazlarida oʻgʻirlangan umid motivi mavjudligi jihatidan mushtaraklik kasb etadi. Bu umidsizlik, tushkunlik holati bevosita davr, jamiyatdagi kishilar, iqtisodiy taqchillik, ilmsizlik kabi omillar ta'sirida paydo boʻlgan. Obrazlardagi umidsizlik ochiqoshkora tasvirlanmagan. Bu mahzunlik qahramonlar nutqida, oʻy-xayollarida, kishilar bilan munosabatida oydinlashadi. Shuningdek, ushbu hikoyalardagi oʻgʻirlangan umid yakka shaxslarga emas, butun jamiyat kishilariga ham daxldor.

FOYDALANILGAN ADABIYOTLAR RO'YXATI

- 1. Им Е.И. Автобиографические мотивы в творчестве В. П. Астафьева: 60-е-70-е годы: автореф. дис. ... канд. филол.наук. Москва, 1999. 26 с.
- 2. Во И. Насмешник. Переводчик: Минушин В. Г. М.: Вагриус, 2005. 384 с.
- 3. Веселовский А.Н. Историческая поэтика. Москва, Высшая школа, 1989. 404 с.
- 4. Брэдбери М. Портрет художника // Ивлин Во Насмешник. / Пер. с англ. В.Минушин. М.: Вагриус. 2005. С. 5–18.
- 5. Qahhor A. Asarlar. Besh jildlik. 1-jild, Toshkent, 1987. –336 b.
- 6. Waugh E. The Complete stories of Evelyn Waugh. Little, Brown and Company. Boston New York London, 1999. 611 p.
- 7. Sulton I. Adabiyot nazariyasi. T.: "O'qituvchi" nashriyot-matbaa ijodiy uyi, 2005. –272 b.
- 8. Силантьев И. В. Поэтика мотива / Отв. ред. Е. К. Ромодановская. М: Языки славянской культуры, 2004. 296 с.
- 9. Фрейденберг О.М. Поэтика сюжета и жанра; Подгот. текста, общ. ред. Н. В. Брагинской. Москва: Лабиринт, 1997. 445 с.
- 10. Qahhor A. Hayot hodisasidan badiiy toʻqimaga. Adabiyotimiz avtobiografiyasi. –T.: Gʻafur Gʻulom nomidagi adabiyot va san'at nashriyoti, 1973. 214 b.
- 11. Waugh E. A Little Learning. London: Boston-Toronto, 1964. 545 p.
- 12. Во И. Избранное. Сборник. На англ.яз. //Составитель Г.А.Анджапаридзе. М. «Прогресс», 1980. 440 с.
- 13. Qahhor A. Tanlangan asarlar. 3 tomlik. 1–tom. T.: Oʻz SSR davlat badiiy adabiyot nashriyoti. 1957. 423 b.

REFERENCES

- 1. Im, E.I. (1999) Autobiographical motives in the works of V.P. Astafiev: 60s70s: abstract. dis. ...cand. philological sciences, Moscow, 26 p.
- 2. Waugh, E. (2005) Mocker. Translator: Minushin V.G. M.: Vagrius, 384 p.
- 3. Veselovsky, A.N. (1989) Historical poetics. Moscow, Higher School, 404 p.
- 4. Bradbury, M. (2005) Portrait of the Artist // Evelyn Waugh the Mocker. / Per. from English V. Minushin. M.: Vagrius, P. 5-18.

- 5. Kakhar, A. (1987) Works. Five volumes. Volume 1, Tashkent, 336 p.
- 6. Waugh E. (1999) The Complete stories of Evelyn Waugh. Little, Brown and Company. Boston New York London, 611 p.
- 7. Sultan, I. (2005) Literary theory. Tashkent: "Teacher" publishing house, 272 p.
- 8. Kakhar A. (1973) From a life event to an artistic fabric. Autobiography of our literature. T.: Literary and Art Publishing House named after Gafur Ghulam, 214 p.
- 9. Silantiev, I.V. (2004) Poetics of motive / Rep. ed. E. K. Romodanovskaya. Moscow: Languages of Slavic culture, 296 p.
- 10. Waugh, E. A (1964) Little Learning. London: BostonToronto, 545 p.
- 11. Freidenberg, O.M. (1997) Poetics of plot and genre; Prepare text, total ed. N.V. Braginskaya. Moscow: Labyrinth, 445 p.
- 12. Waugh, E. (1980) Favorites. Collection. In English. //Compiled by G.A. Andzhaparidze. M. "Progress", 440 p.
- 13. Kakhar, A. (1957) Selected works. 3 roofs. 1roof. Tashkent: State publishing house of fiction of the USSR, 423 p.



Comparative literature





UDC (UOʻK УДК): 82.09

LIRIKADA POETIK OBRAZ XUSUSIDA (Abdulla Oripov va Rauf Parfi ijodi misolida)

Sabirova Zebo Zokirovna

Filologiya fanlari boʻyicha falsafa doktori, katta oʻqituvchi Oʻzbekiston davlat jahon tillari universiteti Toshkent, Oʻzbekiston

https://orcid.org/0000-0002-1104-2893

ANNOTATSIYA KALIT SOʻZLAR

XX asr oʻzbek she'riyatida Abdulla Oripov hamda Rauf Parfi she'riyati alohida mavqega ega. Ushbu maqolada shoirlarning uslubi, badiiy mahorati, lirik qahramon kechinmalarini zamon ruhi bilan ifodalashdagi oʻziga xosligi haqida qisqacha fikr yuritiladi. Ijodkorning poetik obraz yaratishidagi individualligi, badiiy soʻzi yordamida inson qiyofasining ichki va tashqi olamini ifodalab berishi, ijtimoiy-tarixiy hamda adabiy jarayonni estetik kategoriya sifatida tarannum etilishi, shoirning gʻoyaviy-estetik ideali, ijtimoiy holatini oʻzida aks ettirishini koʻrish mumkin. Ijodkor soʻzi oʻz va koʻchma ma'no qatlamlari orqali muayyan ijtimoiy-estetik maqsadga, gʻoyaga, tuygʻuga qaratiladi. Adabiyotning, jumladan, she'riyatning inson va voqelikni badiiy oʻzlashtirish vositasi poetik obraz vazifasi orqali amalga oshadi. Ijodkor davr farzandi ekan, uning badiiy mahorati, individualligi, ijodiy niyati, uslubi taqozosiga koʻra poetik obraz yangilana boradi.

soʻz san'ati, obraz, badiiy mahorat, ijodkor uslubi, davr va shaxs, ijtimoiy-tarixiy sharoit, badiiy gʻoya.

О ПОЭТИЧЕСКОМ ОБРАЗЕ В ЛИРИКЕ (На примере произведений Абдуллы Орипова и Рауфа Парфи)

Сабирова Зебо Зокировна

Доктор философии по филологическим наукам (PhD), старший преподаватель Узбекский государственный университет мировых языков Ташкент, Узбекистан

https://orcid.org/0000-0002-1104-2893

АННОТАЦИЯ КЛЮЧЕВЫЕ СЛОВА

Поэзия Абдуллы Орипова и Рауфа Парфи занимает видное место в узбекской поэзии XX века. В данной статье кратко рассматривается стиль, художественное мастерство поэтов, их своеобразие в выражении переживаний лирического героя в духе времени. Увидеть индивидуальность художника в создании поэтического образа, выражающем с помощью своего художественного слова внутренний и внешний мир человеческого образа, воспевающем общественно-исторический и литературный процесс как эстетическую категорию, отражающем идейно-эстетический идеал поэт, его социальное положение. Слово «творец» через свой и второстепенный смысловые пласты ориентировано на определенную социально-эстетическую цель, идею, чувство. Средство художественного освоения человека и действительности в литературе, в том числе и в поэзии, реализуется через задачу поэтического образа. Поскольку художник — дитя времени, поэтический образ обновляется в соответствии с требованиями его художественного мастерства, индивидуальности, творческого замысла и стиля.

искусство слова, образ, художественное мастерство, стиль художника, эпоха и личность, общественноисторические условия, художественная идея.

ON THE POETIC IMAGE IN LYRICS (In the example of the works of Abdulla Oripov and Rauf Parfi)

Sabirova Zebo Zokirovna

Doctor of philosophy in philology, senior teacher Uzbekistan State University of World Languages Tashkent, Uzbekistan

Email: zebonur2017@gmail.com

https://orcid.org/0000-0002-1104-2893

ABSTRACT

Abdulla Oripov's and Rauf Parfi's poetry has a prominent place in Uzbek poetry of the 20th century. This article briefly discusses the poets' style, artistic skills, and their uniqueness in expressing the experiences of the lyrical hero with the spirit of the times. To see the artist's individuality in creating a poetic image, expressing the inner and outer world of the human image with the help of his artistic words, glorifying the socio-historical and literary process as an aesthetic category, reflecting the ideological-aesthetic ideal of the poet, his social situation. possible The word "creator" is focused on a certain socio-aesthetic goal, idea, and feeling through its own and secondary layers of meaning. The means of artistic assimilation of people and reality of literature, including poetry, is realized through the task of poetic image. As the artist is a child of the times, the poetic image is updated according to the requirements of his artistic skill, individuality, creative intention, and style.

KEY WORDS

word art, image, artistic skill, artist's style, period and personality, socio-historical conditions, artistic idea.

KIRISH

Abdulla Oripov, Rauf Parfi ijodi bilan XX asr oʻzbek poeziyasida fikr va kechinmaning sintezini badiiy san'at darajasiga koʻtargan, sof tuygʻuning tabiiy oqimini, majoziy ifodasini omuxtalashtirgan betakror uslub yaratdilar. Ular XX asr oʻrtalaridan e'tiboran XXI asr oʻzbek she'riyati taraqqiyotida ham alohida yoʻnalish kasb etgan shoirlardir. Xususan, majoziy obrazlilik haq soʻzni aytish, voqelikni realistik idrok etish shakllaridan biri ekanligini isbotlab berdilar.

ASOSIY OISM

Adabiyotshunos olim N. Jabborov: "Abdulla Oripov har qanday koʻhna fikrga yangicha ruh, yangicha mazmun bagʻishlaydi, hayot haqiqatini yuksak badiiy umumlashma darajasiga koʻtara oladi" (Jabborov N., 2015, 105), deya juda oʻrinli fikr bildiradi. Nafaqat XX asr, balki XXI asrning ham fenomeni darajasiga koʻtarila olgan shoir she'riyatining mavzu-mundarijasi bir qadar koʻlamdor boʻlib, har qanday davr, har qanday munosabatda oʻquvchiga toʻgʻri yoʻl koʻrsata oladigan she'riyat, desak mubolagʻa boʻlmasa kerak.

Bozor bu dunyoni zabtiga olgan,

Kimlar siym-u zarin oʻrtaga solgan.

Men-chi qani deyman u sopol kosam,

Sopol kosam qani, otamdan qolgan?...(Oripov A., 2010, 56)

Abdulla Oripovning "Qadriyat" nomli ushbu she'ri toʻrt satrdangina iborat. She'rda bugungi insonning qiyofasi juda tiniq va tipik ma'no kasb etgan. Zamon rivojlangani sari oʻzligidan, qadriyatlaridan biroz yiroqlashayotgan inson uchun eng muhim narsa "siym-u zar" sanalmoqda. Munosabatlar bozor tarozisida tortilmoqda. Shoirning hassos qalbi esa oʻzligiga sodiq qolishni istaydi. "Sopol kosa" obrazi orqali ota-bobolarining hunarmandligiga

ishora qilsa, ulardan qolgan har qanday narsa aziz va qadrli ekanini bildirayotir. Shu sopol kosa oʻrnini zamonaviy texnika taklif qilayotgan toʻkis sharoit bosa olmaydi. She'rda shoirning mahoratini yana shunda koʻrish mumkinki, she'rning uchinchi qatorida kelgan "Menchi, qani deyman u sopol kosam" satrida "sopol kosam" iborasi zamondan nolinayotgan, eslanmay qolgan yurakka ishora boʻlsa, toʻrtinchi qatorda yana takror kelgan "Sopol kosam qani?" soʻrovini urf-odatlar, milliylik, oʻtgan ota-bobolardan qolgan meros, tarixga munosabat ma'nosida tushunish mumkin. Zero, she'rshunos olim Q. Yoʻldoshevning: "Obrazlarning teran xalqchil tomirlarga egaligi Abdulla Orif she'riyatini millat ruhining suvratlariga aylantirdi. Eng chigal ruhiy holatlarni ham gʻoyat ulkan nazokat va yuksak joziba bilan aniq va ta'sirli ifodalay bilish shoir she'rlariga oʻzgacha tarovat baxsh etadi. San'atkor uchqunda alanga, qatim nurda quyosh, tomchida ummonni koʻra biladigan qudratli ijodiy tasavvurga va tuyganini soʻz bilan moddiylashtirish qudratiga ega edi (Yoʻldoshev Q., 2018, 247), degan e'tirofi haqli edi.

Shoirning "Globallashuv" sarlavhasi bilan yozilgan she'ri ham diqqatni tortadi. She'r masnaviy yoʻlida yozilgan boʻlib, toʻrt bandni tashkil qiladi. Munosabatlarning har jihatdan yaqinlashuvi zamonida yashayotgan butun insoniyatni mobil tarmoqlar orqali boshqarayotgan kuchlar barcha millatlarga murojaat qilib, uni porloq kelajak, yer sharining tinch ekanligi haqidagi soʻzlariga ishontirmoqchi boʻladilar. Ularning koʻziga faqat katta-katta muammolargina koʻrinadi. Aslida esa kichik muammolar bartaraf qilinsagina, boshqalarining oldini olish mumkinligi haqida oʻylamaydilar.

Olimlar bir kuni tarqatdi e'lon:

"- Tinchgina uxlayver uyingda, Inson.

Hali Oy uzilib Yerga tushmagan,

Ummonlar toshmagan, togʻlar koʻchmagan.

Nimani istasang, bajo boʻlajak,

Seni kutayotir oydin kelajak".

Lekin bilishmasdi, ahvol dabdala,

Uyqu bermas edi oddiy kandala. (Oripov A., 2010, 150)

Oʻzbek she'riyatida Abdulla Oripov ijodi juda katta ma'no-mazmun kasb etadi. Shoirning 2000-yillardan keyingi bir qator toʻplamlariga kirgan she'rlarida hozirgi zamon nafasi ufurib turadi. Ayrim she'rlarida xalqimizning dunyoga yuz tutishi, har sohada ilgʻorligi kabi yutuqlarini faxr bilan eslasa, ba'zilarida bozor munosabatlariga oʻzini urgan inson milliylikdan, qadrli tuygʻularidan bir qadar uzoqlashganini aytadi. Ayni kunda doʻstlik tuygʻusini juda goʻzal tasvirlar bilan umumiy holini yoritadi.

Taqchil buyumlar bor, taqchil dori bor,

Ularga ayricha boʻlgay e'tibor.

Do'st ham taqchillarning ro'yxatidadir,

Shukurkim, do'st menda bisyordir, bisyor (Oripov A., 2010, 38).

Shoirning hozirgi hayot tarzi kun-u tuni tijoratdan iborat ekanligi, ammo shoirning ijodkor qalbi bunday hisob-kitoblardan yiroqligi, istagi esa "shoir qabrini qildim ziyorat" deyishi ("Toʻrtliklar" she'ri), bir-birlariga sir bermasdan, faqat xaridorlarni poylash, foyda ilinjida aldovdan qaytmaydigan bozorchilar ("Bozorchilar" she'ri), hali oxirigacha qilinmagan yaxshilikni savob bilan emas, "qancha olganligi"ni muhim deb biladigan olchoqlar ("Ta'magir"

she'ri), insonga hayoti davomida juda koʻp ehtiyojlar boʻlsa ham, uning uchun chin savob, tavof, iymon deb uqtirilgan mehr ("Talpinish" she'ri), zamonamiz shiddati natijasida biroz unutilgan vijdon ("Qachon eslarkan..." she'ri) va yurakdagi muhabbat, mehr, samimiyat, halovat kabi tuygʻularning oʻlganligi uchun aza tutilmasligidan qiynalayotgan shogirdning ("Tuygʻular" she'ri) tashvishi bugun hammani diqqatga chorlaydi. Ustoz shoirning ushbu she'rlardagi poetik olam faqat milliy doirada emas, butun insoniyatga aloqadorlik kasb etishini koʻrish mumkin.

Adabiyotshunos N. Jabborov Chingiz Aytmatovning oʻzbek she'riyatining zabardast ustunlaridan biri boʻlgan Abdulla Oripov haqidagi fikrlariga toʻxtalar ekan, shoirga oʻz davrining hakami va kuychisi, jarchi va faylasuf, soʻz sehrgari, mutafakkiri, XXI asrga qadam qoʻygan davrimizning buyuk madaniy ahamiyatga molik shoiri, deb ta'rif berganini keltirib oʻtadi. Chindan ham bu e'tiroflar shoir shaxsiyatidan ijodigacha boʻlgan cheksiz hurmat va havasdan paydo boʻlgan. Zero, shoirning betakror ijodi milliy she'riyatimizning asosini tashkil qilishi ayni haqiqatdir.

Rauf Parfi she'rlarida ham poetik obrazlar jamlanmasi turfaligini koʻrishimiz mumkin. Shoirning ruhi isyonkordir. Sinchiklab oʻqilsa, shoirda hamisha norozilik ruhi sezilib turadi. U, birinchi navbatda, oʻzidan norozi. Negaki, shoir oʻzining nuqsonsiz odam emasligini biladi. Ezguliklar qilgisi keladi, ammo bunga imkon topolmaydi. Dunyo hodisalaridan mazmun talab etadi, lekin oʻz shaxsiy hayotiga ham tuzukroq mazmun berolmayotganini anglaydi. Shoir oʻz noroziligining sabablari haqida ham oʻylaydi, bu toʻgʻrida xayolga toladi va shunday badiiy toʻxtamga keladi: "Men kuyinib sevaman, netay, Men kuyinib soʻzlayman, xolos". Rauf Parfi koʻpchilik buyuk iste'dod egalari singari estetik ideallarga, eng yuksak natijalarga intilgan shoirlardandir.

Rauf Parfi nozik sezgilar, hissiyotlar bilan she'rni chuqur anglaydi. Uning falsafiy ruh bilan sugʻorilgan lirikasida turfa timsollar, turli obrazlardan keng foydalanadi. Koʻplab she'rlarida osmon, quyosh, oftob, yomgʻir, bulut, yulduz, oy, tong obrazlarini badiiy jihatdan toʻyintirib qoʻllar ekan, ular orqali turli ijtimoiy-falsafiy ma'nolarni ifodalaydi.

Shoir olamni biror kamchiliksiz koʻrgisi keladi. U oʻz hissiyoti bilan tafakkur qiluvchi kuchli sezgi egasi va behalovat shoirdir. Shoirda miqyosli tafakkur madaniyati, tahlil mahorati bilan yuksak ma'naviy intilishlar va teran dil birlashib ketganligini kuzatish mumkin. Shu bois ham Rauf Parfining she'riyat dunyosida oʻzgacha timsollar, obrazlar mavjud. Shoirning oʻziga xos uslubi hamda rangin lirikasi adabiyotshunos va munaqqidlar tomonidan yuqori baholangan. Adabiyotshunos N. Rahimjonov ta'kidlaganidek, "zamondoshlar bugun uni Turonning, Turk dunyosining, ulugʻ Turkistonning porloq shoiri, deb tan olmoqdalar" (Rahimjonov N., 2007, 89) va oldilar ham. Shoir ijodida soʻzga alohida e'tibor qaratiladi, unga katta va ogʻir, shu bilan birga, "hikmat" degan ma'no yuklanadi. Soʻzning ma'rifiy, tarbiyaviy tomonlari ochib beriladi. Shoir chin soʻzning koʻngillarni tozartirishini, ruhni poklashini aytadi. "Dilimda bir soʻz bor edi. Bu soʻz meniki edi. Aytdim-u, men soʻzniki boʻldim ortiq", deydi shoir.

Bir soʻz bor Begʻubor tong kabi goʻzal. Tong chogʻi ochilgan gʻuncha kabi, Gʻunchada shabnam kabi musaffo... Osmon kabi bepoyon koʻzlar sevinchi yangligʻ

Bir so'z bor.

Bir so'z bor

Haqiqat soʻzidan ham yuksak,

Haqiqatning oʻzidan ham yuksak

Bir so'z bor... (Rauf Parfi, 2013, 122)

Ushbu she'rda shoir zamonaning adashgan odamini ezgu soʻz bilan oʻzligiga chaqirayotganini anglash mumkin. Haqiqatni tanituvchi va Haqqa eltuvchi ham shu soʻz ekanligini aytayotir.

She'rga yolg'on begonadir. Yolg'on nafaqat shoir uchun, balki har bir inson uchun o'lim bilan barobar. Ayniqsa, shoir o'zini o'limdan – yolg'ondan asrashi kerak. Shu ma'noda, har bir she'rning yuzaga kelishi, bu – o'lim bilan yuzlashish demakdir. Har bir odam, shu jumladan, shoir ham o'zi bilan o'zi kurashib yashaydi. Ana shu jarayon – o'zi bilan kurashishning o'zi bebaho san'atdir. Shu boisdan ham shoirning o'z jonini saqlaydigan joyi yo'q. Bu rost va yolg'on, nur va zulmat, hayot va o'lim oralig'idagi bir hovuch havo, bir chimdim nafas kabidir. Bir So'z! Uni ko'ziga to'tiyo etguvchi ham, oyoqlar ostiga xazondek sochguvchi ham aslida ijodkor. So'zni shoirga Xudoning o'zi beradi. So'zini ham o'zi oladi. Bu – jonini olgani bilan barobar. Zero, o'z so'zini yo'qotish bu – shoir uchun o'lim:

Tikkandir jonini Vataniga u,

Bu so'z qarshisida titrama, ey, jon.

Yuzma-yuz kelgandek goʻyo oʻt va suv,

Yuzma-yuz keladir shoir va zamon.

R. Parfi ijodida "qalb dramatizmi butun borlig'i bilan "men" orqali odamzodga daxldor hodisalar haqida fikr yuritiladi. Shoir she'riyatida badiiy soʻz koʻngilning suratini chizuvchi obrazli vositaga aylanadi" (Meliyev S., 2018, 98). Inson ruhiyatini ifodalash, uning bor jozibasi — gʻubor koʻrinishini aks ettirish birmuncha ogʻir, birmuncha mashaqqatli vazifa. Agar bastakor kuy bastalayotgan boʻlsa, uning biror notasi tushib qolsa, musiqaning sehri yoʻqoladi, muvozanat buziladi. She'riyatda ham obraz yaratilar ekan, uning bor boʻyicha aks ettirilishi she'r mazmunini oshiradi. Yoqimli kuy singari jaranglaydi. Shu bilan birga unda reallik ham mavjud boʻlishi lozim. Bu esa ijodkor yashab turgan muhit, jamiyat, san'atkor dunyoqarashi, didi, tafakkur dunyosi, oʻquvchilar ehtiyoji bilan ham bogʻliq sanaladi.

1. Toʻxta, deyman,

Haybatli boʻshliqqa boqib.

To'xta, to'xta, deyman, xolos.

Tilimda oʻzga soʻz oʻlgan.

3. Men o'z gavdamga boqib

Hayratga tushdim bu kun

Bu gavda ichinda

Mozorlar koʻp

Nagadar! (Rauf Parfi, 2013, 346)

She'rning kulminatsiya nuqtasi ikkinchi bandda o'z ifodasini topgan. Ya'ni:

Bu gavda ichinda

Mozorlar koʻp

Nagadar!

Shoir qay tarafga qarab borayotganini oʻzi ham bilmaydigan lirik qahramonga qarata faqatgina "toʻxta, deya oladi. Barcha gʻam-alam, hasad, fisq-u fasodni, anduhni u faqat ichiga koʻmadi, ichiga mozor soladi. Dunyoga yorolmagan, yorilmagan yaralaridan ichida mozor koʻtaradi. Bu azobdir.

Rauf Parfi shoir boʻlib dunyoga keldi, shoir boʻlib yashadi, shoir boʻlib sevdi, shoir boʻlib sevildi, shoir boʻlib dunyoni tark etdi. U she'rlarida oʻzligini axtardi va oʻzidan topdi:

Allohim, bilursen, qay sari ketdim,

Allohim... Men o'ldim... Men senga yetdim... (Rauf Parfi, 2013, 309)

Yaratganga boʻlgan cheksiz muhabbatga boshlovchi yoʻl insonning insonga boʻlgan muhabbatidan boshlanadi. Aslida, Allohga boʻlgan muhabbat — ISHQ insoniyat qonida bor. Uning oʻzga insonga boʻlgan MUHABBATi orqali esa biz uni yanada chuqurroq, teranroq anglaymiz. Rauf Parfi ijodida muhabbatga oʻzgacha qarash, falsafiy urgʻu berish va uni yangicha ranglar orqali ifodalashini kuzatishimiz mumkin.

Rauf Parfi ijodida obrazlarning turfaligi, ayniqsa, tabiat lirikasida yangicha ifoda topganini koʻrish mumkin. Shamol xayoli, yomgʻir shitirlashi, tong nafasi, uygʻoq ariqlar, shamolda oʻynagan yaproqlar ovozi qoʻshiq yangligʻ quloqqa singadi. Uning she'rlarida tabiat va inson ruhiyati bir butunlik kasb etadi. Adabiyotshunos B. Sarimsoqov Rauf Parfining shamol obrazini ifodalashdagi mahoratiga quyidagicha izoh beradi: "Rauf Parfi "Shamollar" she'rida "shamol" soʻziga shu qadar teran, bir-biridan uzoq koʻchma ma'nolar beradiki, natijada she'r soʻnggida bu koʻchma ma'no asrimiz kishilari boshidan kechayotgan suronli davr oqimi va shiddatini ifodalay oladigan istioraviy obrazga aylanadi (Sarimsoqov B., 2004, 51).

Shoirning ilk she'rlarida badiiy idrok va ifoda tarzi, tafakkur tabiati, timsolli obrazlari bilan oʻziga xos betakror uslubga egaligi koʻzga tashlanadi. Shoir oʻz qarashlari bilan dunyoni taniy boshlagan, oʻzligini ham dunyoga tanitgan.

Tuygʻu, ruhiy kechinma bilan poetik fikr uygʻunligi lirik obraz yaratishning asosiy sharti sanaladi. Poetik obraz so'z yordamida uning turli ma'no tovlanishlari tufayli shakllanadi. Shoirning har bir yaratgan asarida teran mushohada, falsafiy ruh aks etmas ekan, u she'rxon yuragidan o'zi uchun joy ocholmaydi. Shoir yaratayotgan obraz, qo'llayotgan mubolagʻa, tashbihlarini oʻquvchi ongiga, qalbiga oddiylikdan murakkablikkacha, murakkablikdan oddiylikkacha bo'lgan masofani osonlik bilan anglatsa, go'zal ifodalasagina, she'rning umri uzoq boʻladi. Real hayotda sodir boʻlayotgan voqea-hodisalarga munosabat, asarda ifodalayotgan poetik gʻoya shoirning olamni idrok qilishi bilan obrazlar orqali yoritiladi. Obrazlar, birinchi oʻrinda, subyektiv boʻlib, shoirning tasavvurida jonlanadi. Tasavvur real borliqdagi turli qarama-qarshiliklar, jonli va jonsiz predmetlar natijasida shakllanadi. Bu shakllanish bevosita lirik turda tuygʻularga koʻchadi. Hissiyot va fikr uygʻunlashib, ta'sirlanish natijasida ma'lum bir g'oyaning tug'ilishiga sabab bo'ladi. She'riyatda lirik qahramonning botiniy olamida hissiyot, tuygʻu oʻz-oʻzicha paydo boʻlmaydi, balki unga tashqi muhitning obyektivligi, unda sodir boʻlayotgan jarayonlar, hodisalar, shaxsiy munosabatlar, turli shartsharoitlar ta'sir qiladi. Natijada subyektiv kechinma va taassurot ichki tushunchaga aylanadi. Shuning uchun ham shoir koʻnglining tub-tubida paydo boʻlgan hissiyot uning fitratiga ta'sir qiladi. Undan keyin esa soʻz shaklida qogʻozga toʻkiladi. Ba'zi holatlarda tabiat tasviri asosiy mavzuga aylansa ham, tashqi olam va jamiyat, voqea-hodisalar bilan bogʻliqqarashlar ham

ifoda maqsadiga aylanishi mumkin.

Insonning ruhiy erkinligi masalasi Rauf Parfi ijodining asosini tashkil etadi, shu boisdan ham shoir lirikasida tuygʻular hayotini, kechinmalar manzarasini, kayfiyatlar suratini chizish tamoyilga aylangan. Birgina "Yomgʻir emas, marvarid yogʻar" satri bilan boshlanadigan she'rini koʻrish kifoya. Yomgʻir sharqona tasavvurda ilohiy ne'mat, yaxshilik va ezgulik urugʻi, qut-baraka, rizq hisoblanadi. Unga shoirlar oʻz ruhoniy holatlari, kayfiyatlariga monand ma'nolar yuklaydilar. Ya'ni har bir shoir oʻz estetik prinsipidan kelib chiqib, yomgʻir vositasida individual obraz orqali turfa badiiy-falsafiy mazmunni ifodalashga intiladi. Kimdir yomgʻirda yorning koʻz yoshlarini koʻrsa, kimdir yigʻlayotgan koʻngilni tasavvur qiladi. Rauf Parfi tasvirida yomgʻir — qop-qorongʻi kecha shaklida, kecha esa suv singari jildirab oqadi. Shu boisdan ham kecha shod va bearmon kechayotir. Boisi bagʻrida suvdek hayotbaxsh oydinlik, ertangi kunning yorugʻ epkini bor.

Barglarda raqs etar shabboda,

Oʻynar sabo shaklida kecha,

Gullar kabi saqlaydi odob,

Afsonalar aytar tonggacha.

Kecha tepasida uchadi,

Kiprigimdan otilguvchi nur.

Menga kecha yomg'ir ichida,

Goʻzal xayol kabi koʻrinur! (Rauf Parfi, 2013, 122)

Shoir she'rda tashxis (jonlantirish) san'ati orqali ifodalagan poetik lavha yorqin namoyon boʻlib, oʻquvchi xayolida barglarda raqs etar shabboda, gullar kabi odob saqlab, tonggacha afsona aytayotgan kecha obrazlari jonlantirilgan. Bulut va oftob xuddi inson kabi harakatda berilgan. Lirik qahramon qorongʻi kechada yogʻayotgan yomgʻirga esh kechinmalar ogʻushida. Yomgʻirdan surur, umid tuyadi, uning nazdida, barglarda raqs etar shabboda. Hatto zimiston qorongʻilik ham sabo singari yoqimli. Xayol adoqsiz boʻshliq qa'ridagi roʻyo emas. U yomgʻir ichidagi zimiston qorongʻilik. Unga ishonsa boʻladi. Zero, qorongʻilik ogʻushida esa-da, yomgʻirdagi oydin shabboda epkini ertaga otajak tonglar umidini uygʻotadi.

Yoz yomgʻiri iliqdir biram,

Shitir-shitir uning qo'shig'i.

Bir shirin hid taralar yerdan

Va yurakka ketar qoʻshilib (Rauf Parfi, 2013, 32).

Yoki quyidagi she'rida yomgʻir obraziga yana murojaat qilinadi:

Yomg'ir yog'ar, shig'alab yog'ar,

Tomchilar tomchilar sochimga.

Yomg'ir yog'ar, shig'alab yog'ar

Ham qaygʻumga, ham quvonchimga (Rauf Parfi, 2013, 73).

Shoirning poetik imkoniyatlari kengligi, holat-kechinmalarni tovushlar bagʻriga singdira olishi "Yomgʻir yogʻar", "Tashqarida shovullar shamol..." singari she'rlarida yaqqol koʻrinadi. Bahodir Sodiqov shoir haqida: "Rauf Parfida har bir fikrning oʻz rangi bor, ohang, boʻyogʻi bor. Fikr plastinkasi rang va harakat plastinkasi bilan qoʻshilib ketadi" (Sodiqov B., 2011, 455) deya baho beradi. She'rda teran fikr, yoqimli ohang, turfa tuygʻularning jonlanishi poetik ifoda tabiatini oshiradi.

Koʻrinadiki, timsolli, majoziy lirika R. Parfi uslubining oʻtli nafasi, oʻzak magʻzi, deyish mumkin. Davr voqeligiga, jamiyatdagi siyosiy vaziyatga, hodisalarga, inson sha'ni-erkini, haqni oyoqosti etuvchi, adolatsizlik koʻrinishlarini yuzaga chiqaruvchi ijtimoiy zulmga qarshi tugʻyon shoir she'rlarida tuygʻular realizmi ustuvor, deyishga asos beradi.

Davrni yoritishda bevosita she'rga murojaat qilinadi. Chunki she'rning mavzusi va ayni davrgacha boʻlgan she'r strukturasidagi yangilanishlar uning mazmun-mohiyatini tashkil etadi. Hayot haqiqatini badiiy haqiqatga aylantirish oʻzbek she'riyati taraqqiyotining barcha davrlari uchun ham bosh xususiyat boʻlib kelgan. Lekin unga erishish yoʻllari koʻp, usullari nihoyatda xilma-xildir.

XXI asr oʻzbek badiiy-estetik tafakkurida A. Oripovning samimiy ifodasi bilan yogʻrilgan obrazlar jamlanmasi, R. Parfi tamal toshini qoʻygan timsolli lirizm, majozlar asosiga qurilgan idrok va ifoda madaniyati ustuvorlik qilmoqda. Har ikki shoirning ijodi bugungi kun she'riyati uchun ham maktab vazifasini bajaradi.

XULOSA

Xulosa qilganda, poetik obraz san'atkorning individualligi orqali badiiy soʻzi yordamida namoyon boʻladigan tarixiy estetik kategoriya sifatida davr kishisining ruhi olami, gʻoyaviy-estetik ideali, ijtimoiy holatini oʻzida aks ettiradi. Ijodkor soʻzi oʻz va koʻchma ma'no qatlamlari orqali ma'lum ijtimoiy-estetik maqsadga, gʻoyaga, tuygʻuga qaratiladi. Adabiyotning, jumladan, she'riyatning inson va voqelikni badiiy oʻzlashtirish vositasi poetik obraz vazifasi orqali amalga oshadi. Avvalo, ijodkor davr farzandi ekan, uning badiiy mahorati, individualligi, ijodiy niyati, uslubi taqozosiga koʻra poetik obraz yangilana boraveradi.

FOYDALANILGAN ADABIYOTLAR RO'YXATI

- 1. Абдулла Орипов. Менга хушхабар бер. Тошкент: Маънавият, 2009. 90 б.
- 2. Абдулла Орипов. Қуёш бекати. Тошкент: Шарк, 2010. –384 б.
- 3. Жабборов Н. Замон. Мезон. Шеърият. Тошкент: Ғафур Ғулом номидаги нашриётматбаа ижодий уйи, 2015. 230 б.
- 4. Мелиев С. Глобаллашув: бадиий талқин, замон ва қахрамон. Монография. // ЎзР ФА. Тамаддун, 2019. 220 б.
- 5. Рахимжонов Н. Мустакиллик даври ўзбек шеърияти. Тошкент: Фан, 2007. 259 б.
- 6. Рауф Парфи. Сайланма. Тошкент: Академнашр, 2013. 376 б.
- 7. Саримсоков Б. Бадиийлик асослари ва мезонлари. Тошкент: Фан, 2004. 127 б.
- 8. Содиков Б. Кўзлардаги дунё. Ўзбек адабий танкиди. Тошкент: 2011. 455 б.
- 9. Йўлдошев Қ.. Сўз ёлкини. Тошкент: Ғафур Ғулом номидаги Адабиёт ва санъат нашриёти, 2018. 247 б.

REFERENCES

- 1. Abdulla Oripov. (2009) Give me good news. Tashkent: Ma'naviyat, 90 p.
- 2. Abdulla Oripov. (2010) Sun station. Tashkent: Sharq, 384 p.
- 3. Jabbarov N. (2015) Time. Criterion. Poetry. Tashkent: Publishing house named after Gafur Ghulam, 230 p.
- 4. Meliev S. (2019) Globalization: artistic interpretation, time and hero. Monograph. // Own FA. Civilization, 220 p.
- 5. Rahimjonov N. (2007) Uzbek poetry of the period of independence. Tashkent: Science, 259 p.
- 6. Rauf Parfi. (2013) Don't be elected. Tashkent: Akademnashr, 376 p.

- 7. Sarimsakov B. (2004) Fundamentals and criteria of art. Tashkent: Science, 127 p.
- Sadikov B. (2011) The world in the eyes. Uzbek literary criticism. Tashkent, 455 p.
 Yoldoshev Q. (2018) The fire of words. Tashkent: Gafur Ghulam Publishing House of Literature and Art, 247 p.



Comparative literature





UDC (UO'K УДК): 82.09

DUNYO KOMPARATIVIST OLIMLARINING MAHMUD SHABISTARIYNING "GULSHANI ROZ" ASARI XUSUSIDAGI TAVSIFIY-TAHLILIY QARASHLARI

Mannonova Feruzabonu Sherali qizi

Katta oʻqituvchi Oʻzbekiston davlat jahon tillari universiteti Toshkent, Oʻzbekiston.

https://orcid.org/0000-0003-2173-4698

Ghadir Golkarian

Mavlono Rumiy nomidagi Turkiy tadqiqotlar instituti professori Yaqin Sharq Universiteti, Turkiya

ANNOTATSIYA KALIT SOʻZLAR

Maqolada adabiy tarjimashunoslik va jahon adabiyoti kabi qiyosiy adabiyotshunoslik sohasidagi eng koʻzga koʻringan yoʻnalishlar va tushunchalar izohlangan. Shuningdek, qiyosiy adabiyotshunoslik va lingvistik tarjimashunoslik kesishgan ilmiy nuqtayi nazar yoritilgan. Ya'ni jahon adabiyoti durdonalaridan biri hisoblangan Mahmud Shabistariyning "Gulshani roz" asarining inglizcha tarjimalari va asarning oʻrganilish koʻlami haqida atroflicha ma'lumot berilgan.

Mahmud Shabistariy, Andrey Lukashev, tasavvuf, masnaviy, Ibn Arabiy, diniy falsafa, Qur'on, islom falsafasi, ramz.

ОПИСАТЕЛЬНО-АНАЛИТИЧЕСКИЙ ПОДХОД МИРОВЫХ УЧЕНЫХ-КОМПАРАТИВИСТОВ К ИЗУЧЕНИЮ ПРОИЗВЕДЕНИЯ МАХМУДА ШАБИСТАРИ "ГУЛЬШАНИ РОЗ"

Маннонова Ферузабону Шерали кизи

Старший преподаватель Узбекский государственный университет мировых языков Ташкент, Узбекистан https://orcid.org/0000-0003-2173-4698

Гадир Голкарян

Профессор Института тюркских исследований имени Мавланы Руми Ближневосточный университет, Турция

АННОТАЦИЯ КЛЮЧЕВЫЕ СЛОВА

В данной научной статье основное внимание уделяется наиболее заметным понятиям и направлениям в области сравнительного литературоведения, таким, как мировая литература и художественный перевод. В частности, научному анализу подвергается пересечение сравнительного литературоведения и лингвистического переводоведения. А именно, подробно рассматриваются английские переводы произведения Махмуда Шабистари "Гульшани роз", считающегося одним из шедевров мировой литературы, и широкая панорама научных трудов, посвященных его изучению.

Махмуд Шабистари, Андрей Лукашев, суфизм, маснави, Ибн Араби, религиозная философия, Коран, исламская философия, символ.

DESCRIPTIVE AND ANALYTICAL VIEWS OF WORLD COMPARATIVIST SCHOLARS ON MAHMUD SHABISTARI'S WORK "GULSHANI ROZ"

Mannonova Feruzabonu Sherali kizi

Senior teacher Uzbekistan State University of World Languages Tashkent, Uzbekistan feruzamannonova@gmail.com https://orcid.org/0000-0003-2173-4698

Ghadir Golkarian

Professor, Maulana Rumi Institute of Turkish Studies Middle East University, Turkey

ABSTRACT KEY WORDS

This scientific article focuses on the most prominent trends and concepts in the field of comparative literary studies, such as literary translation and world literature. At the same time, comparative literary studies and linguistic translation study shed light on the scientific point of intersection. Namely, it provides detailed information about the English translations of Mahmud Shabistari's work "Gulshani Roz", which is considered one of the masterpieces of world literature, and the scope of the study of the work.

Mahmud Shabistari, Andrey Lukashev, Sufism, Masnavi, Ibn Arabi, religious philosophy, Qur'an, Islamic philosophy, symbol.

KIRISH

Andrey Lukashev Islom madaniyatida bagʻrikenglik mavzusiga alohida toʻxtalgan. U 2012-yil Nijniy Novgorodda boʻlib oʻtgan, Rus falsafasi kongressida oʻzining "Oʻrta asr fors sufizmida bagʻrikelik manbasi" maqolasida "Gulshani roz" asari haqida dastlabki fikrlarini berib oʻtadi. Keyingi yillarda nashr etilgan uchta monografiyasining bari "Gulshani roz" asari va diniy falsafa tahliliga bagʻishlangan:

- 1. Shabistariy, Mahmud. Sirli atirgul bogʻi (forscha matn, tarjima, sharh)/A.A.Lukashev; N.Yu. tomonidan tahrirlangan. 2021-yil Sadra nashrtiyotida nashr etilgan.
- 2. "Bir necha soʻzda sirlar olami. Mahmud Shabistariyning davri kontekstida falsafa". A. Smirnov tomonidan tahrirlangan. 2020-yil Sarda nashriyotida nashr etilgan.
- 3. "Jihodning koʻp yuzlari" nomi ostida Sankt-Peterburgda Kult-Inform-Press nashriyotida chop etilgan boʻlib, koʻproq Sharq falsafasi va islom madaniyatining oʻziga xos xususiyatlari qamrab olingan.

Monografiyalarning ahamiyatli tomoni shundaki, koʻtarilgan mavzular Sharq falsafasi va ratsionallik hisoblanadi. Ratsionallik tipologiyasi zamonaviy falsafaning asosiy masalalaridan biridir. Sharqiy materiallarning tipologiyasini taqdim etishga urinishda tadqiqotchi qoʻshimcha muammolarga duch keladi. Sharqning xilma-xilligi katta muammo tugʻdiradi. "Sharq" deganda biz umumiy maxrajni topa olmaydigan bir necha madaniyatlarni nazarda tutamiz. "Sharq" tushunchasi arab, hind, xitoy, turk va boshqa madaniyatlarni oʻz ichiga oladi. Qolaversa, faqat islom madaniyatiga e'tibor qaratib, shu nuqtayi nazardan mantiqiylikka nazar tashlasak ham, biz turli yoʻnalishlar konglomerati bilan toʻqnash kelishimizga toʻgʻri keladi, bu esa toʻliq ishonch bilan umumiy nazariy asosni belgilashga va ularga birlik sifatida qarashga imkon bermaydi. Shunga qaramay, islom madaniyatida mumkin boʻlgan ratsionallik turlari haqida

xulosa chiqarish uchun fikr taraqqiyotida umumiy yoʻnalishlarni topishga harakat qilishda davom etishimiz kerak. Islom olami kontekstida bunday ratsionallik tipologiyasi uchun asos sifatida A.V. Smirnovning hislar nazariyasi mantiqini e'tirof etish mumkin, biroq haqiqiy empirik material har doim ham nazariy modellarga mos kela olmaydi va umumiy sxemaga mos kelmaydigan holatlar oʻz-oʻzidan qiziqarli. Bunday holatlarni tekshirish, bir tomondan, nazariyaning ma'lum qoidalarini aniqlashtirish, ikkinchi tomondan, uni qoʻllash chegaralarini aniqlash imkonini beradi (Yadulloh Nasrullohi, 2006).

A. Lukashevning asar va undagi falsafiy qarashlarni nafaqat nazariy, balki amaliy ham yorita olagan desak, also shubha tugʻdrmaydi. Zeroki, uning bir qator loyihalarda rahbarligi va uning nazariy qarashlarining ijrosi boʻla olgan deyishimiz mumkin. Misol uchun 2012-yilda MK-5558.2012.6-sonli "Oʻrta asrlar fors tasavvufidagi diniy bagʻrikenglik manbasi va uning zamonaviy Rossiyada qoʻllanilishi" loyihasi (2012-2013). Rossiya Federatsiyasi Prezidentining rossiyalik yosh olimlarni davlat tomonidan qoʻllab-quvvatlash uchun ajratgan loyihasida rahbar boʻldi. Shuningdek, 2013-2015-yillarda RFH № 13-03-00414a-sonli "Birlik va koʻplik, qism va butunlik: Islom madaniyatining ma'nosini yaratish strategiyalari" loyihasida, "Rossiyaning sivilizatsiyaviy xavfsizligi strategiyasi: falsafiy va siyosiy tahlil" nomli loyihada 2010-2012 yillarda loyiha ijrochisi vazifasini bajaradi va oʻzining "Gulshani roz" asari tadqiqi davomida toʻplagan barcha bilimlarini empirik tomondan namoyish etadi (Andrey Lukashev.2017).

AOSh sharqshunos olimlaridan biri, Dayton Universiteti professori Sayeh Meisami oʻzining 2020-yilda "Tasavvufshunoslik" jurnalida nashr etilgan "Haqiqat nuqtasi va tashqi koʻrinish doirasi" maqolasida Mahmud Shabistariyning "Gulshani roz" asaridagi soʻfiylik falsafasi, Shamsiddin Lohijiyning "Mafatih al-ijoz" asarini tahlilga tortadi. Ushbu maqola Mahmud Shabistariyning "Gulshani roz" asaridagi uchta asosiy soʻfiylik mavzusini nuqtaning tez harakati natijasida hosil bo'lgan aylananing xayoliy holatini aks ettiruvchi nuqta – aylana metaforasi bilan bogʻlab tushuntiradi. Ibn Arabiydan ilhomlangan Shabistariy borliq birligi, inson ruhining ekzistensial holati, diniy bilim va amaliyotning ekzoterik va ezoterikga boʻlinishi, paygʻambarlik va avliyolik oʻrtasidagi munosabatlarga taalluqli boʻlishini she'riy tasvirlashda ushbu metaforadan foydalanadi. Maqolada bu mavzular asosan Shamsiddin Lohijiyning mashhur "Mafatih al-ijoz" tafsiridan kelib chiqib tushuntirilgan. Shabistariyning "Gulshani roz"idagi yuqoridagi mavzulardagi ba'zi asosiy baytlarning tahlili va Lohijiyning tegishli sharhlari soʻnggi oʻrta asrlardan boshlab forslarning aqliy va adabiy hayotida Akbariy soʻfiy falsafasining ahamiyatini koʻrsatadi. "Gulshani roz" oʻz muallifini fors she'riy falsafa an'anasi bilan bog'laydi, bu yerda she'riy tasavvur mutafakkirga yangi nigohlarni ochadi (Darr R., 2007).

Yana bir asar ustida ishlagan olimlardan biri Said Muhammadriza Husayiniya. Uning tadqiqoti "Gulshani roz" asarining tahliliga qaratilgan boʻlib, tasavvufiy adabiyotning nazariy asoslariga koʻproq yondashadi. Yanikim, ushbu tadqiqot metodi tavsifiy-tahliliy yondashuv bilan sifat metodiga asoslanadi va uning nazariy asoslari Haft Vodi Sir va Suluk Attor va Arbain ishlari bilan bilan bogʻliq (Nasrullohi Y., 2007). Uning ta'kidlashicha, "Shunday qilib, she'riyatdagi soʻfiylik tamoyillarining amaliy va takomillashgan shakllarini ikki mutasavvuf tadqiq qiladi, fiqh va uning tamoyillari bir-biri bilan solishtiriladi va oxir-oqibat ular bir-biriga qiyoslaydilar. Va birlik bu ikkisining darajalarida tushuntiriladi. Chunki Shabistariy va Attor

bir asrda yashab oʻtgan, ba'zilari Ular Shabistariy oʻz asarlarida Farididdin Attor nomi tilga olingani uchun Mashrab Faxriydan keyin ijod etganiga ishonishadi. Undan foydalangan va unga taqlid qilgan" (Lukashev A., 2017).

Taxminan bir asrlik farq bilan yozilgan "Mantiq ut-tayr" (Oushlar anjumani) va "Gulshani roz" ("Atirgullar bogʻi") suluk (tasavvufiy sayohat) asosida yaratilgan. Bu ikki kitob mualliflari tasavvuf yoʻlini (tariqatni) qiyin yoʻl deb biladilar; Farididdin Attor "Mantiq uţ-tayr"da uni "vodiy" deb atasa, "Gulshani roz"da Mahmud Shabistariy "to'siqlar" haqida gapiradi. "Gulshani roz" suluk yo'lidagi to'rt to'siq haqida gapiradi va "Mantiq ut-tayr"da Attor yetti vodiyga e'tiqod qiladi: iltimos, ishq, ilm, ajralish, Birlik, hayrat va nihoyat, faqirlik va halokat. Agar bu ikki mutasavvuf tomonidan ilgari surilgan suluk bosqichlari "Mantiq ut-tayr"dagi yetti vodiy va sulukning qirq bosqichi (musulmon mutasavvuflari aytganidek) asosida tahlil qilinsa, Shabistariy "talab" emas, "tavba"ni ilgari surgani ma'lum bo'ladi. "Sulukning birinchi bosqichi sifatida, Attordan farqli o'laroq, Shabistariy "ishq" va "Birlik" bosqichlari uchun shathiyyat va tamat (vajji soʻzlar) bilan birga boʻlgan tushunchalarni taklif qiladi, biroq Attor birlik uchun hayratni zarur deb biladi. Attor sulukidagi toʻrtinchi vodiy, ya'ni ishq (muhabbat), sabr (sabr), mashaqqat (jahd), ibodat (ibodat), Allohga itoat (taslim) bosqichlari kabi "ajralish" Shabistariy she'riyatida yo'q. Xuddi shunday, taqyo (vara), ixlos (ixlos) va avlivolik (viloyat) bosqichlari Shabistariy she'riyatida mavjud boʻlsa, "Mantiq uttayr"da koʻrinmaydi. Ikki shoir 27 ta umumiy bosqichni keltirib oʻtgan va ularning har ikkisida ham bir qancha bosqichlar qayd etilmagan. Ushbu tavsifiy-tahliliy tadqiqotda tadqiqot asosi sifatida Attorning yetti vodiysi va sulukning qirq bosqichi "Mantiq ut-tayr" va "Gulshani roz"da baholanib, ularda umumiy ya ziddiyatli tushuncha ya atamalar bayon etilgan (Ibrohim Haggul. 2011).

Asadulloh Yatening aytishicha, bu she'r tasavvuf ilmining barcha tamoyillarini qisqa va loʻnda shaklda namoyon etadi. Bundan tashqari, nasroniylik hamda islom ta'limotini qiyinlashtirib kelgan Sharqshunoslik terminologiyasidan mustaqil tarzda ishlab chiqilgan birincha tarjima hisoblanadi. Shu tufayli, qiyin tushunchalarning oʻrniga Shayx Mahmud Shabistariyning islom dini boʻyicha bergan sodda va tushunarli tavsifidan foydalanganimiz ma'qul (Darr R., 2007).

Bu asar kritik analiz boʻyicha bilimga ega boʻlganlar uchundir, chunki Shayx aytganidek, islom dini boʻyicha bilimlarni kuchli zakovat va aniq tartib bilan koʻrib chiqish kerak. Shuni yodda tutish kerakki, gullar tikanlarga aylanib ketishini hisobga olgan holda bu bilimlarga tanqid koʻzi bilan qaramaslik kerak.

Koʻzga koʻrinadigan va koʻrinmaydigan olamlar Uning serobgarchiligi tufayli yanada yorqinlashdi va shu sabab odam dunyosi jannatga aylandi. Florenze Lederer Mahmudning bogʻini Mantiq, Qarash, Bilim va Ishonch bilan toʻlgan atirgullar kabi tasvirlaydi. Bogʻning oʻrtasida sevgi va fidokorlik gullari bilan nur sochadigan oʻzgacha atirgul daraxti qad rostlagan edi. Mahmud bu daraxtni seviklisining mukammal yuzi ramzi sifatida jamiki muhabbat ila ekkan. Bu joy bizni nafaqat oʻziga mahliyo etadi, balki biz goʻyo uzoq vaqt oldin oʻz sevgisidan mana shu atirgul daraxtini ekkan bir insonning sokinlik ichra ajoyib soʻzlarini jarang etayotganini eshitgandek boʻlamiz.

Nabiolloh Masumiya ham qator "Gulshani roz" asarini o'rgangan tadqiqotchilardan biri sanalib, u o'z ishlarida asosan, tasavvufiy timsollar va ularning "Gulshani roz" asari

kontekstidagi mazmun-mohiyatini yoritib bergan.

Islom tasavvufchilarining tez-tez ishlatib turadigan ramzlari asosan tasavvufiy she'rlarida namoyon boʻladi. Shabistariyning "Gulshani roz"ning durdona asari Ibn Arabiy maktabi asosida yuzaga kelganini ta'kidlaydi.

Iqbol va Shabistariylar orasidagi farq risola va tadqiqotlar xuddi shu toʻplamni Iqbol she'riy kitoblarida ramziy terminologiya, ular haqidagi eslatmalari Shabistariyning ramziylik ma'nolarini tahlil qilish kuzatiladi. "Gulshani roz"da izohlangan ramziy atamalar Iqbol tomonidan yangisiga koʻra isloh qilingan qarama-qarshi turadigan xudiyning tasavvufiy ta'limoti tasavvufning judiy maktabi bilan tadqiq etadi. Bundan tashqari, Iqbol boylik, goʻzallik va murakkablikdan, aniqlik uchun an'anaviy ramzlarning va oddiylikdan voz kechdi. Garchi Iqbol tasavvuf shoiri sifatida sirlarini ifodalash uchun ramziy ma'nodan foydalanadi yoʻldan (tariqat), lekin u ayol goʻzalligining mashhur soʻfiy belgilarini qoʻllaydi yuz, koʻzlar, lab, jingalak va boshqalar kabi. Shuning uchun, Xudoning goʻzalligini cheksiz qadrlash koinotning barcha qismlarida, ayniqsa, unda namoyon boʻladi (Homidiy H. 2004)

"Gulshani roz" asaridagi ushbu parchada ham "Gul" va "Bog'" razmiga alohida toʻxtab oʻtilganini anglash mumkin.

ASARNING TA'SIRI

Ba'zan Uning ko'zlari kabi men shodlikka to'laman,

Yoki, Uning jingalak kabi, men silkitib;

Ba'zan, afsuski! odat yoki tabiatdan,

Men chang uyumida yotibman.

Ba'zan Undan bir garashda,

Men atirgul bogʻiga qaytdim.

EPILOG

Bu xushbo'y gullar guldastasi

Men o'sha bog'dan oldim,

Va uni "Yashirin atirgul bog'i" deb nomladilar.

Unda yurak sirlari atirgullari gullaydi

Oldin aytilmagan; Unda zambaklar tillari kuylaydi,

Nargisning koʻzlari uzoq va yaqin hamma narsani koʻradi.

"Gulshani roz" – soʻfiyona istilohlar bilan fikr yuritadigan irfoniy asar. Ushbu asarga tasavvufni ilmiy izohlash orqali tushuntirib beradigan darslik sifatida qaraladi va u savollarga javob, qoida, tamsil (analogiya) berish shaklida tuzilgan (Izbullayeva G.V., 2022, 67). Asarning ta'lim va tarbiyaviy ahamiyati juda chuqur, mohiyatan aniq ilmiy dalillar bilan yoritilgan boʻlib, misollar asosida ham izoh beriladi. Muallifning maqsadi diniy dunyoqarashni ta'limiy jihatdan boyitish va tarbiyalashga qaratilgan. Asarda insonning insoniyligi ilmi va amali asosida baholanishi ulugʻlanadi va jamiyatda johillar tomonidan yoʻl qoʻyilayotgan illatlar insonni ilm va amaldan chiqaradi, bunday johil odamlarni qoralab, omiylar, ilmsizlar, betakalluf, behayo, jaholatdan or ham qilmaydiganlar, deya ta'riflanadi (Izbullayeva G. V., 2022, 224). "Gulshani roz"dan ta'lim jarayonida islom va soʻfiylik tushunchalarining nazariy mazmunini toʻldirishda va ma'rifiy dunyoqarashni shakllantirishda unumli foydalanish mumkin

XULOSA

Xulosa qilib shuni aytish mumikinki, Shayx Sa'diddin Mahmud bin Aminiddin Abdulkarim bin Yahyo Shabistariy oʻz davrining mashhur ilohiyot vakili va soʻfiylik ta'limotining hurmat qozongan shayxi boʻlib, uning "Gulshani roz" kichik hajmli ammo keng mazmunli asari boʻlib, unda islom dini ta'limoti va XIII-XIV asrga tegishli soʻfiylik ta'limoti prinsiplari hamda asoslari belgilangan. Shabistariygacha soʻfiylik ta'limotini Hujviriy, Shahobiddin Suhravardiy, Imom Muhammad Gʻazzoliy, Aziziddin Nasafiy, Jaloliddin Rumiy kabi mutafakkirlar oʻzlarining ta'limotlarida va falsafiy fikrlarida bayon etib oʻtganlar. Shabistariyda islom ta'limoti mazmuni mezon, me'yor nazariyasi tarzida tartiblanib, amaliy asosi xalqchil tilda bayon etilgan.

FOYDALANILGAN ADABIYOTLAR RO'YXATI

- 1. Андрей Лукашев. Творческое наследие. Философия монотеизма. Махмуд Шабистари; \Ислам в современном мире. Том 13 2017 года. Номер 4.
- 2. Иброхим Хаққул. Тасаввуф ва Шеьрият. Ғафур Ғулом. 1991.
- 3. Izbullayeva G.V. Didaktik asarlarda madaniyat, maktab va pedagogik qarashlarni oʻrganish tizimi (XII asr oxiri XIV asrning birinchi yarmigacha Movarounnahr va Xuroson). Buxoro: Durdona nashriyoti, 2022.
- 4. Yadullah Nasrullahi. Some shortcomings of Gulshani Roz. Criticism and Description of Persian Literary Texts. Volume 14, No. 4.2006.
- 5. Robert Abdulhay Darr. The Spy of Hearts. Fons Vitae. 2007
- 6. Hamidjon Homidiy. Tasavvuf allomalari. Sharq. 2004.

REFERENCES

- 1. Andrey Lukashev. (2017) Creative heritage. Philosophy of Monotheism. Mahmoud Shabistari; \Islam in the modern world. Volume 13. Number 4.
- 2. Ibrahim Haqqul. (1991) Sufism and Poetry. Gafur Gulam.
- 3. Izbullayeva G.V. (2022) The system of studying culture, school and pedagogical views in didactic works (Movarounnahr and Khurasan from the end of the 12th century to the first half of the 14th century). Bukhara: Durdona publishing house.
- 4. Yadullah Nasrullahi. (2006) Some shortcomings of Gulshani Roz. Criticism and Description of Persian Literary Texts. Volume 14, No. 4.
- 5. Robert Abdulhay Darr. (2007) The Spy of Hearts. Fons Vitae.
- 6. Hamidjon Hamidi. (2004) Allamas of Sufism. East.



Comparative literature





UDC (UOʻK УДК): 82.09

JEYMS JOYS VA NAZAR ESHONQUL ASARLARI BADIIYATI

Umarova Komila Samatovna

Oʻqituvchi Alfraganus universiteti https://orcid.org/0009-0001-9208-8235

ANNOTATSIYA KALIT SOʻZLAR

Jahon adabiyoti tarixida muhim oʻrin tutgan uning hozirgi zamon adabiyotlariga koʻrsatgan ta'siri gʻoyatda ulkan va butun Gʻarb madaniyatini larzaga keltirgan irlandiyalik buyuk yozuvchi Jeyms Joys va oʻzbek adabiyotida kechayotgan yangilanish jarayonlarini hamda dunyo tajribalarini uzviylashtirgan holda nafaqat yurtimizdagi adabiyot ixlosmandlarida, shuningdek, dunyo adabiyotshunoslarida ham katta qiziqish uygʻotgan Nazar Eshonqulning mahorati shuningdek, asarlarining badiiyati xususida soʻz boradi.

Jeyms Joys va Nazar Eshonqulning asarlari oʻziga xos uslubi, matndagi boshqotirmalari, adabiy murakkabligi bilan boshqa adiblar ijodidan keskin farq qiladi. Ularning ijodi yuzasidan bahs-munozaralar salkam yuz yildan buyon toʻxtovsiz davom etayotgani sababi ham shunda. Tanqidchi va adabiyotshunoslar uning asarlarini turli yoʻnalishlarda tahlil qilib, aksar hollarda bir-biriga butunlay qarama-qarshi xulosalar chiqarishayotir.

Tadqiqot jarayonida Jeyms Joys va Nazar Eshonqulning noyob iste'dod egasi, ulugʻ yozuvchilar ekanligi va bu buyuklarning fikri, dunyoqarashi hamda orzu-umidlari bilan tanishiladi. Ularning mahorati va hayotiy tajribasi bilan yaqindan tanishish asarlarini yanada teranroq anglashga, tushunishga yordam beradi. Shularni e'tiborga olib, ulugʻ adiblarning sevib oʻqigan yozuvchilari haqidagi fikrlari havola etildi.

adabiyot, adib, badiiyat, badiiy uslublar, badiiy tafakkur, madaniyat, ma'naviy qiyofasi, shaxs qiyofasi, ta'lim-tarbiya.

ХУДОЖЕСТВЕННОСТЬ ПРОИЗВЕДЕНИЙ ДЖЕЙМСА ДЖОЙСА И НАЗАРА ЭШОНКУЛА

Умарова Комила Саматовна

Преподаватель Университет Альфраганус

https://orcid.org/0009-0001-9208-8235

АННОТАЦИЯ КЛЮЧЕВЫЕ СЛОВА

В данной статье речь идет о великом ирландском писателе Джеймсе Джойсе, занимающем важное место в мировой литературе, оказавшем настолько заметное влияние на современную зарубежную литературу, что оно серьезно изменило всю западную культуру, а также о творчестве Назара Эшонкула, которое, продолжая процесс обновления, происходящий в узбекской литературе, а также усваивая мировой опыт, вызвало большой интерес не только у любителей литературы в нашей стране, но и у литературоведов всего мира.

Произведения Джеймса Джойса и Назара Эшонкула заметно отличаются от произведений других писателей своим неповторимым стилем, загадочностью текстов, литературной усложненностью. Именно поэтому споры об их творчестве не прекращаются уже почти сто лет. Критики и литературоведы анализируют творчество этих писателей в различных направлениях и в большинстве случаев приходят к

литература, писатель, искусство, художественные стили, художественное мышление, культура, духовный образ, образ личности, образование. совершенно противоположным выводам.

В ходе исследования мы доказали, что Джеймс Джойс и Назар Эшанкул — великие писатели и обладатели уникального таланта, определили специфику мышления, мировоззрения и идеалов этих выдающихся авторов. Более близкое знакомство с жизненным опытом и художественным мастерством авторов поможет лучше понять их произведения, выявить их скрытый смысл. Принимая во внимание все перечисленное выше, мы представляем мнения великих писателей об их любимых авторах.

THE ARTISTICITY OF THE WORKS OF JAMES JOYCE AND NAZAR ESHONKUL

Umarova Komila Samatovna

teacher
Alfraganus University
umarovakomila1983@gmail.com
https://orcid.org/0009-0001-9208-8235

ABSTRACT KEY WORDS

The great Irish writer James Joyce, who had an important place in the history of world literature, and his influence on contemporary literature, which shook the entire Western culture, and Uzbek literature, both national and world experiences. The process of renewal, which has aroused great interest not only among lovers of literature in our country, but also among people of world literature and literary studies, will be discussed about the skills of Nazar Eshanqul, as well as the role of their works in art. The works of James Joyce and Nazar Eshanqul with its peculiar style and puzzles in the text, literary complexity, it is sharply different from the work of other writers. This is the reason why the debates about their work have been going on for almost a hundred years without stopping. In the course of the research, James Joyce and Nazar Eshanqul are great writers with unique talents, and the thoughts, worldviews, and dreams of these great writers are known. It helps to understand and understand. Taking these into consideration, we present the opinions of great writers and their great works for our future generation because thier works give us a lot information history.

literature, writer, art, artistic styles, artistic thinking, culture, spiritual image, personality image, education.

KIRISH

Asrimizning oʻtgan asr 80-90 yillaridagi yangilanish odatiy an'anaviy yoʻldan birmuncha oʻzgacharoq kechdi, XIX asr oxiri — XX asr boshlarida Gʻarbda paydo boʻlgan adabiy oqimga oʻxshash sifatlar namoyon boʻldi. Hozirgi nasrimizdagi mazkur ijodiy izlanishlar darhol adabiy jamoatchilik diqqatini tortdi. Bu hol oʻzbek nasrining tahlil hududi kengayib, tasvir qamrovining kengligi, tahlil maydoni, shakli, mazmuni, maqsadi borasida yangi-yangi jihatlarni namoyon etdi. Xususan, obyektiv olam, voqea-hodisalar tasviri, qahramon xattiharakatlari, uni oʻrab turgan muhit va sharoit, zamon va makon endi toʻgʻridan-toʻgʻri badiiy toʻqimaga aylantirilmay, ularning inson tasavvuri, shuuriga ta'siri, qahramonning unga ongli munosabati badiiyatga aylantirildi. Endi kitobxon qahramon bilan emas, balki uning tafakkuri bilan muloqotga kirishadigan, uning tafakkur jarayoni bilan bahslashadigan boʻldi.

"Modern adabiyotning bosh kitobi boʻlmish "Uliss" (oʻzbekchada "Ulissning sarguzashtlari") romani jurnal variantida ("Jahon adabiyoti" 2008. №4–9) nihoyat, oʻzbek tilida ham nashr etildi. Gap shundaki, koʻlami va salmogʻi jihatidan XX asrning eng yirik va eng shov-shuvli asari hisoblangan, butun Gʻarb madaniyatini larzaga keltirgan "Uliss" dunyoning qaysi tiliga tarjima qilinmasin, oʻziga xos milliy hodisa sifatida e'tirof etiladigan

asarlar sirasiga kiradi. Bu asar tarjimasi har qanday tilni sinovdan oʻtkazadi, uning qudratini koʻrsatadi, imkoniyatlarini kengaytiradi. Tarjima uchun taniqli tarjimon Ibrohim Gʻafurovning jasoratiga alohida tasanno aytish kerak. Chunki "Uliss" har kim ham tarjima qiladigan yoki tarjima qilishga jazm etadigan asar emas. Bu asarni mashhur Virjiniya Vulf "romanensiklopediya" degan boʻlsa, boshqa bir tadiqiqotchi undagi mavzular va sharhlar qamrovini butun boshli ilmiy tekshirish institutiga tenglashtirgandi.

Joys XX asr Gʻarb ma'naviy dunyosini tadqiq qilish uchun ataylab ana shu qadim qolipni tanlaydi. Bunda ikkita urgʻu bor: antik odamning orzu-umidi va yashash tarzi, hayotdan maqsadi Joys zamondoshlari hayoti va orzulari bilan solishtiriladi. Asarni oʻqiganingiz sayin siz bunga guvoh boʻlib borasiz va Gomer qahramonlari nimani ulugʻlab yashagan va bugungi dunyo odamlari nimani ulugʻlayapti, nimaga e'tiqod qilyapti, insoniyat nimani topdi, nimani boy berdi, muhabbat, e'tiqod, sadoqat, vatanparvarlik qanday tushunilyapti? Umuman, miflar davridan buyon insonning ong-u shuuri oʻsdimi, miflar davrida odamzodni qiynagan muammolar XX asrda hal boʻldimi? [Arastu, 2011].

Asarda XX asr boshidagi Irlandiya hayoti qalamga olingan. Yozuvchi nigohi bu hayotning ikir-chikirlarigacha, hatto odam tovush chiqarib aytishga uyaladigan kechinmalargacha kirib boradi. Joysning usuli ana shunga imkon beradi. Bu usulda "sen", "men", "u" oʻrtasida ifoda qilish, bayon chegarasi buzilib ketadi, goʻyo asarda qaysi shaxs hikoya qilayotganini, qaysi shaxs roviy, qaysi shaxs qahramon, anglab olish ancha mushkul. V. Nabokov bu asarni qalb yo hissiyot bilan emas, miya bilan oʻqish kerak deb aytganda yuz karra haq edi. Asar kutilmagan badiiy uslublar, priyomlar va timsollarga, gʻoya va hikmatlarga, tashbeh-u istilohlarga shunchalik boyki, boshqa bunday romanni topish qiyin. Blum haqida hikoya qilayotib, birdan "men"ga, keyin "sen", "u" shaxsiga osongina oʻtib ketiladi, sizni asar jozibasi va shuuri qamrab oladi. Asta-sekin asar ichiga kirganingiz sayin mif bilan voqelik, hayot bilan xayolning, roviy bilan qahramon orasidagi chegara yoʻqoladi. [Osteen, Mark;1995].

Irlandiyalik buyuk yozuvchi Jeyms Joys (1882-1941) ijodi XX asr jahon adabiyoti tarixida muhim oʻrin tutadi. Uning hozirgi zamon adabiyotlariga koʻrsatgan ta'siri gʻoyatda ulkan. E. Xeminguyey, U. Folkner, T. Vulf kabi dunyoga mashhur adiblar uning shogirdlari boʻlishgani, ular oʻz asarlari haqida Joysning e'tirofini ilhaq boʻlib kutishgani ham fikrimizni tasdiqlaydi. 1982-yili YUNESKO qarori bilan irland realistik adabiyotining klassigi Jeyms Joys tavalludining 100 yilligi butun dunyoda keng nishonlandi. Adibning "Dublinliklar" nomli hikoyalar toʻplami, "Musavvirning yoshlikdagi shamoyili" va "Uliss" romanlari allaqachon yuzlab xalqlar tillariga tarjima qilingan, jahondagi barcha nufuzli oliy o'quv yurtlari, o'rta ta'lim adabiyot dasturlari va majmualaridan o'rin olgan. Ushbu asar qaysi tilga tarjima qilinmasin, har qanday tilni sinovdan o'tkazadi, uning qudratini ko'rsatadi. Nihoyat ushbu asarni buyuk tarjimon Ibrohim G'ofurov tarjima qilishga erishdi. Chunki bu asar har kim tarjima qilishga jazm qiladigan asar emas edi. Asar tarjimoni qayd etganidek, "Uliss" romani ommaviy suratda qabul qilish qiyin boʻlgan asar edi. Bu asar ommaga moʻljallanmagan va unga qaratilmagan edi. Yozuvchi bu asarni Yevropa va Amerika intellektuallari, aqlliy, ilmiy oʻsishlarida anch ilgarilab ketgan Freyd, Yung, Ezra Payid, Elliot singari oʻziga teng darajada turgan zamondoshlarini moʻljallab yozgan, ularning tushunishlari aks-sado berishlari, bahs-munozaralarini nazarda tutgan. XX asrning 20-yillarida bu asarning kichik parchalari

jurnallarda chop etila boshladi va oʻsha paytlardanoq ushbu asarni tushunish qivin ekanligi kitobxonlar tomonidan tan olindi. Bu romanni oʻqib tushunish juda katta mehnat talab qilardi, unda oʻquvchi uzluksiz bosh qotirishga, butun diqqat-e'tiborini shu asarga qaratishga majbur boʻladi, eng asosiysi, uning olamiga kirib yashashga undaydi. Uning ichiga chuqurroq kirib borgan sari adabiyot qanchalik qudratli kuch ekanligini anglash mumkin. Asarni tarjima qilgan tarjimon asar haqida fikrlarini yozib qoldirgan: lekin asarni oʻqib ichiga kirgan, magʻzini chaqqan o'quvchiga u tuganmas go'zal onlarni baxsh etadi. Inson mayllari, ehtiroslari, kayfiyatlari, kechinmalarining cheksiz rang-barangliklariga, ong va hissiyot oqimlariga ichida har qadamda insonni uning millati, mamlakati, diniy e'tiqodidan qat'i nazar, ilgari hech qachon koʻrilmagan, anglanmagan, oʻylanmagan behad original bir nuqtadan kashf etganday boʻladi". Shuning barobarida Joysni oʻqish kishiga maroq bagʻishlaydi. Yozuvchining asarlarini oʻqishni ahd qilgan oʻqituvchi ahdida qattiq turib, kitobni astoydil mutolaa qilishi kerak. Agar asarning asosiy qahramonlaridan biri Leopold Blumni xotini – qoʻshiqchi ayol Mollyning oz emas, koʻp emas, rostmana qirq sahifadan iborat bironta nuqta, bironta vergul yoki bironta tinish belgilari qoʻyilmagan ichki monologini zerikmay oʻqiy olsa, oʻquychi, albatta, adadsiz hissiyotlar, turli fikrlar daryosiga gʻarq boʻladi. Shunday qilib ushbu asar yozuvchilar va oʻquvchilarning hissiyotlarini junbushga keltirdi. Hattoki oʻquvchi asarni takror va takror oʻqisa ham, har safar yangi ma'lumot olishi mumkin va har safarida ham ushbu asar yangi ajib hissiyotlar bera oladi.

Oʻzbek oʻquvchisi bu ulugʻ yozuvchi ijodi bilan istiqlol sharofati tufayli bahramand boʻla boshladi. Hozircha uning "Dublinliklar" toʻplamidan bir necha hikoyalar, "Jakomo Joys" nomli nasriy asari gazeta va jurnallarda e'lon qilindi. 1993- yili filologiya fanlari nomzodi Tilavoldi Joʻrayevning oliy oʻquv yurtlari talabalari uchun moʻljallangan "Jeyms Joys" nomli risolasi chop etildi.

Biz oʻz milliy madaniyatimiz, adabiyotimizni puxta oʻrganish, qadriyatimizni tiklash va e'zozlash bilan bir qatorda dunyo madaniyatida chinakam hodisa sifatida e'tirof etilgan, vaqt va zamonlar sinovidan oʻtgan boshqa xalqlarning nodir ijod namunalaridan ham bahramand boʻlib borishga haqlimiz. Shu ma'noda irlandiyalik adib Jeyms Joys ijodi bilan oʻzbek oʻquvchilarini tanishtirish kitobxonlarimiz ma'naviy dunyosini boyitishga, badiiy saviyasini yuksaltirishga, goʻzallikni nozik va teran his etishga odatlantirishga, didini oʻstirishga, qolaversa, XX asr adabiyotining eng muhim yangiliklaridan xabardor etishga xizmat qiladi.

ASOSIY OISM

J. Joysning "Musavvirning yoshlikdagi shamoyili" romani bir qarashda atoqli oʻzbek adiblari Oybek, Abdulla Qahhor va Gʻafur Gʻulomning avtobiografik asarlarini yodga soladi. Yosh bolaning, oʻsmirning ongi atrof-muhitni qay tarzda qabul qiladi, u ta'lim-tarbiya olayotgan maskandagi oʻzaro munosabatlar, oiladagi, jamiyatdagi vaziyat bola ongining shakllanishida nechogʻli ahamiyat kasb etadi, muayyan muhitda shakllangan bu ong oʻz-oʻzini anglash jarayonlarini qanday kechiradi — bular barchasi J. Joys romanida nozik psixologik tahlillar orqali juda chuqur ochib berilgan. [Michael Groden;2005]. Muallif asar qahramonining fikrlarini, oʻy-xayollarini, kechinmalari va his-tuygʻularini asosan uning ichki monologlari orqali koʻrsatib beradi.

Irlandiyalik mashhur yozuvchi Jeyms Joysni dunyoga tanitgan yana bir mashhur

romanlaridan biri "Dublinliklar" deb nomlangan asari 1914-yilda dunyo yuzuni koʻrdi. Yozuvchi ushbu asarni chop ettirish uchun avvaliga juda koʻp qiyinchiliklarga duchor boʻlgan. "Dublinliklar" asari yozuvchi tomonidan 1904-1907 yillarda yozib tugatilgan, ammo ayrim sabablarga koʻra chop etilishi judayam qiyin boʻldi, asar juda koʻp tanqidlarga uchragan. Ushbu asar oʻsha davrning eng mashhur asarlaridan biri boʻlib, yozuvchi bu asar oʻz tugʻilib oʻsgan yurt insonlarining hayotini tasvirlagan. Roman 15 ta katta-kichik hikoyalarni oʻz ichiga olgan keng koʻlamli asardir. Ushbu asarda yozuvchi, oʻz tugʻilib oʻsgan yurtining oddiy quyi tabaqa vakillarining hayotini tasvirlagan. Adibning oʻzi shu asar haqida quydagi soʻzlarni aytadi: Men oʻzim uchun doimo Dublin haqida yozaman, chunki men agar Dublinning yuragiga kira olsam, dunyoni barcha shaharlarining qalbiga kira olaman". Adibni bu soʻzlaridan koʻrinib turibdiki, yozuvchi oʻz yurtini juda yaxshi koʻrgan, oʻz tugʻilib oʻsgan joyinining aholisini juda hurmat qilgan, ularga har doim yangi va ozod hayot ravo koʻrgan. "Dublin yer yuzidan yoʻqolib ketsa, mening romanimda Dublinni qayta tiklash mumkin", deydi Joys. [Mosher, Harold Frederick; Bosinelli Bollettieri, Rosa Marie; 1998].

Yozuvchi oʻz yurtini juda yaxshi koʻrgan, ammo ba'zi sabablarga koʻra vatanidan yiroqda yashashga majbur boʻlgan. Lekin uni vatanga, ona yurtga boʻlgan sogʻinchini, muhabbatini asarlarida koʻrish mumkin boʻladi.

Nazar Eshonqul oʻzbek nasriga, ayniqsa, hikoyachiligiga yangi ovoz, yangi ruh olib kirdi. U Sharq va Gʻarb adabiyoti an'analarini asarlarida uygʻunlashtirayotgan adiblardan biridir. Zamonaviy oʻzbek nasrida Nazar Eshonqul ijodi oʻziga xos salmoqqa ega. Yozuvchi uslubi, voqelikka yondashuvi, tasvir va talqindagi oʻzgachaligi bilan zamondoshlaridan farqlanib turadi. Muallif asarlarida oʻzligini anglash yoʻlida oʻz-oʻzi bilan raqobatga kirishgan Shaxs qiyofasi, jamiyat hayotida oʻz oʻrnini topa olmagan alamzadaning ma'naviy qiyofasi, uning anglamlari, hissiy kechinmalari tamomila yangi rakurslarda koʻrsatilishi e'tiborga loyiq. Adibning "Maymun yetaklagan odam", "Ajr", "Ochilmagan eshik", "Muolaja", "Tobut", "Ogʻriq lazzati", "Qoʻl", "Bahouddinning iti", "Qultoy", "Shamolni tutib boʻlmaydi" kabi oʻnlab hikoyalari, "Tun panjaralari", "Qora kitob" qissalari, "Goʻr oʻgʻli yoxud hayot suvi" romani oʻzbek zamonaviy nasrining goʻzal namunalariga aylandi.

Uning oʻzbek falsafiy esseistikasini shakllantirish yoʻlida qilgan ma'rifiy xizmatlari alohida tahsinga loyiq. Jahon adabiyoti durdonalari haqidagi ma'rifiy maqolalari oʻzbek badiiy tafakkuri takomilida muhim ahamiyat kasb etadi. Mazkur maqolalar faqatgina axborot, ma'lumot tarzida emas, olimga xos boʻlgan chuqur adabiy tahlil va talqinlarga boyligi bilan ajralib turadi.

Jeyms Joys va 1	Nazar Eshonqul	' asarlaridagi oʻx	shash mavzular
-----------------	----------------	--------------------	----------------

Jeyms Joys asarlari	Nazar Eshonqul asarlari	
"Dubliners"	"Urush odamlari"	
"The Cat and the Devil"	"Maymun yetaklagan odam"	
"Ulysses" "Shamolni tutib boʻlmaydi"		
"The Boarding House" "Bevaqt chalingan bong"		

Nazar Eshonqul asarlarida koʻproq oʻzi tugʻilib oʻsgan qishlogʻidagi insonlarning hayotini, ularning kechinmallarini, orzularini, hattoki armonlarini ham juda goʻzal ifodalagan. Adib qaysidir hikoyasida sodda begʻubor qishloq insonlarini tasvirlagan boʻlsa, yana qaysidir asarida oʻsha qishloqning soʻlim manzaralarini, goʻzal tabiatini, musaffo osmonini-yu, keng

dalalarini hamda qirlarini tasvilaganining guvohi boʻlamiz. Nazar Eshonqul hikoyalarida zamon ruhiyati oʻta nozik tarzda tasvirlangan hamda oʻsha zamonning qahramonlar hayotiga ta'sirini ham koʻrish mumkin. Adibning asarlarini oʻqir ekanmiz, undagi ranglarning xilma-xilligiga e'tibor bermasdan ilojimiz yoʻq. Misol tariqasida adibning "Urush odamlari" asarini olsak, undagi bosh qahramon Normatni adib asar boshida nihoyatda viqorli va yengilmas, mard oʻzbek oʻgʻloni deb etirof etgan boʻlsa, asar oʻrtasida esa uni hayot tashvishlaridan charchagan, qaygʻuli holda ifodalaydi. Bundan tashqari ushbu asarda boshqa qahramonlarning hayotida ham urush oʻz ta'sirini koʻrsatmay oʻtmaganini ham guvohi boʻlish mumkin.

Nazar Eshonqul oʻzbek adabiyotida oʻziga xos uslubda kirib kelgan adiblardan biri hisoblanadi. Adibning "Maymun yetaklagan odam" asarida, maymun yetaklagan odam kim edi? degan savol hali hamon asar oʻquvchilari tomonidan jumboq boʻlib kelmoqda.

Adibning asarlarini uslub jihatdan ikki turga boʻlish mumkin:

- 1. Folklor va jahon adabiyotidagi xos tendensialarni qorishuvi oʻlaroq yozilgan, milliy ruh aks etadigan hikoyalar;
- 2. Sof modern ruhda, ong ostida kechayotgan jarayonni badiiy idrok etishga yoʻnaltirgan, bitta metafora asosida qurilgan hikoyalardir.

Shu klassifikatsiya asosida yozuvchi hikoyalarini yana turli jihatlarga koʻra alohida tasniflash mumkin. Obrazlar tizimi, syujet, kompozitsiya va hokazo nuqtayi nazardan tasniflaganda ham yuqoridagi klassifikatsiya hisobga olinadi. Chunki asardagi barcha elementlar yozuvchining tanlagan uslubidan kelib chiqqan holda shakllantiriladi. Folklor va jahon adabiyotiga xos tendensiyalar badiiy sentez qilingan, milliy ruh balqib turadigan hikoyalarda yozuvchi nigohi oʻzbek kitobxoniga tanish makon va zamonda yuz beradigan voqelikka qaratiladi. Bu tipdagi hikoyalarga: "Shamolni tutib boʻlmaydi", "Qultoy", "Bepoyon osmon", "Ochilmagan eshik", "Bevaqt chalingan bong" kabi hikoyalar kiradi [Mirzayev I., 2000].

Adibning sof modern ruhda, yozilgan asararlarga esa "Maymun yetaklagan odam", "Bahovuddinning iti", "Zulmat saltanatiga sayohat", "Tobut shahar", "Xaroba shahar suvrati", "Ozod qushlar", Oʻlik mavsum", "Xayol tuzogʻi" kabi hikoyalari kiradi. Mazkur hikoyalarda muallif timsollar tilidan gapiradi. Bunda kitobxon tafakkur qilishga majbur boʻladi-u, asarning zohirini emas, matn ostida berkingan fikrini oʻqishi kerak. Bu tipdagi hikoyalarni oʻqish davomida tasavvur imkoniyatlari ma'lum darajada qisqaradi. Yonalishdan kelib chiqqan holda adabiy makon va zamon ham mavhumroq tasvirlanadi. Ammo ular yaxlit manzara sifatida yechim topadi. Masalan "Tobut" hikoyasidagi shaharni tobut shaklida qurilganligi, "Bahovuddinning iti" hikoyasidagi qahramonni ohir oqibat itga aylanib qolgani, "Maymun yetaklagan odam "hikoyasida iki xil suvrat: avval navqiron odam maymun yetaklab kirayotgani, keyin esa maymun keksa odamni yetaklab chiqayotgani, "Ogʻriq lazzati" hikoyasida mahkumlarning ogʻriqdan lazzat olayotganini koʻrish mumkin. Ularning tili ham nisbatan ogʻir, uzun jumlalar, qayta oʻqishga majburlovchi tasvirlar ham koʻp uchraydi. [Rasulov A., 2007].

XULOSA

Ong ostidagi jarayonlarni tahlil qilishda urgʻu berilgan hikoyalarda harakatlar yaqqol koʻzga tashlanmaydi. Asosiy qahramon yoki roviyning xarakterinigina yaqqol ilgʻab olish

mumkin. Yozuvchining milliy ruhdagi hikoyalarida xarakter boʻrtibroq koʻrinadi. Ayniqsa, bu tipdagi hikoyalarda ayollarning xarakteri nihoyatda jonli, tabiiy va ta'sirli chiqqan. Masalan, "Bepoyon osmon" hikoyasidagi Ammaning xarakteri bunga misol bo'la oladi. Ammam birdan gʻarib, behol koʻrindi menga: yoʻq, enamga achingani tufayli emas, bir umr koyigan, tanbeh bergan ertadan kechgacha malomat qilish uchun yashagan, malomat qilish umrining mazmuniga aylangan ayolning ham endi bu dunyoda yoʻqligi sababli umrida ham mazmun yoʻqolganday, shuning uchun ham birdan qarib qolganday tuyuldi menga. Amma butun umri davomida akasining befarzand yashaganligi uchun yangasini bosh aybdor deb bilgan, u oʻlgandan keyin uni hurmat bilan tilga oladi. Aslida uning qoʻrs va johil xarakteri oʻzgarmagan, faqat bu xarakterni koʻrsatuvchi obyekt endi yoʻqligi sababli u oʻzgarib qoldi. Bundan tashqari shuni takidlab oʻtish kerakki, Nazar Eshongul modern yozuvchi sifatida tan olingan. Nazar Eshonqul oʻz asarlarida oʻsha hikoya qilib turgan jamiyatini emas, undan ustunroq boʻlgan jamiyatni tasvirlashga harakat qilganining guvohi boʻlamiz. Adib oʻz zamonini realist yozuvchisi sifatida ham tan olingan, yozuvchi o'z hikoyalarida ko'proq o'zi tugʻilib oʻsgan qishlogining sodda, begʻubor, sofdil, dilkash, mehnatkash hayotini tasvirlagan. Oishloqdoshlarining qiyin, mashaqqatli turmush tarzini, sodda begʻubor hayotlarini adibning har bir asarida uchratish mumkin. Oʻquvchi bu asarlarni oʻqir ekan adibning asar yozish davomida foydalangan har bir soʻzidan ilhomlanmay iloji yoʻq. Asarlardagi har bir tanlangan soʻzda chuqur falsafiy ma'no yotganini koʻramiz. [Quronov D., Mamajonov Z., Sheraliyeva M., 2013].

Xullas, Nazar Eshonqul va Jeyms Joysning asarlari oʻziga xos uslubi boshqa adiblar ijodidan keskin farq qiladi. Voqealar "men" tilidan soʻzlanar ekan, roviy nutqi muallif qarashlari va hislarining in'ikosiga aylanadi. Qissalar matnidagi mazmuniy va tasviriy serqatlamlilik muayyan ramzlar va metaforalar, allyuziya, badiiy sintez, aforistik nutq vositasida aks ettiriladi. Mualliflar mahorati va uslubining oʻziga xosligi ham asosan shularda koʻrinadi.

FOYDALANILGAN ADABIYOTLAR RO'YXATI

- 1. Арасту. Поэтика. Ахлоки кабир. Риторика. Т.: Янги аср авлоди, 2011. 351 б.
- 2. Бахтин М.М. Вопросы литературы и эстетики. М.: Художественная литература, 1975. С. 502.
- 3. Мирзаев И. Бадиий услуб сехри. Самарқанд, 2000. 112 б
- 4. Nosirov O'. Ijodkor, shaxs, badiiy uslub, avtor obrazi. Toshkent: Fan, 1981. 198 б.
- 5. Quronov D., Mamajonov Z., Sheraliyeva M. Adabiyotshunoslik lugʻati. Toshkent: Akademnashr, 2013. 408 б.
- 6. Rasulov A. Badiiylik bezavol yangilik. Toshkent: Sharq, 2007. 336 б.
- 7. Mirvaliyev S., Shokirova R. Oʻzbek adiblari. Toshkent, Gʻafur Gʻulom nomidagi adabiyot va san'at nashriyoti, 2016. 65 б. https://saviya.uz/hayot/tarjimai-hol/nazar-eshon-qul-1962/
- 8. Osteen, Mark. A Splendid Bazaar: The Shopper Guide to the New Dubliners. Studies in Short Fiction. 22 June 1995. –123 p.
- 9. Michael Groden. Notes on James Joyce's Ulysses. The University of Western Ontario. Archived from the original on 1 November 2005. 98 p.
- 10. Jeri Johnson. Composition and Publication History, in James Joyce, Dubliners. Oxford University Press, 2000. 108 p.
- 11. Mosher, Harold Frederick; Bosinelli Bollettieri, Rosa Marie (1998). ReJoycing: New Read-

ings of Dubliners. Lexington, KY: The University Press of Kentucky.

REFERENCES

- 1. Aristotle. (2011) Poetics. His morals are great. Rhetoric. T.: New age generation, 351 p.
- 2. Bakhtin M.M. (1975) Questions of literature and aesthetics. M.: Fiction, 502 p.
- 3. Mirzaev I. (2000) The magic of art style. Samarkand, 112 p.
- 4. Nosirov O'. (1981) Creator, personality, artistic style, image of the author. Tashkent: Science, 198 p.
- Kuronov D., Mamajonov Z., Sheraliyeva M. (2013) Dictionary of literary studies. Tashkent: Akademnashr, 408 p.
- 6. Rasulov A. (2007) Art is a beautiful novelty. Tashkent: Oriental, 336 p.
- 7. Mirvaliyev S., Shokirova R. (2006) Uzbek writers. Tashkent, Gafur Ghulom publishing house of literature and art, 65 p. https://saviya.uz/hayot/tarjimai-hol/nazar-eshonqul-1962/
- 8. Osteen, Mark (22 June 1995). A Splendid Bazaar: The Shopper Guide to the New Dubliners. Studies in Short Fiction, 123 p.
- 9. Michael Groden. Notes on James Joyce's Ulysses. The University of Western Ontario. Archived from the original on 1 November 2005, 98 p.
- 10. Jeri Johnson, Composition and Publication History, in James Joyce, Dubliners (Oxford University Press, 2000). p. 108
- 11. Mosher, Harold Frederick; Bosinelli Bollettieri, Rosa Marie (1998). ReJoycing: New Readings of Dubliners. Lexington, KY: The University Press of Kentucky.



Comparative literature





УЎК (УДК, UDC): 82.09

"MARS YILNOMALARI" VA "BOQIY DARBADAR" ASARLARINING INTEGRAL-YAXLIT YONDASHUVLI BADIIY TAHLILI

Yuldoshova Shaxnoza Azimbayevna

Mustaqil tadqiqotchi Oʻzbekiston davlat jahon tillari universiteti Toshkent. Oʻzbekiston

https://orcid.org/my-orcid?orcid=0009-0009-9553-6353

ANNOTATSIYA KALIT SOʻZLAR

Maqola Ray Bredberining "Mars yilnomalari" va Isajon Sultonning "Boqiy darbadar" asarlarini integral-yaxlit yondashuvli badiiy tahliliga bagʻishlanadi. Maqolada yaxlit yondashuvning metod va uslullari orqali badiiy asarlarning genezisi, janri, konseptual darajasi, syujet — kompozitsiya, yozuvchilarning shaxsiy va falsafiy munosabatlari qiyosiytipologik tahlili amalga oshiriladi. Badiiy adabiyotning integral tahlili koʻpincha integral nazariyada koʻrsatilganidek, asarning turli rivojlanish bosqichlari yoki ong darajalari orqali tekshirishni oʻz ichiga oladi. Ushbu yondashuv asarning inson tajribasining turli tomonlarini qanday aks ettirishi va ularga murojaat qilishini yanada teran tushunishga imkon beradi. Badiiy adabiyotni tahlil qilishda integral usuldan foydalanadigan olimlar va tanqidchilar psixologiya, falsafa, madaniyatshunoslik va adabiyot nazariyasi kabi bir qator fanlar va nazariy asoslardan foydalanishlari mumkin. Ushbu turli sohalardagi gʻoyalarni sintez qilish orqali ular koʻrib chiqilayotgan adabiy asarning yanada kengroq talqinini taklif qilishni maqsad qilgan.

yaxlit-integral yondashuv, asar genezisi, yozuvchi mahorati, timsol-ramz, konsepsiya, qahramonlar tizimi, badiiy vosita, badiiy asar tili.

ХУДОЖЕСТВЕННЫЙ АНАЛИЗ ПРОИЗВЕДЕНИЙ "МАРСИАНСКИЕ ХРОНИКИ" И "ВЕЧНЫЙ СКИТАЛЕЦ" С ИСПОЛЬЗОВАНИЕМ ИНТЕГРАЛЬНО-ЦЕЛОСТНОГО ПОДХОДА

Юлдошова Шахноза Азимбаевна

Независимый исследователь Узбекский государственный университет мировых языков Ташкент. Узбекистан

https://orcid.org/my-orcid?orcid=0009-0009-9553-6353

АННОТАЦИЯ КЛЮЧЕВЫЕ СЛОВА

Статья посвящена целостно-интегральному подходу к литературоведческому анализу произведений Рэя Брэдбери "Марсианские хроники" и Исаджона Султана "Вечный скиталец". Основное внимание в статье уделяется сравнительно-типологическому анализу генезиса, жанра, концептуального уровня, сюжета и композиции, личностнофилософского отношения писателей и т.д. с помощью методов и приемов целостного подхода Интегральный анализ художественной литературы часто предполагает рассмотрение произведения через призму различных стадий развития или уровней сознания, как это описано в интегральной теории. Такой подход позволяет более тонко понять, как история отражает и затрагивает различные аспекты человеческого опыта. Ученые и критики, использующие интегральный метод при анализе художественной

целостно-интегральный подход, генезис произведения, писательский язык, персонаж-символ, концепт, система персонажей, творческие инструменты, язык художественного произведения, точка зрения.

литературы, могут опираться на целый ряд дисциплин и теоретических основ, включая психологию, философию, культурологию и теорию литературы. Синтезируя идеи из этих различных областей, они стремятся предложить более полную и тонкую интерпретацию литературного произведения.

ARTISTIC ANALYSIS OF THE WORKS "THE MARTIAN CHRONICLES" AND "THE ETERNAL WANDERER" USING AN INTEGRAL- HOLISTIC APPROACH

Yuldoshova Shakhnoza Azimbaevna

Independent researcher Uzbekistan State University of World Languages Tashkent, Uzbekistan yustitsiya@gmail.com

https://orcid.org/my-orcid?orcid=0009-0009-9553-6353

ABSTRACT KEY WORDS

The article is focused on the holistic-integral approach to the literary analysis of Ray Bradbury's works "The Martian Chronicles" and Isajon Sultan's "The Eternal Wanderer". The article pays the main attention to comparative-typological analysis of genesis, genre, conceptual level, plot and composition, personal-philosophical attitude of the writers, etc. by means of methods and techniques of holistic approach. Integral analysis of fiction often involves examining the work through the lens of different developmental stages or levels of consciousness, as outlined in integral theory. This approach allows for a more nuanced understanding of how the story reflects and addresses different aspects of the human experience. Scholars and critics who utilize the integral method in analyzing fiction may draw from a range of disciplines and theoretical frameworks, including psychology, philosophy, cultural studies, and literary theory. By synthesizing insights from these diverse fields, they aim to offer a more comprehensive and nuanced interpretation of the literary work in question.

holistic-integral approach, genesis of a work, writing, character-symbol, concept, character system, creative tools, language of a work of fiction, point of view.

KIRISH

Soʻnggi yillarda qiyosiy tadqiqotlarda ham, alohida asar tahliliga bagʻishlangan tadqiqotlarda ham, adabiy jarayon darajasida badiiy adabiyotga yaxlit yondashish tobora kuchayib bormoqda. "Adabiyotlararo mushtaraklik" kabi atamalarning paydo boʻlishi "adabiy makonlar", "adabiy mintaqalar" (Dyurishin terminlari) bir oʻlchovli boʻlinishga mos kelmaydigan yaxlitlik sifatida yondashishdan dalolat beradi. Qiyosiy adabiyotshunoslik metodologiyasining asosini tizimlarning yoki tizim elementlarining emas, balki butunning yaxlit, boʻlinmas, muallif ijodining umumiylashtirilgan darajalarini — adabiy asarlarni, umuman, muallifning ijodini, tarixini qiyoslash tashkil qilishi kerak (Андреев А., 2003, 32), shunda alohida milliy adabiyotlar, adabiyotlararo jamoalar birgalikda bir butun boshqa tartibni — jahon adabiyotini tashkil etadi. Ana shu yaxlit yondashuv asosida turli janrlarda, turlicha zamon va makonda yashab ijod qilgan va qilayotgan yozuvchilar Rey Bredberi va Isajon Sulton ijodi tadqiq qilindi.

Adabiy asarni tahlil qilishga yaxlit yondashuv matnni mazmun va shaklning turli tomonlari va darajalarini oʻz ichiga olgan yaxlit bir butunlik sifatida koʻrib chiqishni nazarda tutadi. Adabiy asar tahliliga yaxlit yondashish matnning alohida unsurlarigagina emas, balki ularning munosabatlari, mazmuni, oʻquvchiga ta'siriga ham e'tibor beradi. Adabiy asar

tahliliga yaxlit yondashishning asosiy tamoyillari a) tahlil usullarining integratsiyalashuvini, ya'ni matnni yanada to'liq va chuqurroq tushunish uchun turli tahlil usullarini (strukturaviy, ramziy, psixologik va boshqalar) birlashtirish; b) kontekstni ko'rib chiqishni, ya'ni asarni yaxlit tahlil qilishda faqat matnning o'zigina emas, balki uning tarixiy, madaniy, ijtimoiy va adabiy sharoitini ham hisobga olish; c) kitobxonga e'tibor qaratish, ya'ni yaxlit yondashuv o'quvchining asarga munosabatini ham hisobga oladi; d) simvolizm va timsol-metaforalarni o'rganish, yaxlit yondashuv muallif tomonidan qo'llaniladigan belgilar, metaforalar va tasvirlarni tahlil qilish; e) muallif uslubi va ijodiy niyatini, asar yaratishda ko'zlagan maqsadini hisobga olish kabi prinsiplarga tayanib ish ko'radi.

ASOSIY OISM

Integral yondashuv nazariyasi bilan bir qator xorijiy olimlar shugʻullanishgan, jumladan, Ken Uilber – integral nazariyasining eng mashhur yakillaridan bir boʻlib, adabiyot va madaniyatni tushunishda inson tajribasining koʻp jihatlari va yoʻnalishlarini birlashtirish va yaxlitlashtirish muhimligini ta'kidlaydi. (Wilber K., 2001, 208.) Don Bek va Kristofer Kouen inson taraqqiyoti va ijtimoiy oʻzgarishlarni tushunishda yaxlit yondashuv nazariyasi qo'llangan "Spiral Dynamics: Values Learning, Leadership, and Change" kitobining hammualliflaridir. (Beck D., Cowan C., 2005, 352.) Shon Esbyorn-Xargens va Maykl E. Zimmerman – integral nazariyaning ekologik muammolarga qoʻllanilishini oʻrganuvchi "Integral Ecology: Integrating Multiple Perspectives on the Natural World" jurnalining muharrirlari (Esbjörn-Hargens S., Zimmerman S., 2009, 796.). Italyan faylasufi, yozuvchi va adabiyotshunosi Umberto Eko "Ochiq ish" muallifi, u matnning "ochiqligi" tushunchasini va asarni tushunishda butun tizimli talqinning ahamiyatini muhokama qiladi (Эко У., 2004, 124.). Rus adabiyotshunoslaridan Vyacheslav Ivanov – taniqli rus faylasufi, shoiri va adabiyotshunosi, u san'at, din va falsafa o'rtasidagi aloqalarni o'rganib, ramziylik va turli madaniy an'analarning sintezi haqidagi (Иванов В., 2017, 164.) g'oyalari integral nuqtayi nazarga yaqin deb qaralishi mumkin. Rus formalist adabiyotshunosi Boris Evxenbaumning tahliliy usullari va adabiyotning strukturaviy tarkibiy qismlariga urgʻu berishini murakkablik va oʻzaro bogʻliqlikni tushunishning integral yondashuvlari bilan mos deb hisoblash mumkin. (Эйхенбаум Б., 1927, 303.) Bundan tashqari oʻzbek adabiy tanqidchisi Qozoqboy Yoʻldosh ham "Badiv tahlilning to 'laligi badiiv matnga yaxlit tizim holidagi butunlik tarzida yondashilib, unga xos barcha jihatlar imkon qadar qamrab olishni anglatadi. Bunda oʻrganilayotgan asar turli tomondan tekshirilib, unga xos barcha asosiy qirralar ilmiy baholanishi koʻzda tutiladi" (Yo'ldosh Q., Yo'ldosh M., 2016, 97.) deya, tekshirilayotgan asardagi badiiy tizimning yaxlit tartibli butunlik sifatida muhim qiymatga egaligini ta'kidlaydi. Adabiyotshunos olim Dilmurod Quronov esa, "...ular ijodkor shaxsi (sistema), yaratilgan davr shart-sharoitlari (sistema), milliy va jahon adabiyoti an'analari (sistema) bilan bogʻliq ekani, oʻquvchi (sistema)ning qarashlariga bogʻliq holda turlicha tushunilishi mumkinligi nazarda tutildi. Shulardan kelib chiqib tadqiqotning ilmiy-nazariy tamoyili sistem(-butun) yondashuv boʻlgan deb hisoblayman" (Қуронов Д., 2018, 63.) deya bu yondashuv koʻp yillardan beri oʻzbek tanqidchiligida qoʻllanilishini, hozirda ham tizimli-butun yondashuvning bir necha metod va usullari bilan birgalikda samarali foydalanilayotganini ta'kidlaydi.

Demak, badiiy asar tahliliga yaxlit-integral yondashish matnni, uning ma'no va

mazmunini chuqurroq tushunishga, shuningdek, asarning yashirin tomonlari va chuqur qatlamlarini ochib berishga, nafaqat asarlarning mazmunini, balki ular yaratilgan va talqin qilinadigan kontekstni ham hisobga olib, turli dunyoqarashlar, madaniy qadriyatlar va psixologik nuqtayi nazarlar asarning yaratilishi va qabul qilinishiga qanday ta'sir qilishini oʻrganadi. Quyida esa shu mezonlar asosida Rey Bredberining "Mars yilnomalari" va Isajon Sultonning "Boqiy darbadar" asarlarining qiyosiy tipologiyasi yaxlit yondashuvli badiiy tahlil asosida koʻrib chiqiladi. Dastlab, asarlarning genezisi haqida toʻxtaladigan boʻlsak, "Mars yilnomalari" asari 1950-yilda Amerikada nashrdan chiqadi. Roman odamlarning Marsni mustamlaka qilishi va yerliklar va marsliklar oʻrtasidagi oʻzaro munosabatlar haqida hikoya qiluvchi bir-biriga bogʻlangan hikoyalar zanjiridan tuzilgan. Romanda yolgʻizlik, sogʻinch va insoniyatning buzgʻunchi tabiati mavzulari yoritilgan.

"Mars yilnomalari" -Rey Bredberining ilmiy-fantastik romani. Romanning yuzaga kelish asosini adibning 1940-yillarning oxirida turli ilmiy-fantastik jurnallarda chop etilgan ilk qisqa hikoyalarida koʻrish mumkin. Kitobda II jahon urushidan soʻng darhol Amerika jamiyati texnologik jihatdan rivojlangan kelajakka olib boriladi, insoniyatning yaratish va yoʻq qilish qobiliyatining ortishi moʻjizaviy va halokatli oqibatlarga olib kelishi badiiy ifoda qilingan. Aslida bu asar alohida hikoyalar toʻplami sifatida chop etilishi kerak boʻladi, ammo vozuvchining noshiri asarni butun roman sifatida achop etishni taklif etadi. Bu kitob Mars haqidagi hikovalarning syujetlar zanjiri edi. Bredberi "Mars yilnomalari" asarida roman qahramonlarining Marsni tadqiq qilishlari bilan Gʻarbga mustamlakachilarning kelishi oʻrtasida oʻzaro parallellik tasvirlangan. Romanda insoniyatning xato va kamchiliklari ramzlar orgali koʻrsatiladi. Bredberi Marsni odamlarning mustamlaka qilish gʻoyasidan va bunday qadamning mumkin boʻlgan oqibatlaridan ilhomlangan. U kolonizatsiya, madaniyat toʻqnashuvi va texnologiyaning jamiyatga ta'siri mavzularini oʻrganib, Mars haqida hikoyalar yozishni boshladi. Asar yozilgan vaqtda dunyoga allaqachon Mars sayyorasi, uning tabiiyiqlimiy atmosferasi, qobigʻi haqida ilmiy-nazariy ma'lumotlar ayon edi, lekin yozuvchi sayyorani boshqacharoq inson yashay oladigan havo va iqlimga ega, tuprogʻida bir kechada urugʻlar unib chiqib, daraxt boʻla oladigan, hosil bera oladigan qilib tasvirlaydiki, bu ham moʻjizaziy-falsafiy ma'nolarni yashirib yotadi. Ya'ni insoniyat bir kuni Marsni tadqiq qilib, unda yashash uchun yaroqlilik topilsa, xuddi Amerika yoki Avstraliya hududlaridagidek yana mahalliy aholini qirgʻin qilib, mustamlaka va yerdagi qonun-qoidalarni tatbiq qilish kabi insoniyatning azaliy nuqsonlarini takrorlamasliklarini istashini bashorat qilganday boʻladi.

"Mars yilnomalari" romanining tarixiy kontekstini "Atom davri" deb atash mumkin. Bu atama dunyodagi birinchi yadroviy bomba boʻlgan Trinity portlashi bilan boshlangan tarix davrini va Amerika Qoʻshma Shtatlari keyinchalik Yaponiyaning Xirosima va Nagasaki shaharlariga tashlangan bombalar prototipini bildiradi. Romanning yaqin oʻtmishida atom urushi, yadro apokalipsisi barcha voqealar ustidan tahdid soladi va yer sharini vayronalarga aylantirgan halokatli atom portlashi bilan yakunlanadi. Shu ma'noda, Bredberi atom asrini belgilab bergan mashhur yadro urushi qoʻrquvi va oʻquvchining roman muammolari haqiqatan ham juda dolzarb ekanligi haqidagi tuygʻusini oshirish uchun qoʻllaydi.

Oʻzbekistonda xizmat koʻrsatgan ma'daniyat xodimi (2014), Oʻzbekiston Xalq yozuvchisi (2021) Isajon Sulton asarlarida esa turkiy xalqning qadim tarixi, madaniy merosi, oʻzbek elining umummiliy an'ananlari aks etgan. Uning asarlarida har bir xalqning oʻzigagina

tegishli boʻlgan sodda, shirali, sof oʻzbekona hikoyanavislik mahorati boʻy koʻrsatib turibdi. Ayniqsa yozuvchi asarlaridagi tabiat tasviri alohida oʻrin tutadi. Oʻlkamizning viqorli togʻlari, qorli choʻqqilari, qumlari oltinday yarqiraydigan choʻllari, zangori suvli daryolari-yu, gullagan azim daraxtlari, bogʻ-rogʻlarining betakror tasvirini oʻqib, goʻyo Fargʻona vodiysining yamyashil adirlarida yurganday his uygʻonadi kishida.

Isajon Sultonning asarlari keyingi yillarda ingliz, nemis, turk, rus tillariga oʻgirildi. Xususan, "Boqiy darbadar" asari ingliz tilida amerikalik tarjimon Kristafor Fort tomonidan 2019-yilda AQShda chop etilgan.

Isajon Sultonning "Boqiy darbadar" asari Bredberining kitobidan qariyb yarim asrdan koʻproq vaqt oʻtib yozilgan boʻlishiga qaramay, asarni yozish uchun yozuvchi qaryib yigirma yilga yaqin mulohaza qiladi, xayolot olamida voqelikni pishitadi. Taniqli oʻzbek yozuvchisi va adabiyotshunosi Ulugʻbek Hamdam Isajon Sulton haqida shunday yozgandi: "...Uning ijod yoʻli anchagina oʻziga xos. Yozuvchi 90-yillarning boshlarida moʻjazgina kitobchasi – "Oydinbuloq" bilan koʻzga tashlanib, adabiy davralarni oʻziga bir qaratib olgach, hayot deb atalgan tubsiz va cheksiz teranliklarga shoʻngʻib ketgan boʻyi, 2010-yilda qator hikoyalar va romanlar bilan u ummondan bosh koʻtargan ijodkordir". (Hamdam U, internet manba)

Adabiyotshunoslar faqat Isajon Sulton emas, balki oʻtgan asrning 70-80 yillarida adabiyotga kirib kelgan koʻpgina oʻzbek ijodkorlarining yangi asarlari mustaqillik davriga kelib "koʻrinmay qolgani"ni qayd etishadi. Yozuvchining oʻzi koʻplar ijoddan uzoqlashgan yillar haqida shunday degandi: "Toʻqsoninchi yillarda toʻsatdan hamma narsa oʻzgara boshladi. Maqsadlar, moʻljallar oʻzgarib ketdi. Juda katta kishilar izdihomi qarshisida birdaniga kun kechirish va oilani saqlab qolish zarurati paydo boʻldi. Men oʻsha mahallarning ruhsiz-nursiz kunlarini yaxshi eslayman. Birdaniga badiiyat ham chetga surilib ketganday, hech kimga keragi yoʻqday tuyula boshladi. U mahallar tinimsiz ishlar, yangi dunyoning yangi qoidalariga moslashish juda qiyin kechmoqda edi. Kunlar oʻtar, ishlab topilgan daromad kiyim-kechakka, oziq-ovqatga, goho shaharning qaysidir soʻlimroq burchida orom olishga sarflansa-da, shu hayot ichida yetishmayotgan yana nimalardir qalbni gʻussaga choʻmdirardi..." (Sulton I. internet manba)

Isajon Sulton oʻz interyularidan birida oʻsha vaqtlar haqida "Kunlardan bir kun chuqur oʻyga tolib, bu ishlab topayotgan pullarim baxt-u saodat bermas ekan toʻxtamga kelib, men oʻzimni huddi darbadardek his qila boshladim. Faqat darbadarlik koʻcha-koʻyga betinim sangʻishgina emas, shunaqa turi ham bor ekan. Masalan, sizdan umringizni 5 yilini mashinaga almasharmidingiz deb soʻrashsa berarmidingiz yoki hatto 1 yilini berarmidingiz desa, bermaysiz-ku. Yoki yoshlar berarmikan bir kuni yoki 1 daqiqasini berasizmi? Yoʻq berolmaysiz. Bir daqiqasinigina beramanku deb oʻylasangiz, qayerdan bilasiz balki umringizning baxt saodati aynan oʻsha bir daqiqadadir. Shuni oʻylab, balki uni ham bermaysiz" (Sulton I.) Oʻsha topgan pullar bilan oilasini, ukalarini oyoqqa qoʻyganini, Toshkentdan uy olganini, uy olish uchun taxminan 3 yil umri ketganini aytadi. 3 yil umrini alishganini teskari paradoks boʻlmadimikan deb oʻylay boshaydi va oʻzini darbadardek seza boshlaydi. Chunki har qanday ziyoli va iymonli inson hayotga nima uchun kelganini, maqsad va orzularini, kamolotini oʻylab, taffakkur qilib yashaydi. Qorin gʻami va dunyoning hoyu-havaslariga bogʻlanib oʻtib ketayotgan umr atalmish xazinasiga achinadi va afsuslanadi. Vaholanki, chinakam iste'dod egasi chinakam ijodkor har qanday vaziyatda ham – baxtli damlarda ham, ogʻir damlarda

ham qoʻliga qalam olishga, yangi ijod namunalari yarata olishiga, shunday ijodkorlar tufayli adabiyot atalmish olam rivoj topayotganini aytish mumkin. Isajon Sulton bu haqiqatni isbotlagan sanoqli adiblardan biri deya olamiz. Umuman bu asarga "Darbadar yahudiy" degan sayyor afsona turtki boʻlgani, darbadarlik metaforik usulida, arxetip boʻlib qoʻllanganini, asar davomida uchragan voqealar asnosida anglashiladi. Kitob nomida "Darbadarlikning ham turli-tuman shakllari bor, mangulikning ham turli shakl-shamoyili bor. Bir darbadar la'natga uchrab, mangu yurgan boʻlsa, ikkinchisi esa, masalan Hazrati Hizr, rahmat ichida mangu yuribdi" degan falsafiy qarash yotadi. Shularni hisobga oladigan boʻlsak, asarning nomi ham oʻquvchini fikrlashga undaydi, savollar girdobiga tashlaydi.

Isajon Sulton "Boqiy darbadar" romani haqida gapirarkan:"...Bor-yoʻgʻi sakson sahifalik kichkinagina shu roman juda uzoq yozildi, men uni taxminan 1998-yilda boshlagan edim. Muqaddas manzillarini, maqsadlarini yoʻqotib qoʻyib, dunyoda tentirab yurgan odamlar dunyoda koʻpday tuyular, lekin ifoda uchun shakl topolmas edim. Qiziq-da, bir etikdoʻz Iso alayhissalomga qoʻl koʻtardi-yu, abadiy yashash degan tavqi la'natga duchor boʻldi. Barhayotlik ham musibat boʻlishi mumkinligi haqida sira oʻylab koʻrmagan ekanman, vaholanki, sonsiz-sanoqsiz insonlar dunyoda mangu qolish ishtiyoqida yelib-yugurmoqdalar", degan edi. Yuqorida berilgan faktlar va fikrlarga tayangan holda har ikki asarning yaratilishiga oʻsha davrdagi shart-sharoitlar, ijtimoiy-iqtisodiy jarayonlar va yozuvchilarning falsafiy qarashlari va qalb oʻy-fikrlari turtki boʻlgan, deb ayta olamiz.

Haim jihatdan moʻjazgina "Boqiy darbadar" asarida voqeliklar tizimli tasvirlanmagan. Bir-biriga bogʻlanmagandek koʻringan voqealar rivoji, hikoyatlar ketma-ketligi ham kitobxonni shoshiradi. Isajon Sulton asarni roman deb belgilagan, zamonaviy adabiyotshunoslikda asarni modernizm yoki postmodernistik yoʻnalishga kiritish biroz mushkulday koʻrinadi. Asarda modernizmga xos belgilar zamon tushunchasi, ya'ni o'tmish, kelajak va hozirning hikoyada ma'no muhimligi, hamma narsani biluvchi nuqtayi nazardan uzoglashib, turli nuqtayi nazarlar va koʻplab rivoyatlardan foydalanishni targʻib qiluvchi shaxs ongiga qaratilganligi, ong oqimi badiiy usulidan foydalanganligi, 'metahikoya" badiiy metodi qo'llanilganligi, simbolizm, ya'ni razm va timsollardan keng foydalanib, mant ostidagi ma'noga (intertekstuallik) urg'u berilganligida, modernist mualliflarga xos jamiyatning pessimistik manzarasini tasvirlaganida koʻrinadi. Asarning postmodernistikligi esa uni janr jihatdan sehrli realizm yoki ijtimoiy fantastika sifatida olish kerakligida yoki postmodern asarlardagi tartib, ketma-ketlik va birlik g'oyalarining buzilganligida ko'rinadi. (Tawfik Y., 2017, 35). Fikrimizcha esa, asar ko'proq modernistik ruhda yozilgan, bunga asos sifatida yozuvchi oʻzini qiynayotgan muommo va ichki ziddiyatlarini, nafaqat "izm"larning badiiy unsurlari bilan, balki milliy-madaniy elementlar bilan Professor Ziyoning oʻgʻlining maktubi tasvirida koʻrinadi. Adabiyotshunos D. Quronov bu haqida shunday yozadi: "Boqiy darbadar"da an'anaviy eposga xos voqeaband syujet oʻrnida sirtdan bir-biriga bogʻlanmay, turli makon va zamonda, goh reallik, gohi xayolotda kechuvchi voqealar tasvirlangan, markazida risoladagidek qahramon turmagan boʻlsa-da, ularni bir narsa – hayotning ma'nisi-yu bashariyat taqdiri haqida o'yga tolgan muallif shaxsi birlashtiradi, yaxlit butunlikka – romanga aylantiradi..." (Қуронов Д., 2010, 15.) Dilmurod Quronovning mazkur ta'rifidan so'ng aytish mumkinki, romanga postmodernizm yo'nalishi ta'sir o'tkazgan. Zero, olamni uzuq-yuluq turli fragmentlar bilan tasvirlashga urinish postmodernizmning asosiy qonuniyati hisoblandi. Yozuvchining yutugʻi Sharq va Gʻarbning badiiy usullarini oʻz uslubida birlashtira olganida koʻrinadi. Ya'ni muallif koʻr-koʻrona taqlid qilmaydi, balki Ovroʻpa shakl-shamoyilidan Sharqona tafakkur bilan mazmun-mohiyat yarata oladi. Gʻarb postmodernizmi hayotni bema'ni va unda hamma narsa absurdizmga asoslangan desa, Isajon Sulton asari qahramonlari oʻz taqdirlariga bitilgan bitikdan ma'no izlab, hayot haqiqatini izlab charchashmaydi.

"Mars yilnomalari" romani esa birinchi navbatda ilmiy fantastika romani sifatida tasniflanadi. U kosmik tadqiqotlar, mustamlakachilik, texnologiya va insoniyat kelajagi bilan bogʻliq mavzularni oʻrganayotganda ilmiy fantastika, distopik-antiutopik fantastika va kosmik tadqiqot elementlarini birlashtiradi. Roman fantaziya va allegoriya unsurlarini ham oʻz ichiga olgan boʻlib, uni an'anaviy janr chegaralaridan oshib ketgan boy va serqirra asarga aylantiradi. Bu asarda ham hikoyalar oʻzaro mustaqil mavzularni olib chiqadi va bir-biriga bogʻlanmagan hikoyalar umumiy syujet orqali tasvirlanadiki, bu har ikki asardagi majoziylik va janriy oʻxshashliklar kabi tavsiflanadi.

vilnomalari" "Mars romani uchinchi shaxs tomonidan hikoya qilinadi. Adabiyotshunoslikda badiiy asar hikoyachi voqeani oʻz e'tiqodi va tajribalari asosida muayyan nuqtayi nazar bilan aytib beruvchi shaxsdir. Masofaviy uchinchi shaxs hikoyachisi hamma narsani biluvchi, barcha personajlar ongini oʻqiy oladigan yoki cheklangan, faqat ayrim personajlarning fikr va his-tuygʻularini tasvirlaydigan hikoyachi boʻlishi mumkin. Isajon Sulton esa "Boqiy darbadar" asarida ong oqimi usulidan foydalanadiki, asarning qaysidir joylari bu uchinchi shaxs hikoyachisi boʻlsa, qaysidir joylarida hikoya birinchi shaxs tomonidan hikoya qilinadi. Buning asosiy sababi asarda bosh qahramonning, ya'ni aniq bir protagonistning yoʻqligida namoyon boʻladi. Aslida ham shundaymikin oʻzi? Romanga soʻngsoʻz yozgan adabiy tanqidchi Rahimjon Rahmat "Bir qarashda asarda qahramon yoʻqday koʻrinadi. Jam ichidagi har bir voqeaning oʻz qahramoni bor. Bu jamlangan voqealar uchun umumiy qahramon kim? Yana ham aniqroq aytsak, asar deb atalgan bu ruhiy portlash kimning qalbidan chiqmoqda?" (Rahmat R., 2017, 102.) Koʻplab adabiyotchilar asar bosh qahramoni darbadar, Muborak kishi tomonidan la'natlangan etikdozdir, u turli zamonlarda, har xil koʻrinishlarda, turli elatlarda paydo boʻlmoqda, deb aytishsa, ayrimlar asar qahramoni Gobi sahrosidagi geni oʻzgartirilgan oʻsha klon odamni yaratgan, sahro bagʻrida besh yil afsonaviy Haybar shahrini izlagan, oʻglining maktubini oʻqib iymon uchqunlari bir porlab oʻtgan professor Ziyo deb talqin qilishadi. Bizning nazarimizda, har safar syujetda paydo boʻlganida bir ma'no mazmun olib keluvchi, o'quvchiga "Men kimman? Otim nima?" deb savol beruvchi, besamar va bema'no daydib yurguvchi darbardarlarni asarning bosh qahramoni sifatida olish mumkin. Chunki voqeabandlik aynan uzoq umr koʻrishni istovchi, yaratguvchisini unutgan yaratiqlar, samum odami, loʻlilar karvonboshisi, umrboqiy chol kabi mangu darbadarlikka mubtalolar atrofida aylanadi. "Bir yerda muqim hayot kechirish bilan tinimsiz darbadarlik oʻrtasida qanchalar farq bor? - dedi mehmon. - Buni menga Hazrat aytgan edi. "Senku avomning koʻzida zohiran bir duo tufayli shunday qismatga mahkum etilasan. Ammo umring mobaynida oʻz hayoti davomida ilohiy mujdani rad etib, darbadarlikni boʻyinlariga olgan sanoqsiz kishilar olomonini koʻrasan. Ularning hayoti senikidan zarracha ham oʻzga boʻlmaydi, biroq sendan farq qilib, ogʻir va azobli oʻlim topishadi. Lekin tarixda sening noming qoladi, boshqalar esa aynan shu qismat bilan yashashsa-da, yer yuzidan benomu nishon supurilib ketishadi", – degan edi." (Sulton I., 2010, 9.) Berilgan parchadan darbardarlik tavqi

lan'atini bo'yniga ilgan o'sha etikdozgagina emas, balki buni o'zlari xohlab tilab olayotgan boshqalarga ham tegishli. Bu balki dunyo mol-dunyosiga mukkasidan ketganlardan biridir. Yozuvchi qahramonlarining falsafasi, o'y-fikrlari ichki ziddiyatilari bilan darbadarlik degani Yaratgan ko'rsatib qo'ygan yo'ldan ozish, uning azaliy qonunlarini buzishga urinish, deb tushunsak roman mazmunini toʻgʻri anglab yetishimiz uchun turtki boʻladi. Bredberining "Mars yilnomalari" asarida ham aniq bir bosh qahramon mavjud emas. Faqat qahramonlarni yerliklar va marsliklarga boʻlish, ular ham aslida metaforik timsollar ekanligini ta'kidlab oʻtish joiz. Rey Bredberining "Mars yilnomalari" asari qahramonlarida bir qancha arxetiplar va timsollar mavjud boʻlib, ulardan: a) sayohatchi yoki darbadarlar - romanning koʻplab qahramonlari Marsning noma'lum manzarasini o'rganayotgan kezuvchilar bo'lib, bu arxetip insonning izlanish va kashfiyotga boʻlgan istagini ifodalaydi; b) kashfiyotchilar Kapitan Uaylder va Benjamin Driskoll kabi qahramonlar sarguzasht ruhini va yangi chegaralarni kashf qilish, yangilikni ifodalovchi kashshof insonlar arxetipini mujassamlashtiradi; c) begona-notanishlik – Yerni orzu qilgan marslik ayol Illa va yolgʻiz oltin izlovchi Valter Gripp kabi personajlar atrof-muhitdan ajratilgan begonalik arxetipini ifodalaydi; e) vayronkor – o'z harakatlari bilan beixtiyor Marsga halokat olib keladigan kapitan ya uning ekipaji kabi personajlar insoniyatning halokatli tabiati ya uning boshqa olamlarga ta'sirini anglatadi. Ushbu arxetiplar va simvolizmlar "Mars yilnomalari" qahramonlari xarakterini yoritishda teranlik va mazmun bagʻishlaydi. Tadqiqot, mustamlaka, izolyatsiya va vayronagarchilik kabi yondosh mavzular asar mohiyatini ifodalashda bosh mavzu atrofiga birlashtirilgan.

Asarlarning konseptual darajasi haqida gap ketganda, Isajon Sultonning "Boqiy darbadar" romanida yozuvchi olamning yaxlit modelini turli diniy rivoyatlar, tarixiy ma'lumotlar, zamonaviy ilmiy qarashlar, texnologik yutuqlar, jahon falsafasiga doir yoʻnalishlar va qarashlarning oʻzaro kesishgan nuqtasida yaratishga urinadi. Ya'ni yozuvchining (yana ham aniqrogʻi — muallif ijodiy tafakkuri) hozirgacha koʻrgan umri davomida shunchalik koʻp savol, ziddiyat, hikmat, ibrat, fikr, oʻy-mulohaza, ishtiboh, gumon, taxmin, qoʻrquv, vahima va yana boshqa insoniyat aqli, onggi, tuygʻusi, hissiyotiga doir jumboqlarga yechim izlaydi. Bu asarda bilimning buzgʻunchi kuchi, insonning Yaratguvchisiga qilayotgan noshukurligiyu isyoni gʻoyalari shunday bir goʻzal konstruksiya bilan ochib beriladiki, bir rivoyatni oʻqib, qaytib oldingisini oʻqish, magʻzini chaqishga ehtiyoj seziladi. Asarda inson va tabiat oʻrtasidagi muvozanat, uning koʻrinmas, lekin aniq chegarasi, insonning umri davomidagi vazifasi ya'ni oʻz umrining hikmatini topishi kabi falsafiy-majoziy mavzulari oʻrin oladi.

"Mars yilnomalari"da – mustamlakachilik va imperializm, Marsning insonlar tomonidan mustamlaka qilish oqibatlari va bu ayanchli holatning Mars aholisi va yerliklarning oʻziga qanday ta'sir qilishi, texnologiya va taraqqiyotning insoniyat jamiyatini shakllantirishdagi rolini va uning sivilizatsiyani rivojlantirish va halokatga olib borishi mumkinligi, roman qahramonlarining Marsdagi notanish muhitda omon qolishga va moslashishga harakat, yolgʻizlik va izolyatsiya, romandagi koʻplab qahramonlar boshqalardan jismoniy masofa yoki hissiy ajralish tufayli yolgʻizlik va izolatsiyalashganlik tuygʻularini boshdan kechirishlari, inson tabiatining murakkab tomonlarini, jumladan, ochkoʻzlik, shuhratparastlik, rahm-shafqat va chidamlilik, ekologiya atrof-muhitning buzilishi, tabiiy resurslarni saqlashning ahamiyati va inson faoliyatining ekotizimlarga ta'siri kabi mavzularga toʻxtalib oʻtadi.

Shuningdek, yozuvchilar asarlarida boshqa bir qancha kitoblarga ishoralar va klassik

adabiyot namunalaridan murojaatlar ham berishgan boʻlib, ular ham asardagi yozuvchi gʻoyasini yoritishda adabiy-estetik vazifalarni bajarishgan. Chunonchi, "Boqiy darbadar"da, Alisher Navoiyning "Lison ut-tayr" dostonining xotimasi ayni bosh qahramon Ziyo oʻz aybini yoyinki, qilgan ishining qanchalar dahshatli ekanini tushunib yetgan chogʻida berilishi, yoki Mashrab ijodidan majnunday kezguvchi banda uni istovchilar sahrodan izlashi haqidagi baytlari ayni asarning mazmuni, undagi tagma'nosini ifodalash, muallif pozitsiyasini ochish uchun oqilona foydalanilgan.

"Mars yilnomalari"da ham Rey Bredberi bir nechta adabiy asarlar va mualliflarga murojaat qiladi. Ular orasida Edgar Allan Po alohida ajralib turadi, butun roman davomida Po uslubiga izdoshlik seziladi, masalan, Poning mashhur "Usher uyining qulashi" hikoyasiga ishora boʻlgan "Usher II" hikoyasida aniq va shafqatsizlarda oʻch olayotgan yerlik adabiyot muxlisining tasviri ham aslida yerdagi adabiyot, kitob va san'atga boʻlgan buqalamuncha munosabatga adibning keskin satiric yondashuvi koʻrinadi. Bundan tashqari, Bredberi Marsdagi mustamlakachilar insoniyat jamiyatining bema'nilik va ahmoqligini aks ettiruvchi sivilizatsiyaga duch kelgan "Koʻchmanchilar" hikoyasida Sviftning "Gulliverning sayohatlari" satirik asariga ishora qiladi.

Shuningdek, Rey Bredberi goʻzallik, hayrat va sogʻinch tuygʻularini uygʻotish uchun Bayronning "She Walks in Beauty" (Bradbury R., 2014, 57.) she'rini keltiradi va bu orqali muallif hikoyaga oyning poetik va ta'sirchan fazilatlarini, uning inson madaniyati va tasavvuridagi ahamiyatini bera oldi.

Yuqoridagi asarlar tahlilidan koʻrinib turibdiki, har ikkala adiblarning asarida ham davr va ijtimoiy-siyosiy hayotning ta'siri va tasviri, syujet voqeabandligi, qahramonlarning ichki ziddiyatlari, majoziylik kabi mushtarak tomonlari boʻlishi bilan birga, milliy-madaniy qadriyatlar, yozuvchilar uslubining orginalligi kabi oʻzi xosliklar ayonlashadi.

XULOSA

Rey Bredberining "Mars yilnomalari" va Isaion Sultonning "Boqiy darbadar" asarlarining ikkalasida ham insonning murakkab olamini oʻrganish, tatbiq qilish, insoniyatning noma'lum yaratiqlar bilan munosabati, odamzot umrini uzaytirish va xavf-xatarsiz hayotda yashashi uchun kurashi va bu yoʻldagi ehtiyojlarining cheksizlikka giriftorligi tufayli xatolarga, fojealarga dush kelishi mumkinligi, texnologiyaning jamiyatga ta'siri kabi dolzarb mavzularni majoz negizida koʻrsatib berishga intilgan asarlardir. Bunda romanlardagi futuristik muhit tasviri va ilmiy-fantastik elementlarni, jumladan, kosmik sayohat va bogiy yashovchi inson genetikasini yaratish kabi tadqiqotlar, mualliflarning inson tabiati, jamiyat va texnologik taraqqiyot oqibatlari haqidagi chuqur mulohazalari, ikkala asarda ham insoniyatning oʻzlari yaratayotgan olamlarning oqibatlari haqida oʻylashga majbur qiladigan oʻxshashliklar mavjud. Shuningdek, "Mars yilnomalari" insonning Marsni mustamlaka qilishi, odamlar va marsliklar oʻrtasidagi oʻzaro munosabatlarga qaratilgan boʻlsa, "Boqiy darbadar"da insoniyatning olam qonuniyatlariga qarshi chiqib, tanazzulga duchor boʻlishi badiiy ifodalanadi. "Mars yilnomalari"dagi Rey Bredberining yozish uslubi lirik va yorqin tasvir, inson tuygʻulari va munosabatlariga qaratilganligi bilan ajralib tursa, Isajon Sultonning "Boqiy darbadar"idagi yozish uslubida koʻproq majoziy va sharqona donishmandlikka yoʻgʻrilganlik kuzatiladi. "Mars yilnomalari" romanida koʻpincha qoʻmsash, yoʻqotish va sogʻinch mavzularining ohangi sezilsa, "Boqiy darbadar"da oʻzlik, xotira va voqelik realligi

kabilar tasvirini yozuvchilarning badiiy induvidualligi sifatida koʻrish mumkin. Xulosa qilib aytadigan boʻlsak, "Mars yilnomalari" va "Boqiy darbadar" ilmiy-fantastik mavzularni va chuqur insoniy muammolarni oʻrganishda oʻxshashliklarga ega boʻlsa-da, yozish uslubi, mavzular koʻlami, ohang va hikoya qilishda farqlilik mavjud.

FOYDALANILGAN ADABIYOTLAR RO'YXATI

- 1. Bredbery R. Martian chronicles. London. Harper Collins Publishers, 2014. 188 p.
- 2. Don B., Christopher C. Spiral Dynamics: Mastering Values, Leadership, and Change. Wiley-Blackwell, New Jersey, USA. 2005. 352 p.
- 3. Hamdam, Ulugʻbek. internet manba https://www.bbc.com/uzbek/lotin/2012/11/121101_latin isajon sulton
- 4. Qozoqboy Yoʻldosh, Muhayyo Yoʻldosh. Badiiy tahlil asoslari. Toshkent: 2016. 302 b.
- Rahmat Rahimjon. "Munojot"dan "Boqiy Darbadar"gacha. // Етуклик жозибаси. Тошкент: Turon zamin ziyo, 2017. – 384 b.
- 6. Sean Esbjörn-Hargens, Michael E. Zimmerman "Integral Ecology: Uniting Multiple Perspectives on the Natural World", –Integral Publishing, Published: 03/2009, 796 p.
- 7. Sulton Isajon. Таниқли ёзувчи Исажон Султон билан ижодий онлайн мулоқот https://www.youtube.com/watch?v=SED0BMnHx k
- 8. Sulton Isajon. Boqiy darbadar. //Sharq yulduzi, 2010. 6-son.
- 9. Wilber Ken. A Theory of Everything. Colorado, USA, Shambhala Publisher, 2001. 208 p.
- 10. Yousef Tawfik. Modernism, Postmodernism, and Metamodernism: A Critique. International Journal of Language and Literature, vol. 5, no. 1, 2017. P. 33-43.
- 11. Андреев А.Н. Методология литературоведения [Электронный ресурс]—Мн.: "Электронная книга БГУ", 2003. http://anubis.bsu.by/publications/elresources/Philology/andreev6.pdf. —
- 12. Қуронов Д. Назарий қайдлар. Тошкент: Akademnashr, 2018. 128 б.
- 13. Иванов В.И. Философские статьи: публицистика. Москва: Берлин: Директ-Медиа, 2017. 164 с.
- 14. Куронов Д. Ўйлашган ундовчи асар. // Шарк юлдузи, 2010, 6-сон.
- 15. Эйхенбаум Б.М. Литература: Теория. Критика. Полемика. Ленинград: Прибой, 1927. 303 с.
- 16. Эко, Умберто. Открытое произведение. //А. Шурбелев, перевод, Санкт-Петербург: Академический проект, 2004. 121 с.

REFERENCES

- 1. Bradbury, Ray. (2014) Martian chronicles, London. HarperCollins Publishers, 188 p.
- 2. Don, Beck (2005) Christopher Cowan Spiral Dynamics: Mastering Values, Leadership, and Change, Wiley, Blackwell, New Jersey, USA. 352 p.
- 3. Hamdam, Ulugbek. internet source https://www.bbc.com/uzbek/latin/2012/11/121101_latin isajon sulton
- 4. Kazaqboy, Yoldosh, Muhayyo Yoldosh. (2016) Fundamentals of artistic analysis Tashkent: 302 p.
- 5. Rahmat, Rahimjon. (2017) From Munojot to Eternal Darbadar. The charm of maturity, Tashkent: Turon zamin ziya. 384 p.
- 6. Sean, Esbjörn, Hargens, Michael E. (2009) Zimmerman Integral Ecology: Uniting Multiple Perspectives on the Natural World, Integral Publishing, Published: 03. 796 p.
- 7. Sultan, Isajon. Creative online communication with famous writer Isajon Sulton https://www.youtube.com/watch?v=SED0BMnHx k
- 8. Sultan, Isajon. (2010) The eternal. Tashkent: Eastern Star. No. 6. P.9.
- 9. Wilber, Ken. (2001) A Theory of Everything Colorado, USA, Shambhala Publisher, 208 p.

- 10. Yousef, Tawfik. (2017) Modernism, Postmodernism, and Metamodernism: A Critique. International Journal of Language and Literature, vol. 5, no. 1, Pp. 33, 43
- 11. Andreev, A.N. (2003) Methodology of literary studies [Elektronnyy resurs]Mn.: BGU. http://anubis.bsu.by/publications/elresources/Philology/andreev6.pdf.
- 12. Kuronov, D. (2018) Theoretical notes. Tashkent: Akademnashr, 128 p. 63 p.
- 13. Ivanov, V.I., (2017) Filosofskie stati: publicistikaMoscow: Berlin: Direkt, Media, 164 p.
- 14. Kuronov, D. (2010) Thoughtful exclamation piece. Tashkent: Eastern Star / No. 6. B.15.
- 15. Eichenbaum, B. M. (1927) Literature: Theory. Criticism. Polemic. Leningrad: Priboy, 303 p.
- 16. Eco, Umberto. (2004) Open work. //A. Shurbelev, translation, St. Petersburg: Academic Project, 121 p.



Uzbekistan State World Languages University

World literature





УЎК (УДК, UDC): 82.01/.09

"ANN VICKERS" ASARIDA SUFRAJIZM VA FEMINIZM GʻOYALARINING BADIIY IFODASI

Axmedova Aziza Komilovna

Filologiya fanlari boʻyicha falsafa doktori Oʻzbekiston davlat jahon tillari universiteti Toshkent, Oʻzbekiston

https://orcid.org/0000-0003-0310-5601

ANNOTATSIYA KALIT SOʻZLAR

Maqolada yigirmanchi asr amerika romanchiligiga salmoqli hissa qoʻshgan yozuvchi Sinkler Lyuisning adabiy merosi tahlilga tortilgan. Xususan, yozuvchining 1933-yilda yaratilgan va yuksak e'tirofga sabab boʻlgan "Ann Vikers" romani haqida qisqacha ma'lumot taqdim etilgan. Mazkur asarlarning bosh qahramoni Enn Vikers hamda u orqali tasvirlangan ijtimoiy muammolar — ayollarning zamonaviy jamiyatdagi oʻrni, oila va kasb muvozanati, gender munosabatlari badiiy yoritilgan. Maqolada ushbu qahramonning badiiy oʻziga xosliklari, Sinklair Lyuis ijodidagi ahamiyati tahlil qilingan. S. Lyuisning feminizm haqidagi qarashlari universalligi, gumanizm goʻyalarining davomi sifatida namoyon boʻlishi bilan abadiyatga daxldor; asarlari esa, yuksak insonparvarlik gʻoyalarini aks ettirishi bilan qadrli ekanligi tahlil qilingan.

badiiy obraz, roman, qahramon, feminizm, gender, nasr.

ХУДОЖЕСТВЕННОЕ ВЫРАЖЕНИЕ ИДЕЙ СУФРАЖИЗМА И ФЕМИНИЗМА В РОМАНЕ «ЭНН ВИКЕРС»

Ахмедова Азиза Камиловна

Доктор философии по филологическим наукам (PhD) Узбекский государственный университет мировых языков Ташкент, Узбекистан

https://orcid.org/0000-0003-0310-5601

АННОТАЦИЯ КЛЮЧЕВЫЕ СЛОВА

В статье анализируется литературное наследие писателя Синклера Льюиса, внесшего значительный вклад в американский роман XX века. В частности, даются краткие сведения о популярном романе Льюиса «Энн Викерс», созданном в 1933 году. Художественно освещены главная героиня этих произведений Энн Викерс и изображенные через нее социальные проблемы - место женщины в современном обществе, баланс семьи и профессии, гендерные отношения. В статье анализируются художественные особенности этого персонажа и его значение в творчестве Синклера Льюиса. Взгляды С. Льюиса на феминизм вечны в силу своей универсальности, как продолжение идей гуманизма; и было проанализировано, что его произведения ценны тем, что отражают высокие гуманитарные идеи.

литературный образ, роман, герой, феминизм, гендер, проза.

E-ISSN: 2181 – 1237

ARTISTIC EXPRESSION OF THE IDEAS OF SUFFRAGISM AND FEMINISM IN THE NOVEL OF "ANN VICKERS"

Akhmedova Aziza Komilovna

Doctor of Philosophy in Philological Sciences (PhD) Uzbekistan State World Languages University Tashkent, Uzbekistan

https://orcid.org/0000-0003-0310-5601

ABSTRACT KEY WORDS

The article analyzes the literary heritage of the writer Sinclair Lewis, who made a significant contribution to the American novel of the twentieth century. In particular, brief information is given about Lewis's popular novel "Ann Vickers", created in 1933. The main character of these works, Ann Vickers, and the social problems depicted through her - the place of women in modern society, the balance of family and profession, gender relations - are artistically illuminated. The article analyzes the artistic features of this character and the significance of it in Sinclair Lewis' ocuvre. S. Lewis's views on feminism are eternal due to their universality, as a continuation of the ideas of humanism; and it has been analyzed that his works are valuable because they reflect high humanitarian ideas.

literary character, novel, hero, feminism, gender, prose.

KIRISH

Sinkler Lyuisning "Enn Vikers" (1933) asari Amerika jamiyatida oʻgir iqtisodiy tanazzul yillarida, Buyuk Depressiya (1929-1933) davrida yaratildi. Yozuvchi biografiyasi haqidagi tanqidiy manbalarda aytilishicha, S. Lyuis uzoq yillar ishchilar sinfiga xayrixoh boʻlib, ular haqida roman yozishga tayyorlanadi. 1911-yilda yosh Lyuisning sotsialistik partiyaga a'zo boʻlganligi, ishchilar harakati rahbarlari Yujin Debs va Tom Munining shaxsiyatiga, ularning dasturlariga katta qiziqish bildirganligi ma'lum. Biroq 1917-yildan keyingi ijtimoiy-siyosiy vaziyat S.Lyuisning qarashlarini jiddiy oʻzgartirdi: asarlarida kommunistlarni radikal sekta sifatida tanqid qilishi, ularning satirik obrazlarini yaratganligi bundan dalolat beradi. Ishchilar haqidagi asar ham, shunday qilib, yozilmay qoldi-yu, lekin yozuvchi aynan "Enn Vikers" asarida ijtimoiy-siyosiy islohotlar, ijtimoiy institutlar faoliyati haqidagi qarashlarini badiiy obrazlar vositasida maksimal darajada ifodaladi. Roman yaralishida, xususan, S.Lyuisning 1912-yil Nyu-Yorkda bo'lgan sufrajistlar paradiga guvoh bo'lganligi (Mark Shorerga ko'ra, Lyuis hatto o'zi ham sufragistlarga yordam berib, flayer tarqatgan), omma oldida ayollarning siyosiy huquqlarini qoʻllab-quvvatlab, nutq soʻzlaganligi zalvorli ahamiyatga ega boʻlgan. Yozuvchining mazkur tajribalari fotografik aniqlikdagi hayotiy tasvirlar, jonli va toʻlaqonli badiiy obrazlar shakllanishiga xizmat qilgan.

ASOSIY QISM

"Enn Vikers" romani qirq yetti boʻlimdan iborat boʻlib, xronikal syujet asosida qurilgan, janr nuqtayi nazaridan, asar "Bildungsroman", ya'ni tarbiya romanidir. Syujet voqealari ekspozitsiya qismida bosh qahramon — Enn Vikersning Uonebeki shaharchasida, Illinois shtatida oʻtkazgan bolalik yillari tasviri bilan boshlanadi. Otasi maktablar inspektori boʻlib, Enn kollejga kirishidan bir yil oldin, onasi esa, qiz oʻn yoshda boʻlganida vafot etadi. Yozuvchi qahramonining bolalik yillarini tasvirlaganda, qizning xarakterini shakllantirgan

hodisa, shaxs va detallarnigina e'tiborga oladi. Masalan, otasining hayotiy tamoyillari qizning kelajakdagi barcha faoliyatiga ta'siri boʻlishi ta'kidlanadi. Shuningdek, asarda bolalik yillari epizodida muhim bir personaj — Oskar Klebs obrazi mavjud. Gollandiyalik etikdoʻz, sotsialist boʻlgan mazkur obraz Enn Vikersda ijtimoiy-siyosiy ong shakllanishiga xizmat qiladi. 1912-yil Port Royal nomli qizlar kollejini tugatgan Enn Kleytbern shahridagi Miss Bogardes (qattiqqoʻlligi uchun atrofdagilar unga "Oybolta" deb laqab qoʻyishgan) boshchiligidagi sufrajistlar harakatiga qoʻshiladi. 1912-yil mamlakat tarixida Nyu-Yorkdagi suffragistlar paradini, Minnesotadagi suffrajistlar mitinglari boʻlganligini hisobga olganda, muallif nega aynan ushbu yilni tanlaganligi ayon boʻladi. Ta'kidlash lozimki, asarning mazkur epizodida suffrajistlarning kunlik faoliyati, mitinglari, ularga jamoatchilikning munosabati oʻtkir satirik boʻyoqlarda aks ettirilgan.

Shtab faoliyatidan, ayniqsa, Miss Bogardesga quldek itoat etishdan toliqqan Enn insonparvarlikni namoyon qilsa boʻladigan boshqa sohani qidiradi hamda "Karles Xuk" nomli jamoatchilik birlashmasida ish boshlaydi. Asarning bu epizodi Amerikaning birinchi jahon urushiga kirgan yillar fonida kechadi. Kapitan Lafayet Reznik ismli yigit bilan ishqiy munosabatlar yigitning harbiy lagerga joʻnatilishi bilan uzilib qoladi.

Xayriya ishlari bilan shugʻullanuvchi badavlat Ardens Beneskoten xonimga kotib boʻlish — Ennga mazkur sohaning kamchiliklarini anglash imkoniyatini beradi. Beskonten xonimning ta'magirlik va izzattalablik bilan qilgan xayriya ishlari misolida burjua jamiyatidagi soxta filantropiya fosh etiladi. Asar syujetidagi muhim burilish Enning penalogiyaga qiziqishi boʻlib, keyingi barcha voqealar qamoqxonalardagi ahvol, Enn tashabbuskorlik qilgan islohotlar va natijalar haqida boʻladi.

Romanning arxitektonikasida ikki gʻoyaviy markaz yaqqol ajralib turadi. Birinchisi, qahramonning sufrajistlar shtabida xizmat qilishi asnosida kechgan epizodlar boʻlib, mazkur lavhalarda mamlakat hayotidagi muhim ijtimoiy evrilish—ayollarning ovoz berish huquqiga ega boʻlish uchun kurashlari tasvirlanadi. Enn va uning hamrohlari Feninngen qal'asida, darvoqe, ular toʻrt kishi boʻlib, yozuvchi ularni Miss Bogardes quldek ekspluatatsiya qilgani uchun "kishanlangan jamoa" ("The Ball and Chain Squad") deb ataydi, nihoyatda kamtarona yashaydilar. Yolgʻiz yoki jamoa bilan har kuni "Buyuk ish" (Lewis S., 1935, 54) uchun harakat qilinadi: "..ayollar klublari, cherkov, badavlat xonadonlar, qashshoq kulbalar,.. xitoyliklarning kir yuvish mavzelari, millioner maklerlar idoralari" — bularning barchasida xayriya yigʻish va imkon qadar koʻproq kishilarni harakatga xayrixoh qilish kerak. "Ayollar huquqlari", "Ayollar vazifalari", "Ayollar imkoniyatlari" kabi mavzulardagina suhbatlashadilar. Erta tongdan va kechki payt yarim tungacha ayollarga siyosiy huquq qanday imkoniyatlar berishi haqida yozib, konvertlar tayyorlanadi, mamlakat boʻylab tarqatiladi. Shaxsiy hayot oyida bir marta teatrga borish bilan cheklanadi, oʻshanda ham islohotlar haqida soʻzlanadi, deya kinoya qiladi muallif.

Amerikada sufrajistlar harakatlari ayollarda siyosiy ong uygʻonayotganligini, ularda tom ma'noda fuqarolik hissi, ijtimoiy-siyosiy daxldorlik tuygʻulari faollashganligini namoyon etadi. Suffrajistlar harakatini jamiyat avvaliga bagʻrikenglik bilan kutib olmaydi. Asarda "Kishanlangan jamoa" a'zolari boshlaridan kechirgan tahqirlashlar, hatto ikki hafta qamoq jazosini olganliklari buni tasqiqlaydi. Enn va uning jamoasi "...ayollarning davlat ishlariga qabul qilinishi hamda ularni bolalar, aqli noqislar va jinoyatchilar bilan teng darajada

tasniflanib, tahqirlashlaridan xalos boʻlishlari uchun ovoz berish zarurligiga" (Lewis S., 1935, 115) ishonishadi. Biroq nafaqat erkaklar, balki ayollar ham ushbu harakat a'zolarini tanqid qilishganligi, sufajistlar ham hukumat tomonidan, ham oddiy xalq tomonidan siquvga olinganligi asarda yorqin satirik boʻyoqlarda aks etgan. Jumladan, romandagi bir epizodda sufrajistlar navbatdagi ma'ruza uchun shifokor Uomser xonimni taklif qilishadi:

"Koʻrinishidan yuvosh tuyulgan kichik jussali Doktor Uomser boshchiligida sahnaga yoʻnalgan Enni xaloyiq kinoyali qarsaklar dovuli bilan, taqillatib yer tepib," Yashasin Oybolta! Yashasin shifokor xonimcha! Yubkalar ovoz bersin!, deya baqirib kutib oldi" (Lewis S., 1935, 60).

Xaloyiq ma'ruza hali boshlanmasdanoq sufftajistlar guruhini kalaka qilib, "Yubkalar ovoz bersin" deya ayyuhannos soladi. Ushbu gapdagi nuqtadonlik bilan qoʻllanilgan sinekdoxa—ayollarning yubkaga tenglashtirilishi, birinchidan, jamiyatdagi gender munosabatlarini oshkor qilsa, ikkinchidan, sufrajizm harakatiga ommaning noroziligini, salbiy qarashlarni ifoda etadi.

Asar syujetida Bogardes xonim, Maggi Oʻmara, Malvina Uomser, Emily Allen Oket kabi qahramonlar sufrajist ayollarning muhim xususiyatlari haqida tasavvur beradi. Qahramonlarning, garchi ular bir harakatga mansub boʻlsa-da, bir-biridan tubdan farq qilishi, xususan, Uomser xonim va Emily Oket xonimning surati va siyrati juda farqli boʻlib, bu shundan dalolat beradiki, sufrajistlar harakatning mohiyatini shaxsiyatdan kelib chiqib, turlicha tushungan va talqin qilgan. Misol uchun, shuhratparast Emily Oket xonim va xalqchil Uomser xonim butunlay tafovutli obrazlar. Garchi sufragistlar tasvirida yozuvchi quyuq satirik boʻyoqlardan foydalansa-da, Bogardes xonimni S. Lyuis Enn obrazi orqali quyidagicha e'tirof etadi: "…eng jasur; eng vijdonli, eng mehribon, dunyodagi eng dardli ayol" (Lewis S., 1935, 50).

Tefforddagi miting sahnasi shuni koʻrsatadiki hukumat suffragistlarni kuchli xavf sifatida qabul qilgan. Sufrajistlarga Tefford meri tomonidan miting qilishga ruxsat berilmagandan soʻng, Enn va uning safdoshlari shahardan chetda, dashtlikda oddiy mehnatkashlarga—dehqonlar, oqsochlar, mardikorlarga, nutq soʻzlayotgan paytda dubinka bilan qurollangan bir guruh politsiyachilar kelib, besh yuzdan ortiq ommani tiz choʻktirib, ayamay savalaydi:

"...Orqaga yuzlangan Enn yoriq boshlardan oqqan qonlarning koʻzlarni koʻr qilayotganligini koʻrdi, loyda yuztuban yotganlarni, koʻzda yosh, qaltiroq qoʻllar bilan silkinib turganlarni koʻrdi. Oʻsha lahzada u shunchaki feminist emas, gumanist deb nomlangan siyqasi chiqqan soʻzning chin tarafdoriga aylandi" (Lewis S., 1935.,66.).

"Enn Vikers" romanida Sinkler Lyuisning feminizmga, xususan, sufrajizmga boʻlgan munosabati asosan Enn Vikers obrazi, uning taqdir yoʻli, fikr va munosabatlari orqali namoyon boʻladi. Bir tomondan Enn jamlanma obraz boʻlib unda oʻsha davrdagi faol va zamonaviy, ilgʻor fikrlaydigan ayollarning sifatlari mujassam. Ma'lumki, 1920-yillar "Jazz Asri" ("Jazz Age"), "Bong uruvchi yigirmanchi yillar" ("Roaring Twenties") deb nomlanib, aholining farovon turmushi ayollar uchun maishiy hayotda ham, madaniy hayotda ham qator erkinliklarni taqdim etdi. Viktoriyancha stereotiplar oʻrniga yangi, ilgʻor kapitatistik Amerika jamiyatining oʻziga xos boʻlgan kiyinish uslublari, ijtimoiy tutumlar va hayot tarzi shiddat bilan shakllandi. Erkinlik ramzi boʻlgan, viktoriyancha qadriyatlarga ters boradigan ayollar qatlami— Flepper ("flapper") deb atalgan. Enn Vikers obrazida ham flepperlarga xos aksariyat xususiyatlar yaqqol namoyon boʻladi. Jumladan, u erkin kasb tanlaydi va oʻz sohasining

peshqadam vakiliga aylanadi, rahbarlik lavozimida ishlaydi, farzandli boʻlganda ham rahbarligini davom ettirib, gazetalar uchun ijtimoiy mavzularda maqola tayyorlashda davom etadi. Shuningdek, Enning xatti-harakatlaridagi erkinlik, chekish epozodlari ham kitobxon koʻz oʻngida flepper ayolni gavdalantiradi. Biroq Sinkler Lyuis zamondoshi Skott Fitsjeralddan farqli ravishda flepperlarning tashqi koʻrinishiga, madaniy hayotiga urgʻu bermaydi. Enn obrazidagi flepperlik asosan, erkin firklashida, kasbiy hayotida yorqin ifodalangan. Birinchi planda Enndagi feminizm, sufragizm (Asar matnida feminizm soʻzi jami olti marta, sufrajizm esa qirq olti marta qoʻllanilgan) va asarning ikkinchi qismida Enn obrazi misolida gumanizm e'tiborda boʻladi.

Demak, Enn Vikers obrazi jamlanma obraz boʻlib, oʻsha davrdagi "yangi ayol" ("new woman") toifasini aks ettiradi. Boshqa tomondan, Enn obrazi uchun prototip bo'lgan tarixiy shaxslar siyrati aniq sezilib turadi. Tandiqchilar Enn Vikers obrazini S. Lyuisning rafiqasi Doroti Tompson (1893–1961) nomi bilan bogʻlaydilar. "Doroti Tompsonga bagʻishlangan, uning bilimi va yordami menga Enn haqida yozishga yordam berdi", deya e'tirof etadi yozuvchi roman muqaddimasida. Tomson xonim shaxsiyati va Enn Vikers obrazi oʻrtasida, darhaqiqat, oʻxshashliklar anchagina: har ikkalasi ham zamona ayollarining eng ilgʻori, dovyurak, stereotiplarni parchalaydigan shaxsdirlar. D. Tomson 1914-1920 yillarda sufrajistlar harakatining faol vakili boʻlgan. Oʻtgan asrning birinchi choragida ayol jurnalistlar asosan mahalliy matbuotda, ayollar jurnallaridagina ishlayotgan bir yaqtda, Tompson xonim Yevropadagi siyosiy-ijtimoiy voqealarni yorituvchi korrespondent bo'lib, New York Postning Berlindagi byurosida faoliyat koʻrsatadi. Doroti Tompson 1932-vil Cosmopoliten uchun bo'lg'usi diktator A. Gitlerdan intervyu oladi. 1934-yilda esa, antifashistik fikrlari uchun Germaniyadan badarg'a qilinadi. D. Tompson va S. Luis oilayiy hayoti bir tomondan sermahsul boʻlib, er-xotin birgalikda ijtimoiy faol turmush kechiradilar. Boshqa tomondan, D.Tompsonning oshib borayotgan shuhrati, uzluksiz safarlar S. Lyuisning oiladan ketishiga sabab boʻladi. Ikki yulduzning murakkab oilaviy munosabatlari Enn Vikers va Rassel Spolding obrazlari munosabatida badiiy in'ikos etgan. Shuningdek, D.Tompsonning ayol va faoliyat haqidagi qarashlari ham Enn obrazi uchun muhim manba boʻlgan. Germaniyadagi natsizm dahshatlarini, u yerda ayollarni jamiyatdagi hukumat tomonidan cheklangan va passiv roli qanday natijalarga olib kelganligiga guvohi boʻlgan Tompson ishonadiki, ijtimoiy faoliyat, ish ayol uchun shunchaki ermak emas. Binobarin, Herald Tribunening 1934-yilgi forumida D. Tompson shunday e'tirof etadi: "Ish shunchaki bandlik emas: ish shunchaki pul topish yoki odamning daromadini ko'paytirish vositasi emas. Mehnat non va sevgi kabi hayotning tarkibiy qismidir; bu shaxsning oʻzi va oilasidan koʻra kattaroq jamiyat oʻrtasida robitadir; bu erkak va ayol kamoloti uchun zamindir. O'z ishini tanlash va uni davom ettira olish yanada samarali inson bo'lish imkoniyatidir".

Shuningdek, Enn Vikers obrazi va Gerbert Uelsning "Enn Veronika" ("Ann Veronica", 1909) obrazi oʻrtasidagi oʻxshashliklar haqida ma'lumot berilgan. Har ikkala qahramon sufrajist boʻlib, ikki asarda ham qahramonning qamoqda saqlanishi epizodlari mavjud. Shuningdek, har ikki qahramon oʻz davri uchun yangi ayol qiyofasida gavdalantirilgan. Biroq Uelsdan farqli ravishda, S. Lyuis ayol qahramon obrazi orqali sufrajistlar hayotini koʻrsatibgina qolmay, umuman, feminizm ayollar harakati uchun muhim boʻlgan qator falsafiy qarashlarini badiiy ifodalagan.

Ennga ilmiy daraja berilgach, uning faoliyati yanada qizgʻinlashadi, muntazam ravishda turli tashkilotlarda nutq soʻzlashi soʻraladi. Endi yozuvchi Ennga nisbatan **"the Great Woman"** ya'ni **"Buyuk Ayol"** deb, murojaat qiladi. Va ushbu murojaat asar oxirigacha oʻn toʻrt marta qoʻllaniladi. Xususan, asar soʻngida Barnining savoliga javob berar ekan, muallif Ennga bir necha ta'riflarni beradi:

"Rostdan ham tekshirasanmi? Yaxshi boʻlardi juda. Oh, Barni! Yengil hayajon bilan dedi: Asira Ayol, Ozod Ayol, Buyuk Ayol, Feminist Ayol, Oilaparvar Ayol, Ehtirosli Ayol, Zamonaviy Ayol, Qishloq Ayoli—Ayol" (Lewis S., 1935, 271).

E'tiborlisi shundaki, romandan keltirilgan yuqoridagi parchada ayolga berilgan ta'riflarda bir-biriga zid (asira va ozod) yoki bir-biridan farqli (zamonaviy ayol, qishloq ayoli, feminist ayol...) sifatlar jamlangan. Shu oʻrinda, S. Lyuis nega bunday ta'riflarni yonmayon qoʻydi, degan savol tugʻiladi, albatta. Tarixdan ma'lumki, qadriyatlar oʻzgaruvchan. Shu oʻrinda, aytib oʻtish kerakki, S. Lyuis tasavvuridagi feminizm gʻoyalari koʻp jihatdan mazkur harakatning asl mohiyatiga yaqin boʻlib, feminizmning hozirgi kundagi inqiroz holatiga konstruktiv yechim berishda xizmat qiladi. S. Lyuis asarda Malvina Uomser obrazi orqali ayrim fikrlarini toʻgʻridan-toʻgʻri ifodalaganligi diqqatga sazovor. Jumladan, Uomser xonim ishonadiki, bu harakat, ya'ni sufrajizm debocha xolos, ovoz berish huquqi bilan harakat toʻxtab qolmaydi. Erishilgan yutuqlarni asrab qolish uchun nafaqat tashqi, shuningdek, ichki imkoniyatlar ham zarur. "Hurlik mushukchalar uchun emas, yoʻlbarslarga xos! Ayollar oʻzaro hamjihat boʻlishlari muhim. Erkaklar hamisha shunday qilib kelishgan, jin ursin! Oʻzaro hamjihatlik!" (Lewis S., 1935, 62) Ayollar bir-biri uchun qalqondek turib berishi kerakligi Uomser xonim nutqida takrorlanishidan tashqari, asar syujetida ham ayol obrazlar doimiy bir-biriga koʻmak beradi, masalan, "kishanlangan jamoa" sarguzashtlari misolida ham koʻrish mumkin. Bogardes xonim obrazida ham jamoasiga juda qattiqqoʻl boʻlsa-da, qiyin vaziyatda qalqondek turib beradigan yetakchi ayol obrazi gavdalangan. Bogerdes xonim timsoli "... bir qoʻlida chaqaloq, ikkinchi qoʻlida hindularga qarshi miltiq tutgan kashshof buvini" eslatadi Ennga.

S. Lyuis nazdida feminizm harakati faqat ayollarning emas, erkaklar mafaatlarini ham koʻzlashi darkor, ushbu fikr Uomser xonim nutqida yangraydi: "Men 1945-yil haqida gapiryapman, chunki ovoz berish huquqini olganimizdan keyin biz ashaddiy feminist boʻlmay qolamiz, degan taxminim bor. Ishlash ogʻir ekanligini anglaymiz. Ishlash xavfsiz emas. Biz ayollarning saylov huquqidan koʻra chuqurroq borishimiz kerak, ehtimol, sotsializmga; binobarin, nafaqat ayollarni, balki erkaklarni ham (manfaatlarini—A.A.) ifodalovchi narsaga. Aslida, oʻzlarini erkaklardan nafratlangandek koʻrsatuvchi koʻplab suffragistlar suyukli jonzotlarimizning atroflarida boʻlishlari yoqimli deb bilishadi. Biz, ehtimol, yutqizamiz. Ammo keyin biz yana qaytib kelamiz— erkaklarning soyasi yoki shovqinli professional ayol sifatida emas, balki qirolicha Yelizavetadan beri birinchi marta inson sifatida! ..." (Lewis S., 1935., 63.)

XULOSA

Yuqoridagi misollardan anglashiladiki, S. Lyuis falsafasida feminizm oq tanli yoki qoratanli, deb ajratmaydi. Teri tangidan qat'i nazar, ayol –hazrati inson. Adashgan mahbusa ham shafqatga, e'tiborga loyiq. Shuningdek, feminizm, istiqbolda, mohiyatan, ayollarning

va erkaklarning ham manfaatlariga xizmat qilishi lozim. S. Lyuisning feminizm haqidagi qarashlari universalligi bilan, gumanizm goyalarini davomi sifatida namoyon boʻlishi bilan abadiyatga daxldor; asarlari esa yuksak insonparvarlik gʻoyalarini aks ettirishi bilan qadrli.

Foydalanilgan adabiyotlar ro'yxati

- 1. Ann Vickers. Doubleday, Doran. New York, 1933. 272 p.
- 2. Simpkins D. Sinclair Lewis: Suffragent. Minnesota History. 2015-2016. P. 330-336
- 3. Гиленсон А. Б. Америка Синклера Льюиса. М.: «Наука», 1972. –188 с.
- 4. Conroy S. S. The American Culture and the Individual in the Novels of Sinclair Lewis. The University of Iowa, 1966. PhD Thesis.
- 5. Coleman A.B. The Genesis of Social Ideas in Sinclair Lewis. New York University, 1953. PhD Thesis. 253 p.
- 6. Dooley D. J. The Art of Sinclair Lewis. Lincoln University of Nebraska Press, 1967. 286 p.
- 7. Grebstein Sh. Sinclair Lewis. New York: Twayne, 1962. 192 p.
- 8. Light M. The Quixotic Vision of Sinclair Lewis. Purdue University Press, 1975. P. 176.
- 9. Schorer M. Sinclair Lewis: An American Life. New York: McGraw-Hill, 1961.
- 10. https://english.illinoisstate.edu/sinclairlewis/

REFERENCES

- 1. Ann, Vickers. (1933) Doubleday, Doran, New York, 272 p.
- 2. Simpkins, D. (2015-2016) Sinclair Lewis: Suffragent. Minnesota History. P. 330-336
- 3. Gilenson, A. B. (1972) Amerika Sinklera Lyuisa. Moscow, Science, 188 p.
- 4. Conroy, S. S. (1966) The American Culture and the Individual in the Novels of Sinclair Lewis. The University of Iowa, PhD Thesis.
- 5. Coleman, A.B. (1953) The Genesis of Social Ideas in Sinclair Lewis. New York University, PhD Thesis. 253 p.
- 6. Dooley, D. J. (1967) The Art of Sinclair Lewis. Lincoln University of Nebraska Press, 286 p.
- 7. Grebstein, Sh. (1962) Sinclair Lewis. New York: Twayne, 192 p.
- 8. Light, M. (1975) The Quixotic Vision of Sinclair Lewis. Purdue University Press, P. 176.
- 9. Schorer, M. (1961) Sinclair Lewis: An American Life. New York.: McGraw-Hill.
- 10. https://english.illinoisstate.edu/sinclairlewis/



World literature





UDC (UO'K, УДК) 82.01/.09

INGLIZ ADABIYOTIDA DISTOPIK ASAR YARATISHDA EKSPERIMENTAL IZLANISHLAR

Begmatova Sohiba Mustafoyevna

Mustaqil izlanuvchi Oʻzbekiston davlat jahon tillari universiteti Toshkent, Oʻzbekiston

https://orcid.org/0000-0002-9781-5956

ANNOTATSIYA KALIT SOʻZLAR

Maqola ingliz adabiyotida distopik romanning rivojlanish bosqichlari va bunga sabab boʻlgan omillar, distopik asarlarning mavzusiga aylangan dunyodagi nosogʻlom ijtimoiy, iqtisodiy, siyosiy, madaniy va psixologik muhit, fan va texnikaning beqaror rivojlanish muammolari va bularni distopik asarlarda bayon etilishiga bagʻishlangan. Ingliz adiblari Gerbert Uells, Edvard Morgan Forster, Oldos Haksli, Jorj Oruell, Antoni Berjess va Kadzuo Isigurolarning distopik asar yozish mahorati va ular tomonidan yaratilgan asarlarning badiiy oʻziga xosligi tahlilga tortilgan. Jahon adabiyotshunoslarining ushbu mualliflar distopik asarlari xususidagi ilmiy-nazariy fikrlari maqolada oʻz aksini topgan. Ingliz adabiyotida distopiyaning rivojlanishi va uning badiiy-estetik qiymati xususida maqola muallifi tomonidan ilmiy-nazariy munosabat bildirilgan. Tadqiqotni amalga oshirish uchun biografik, qiyosiy-tipologik, psixoanalitik, psixologik, madaniy-tarixiy, struktural tahlil usullaridan foydalanilgan. Maqolaning maqsadi ingliz adabiyotida distopik asarlarning yaratilishiga ta'sir qilgan omillar va ularning tarixiy evolyutsiyasini tadqiqqa tortish, shuningdek, hozirgi adabiy jarayonlarda distopik asar ilmiy fenomeni mohiyatini oʻrganishdan iborat.

janrlar, distopiya, roman, fan va texnika yutuqlari, biografik metod, psixologik metod, adabiy mavzular, uslub.

ЭКСПЕРИМЕНТАЛЬНОЕ ИССЛЕДОВАНИЕ СОЗДАНИЯ ДИСТОПИЧЕСКОГО ПРОИЗВЕДЕНИЯ В АНГЛОЯЗЫЧНОЙ ЛИТЕРАТУРЕ

Бегматова Сохиба Мустафоевна

Независимый исследователь Узбекский государственный университет мировых языков Ташкент, Узбекистан

https://orcid.org/0000-0002-9781-5956

АННОТАЦИЯ КЛЮЧЕВЫЕ СЛОВА

В данной статье речь идет об этапах развития романа-дистопии в английской литературе и факторах, вызвавших его, нездоровой социальной, экономической, политической, культурной и психологической среде в мире, ставшей предметом произведений-дистопий, проблемах нестабильного развития науки и техники и их описание в произведениях-дистопиях. Анализируются способности английских авторов Герберта Уэллса, Эдварда Моргана Форстера, Олдоса Хаксли, Джорджа Оруэлла, Энтони Бёрджесса и Кадзуо Исигуро к написанию произведений-дистопий, а также художественное своеобразие их произведений. В статье отражены научнотеоретические взгляды мировых литературоведов на дистопические произведения этих авторов. Автор статьи выразил научно-теоретическое отношение к развитию

жанры, дистопия, роман, достижения науки и техники, биографический метод, психологический метод, литературная тематика, стиль.

108 E-ISSN: 2181 – 1237

дистопии в английской литературе и ее художественно-эстетической ценности. Для проведения исследования были использованы биографический, сравнительно-типологический, психоаналитический, психологический, культурно-исторический, структурный методы анализа. Цель статьи - изучить факторы, повлиявшие на создание произведений-дистопий в английской литературе и их историческую эволюцию, а также изучить сущность научного феномена произведений-дистопий в современных литературных процессах.

EXPERIMENTAL STUDY OF THE CREATION OF DYSTOPIC NOVEL IN ENGLISH LITERATURE

Begmatova Sohiba Mustafayevna

Independent researcher, Uzbekistan State World Languages University Tashkent, Uzbekistan sokhibabegmatova@gmail.com https://orcid.org/0000-0002-9781-5956

ABSTRACT KEY WORDS

The article deals with the stages of development of the dystopian novel in English literature and the factors that caused it, the unhealthy social, economic, political, cultural and psychological environment in the world that became the subject of dystopian works, the problems of the unstable development of science and technology and their description in dystopian works. The abilities of English authors H.G. Wells, Edward Morgan Forster, Aldous Huxley, George Orwell, Anthony Burgess and Kazuo Ishiguro to write dystopian works, as well as the artistic originality of their works are analyzed. The article reflects the scientific and theoretical views of world literary scholars on the dystopian works of these authors. The author of the article expressed a scientific and theoretical attitude to the development of dystopia in English literature and its artistic and aesthetic value.

To conduct the research, biographical, comparative typological, psychoanalytic, psychological, cultural-historical, and structural methods of analysis were used. The purpose of the article is to study the factors that influenced the creation of dystopian novels and stories in English literature and their historical evolution, as well as to study the essence of the scientific phenomenon of dystopian works in modern literary processes.

genres, dystopia, novel, achievements of science and technology, biographical method, psychological method, literary themes, style.

KIRISH

Yigirmanchi asrda sodir boʻlgan tarixiy, siyosiy, ijtimoiy, ilmiy, madaniy jabhalardagi shiddatli burilishlar va oʻzgarishlarlar jahon adiblarining e'tiboridan chetda qolmadi. Zamonaviy adabiyotshunoslikda adabiy yoʻnalishlarning takomillashib, ommalashib borishi badiiyatning turli rakurslarida asarlar yaratilishiga zamin hozirladi. Fan va texnikaning tobora rivojlanishi, globallashuv jarayonlari bugungi adabiyotga yangicha kayfiyat bagʻishladi. Jahon adabiyotida, xususan, ingliz adabiyoti namoyandalari ijodiga xos yangicha uslub va noan'anaviy mavzularning badiiy ifodasi adabiy asarga oʻzgacha yondashuv yoʻsinini taqozo etmoqda. Jahon adabiyotshunosligida zamonaviy yoʻnalish sifatida oʻz oʻrniga ega boʻlgan distopik asarlar bugungi kunda oʻzining koʻplab kitobxonlariga ega. XX asrning ikkinchi yarmida distopiya elementlariga boy adabiy asarlar koʻpaydi. Distopiya yoʻnalishida juda koʻplab asarlar yaratilgani bois mazkur fenomen oʻrganilishi dolzarb mavzular sirasiga kiradi. Adabiyotshunoslik fanida uning maxsus ilmiy fenomen sifatida tan olinishi va turli tadqiqotlarning amalga oshirilishi, asosan oʻtgan asrning oxiri va yangi asrning boshlarida yuz berayotgan globallashuv jarayoni bilan uzviy bogʻliq.

Dunyo adabiyotshunosligida, xususan, ingliz adabiyotida ham distopik asarlar yaratishga alohida e'tibor qaratilmoqda. Distopiya janr sifatida alohida ahamiyatga ega, chunki uning yordamida mualliflar jamiyatning jiddiy muammolarini ochib berishadi va kelajakda roʻy berishi kutilayotgan falokatlar, ularning insoniyat hayotiga keltirishi mumkin boʻlgan halokatidan ogohlantiradilar. Jamiyatda mavjud yoki boʻlishi mumkin boʻlgan muammolarning badiiy ifodasi orqali kitobxonga ogohlantiruvchi belgi beriladi, ya'ni odamzot kelajagidan qaygʻurib, xavfdan ogoh etayotgan da'vat ifodalanadi. Koʻpincha chuqur falsafiy mazmun bilan yoʻgʻrilgan bunday asarlar oʻquvchilarni hayot haqida fikrlariga qayta nazar solishga va voqealarni reallik bilan taqqoslashga undaydi. Shunday ekan, distopiya va ushbu yoʻnalishda yaratilgan asarlarni zamonaviy ilmiy yondashuvlar asosida tadqiq etish ishning zaruriyatini belgilaydi.

ASOSIY QISM

Distopiya janr sifatida koʻpincha muallifning atrof-muhit, siyosat, din, mafkuraga yoʻnaltirilgan tarbiya, insonning halovatini buzuvchi va unga ruhiy azob beruvchi qutilib boʻlmas xotira muammosi, tillarning mafkuraviy oʻzgarishi va oʻzgartirilishi, jinoyat va jazo, urushlar, giyohvand moddalar, kastalar va odamlarning tabaqalanishi va boshqa bir qator sohalardagi dolzarb muammolarga insonlar e'tiborni jalb qilish uchun qo'llanilgan. Zamonaviy distopik asarlar nafaqat totalitar hukumatlar va anarxizm, balki, atrof-muhitning ifloslanishi, global isish, iqlim oʻzgarishi, sogʻliq, fan, iqtisodiyot va texnologiya kabi mavzularni ham qamrab oladi (Young, 2011,). Darhaqiqat, XX asr – fan va texnika yutuqlari asri boʻlish barobarida, afsuski, insoniyat uchun ham moddiy, ham ma'naviy, ham siyosiy hamda ijtimoiy muammolar koʻlamini kengaytirgan yuz yillik sifatida tarixda muhrlandi. Yirik sanoat va ilmfan yutuqlari oqibatlari bilan ortgan pessimizm kuchayib borar ekan, utopik va antiutopik asarlar qatoriga asta-sekin ogohlikka da'vat etuvchi distopiyalar qo'shildi. Bu jarayonlar kuchli tafakkur egalari hisoblanmish distopiya adabiyoti namoyandalari e'tiboridan chetda qolmadi. Distopiyaga burilish yevgenika¹ va sotsializm, ba'zida darvinizm² bilan ham chambarchas bogʻliq edi. Distopik asarlarning umumiy syujeti sotsialistik inqilobga asoslanadi va bu janrdagi asarlar uchun juda keng tarqalgan mavzu inqilobning qulashi yoki uning oqibatlari edi. Jahon adabiyotshunosligi nazariyasining yirik vakili M. Baxtin e'tirofiga ko'ra, romanni janr sifatida oʻrganish alohida qiyinchiliklari bilan ajralib turadi. Bu obyektning oʻziga xosligi bilan bogʻliq, ya'ni roman yagona paydo boʻlgan va hali tugallanmagan janrdir. Janr yaratuvchi kuchlar bizning koʻz oʻngimizda ishlamoqda: roman janrining tugʻilishi va rivojlanishi tarixiy kunning toʻliq yorugʻligida sodir boʻladi. Romanning janriy asosi mustahkam

для педагогических вузов. - М., 1955. - 503 с.

¹ Изох: Yevgenika (yunoncha eòreм[с – yaxshi, mehribon, olijanob) – odamga nisbatan tanlanish haqidagi ta'limot, shuningdek, uning irsiy xususiyatlarini yaxshilash usullari. Ta'limot inson genofondidagi degeneratsiya hodisalariga qarshi kurashishga chaqirilgan. Yevgenika tarafdorlari yevgeniklar deb ataladi. Ushbu ta'limot zamonaviy ma'noda Angliyada paydo boʻlgan, uning rahbari Charlz Darvinning amakivachchasi Frensis Galton edi. "Yeevgenika" atamasini aynan Galton ilmga kiritdi. Galton Yevgenikani "yangi din kabi milliy ongning bir qismi" qilish niyatida edi. Саркисянц М. Английские корни немецкого фашизма. От британской к австробаварской «расе господ» / Пер. с нем. М. Некрасова – СПб.: Академический проект, 2003. – 400 с. ² Izoh: Darvinizm – ingliz tabiatshnosi Charlz Darvin nomi bilan atalgan, tor ma'noda – evolyutsion tafakkurning yoʻnalishi, uning tarafdorlari evolyutsiya masalasida Darvinning asosiy gʻoyalariga qoʻshiladi (ularning zamonaviy shakli, ba'zan ba'zi jihatlarni sezilarli darajada qayta koʻrib chiqish bilan). Веселов. Е.А.Дарвинизм: Учебник

emas va biz hali ham uning barcha plastik imkoniyatlarini oldindan koʻra olmaymiz (Бахтин М., 1975, 447). Shunday ekan, distopik romanlar mualliflari badiiy mahoratida, ya'ni distopik jamiyatlarni tasvirlash usulida oʻziga xoslik kasb etadi.

Adabiyotshunos Antonis Balasopous oʻz tadqiqotida distopiyalarni turlarga ajratadi va ularning oʻziga xos jihatlarini quyidagicha sanab oʻtadi:

- 1. Dystopias of tragic failure (Fojiali muvaffaqiyatsizlik distopiyalari);
- 2. Dystopias of authoritarian repression (Avtoritar repressiya distopiyalari);
- 3. Dystopias of catastrophic contingency (Favqulodda vaziyatlar distopiyalari);
- **4.** Nihilistic dystopias (Nigilistik¹ distopiyalar);
- 5. Critical dystopias (Tanqidiy distopiyalar) dir(Balasopoulos A., 2006, 59).
- A. Balasopousning distopiya janrini subjanrlarga ajratishi ushbu yoʻnalishda yaratilgan asarlarni yanada kengroq tahlil va talqin qilish imkonini beradi.

Adabiyotshunos Erika Gotlib "Sharq va Gʻarb distopiya fantastikasi: Terror va hukm olami" adabiy risolasida distopiyaning gʻarbiy modeliga izoh berar ekan, distopik asarlarda yozuvchilar hozirgi ijtimoiy-siyosiy hayotimizdagi chegaralardan chetga chiqishlarni ayovsiz tanqid qilishni taklif qilmoqdalar va ularning kelajakdagi dahshatli oqibatlarini koʻrsatmoqdalar, degan fikrni ilgari suradi (Gottlieb E., 2001, 13). Darhaqiqat, distopik asarlarning kitobxonga berguvchi asosiy mujdasi — sodir boʻlgan yoki yaqinlashib kelayotgan xavf-xatardan ogohlantirishdir. Tadqiqotimizning ushbu faslida ingliz adiblari tomonidan yaratilgan distopik asarlar, ularning oʻziga xos va mushtarak jihatlari, distopik asarlarning yaratilish jarayonlariga, ularning yozilishiga sabab boʻlgan omillarga toʻxtalishni ma'qul bildik.

XIX asrning soʻnggi oʻn yilligidagi distopiya adabiyotini Jorj Gerbert Uellsning (1866-1946) asarlarisiz tasavvur qilib boʻlmaydi. Garchi adibning barcha romanlari distopik asarlar hisoblanmasa-da, muallifning mashhur romanlari, "The time machine" ("Vaqt mashinasi",1895) va "The Sleeper Awakes" ("Ikki asrlik uyqudan soʻng", 1910) distopiya janri rivojiga salmoqli hissa boʻlib qoʻshildi.

Adibning "Vaqt mashinasi" asari distopiya adabiyotining prototipi² sifatida koʻriladi (Sargent L., 1976, 6). Asar voqealari XIX asr ijtimoiy tuzilmalari hodisalariga asoslangan boʻlib, oʻsha davrdagi Britaniya sinf tuzilmasini tanqid qiladi. Yozuvchi Viktorian davriga xos boʻlgan Angliya adabiy an'analaridan yiroqlashmagan holda, asarda vaqt boʻylab uzoq kelajakka sayohat uyushtiradi. Kelajak tarixi va spekulyativ evolyutsiya asari boʻlgan "Vaqt mashinasi" zamonaviy davrda adib yashab, ijod qilgan davrda tobora kuchayib borayotgan tengsizlik va tabaqaviy boʻlinishlarning, insoniyat tanazzulining eng tuban koʻrinishi sharhi sifatida talqin qilinadi. Asarda adolatli, bolalarcha pokdil Eloi va yovvoyi, shafqatsiz Morloklar obrazlari misolida bir-biriga axloq jihatidan qarama-qarshi toifadagi insonlar gavdalantirilgan. Romandagi ushbu obrazlar zamonaviy yuqori va quyi tabaqalarning uzoq avlodlaridir. Koʻp yillar Gerbert Uells adabiy merosi talqini va tahlili masalalari bilan shugʻullanib kelayo-

¹ Izoh: nigilizm (falsafa) (nihilism (/ˈnaɪ(h)ɪlizəm, ˈni:-/; from Latin nihil 'nothing') hayotning bir yoki bir nechta mazmunli tomonlarini inkor etishga asoslangan falsafiy ta'limotdir. Crosby, Donald A. (1998). "Nihilism". Routledge Encyclopedia of Philosophy. Taylor and Francis.

² Izoh: Prototip (yun. Prototypon – obraz asosi) – adabiy asardagi obrazning yaratilishiga asos boʻlgan shaxs. Куронов Д. Адабиётшунослик луғати. – Тошкент, 2013. – Б. 236.

tgan adabiyotshunos Patrik Porrenderning ta'kidlashicha, adib "Vaqt mashinasi" asaridagi Eloyi obrazini to'liq tashlab ketilgan irq sifatida tasvirlashi ehtimol utopik ishqiy romanlardan ilhomlanganlikdan dalolat berishi ham mumkin. Ammo, tan olish kerakki, Gerbert Uells ushbu romanda o'ta vahshiy va shafqatsiz olamni tasvirlagan (Parrinder P.,2000, 23). Uning distopik romanlari mavzulari orasida vaqt bo'ylab sayohat, inson evolyutsiyasi va texnologiyaning ishonchliligiga shubhalar kiradi. Depressiya haqidagi bu dastlabki ijod namunalari bugungi zamonaviy kitobxonlarga yaqindan tanish bo'lmasa-da, ular o'z vaqtida distopiya adabiyoti vorislari uchun ko'plab ilhomlantiruvchi mavzularni taqdim etgan.

Gerbert Uellsning "Ikki asrlik uyqudan soʻng" (The Sleeper Awakes, 1910) asari ikki yuz uch yil uxlab, batamom o'zgargan Londonda uyg'ongan, bank hisob varaqlaridagi murakkab foizlar tufayli dunyodagi eng badavlat shaxsga aylangan Graxam ismli inson haqidagi distopik romandir. Bosh qahramon oʻz orzulari roʻyobga chiqqanini koʻrish uchun uygʻonadi. Biroq kelajak unga insoniyatning barcha dahshatlari va nuqsonlari bilan koʻz oʻngida namoyon bo'ladi. Asar sotsializm, inqilobga xiyonat, davlatning siyosiy elitasining fuqarolar ongini manipulyatsiya qilishda zulm va qashshoqlikdan, texnologiyadan foydalanish yoʻllari kabi mavzularni qamrab oladi. Asar qahramoni Graxamning: "I am a lone wolf, a solitary man, wandering through a world in which I have no part." 1, deya insonlarga yuzlanishi qabohatga toʻla dunyoning razil oʻyinlaridan charchagan insonning qalb nolasi edi aslida. Yoki "After telephone, kinematograph and phonograph had replaced newspaper, book schoolmaster and letter, to live outside the range of the electric cables was to live an isolated savage"², degan igroridan esa insoniyat bir asr oldin allaqachon texnikaning qurboni bo'la boshlaganligini anglash mumkin. Insonning komilligi belgisini, "insoniya zamoniya" kishisining qimmatini adib, avvalo, uning ma'naviy quvvatida ko'radi, aqlning qimmati esa uning inson ma'naviy yuksalishi uchun qay darajada xizmat qilishi bilan belgilanadi (Саидов У., 2004, 90) .. Shuning barobarida, Gerbert Uellsni ham o'z zamonasining donishmand adibi deyish mumkin. Uning badiiy asar yaratishdan tortib, undagi badiiy unsurlarning mohirlik bilan qo'llashi, adabiyot olamida hech kimnikiga oʻxshamagan shakl va mazmunga ega asarlari hali koʻplab tadqiqotchilar va munaqqidlar diqqat markazida boʻladi, tahlil qilinadi.

Ingliz adabiyotida distopik romanlar bilan bir qatorda distopik hikoyalar ham muhim ahamiyat kasb etadi va bunday asarlar ibtidosi hisoblangan hikoyalardan biri — Edvard Morgan Forsterning (1879-1970) "The Machine Stops" (Mashina toʻxtaydi, 1909) hikoyasi hisoblanadi. Asar voqealari yer ostida yashovchi insonlar va oʻz ehtiyojlarini ta'minlash uchun ulkan mashinaga tayanadigan dunyoda sodir boʻladi. Odamlar tezkor xabar almashish uchun hozirgi davrda ommalashgan internetga oʻxshash texnologiya turidan aloqa vositasi sifatida foydalanadilar. Forster oʻzining "Qisqa hikoyalar toʻplami" (Collected Short Stories, 1947) asarining muqaddimasida "Mashina toʻxtaydi" — Gerbert Uellsning oldingi fazolaridan biriga munosabatim", deb soʻzboshi qoldiradi. Bundan shu anglashiladiki, adib Gerbert Uelss ijodi-

¹ Tarjima: "Men yolg'iz bo'riman, yolg'iz inson. Bu dunyoda menga o'rin yo'q, adashib yuribman" (Tarjima muallifga tegishli) Wells, H.G., The Sleeper Awakes. 2006, Penguin Classics, New York. – P. 10.

² Tarjima: "Telefon, kinematograf, fonograf gazeta, kitob va maktub oʻrnini egallagandan soʻng, elektr simlar orasida yashash - qafasga tashlangan yirtqich kabi yashashdir." (Tarjima muallifga tegishli) Wells, H.G., The Sleeper Awakes. 2006, Penguin Classics, New York. – P. 144.

dan ilhomlanib, distopik hikoya yozishga bel bogʻlagan, tan olish kerakki, adabiyot tarixida ta'sirchan distopik hikoya mualliflarining biriga aylangan. Faqatgina Gerbert Uellsning siyosiy qarashlaridan farqli o'laroq, Forster "Mashina to'xtaydi" distopik hikoyasida texnologiyaning oʻzini nazorat qiluvchi kuch sifatida koʻrsatadi. Shveysariyalik adabiyotshunos va munaqqid Piter Silning fikriga koʻra, "The Machine Stops" helps us as a warning from the past, that downplaying the signs of destabilizing disruptions is an invitation to work even harder on the solutions of the current challenges" (Seele P., 2021, 431), ya'ni "Mashina toʻxtaydi" bizga oʻtmishdan ogohlantiruv mujdasi sifatida yordam beradi. Hayotimizni izdan chiqishga olib keluvchi omillarni zaiflashtirish, hozirgi davr muammolarini hal qilishda ular ustida yanada qattiqroq ishlashga chorlaydi". (Tarjima muallifga tegishli) Darhaqiqat, Forster hikoyasida bashorat qilingan globallashuv, internet, videokonferensiya, ommaviy axborot, ijtimoiy masofa saqlash va XXI asr voqeliklarini aksariyat jihatlarini aniq badiiy tasviri hozirgi zamon oʻquvchisini hayratga soladi. Ayniqsa insoniyat tarixida dahshatli iz qoldirgan 2020-yil COVID-19 pandemiya voqealari bundan bir asr oldin "Mashina to'xtaydi" asarida badiiy tavsifini topganligi Forsterning adabiy olami teranligidan va kelajakni his qiluvchi kuchli tafakkur egasi boʻlganligidan dalolat beradi.

Jahon adabiyotining yirik distopik asari namunalaridan biri hisoblangan Yevgeniy Ivanovich Zamyatinning "Biz" (Мы, 1921) romani tahliliga toʻxtalib oʻtish joiz, zero, yozuvchining mazkur asari jamiyatning butunlay mantiqsizlikka asoslangan va mexanik tizimlardan keyin modellashtirilgan post-apokaliptik kelajakni tasvirlaydigan distopik asardir. Qolaversa, muallifning "Biz" romani u bilan bir zamonda, lekin boshqa makonlarda yashab, ijod qilgan adiblarning ilhom manbayi bo'lib xizmat qilgan. Asar 1921-yilda yozilgan bo'lsa-da, Sobiq Sovet Ittifoqi hukmron doiralari tomonidan chop etish taqiqlangan edi. Ye.I. Zamyatin Shoʻroviylar davlati uchun har doim "muammoli" yozuvchi boʻlgan, sababi adib boshqa hamkasb qalamkashlar singari buyurtma asosida asar yozmagan va oʻtgan asrning 80-yillari oxiriga qadar vatanida oshkor qilinishi keskin taqiqlangan haqiqatni oʻsha davrlardayoq aytishni afzal koʻrgan. Adib yashab, ijod qilgan tarixiy davrga nazar soladigan boʻlsak, adibning naqadar ogʻir sharoitda, ijodkorlarning hattoki uy-xayollari ham nazorat ostiga olingan bir tuzumda distopik asar yozishga musharraf boʻlganligiga amin boʻlamiz. Adabiyotshunos Qozoqboy Yoʻldoshev mustabid tuzum ijodkorlari asarlari xususida quyidagicha e'tirof beradi: "Mana shunday sharoitda haq soʻzni aytadigan, jamiyatda yuz berayotgan voqea-hodisalarni rasmiy siyosat talablariga emas, balki insoniy mantiqqa muvofiq yoʻsinda izohlaydigan haq soʻzga boʻlgan ulkan tashnalikni asl iste'dod egalari tomonidan aytilgan chin soʻzgina qondirishi mumkin edi. Jamiyatning koʻpchilik a'zolari ana shunday jasoratli ijodkorlardan chin badiiy soʻzni eshitishga mahtal edilar. Bunday san'atkorlarning asarlari mafkura xizmatida boʻlgan rasmiy ta'lim-tarbiya, ilm, adabiyot va siyosatdagi yolg'onlarga zid o'laroq, odamlarning dil yaralariga malham boʻlardi" (Йўлдошев Қ.,2023, 25). Asar ilk bora 1988-yilda toʻliq roman koʻrinishida nashr etilib, kitobxonlar e'tiboriga taqdim etilgan. Inqilobdan keyingi Sovet Ittifoqida jamiyatda ulkan oʻzgarishlar roʻy berayotgan "marksizmning utopik maqsadlaridan ilhomlangan, ammo ... umuman utopik boʻlmagan sharoitlarni yaratuvchi" distopiya namunasidir (Booker M., 1994, 25). Zamyatinning "Biz" va Oruellning "1984" romanlarining aksariyat xususiyatlari bir-biriga juda oʻxshash. Adabiyotshunoslarning fikricha, Jorj Oruel (Erik Artur Bler) "1984" romanini yozganida Yevgeniy Zamyatinning "Biz" asari ta'sirida boʻlgan (Booker M., 1994; Claeys G., 2016; Davis L., 1999). Kit Buker "Mashina toʻxtaydi", "Biz" va "Ajib yangi dunyo" asarlari dunyoning "Real dunyodagi jamiyatlarni tanqid qilish koʻlami bilan ajralib turuvchi distopik matnlar" ekanligini ta'kidlaydi (Booker M., 1994, 27). Tenglar jamiyati haqidagi ushbu romanda inson shaxsiyati raqamlarga tenglashtiriladi. Ushbu jamiyatda insonlarning kiyim-kechagidan tortib, his-tuygʻularigacha nazorat ostiga olingan. Asar roviysi D-503 hikoya soʻnggida oʻta muhim haqiqatni tan oladi: "И я надеюсь — мы победим. Больше: я уверен — мы победим. Потому что разум должен победить". Shunday qilib, "Biz" romani muallifi Zamyatin Yevgeniy Ivanovich XX asr rus va Yevropa adabiyotida yangi yoʻnalish — distopiya janrining asoschisi boʻldi va ortidan koʻplab distopiya adabiyoti vakillarini ergashtirdi.

Distopiya adabiyotining yana bir namoyandasi Antoni Berjessdir. Adibning 1962-yilda chop etilgan "A clockwork orange" (Burama soat, 1962) romani yoshlarning haddan tashqari zoʻravonligi submadaniyatiga² ega boʻlgan kelajakdagi Angliyada boʻlib oʻtadi va qahramonning o'z fe'l-atvorini o'z xohishiga ko'ra o'zgartirish niyatida bo'lgan daylat bilan kechinmalari haqida hikoya qiladi. "Burama soat" asari oʻsha paytda koʻhna ingliz diyoridagi dengiz boʻyida joylashgan Xov shahrida yozilgan. Asar muallifi Berjess xorijdagi koʻp yillik faoliyatidan soʻng Britaniyaga qaytib keladi va Ona Vatanida koʻp narsalar oʻzgarganining guyohi bo'ladi. Angliyada voyaga yetmaganlar bilan bog'liq jinoyatlar ayi olgan va odamlarda bunday jinoyatlardan qoʻrquy hukmron edi. Adibning ta'kidlashicha, romanni yozishga sabab bo'lgan asosiy omil – uning birinchi rafiqasi Linning Ikkinchi Jahon urushi paytida Angliyada mast amerikalik harbiylar toʻdasi tomonidan kaltaklanib tahqirlangani, oqibatda juvonning homilasidan ayrilgani edi. Bu voqea yosh juftlikka qattiq ta'sir qiladi va alaloqibat yozuvchi real voqeaga asoslanib, distopik asar yozishga jazm qiladi. Asar ma'lum vaqt hukumat va uning arboblari tomonidan tanqidga uchrab, kitob holida chop etishga qat'iy cheklovlar oʻrnatiladi. Aksariyat munaqqidlar Antoni Berjessni romandagi salbiy qahramon Aleksni oʻsha zamon yoshlariga namuna qilib koʻrsatganlikda ayblaganlar.

Antoni Berjess hayoti va ijod faoliyatini tadqiq qilgan AQShlik olim Jeffri Agler: "Berjessning ushbu romani mutolaa qilayotgan kitobxonning bir necha oʻrinlarda bezovtalik va asabiylashishiga sabab boʻladi. U bizga yovuzlikni aniqroq tasvirlaydi, oʻz oʻrnida unga qarshi turishimiz uchun undan-da ulkanroq yovuzlikni taqdim etadi. U bizni roʻparamizda silliq, ammo xavfli qiyalik borligi haqida ogohlantiradi. Antoni Berjess, agar biz zoʻravonlarning jinoyat qilishlariga shart-sharoit yaratib bersak, u holda butun jamiyatning ahvoli tang boʻlishini koʻrsatib bera oldi", deb asar haqida xulosa yasaydi (Aggeler G., 1979, 245). Darhaqiqat, olim ta'kidlaganidek, "Burama soat" asari qahramoni Aleks va uning jinoiy toʻdasidagi yigitlar amalga oshirgan jinoyatlar, buzgʻunchiliklar shu qadar dahshatliki, beixtiyor Antoni Berjess bunday razolat olamini qanday yaratdi ekan, degan xayolga boradi

¹ Tarjima: Umid qilamanki, biz gʻalaba qozonamiz. Gʻalaba qozonishimizga iymonim komil. Sababi, ong gʻolib boʻlishi kerak. (Tarjima muallifga tegishli.) Замятин Е.И. Мы. – Москва, Издательство АСТ, 2022. – С. 223.

² Izoh: Submadaniyat (lotincha: sub "ost" va madaniyat) jamiyatshunoslik, antropologiya va madaniyatshunoslik atamasi boʻlib, jamiyat madaniyatining keskin farqlanuvchi bir qismini anglatadi. Submadaniyat ichida oʻziga xos kiyinish, jargon, xatti-harakat va boshqa madaniy normalar boʻlishi mumkin. Submadaniyatlar milliy, demografik, professional, geografik va boshqa asoslarda shakllanishi mumkin. Bundan tashqari yoshlar orasidagi submadaniyatlar alohida ajratiladi. Грицанов А.А., Абушенко В.Л., Евелькин Г.М., Соколова Г.Н., Терещенко О.В. Энциклопедия социологии /— Мн.: Книжный Дом, 2003. − С.1312. − (Мир энциклопедий)

inson. Modomiki, adabiyotshunoslikdagi biografik va psixologik metod tamoyillariga suyanar ekanmiz, muallifning rafiqasi bilan sodir boʻlgan oʻsha mash'um kun va buning dahshati adib ongida iztirobli xotiralar sababchisi ekanligini anglash qiyin emas.

Tadqiqotchi Bobbi Nyuman esa Berjessning "Burama soat" asarini iroda erkinligi haqidagi gʻoyalarining toʻgʻridan-toʻgʻri tavsifi sifatida talqin qilinishi, ammo repressiv davlat xulq-atvor aralashuvini qabul qila olmasligini bayoni sifatida oʻqilishi mumkinligini ta'kidlaydi (Newman B., 1991, 61-70). Asar hukumatning oʻz fuqarolari turmush-tarzini, hattoki ularning shaxsiy fikr-mulohazalarini nazorat qilishi, oqibatda esa bu qanday ayanchli oqibatlarga olib kelishining badiiy ifodasi deb talqin qilinishi mumkin.

Adib "Burama soat" asarida inson tabiatining nozik qirralarini isloh qilish uchun "distopiya" tushunchasidan foydalanadi. Antoni Berjessning fikricha, inson tabiatida oʻz axloqi borasida shaxsiy qarorlar qabul qilish qobiliyati mujassam. Aslini olganda, distopik asarlar an'analariga koʻra, adolatli, haq yoʻldan koʻra osonni tanlaydigan hukumat, shaxs erkinligi ustidan davlat nazoratini birinchi oʻringa qoʻyadigan jamiyat gʻoyalaridir. Adib asar hikoyasini kitobxonga totalitar jamiyatni oʻzining dastlabki shaklida tasvirlash orqali taqdim etadi, soʻngra bu jarayonlarni yosh va ehtirosli antiqahramonga qanday ta'sir qilishini koʻrsatadi.

Oldos Haksli (1894-1963) va Jori Oruellning yashab ijod qilishi XX asrning birinchi yarmida, tarixda ikki yirik va mudhish urush sodir boʻlgan, fashizm va kommunizm kabi totalitar tuzumlar davriga toʻgʻri keldi. Bu davrda xalqlar zulm ostida yashashiga qaramay, fan bilan bir qatorda texnologiya jadal sur'atlarda rivojlanib borar edi. Ushbu ogʻir va tushkun vaziyatlar iskanjasida Haksli va Oruell adabiyot olamidagi ikki virik durdona, ikki asosiy distopik asarni yozdilar: "Brave New World (Ajib yangi dunyo, 1932) va "1984" (1984, 1949) . Bu asarlarda yurt va millatning kelajagi haqidagi qoʻrquv va xavotirlar, agar dunyo xuddi shu tarzda beqaror rivojlanishda davom etsa nima boʻlishi mumkinligi xususidagi bashoratlar tasviri aks etgan edi. Ular koʻplab adiblar, adabiyotshunoslar, munaqqidlarni ilhomlantirgan distopik asar durdonalari hisoblanadi. Oldos Hakslining "Ajib yangi dunyo" asari texnologik va ilmiy yuksalishning fojiali oqibatlari haqida soʻzlovchi asardir. Hakslining pessimistik tasvirlari oʻsha davrning boshqa koʻplab romanlariga qaraganda, siyosiy mafkuraning hokimiyatga kelishi qoʻrquvi zamiriga qurilgan. Adabiyotshunos G. Kleysning fikriga koʻra, "Haksli uchun eng makkor dushman ongni boshqarish usullarini reklamaga, siyosatga qoʻllash, haqiqat tuygʻusini buzish va xudbinlik va gedonizmni¹ kuchaytirish edi"(Claeys G., 2010, 117). Uning boshqa hadiklari orasida dunyo aholisining haddan tashqari koʻpayishi va giyohvand moddalar xavfi ham bor edi. Asarda fuqarolari aql-idrokka suyanuvchi, ijtimoiy iyerarxiya tartibi qaror topgan futuristik butunjahon mamlakati toʻgʻrisida hikoya qiladi. Unda reproduktiv texnologiyalar, uyqudagi ta'lim, ruhiyatga ta'sir va shartli reflekslarni shakllantirish sohalaridagi ulkan yutuqlar yordamida distopik jamiyat yaratiladi. Jamiyatning bunday insonni tahqirlovchi g'oyalariga asar bosh qahramonigina qarshi boradi. "Ajib yangi dunyo" romani tengsizlikka asoslangan, texnologik rivojlangan kelajak olamni taftish qiladi. Bu olamda insonlar avtoritar boshqaruv tizimiga xayrixoh boʻlishi va unga boʻysunishi uchun genetik yoʻl bilan

¹ Izoh: Gedonizm – inson mavjudligining ma'nosini belgilaydigan axloqiy ta'limot boʻlib, u insonni oʻrab turgan hamma narsadan zavqlanishning uzluksiz istagiga asoslanadi. Inson oʻzini shunday tutadiki, u jismoniy, axloqiy jihatdan goʻyo maksimal baxtga erishgan. Лосев А.Ф. История античной эстетики. Софисты. Сократ. Платон – М.: ООО «ИздательствоАСТ»; Харьков: Фолио, 2000. – 128 с.

koʻpaytiriladi. Ijtimoiy jihatdan hayotga moslashtiriladi hamda dori-darmonlar bilan kuchsizlantiriladi. Bularning hammasi insonning gʻururi va ozodligidan, insoniylik qiyofasi va qalbidan mosuvo qiladi. Benazir iste'dod egasi Oldos Haksli bir vaqtning oʻzida ham adib, ham ruhshunos, ham inson tabiati va taraqqiyotining eng yorqin taftishchilaridan biri edi. Uning distopik asari — "Ajib yangi dunyo" millionlab kitobxonlarni hayrat va vahimaga soldi, bizni ogohlantiruvchi, oʻyga toʻldiruvchi ajoyib badiiy asar oʻlaroq, bugungi kungacha oʻz ahamiyatini yoʻqotmadi. 1930- yilgi fashizm bulutlari soyasi ostida yozilgan ushbu asar nafaqat oʻsha davr jamiyatlariga, balki ommaviy koʻngilxushlik, texnologiya, tibbiyot, farmatsevtika, san'at va elitaning yashirin ta'siri hukmronlik qilayotgan XXI asr dunyosiga ham murojaat qiladi (Davis L., 1999, 205-214).

Ikkinchi jahon urushidan keyin yanada koʻproq distopik romanlar yaratildi. Ushbu distopiya asarlari siyosiy dunyoqarash bilan oʻzaro bogʻlangan edi: Ikkinchi jahon urushining tugashi barobarida yaqinlashib kelayotgan Uchinchi jahon urushi va uning ayanchli oqibatilarini bashorat qiladi, uning ortidagi qoʻrquvni ifodalaydi.

Aksariyat asarlar ham utopiya, ham distopiya elementlarini uygʻunlashtiradi. Bizning dunyomizdan kuzatuvchi boshqa joyga yoki vaqtga sayohat qiladi va muallif ideal deb hisoblagan bir jamiyatni, boshqasi esa bashorat qilingan eng yomon manzaralarni koʻradi. Oldos Hakslining mashhur "Ajib yangi dunyo" asarida Budda falsafasi va Gʻarb texnologiyasining yutuqlari birlashtiriladi va neft kompaniyalari ustunligi, uning halokatli oqibatlari badiiy ifoda etiladi. Adabiyotshunoslarning ta'kidlashiga koʻra, Oldos Hakslining "Ajib yangi dunyo" va Jorj Oruellning "1984" romanlarida Gerbert Uells distopik romanlarida qoʻllanilgan badiiy unsurlar mavjud (Booker M., 1994; Davis L., 1999).

Ikkinchi jahon urushidan keyingi davr aksariyat kitobxonlarning eng buyuk distopik romani deb hisoblagan – Jorj Oruellning "1984" romani yaratildi. Oldingi distopik romanlar bilan qiyoslaganda, J. Oruell dunyosi yanada yorqinroq va ishonarliroq edi. "Ajib yangi dunyo"dan farqli o'laroq, Jorj Oruellning "1984" asari totalitar tuzumning shafqatsizlik koʻlami va ulkanligi oshkor boʻlganidan keyin yozilgan" (Davis L., 1999, 210). Shu oʻrinda muhim bir fikrni bayon qilmoqchimizki, asr osha dunyo adabiyotshunosligida durdona asar sanalib kelinayotgan Jorj Oruellning "1984" romani Sobiq Sovet Ittifoqida kedkin tanqidga uchraydi. Asarni kitobxonlarga taqdim qilishning har qanday yoʻliga oshkora va pinhona toʻsiqlar oʻrnatiladi. Roman voqelikning barcha jabhalarini, jumladan, yagona partiya orqali insonlar ongini boshqaruvchi va nazorat qiluvchi totalitar boshqaruv olib kelgan ayanchli oqibatlarini hikoya qiladi. Shuni ta'kidlash kerakki, roman dunyo adabiyotida olamshumul rezonans uygʻotdi. Asar voqealari Okeaniya, doimiy urush holati, aholisi ong manipulyatsiyasi orqali boshqariladigan davlatda sodir boʻladi. Katta ogʻa (asardagi obraz) va kundalik ikki daqiqa nafrat keng tarqalgan oʻz-oʻzini nazorat ostida qoldirish kayfiyatini beradi: "Partiya a'zosi tug'ilganidan o'lgunicha Fikr politsiyasining kuzatuvida yashaydi. Hatto yolg'iz qolganda ham u oʻzining yolgʻizligiga ishonchi komil boʻlolmaydi. U qayerda boʻlmasin, uygʻoqmi yoki uxloq, ishlayaptimi yoki dam olayaptimi, hammomdami yoki tushakda – uni kuzatishlari mumkin, u esa bundan bexabar boʻladi. Uning hech bir harakati e'tibordan chetda qolmaydi. Uning doʻstlari, uning qiziqishlari, uning xotini va bolalariga muomalasi, yolgʻizlikdagi yuz ifodasi, uyqusida bosinqirab aytgan soʻzlari, hatto tanasining oʻziga xos harakatlari – hammasi sinchkovlik bilan oʻrganiladi" (Оруэлл Ж. 2020). Adabiyotshunos Bahodir Karim janrlar xususida fikr yuritar ekan, har qanday holatda yoki sharoitda ham eng asosiy masala muallif iste'dodiga borib taqalishini ta'kidlaydi: "Umuman olganda, har qanday janr, har qanday yo'nalishda go'zal asarlar yozish mumkin. Buning uchun istakning o'zi yetarli emas, albatta; eng tanqis ne'mat – iste'dod kerak" (Karim B., 2016, 30). J.Oruellning iste'dodi va retrospektiv qarash qobiliyati u tasvirlagan ulkan totalitar dunyoning mukammalligiga muhim hissa qo'shdi. Adib "1984" asarini yozar ekan, o'z davridagi va keyingi rivojlanishini batafsil bayon etishga urinib ko'rdi va shunday dedi: "Men asarimda ta'riflayotgan jamiyat, albatta, paydo bo'lishini istamas edim, lekin aminmanki, shunga o'xshash nimadir paydo bo'ladi. Men totalitar g'oyalar hamma joyda, jumladan, ziyolilar ongida ildiz otganiga ham ishonaman va bu g'oyalarni ularning mantiqiy oqibatlari nuqtayi nazaridan bayon etishga harakat qildim" (Orwell S., 1968, 502). Asarda hammasi batafsil tasvirlangan: dunyoning uchta ulkan kuchga bo'linishi, ijtimoiy tabaqalanish, iqtisodiyot, kuzatuv tizimi, kastalar, asar qahramoni Uinstonning bunday shafqatsiz tizimdagi kundalik hayoti, qoidalarni buzganlik uchun jazolar, til ustidan nazorat va nihoyat, inson ongi nazorati.

Yurtimiz mustaqillikka erishganidan soʻng, hukumatimiz tomonidan olib borilayotgan odilona siyosat tufayli oʻzbek kitobxonlari Jorj Oruellning "1984", Oldos Hakslining "Ajib yangi dunyo" asarlarini oʻzbek tilida oʻqish baxtiga muyassar boʻlishdi.

Postmodernizm davrida distopiya adabiyoti Oruellcha ruhda davom etadi. An'ana, ya'ni kelgusi oʻn yilliklarda rivojlanishni taqiqlash natijasida yuzaga keladigan real va aqlga sigʻadigan olamlarni yaratdi. Buker pessimizmning kengayib borayotgan tabiati haqida qoʻshimcha izoh beradi: "Agar distopiya adabiyoti, asosan, utopik ideallarga nisbatan shubha bilan yoʻgʻrilgan boʻlsa, demak, postmodern distopiyasi ham xuddi shunday shubha bilan yoʻgʻrilgan. Balki bu shubhani haqiqatda isbotlash mumkindir" (Booker M., 1994, 141). Olimning fikridan ayonki, distopiya adabiyoti insonlar tasavvur qilishi mumkin boʻlgan, lekin oʻzlari uchun xavfli real dunyoni badiiylikdagi in'ikosidir.

Distopiya adabiyotining XX asr oxiri — XXI asr boshlaridagi namunalariga yuzlanar ekanmiz, shubhasiz, Kadzuo Isiguroning ushbu janrda yozilgan asarlari diqqat markazimizda boʻladi. Zero, adibning distopiya olami oʻziga xos va betakrordir.

XX asr oxiri va XXI asr boshlari Buyuk Britaniya adabiy manzarasini Kadzuo Isiguro ijodisiz tasavvur qilish imkonsizdir. Kadzuo Isiguro — ingliz tilida ijod qiluvchi asli yapon millatiga mansub ijodkor. Adib 1954-yilning 8-noyabrida Yaponiyaning Nagasaki shahrida tavallud topgan. Yuqorida bayon etilgan distopik asar turlaridan shuni anglash mumkinki, ularning barchasida oʻziga xos distopik asar elementlari, badiiylik mezonlari ustunlik qiladi. Bu oʻziga xoslik distopik asar turlarini bir-biridan farqlashda murakkablik tugʻdirmaydi. Binobarin, Kadzuo Isiguro va uning distopik asarlarida ham ta'kidlab oʻtilgan klassik va zamonaviy distopiyalarning muayyan badiiy unsurlari mavjud. Adibning "Never Let Me Go" ("Meni qoʻyib yuborma", 2005) va "Klara and the Sun" ("Klara va quyosh", 2021) romanlarini adabiy janr tamoyillari nuqtayi nazaridan tahlil qilsak, ularda *fojiali muvaffaqiyatsizlik distopiyalari* turi elementlari ustunlik qiladi.

2005-yilda adibning "Meni qoʻyib yuborma" ("Never Let Me Go") distopik romani dunyo yuzini koʻrdi. Asarda 30 yoshli ayol Keti X.ning gʻayrioddiy maktab-internatdagi bolaligi va voyaga yetganda u va doʻstlari bilan sodir boʻlgan voqealar haqidagi xotiralari tas-virlangan. 1950-yillarda boshlangan inson tana a'zolari transplantatsiyasi uchun tirik organ

donorlarini yaratish uchun odamlar klonlanayotgan XX asr oxirida Buyuk Britaniyadagi sodir boʻlgan distopik voqea kitobxon koʻz oʻngida asta-sekin gavdalanadi. Keti va uning internatdagi do'stlari esa ana shunday donorlardir. Donor bo'lishdan oldin ularning barchasi biroz muddat "gʻamxoʻr" sifatida ishlaydi va allaqachon donorga aylanganlarga "gʻamxoʻrlik" qiladi, ularni qoʻllab-quvvatlaydi, ruhiy madad beradilar. Ilmda mavjud struktural metod an'analariga ko'ra, Kadzuo Isiguroning badiiy asar yozishdagi o'ziga xos uslubi tahlil qilinadigan boʻlsa, u hech qachon syujet tizimini tezda ochiqlamaydi va boshqa asarlarida boʻlgani kabi, asarda haqiqat darhol aniq boʻlmaydi, aksincha, asta-sekin, ishoralar orqali ochiladi. Muallif dastavval butun boshli asarni mayda qismlarga boʻladi va ularni birin-ketin birlashtiradi. "Asar oʻz farovonligimizni boshqalar hisobiga qanday ta'minlashimiz haqida boʻlib, bu bolalar butun insoniyat salomatligi uchun tashlangan qurbonlikdir", deydi adiba Margaret Etvud "Gardian" jurnaliga bergan intervyusida (https://www.theguardian.com/books/2021/ feb/20/my-favourite-kazuo-ishiguro-margaret-atwood-ian-rankin-sarah-perry). Darhaqiqat, asar roviysi Keti va uning do'stlarini belgilangan vaqti soati kelib qurbonlik "o'chog'i"ga tashlanishi va bu jarayonlar ortida hukumat elitasi, davlat boshqaruvi rahbarlari va bir qator nomdor shaxslarning turganligini anglash mumkin. Insoniylik jamiyatida yurt boshqaruyini o'z nazoratiga olib, undan razolat yo'lida foydalangan hukumat rahbarlari ya ular qurgan jamiyatni haqiqiy distopik jamiyat deb atash mumkin.

Isiguroning "Meni qoʻyib yuborma" romani kitobxonlar tomonidan takror va takror mutolaaga sabab boʻldi, inchunin, asar, avvalo, tanqidiy tasavvurni uygʻotadi, qolaversa oʻquvchini toʻgʻri oʻylashga va asarning ma'nosi haqida xulosa chiqarishga undaydi. Adibning asari futuristik vaqt mintaqasi va insoniyat kelajagiga qiziqish elementi boʻlgan *yengil distopiya* roman sifatida koʻriladi. Shvetsiyalik adabiyotshunos Gabriyella Griffin buning sababini "Meni qoʻyib yuborma" asari murakkab ilmiy tilda yozilmaganligini, balki oddiy va sodda tildan foydalanilganligini sabab qilib koʻrsatadi (Gabriele G., 2009). Adibning ushbu asari boshqa distopik asarlardan farqli oʻlaroq, maxsus ilmiy atamalar va iboralardan xoliligi bilan ajralib turadi. Qolaversa asarda inson ta'bini xira qiluvchi jinoyat, buzgʻunchilik, qotillik sahnalari yoʻq.

Kadzuo Isiguroning "Meni qoʻyib yuborma" distopik asari inson hayotining umumlashtirilgan mukammal metaforasi sifatida yaratilgan. Asar syujeti, falsafiy matnlar, qahramonlarni oʻzimizga oʻxshamasligi bizning hamdardligimizni uygʻotadi. Asar qahramonlari uchun "xayriya" qilish vazifasi oddiy odamlar uchun hayotning oxirida oʻlim muqarrarligi bilan bir xilga oʻxshaydi. Faqatgina farq shundaki, oddiy insonning hayotida muqarrar oʻlimni oldindan koʻrish imkoni beriladi, katta vaqt maydoni, turli tanlovlar bilan uygʻunlashadi. Oddiy insonda hayotdan keragicha zavqlanib qolish, oʻzining sevimli kasbiga ega boʻlish, oila qurish, farzandlar koʻrish va ularning kamolidan bahramand boʻlish kabi ustun fenomenlar mavjud.

Adibning soʻnggi "Klara va quyosh" ("Klara and the Sun") distopik romani sun'iy intellekt tilidan hikoya qilinib, u koʻp mavzularga urgʻu beradi, jumladan, *inson va insonga oʻxshashlik nima, yolgʻizlik, xurofot, hissiyot, umid, ota-ona va farzand munosabati, shaxsiy oʻziga xoslik va nihoyat oʻlim.* Asarning tili sodda, goʻyo bola tilidan oddiygina hikoya qilingan, ammo uning ostida qorongʻu oqimlar bilan toʻlqinlanadi.

"Klara va quyosh" asari kelajak jamiyatida sodir bo'ladi, u yerda badavlat odamlar

aqlli bolalarni yetishtirish uchun irsiy muhandislik amaliyotidan foydalanishga muvaffaq boʻlishadi. Biroq axborot texnologiyalarining rivojlanishi ushbu oliynasab bolalar oʻrtasida aloqa yoʻqligi sababli sun'iy doʻstlarga boʻlgan ehtiyojni tugʻdiradi. Asar roviysi Klara ana shunday sun'iy intellektlaridan biri boʻlib, uning insoniy doʻsti esa irsiy muhandislik muolajasi oqibatida noma'lum darddan aziyat chekayotgan Jozi ismli oʻsmir qizdir. Roman sevgi, ota-ona va farzand munosabatlari, sodiqlik, qurbonlik, oʻtmish, retrospeksiya, afsus-nadomat, sinfiy tabaqalanish, ijtimoiy oʻzgarishlar kabi mavzularni oʻz ichiga olib, bosh qahramon Klara insoniyatni umri davomida anglashga intiladi.

Kadzuo Isiguro ijodiga bagʻishlangan tadqiqotlardan ma'lumki, adibning 1989-yilda yaratgan "Kunning qolgan qismi" (The Remains of the Day) romani adabiyotshunoslar tomonidan shu kungacha tarixiy-realistik asar deb talqin qilib kelingan. Romanning janr xususiyati, kompozitsion qurilishiga koʻra bu fikr asosli boʻlishi mumkin. Ammo adabiyotshunoslarning e'tiboridan chetda qolib ketayotgan bir jihat borki, romanning bosh mavzusi urush va uning ortidan jamiyatda paydo boʻlgan yana bir qator muammoli masalalar, jumladan, fashizm, xalqning tabaqalanishi, millatchilik, ishsizlik, jamiyat siyosiy jarayonlari xalqning oliy tabaqa insonlari orqali boshqarilishi kabilardir.

Asar qadr-qimmat, ulugʻvorlik, sodiqlik, oʻtmish, retrospeksiya, afsus-nadomat, sinfiy tabaqalanish, ijtimoiy oʻzgarishlar, havaskor siyosatchilar, oʻz-oʻzini aldash va eng ahamiyatlisi, urush mavzularini oʻz ichiga olib, bosh qahramon Stivensning behuda yashab oʻtilgan umr yoʻliga ishora qilinadi. Roman syujeti qahramonning zaif tomonlari va notoʻgʻri mulohazalari atrofiga qurilgan. Kadzuo Isiguro "Kunning qolgan qismi" asarida qadr-qimmat, pushaymonlik va sadoqat mavzularini ta'kidlash uchun ohang, esdalik, ramziylik va bashorat kabi adabiy usullardan foydalanadi.

Antonius Balasopousning tadqiqot ishida turlarga ajratilgan distopiya asarlarini oʻrganib chiqish barobarida shunga amin boʻldikki, olim inson omilini alohida turga ajratmagan, chunonchi adabiyot tarixida shunday asarlar borki, ularda inson o'z xotirasi, o'tmishi bilan kurashishi markaziy oʻrinni egallaydi. Asar qahramoni haqiqatni tan olgisi kelmaydi yoxud hammaga ravshan haqiqatdan koʻz yumadi. Aslida eng katta fojia - insonning haqiqatdan tonishi. Biz tadqiqotimizda distopik asarlarning oltinchi guruhiga inson fojiasi distopiyasi turini kiritdik. Demak, distopiya asarlari falokat, fojia yoki tanazzul belgilari mavjud boʻlgan dahshatli olamning tasviridir. Agar distopiya romanlarida voqealar sodir boʻlgan yoki yaqin kelajakda sodir boʻlishini inobatga oladigan boʻlsak, biz tahlilga tortayotgan adibimiz Kadzuo Isiguroning "The Remains of the Day" ("Kunning qolgan qismi") asari vaqealari oʻtmishda sodir boʻlgan, lekin muqarrar tanazzul va xotira azoblari bilan yoʻgʻrilgan hikoyadir. Muallifning ushbu asarini distopik asar janr xususiyatlari asnosida tahlil qilganimizda, bosh qahramon orqali shaxs va jamiyat oʻrtasidagi nosogʻlom muhit, ziddiyatlar, sinfiy tuzilish, tabaqalanish va nihoyat urush mavzulari mavjudligining guvohi boʻldik. Shu bois, adabiyotshunoslikda ilk bora adibning "Kunning qolgan qismi" romanini badiiyati "distopik roman" maqomida oʻrganildi, tahlil va talqin qilindi.

Adibning "Never Let Me Go" ("Meni qo'yib yuborma") va "Klara and the Sun" ("Klara va quyosh") asarlari vaqealari noma'lum kelajakda sodir bo'ladi va ularni *fojiali mu-vaffaqiyatsizlik distopiyalari* turiga kiritdik.

XULOSA

Distopiya adabiyotida azob va sitamlarga bardosh berayotgan xalq irodasi, ezilgan, toptalgan qalb gʻalayoni, ozodlikni, xurlikni qoʻmsagan ong talvasasi, chorasizlikdan, nochorlikdan oʻzlikka qarshi borgan vijdon aksi oʻz ifodasini topadi. Ingliz distopiya adabiyotining yirik vakillari Gerbert Uells, Edvard Morgan Forster, Oldos Haksli, Jorj Oruell – distopik roman mualliflari oʻz asarlarida hayotiy haqiqatlarni badiiy unsurlar orqali ta'sirchan va hayotiy haqiqatga sodiqlik mezoni asosida ifodalashga, shu orqali kitobxon qalbiga yetib borishga harakat qildilar.

FOYDALANILGAN ADABIYOTLAR RO'YXATI

- 1. Жорж Оруэлл. 1984. Таржимон: Карим Бахриев. Тошкент: Nihol, 2020. 296 б.
- 2. Олдос Хаксли. Ажиб янги дунё. Таржимон: Рафик Ўзтурк. Тошкент: Нихол, 2021. 258 б.
- 3. Карим Б. Рухият алифбоси. Тошкент: Ғафур Ғулом номидаги нашриёт-матбаа ижодий уйи, 2016. Б. 30.
- 4. Саидов У. Европа маърифатчилиги ва миллий уйгониш. Т.: Шарк, 2004. Б. 90.
- Йўлдошев Қ. Эрк ва исён рухи аск этган достон. //Жаҳон адабиёти журнали, 2023. № 2. Б. 25.
- 6. Бахтин М.М. Вопросы литературы и эстетики. М.: Изд. Художественная литература, 1975. С. 447.
- 7. Замятин Е.И. Мы. Москва, Издательство ACT, 2022. 224 с.
- 8. Young M. (2011-10-22). Why is dystopia so appealing to young adults? *The Guardian*. ISSN 0261-3077.
- 9. Aggeler G. Anthony Burgess. The artist as novelist. University, Alabama: University of Alabama Press. 1979. P. 245
- 10. Balasopoulos A. Anti-Utopia and Dystopia: Rethinking the Generic Field, Utopia Project Archive, 2006-2010. Athens: School of Fine Arts Publications, 2006. P. 59-67.
- 11. Booker M.K. The dystopian impulse in modern literature: Fiction as social criticism. London: Greenwood Press, 1994. P.25.
- 12. Burgess A. A clockwork orange. W.W. Norton & Company, New York. 2005. 213 p.
- 13. Davis L. At Play in the Fields of Our Ford: Utopian Dystopianism in Atwood, Huxley, and Zemyatin, Transformations of Utopia: Changing Views of the Perfect Society. George Slusser, et al eds. New York: AMS Press, 1999. P. 205-214.
- 14. Gabriele G. Science and the Cultural Imaginary: the Case of Kazuo Ishigoro's Never Let Me Go. Textual Practice 23(4), 2009. 653. https://doi.org/10.1080/09502360903000570)
- 15. Gottlieb E. Dystopian fiction east and west: universe of terror and trial, Montreal: McGill-Queen's Press-MQUP, 2001. P. 13, https://books.google.cz/books?id=gmABBAAAQBAJ&.
- 16. Kazuo Ishiguro. Never Let Me Go. London: Faber and Faber, 2005. 282 p.
- 17. Kazuo Ishiguro. Klara and the Sun. London: Faber and Faber, 2021. 340 p.
- 18. Newman B. A Clockwork Orange: Burgess and Behavioral Interventions, Behavior and Social Issues, Fall/Winter 1991, Vol. 1, November 2. P. 61-70.
- 19. Orwell G. Nineteen eighty four. London, Secker and Warburg, 1948. 328 p.
- 20. Orwell S., Ian Angus I. George Orwell, The Collected Essays, Journalism and Letters, Volume IV In Front of Your Nose. London: Secker & Warburg, 1968. P. 502.
- 21. Parrinder P. Science Fiction: Metaphor, Myth or Prophecy? Science Fiction, Critical Frontiers, 2000, London: Palgrave Macmillan UK. P. 23–34.
- 22. Seele P. The Long Shadow of Fatalism: a Philosophical Speculation on Forster's "The Machine Stops" (1909) on the Disintegration of Technologically Advanced Societies Back Then and Today. Philosophy of Management (2021) 20, Published online: 10 February

- 2021. 431-439 p.
- 23. Wells H.G. The time machine. 2002, Signet Classics, New York. 118 p.
- 24. Wells H.G. The Sleeper Awakes. 2006, Penguin Classics, London. 288 p.
- 25. Sargent L.T. Themes in Utopian Fiction in English Before Wells. Science Fiction Studies. 3 (3), 1976. P. 6.

REFERENCES

- 1. George, Orwell. (2020) 1984. Translator: Karim Bahriev. T.: Nihol publishing house. 298 p.
- Aldous, Huxley. (2021) Brave New World. Translator: Rafik Ozturk. Tashkent: Nihol publishing house. 258 p.
- 3. Karim, B. (2016) The alphabet of the soul. Tashkent, publishing house named after Gafur Ghulam printing creative house. P. 30.
- 4. Saidov, U. (2004) European Enlightenment and National Awakening. T.: Sharq. P. 90.
- 5. Yuldashev, K. (2023) It is a story about free will and the spirit of rebellion. //Journal of world literature. Issue 2. P. 25.
- 6. Bakhtin, M.M. (1975) Questions of literature and aesthetics. Moscow: Publishing house "Fiction". P. 447.
- 7. Zamyatin, Y.I. (2022) We. Moscow, AST Publishing House. 224 p.
- 8. Young M. (2011-10-22). Why is dystopia so appealing to young adults? *The Guardian*. ISSN 0261-3077.
- 9. Aggeler, G. (1979) Anthony Burgess. The artist as novelist. University, Alabama: University of Alabama Press. P. 245
- 10. Balasopoulos, A. (2006) Anti-Utopia and Dystopia: Rethinking the Generic Field, Utopia Project Archive, 2006-2010. Athens: School of Fine Arts Publications. 59-67 pp.
- 11. Booker, M.K. (1994) The dystopian impulse in modern literature: Fiction as social criticism. London: Greenwood Press. P.25.
- 12. Burgess, A. (2005) A clockwork orange. W. W. Norton & Company, New York. 213 p.
- 13. Davis, L. (1999) At Play in the Fields of Our Ford: Utopian Dystopianism in Atwood, Huxley, and Zemyatin, Transformations of Utopia: Changing Views of the Perfect Society. George Slusser, et al eds. New York: AMS Press. P. 205-214.
- 14. Gabriele, G. (2009) Science and the Cultural Imaginary: the Case of Kazuo Ishigoro's Never Let Me Go. Textual Practice 23(4), 653. https://doi.org/10.1080/09502360903000570)
- Gottlieb, E. (2001) Dystopian fiction east and west: universe of terror and trial, Montreal: Mc-Gill-Queen's Press-MQUP. P. 13, https://books.google.cz/books?id=gmABBAAAQBAJ&.
- 16. Ishiguro, K. (2005) Never Let Me Go. London: Faber and Faber. 282 p.
- 17. Ishiguro, K. (2021) Klara and the Sun. London: Faber and Faber. 340 p.
- 18. Newman, B. (1991) A Clockwork Orange: Burgess and Behavioral Interventions, Behavior and Social Issues, Fall/Winter, Vol. 1, November 2. P. 61-70.
- 19. Orwell, G. (1948) Nineteen eighty-four. London, Secker and Warburg. 328 p.
- 20. Orwell, S., Ian Angus I. (1968) George Orwell, The Collected Essays, Journalism and Letters, Volume IV In Front of Your Nose. London: Secker & Warburg. P. 502.
- 21. Parrinder, P. (2000) Science Fiction: Metaphor, Myth or Prophecy? Science Fiction, Critical Frontiers, London: Palgrave Macmillan UK. P. 23–34.
- 22. Seele, P. (2021) The Long Shadow of Fatalism: a Philosophical Speculation on Forster's "The Machine Stops" (1909) on the Disintegration of Technologically Advanced Societies Back Then and Today. Philosophy of Management 20, Published online: 10 February 2021. 431-439 p.
- 23. Wells, H.G. (2002) The time machine. Signet Classics, New York. 118 P.
- 24. Wells, H.G. (2006) The Sleeper Awakes. Penguin Classics, London. 288 p.
- 25. Sargent, L.T. (1976) Themes in Utopian Fiction in English Before Wells. Science Fiction Studies. 3 (3). P. 6.